

თ ვ ი უ რ ი ე უ რ ნ ა ლ ი



„დიდება შენის ქვეყნისა  
იგვი შენი დიდება“

შ ა ლ ი შ ა დ ი პ ი რ ვ ე ლ ი

ს.ს. VI და VII

იგნისი და ივლისი

თ ბ ი ლ ი ს ი

სტამბა ექ. ივ. ხელაძისა, ლორის-მელიქოვის ქუჩა, № 28.

1901

1. სურათი ყოვლად-სამღვდელო ლეონიდისა . 523.
2. პატარა კახი (მეფე ირაკლი II-ის ახალგაზღვობა) 525.
3. ისტორიული დამაკვირდები, ბ. ე—სა . . . 528.
4. სოფელი ნინო-წმინდა და მისი ნაშთი, სურათით 529.
5. ვარძიის მონასტერი მესხეთში, სურათით . 533.
6. ბუმბერაზნი ჩვენის მთებისა, სურ., თ. ფალავანდი-  
შვილისა . . . . . 537.
7. ამირანი, ლეგენდა, მ. გობეჩიასი . . . 545.
8. ისტორიული და გეოგრაფიული აღწერა ჰერეთისა,  
ინგილო ჯანაშვილისა. . . . . 552.
9. გურია, კ. გვარამაძისა . . . . . 565.
10. ბორჩ. მაზ. და მასში მცხოვრები ქართველები, ბ. 575.
11. წმ. მოღვაწე ნინო, ვინმე მესხისა . . . 580.
12. დავით აღმაშენებელი, ლასურიძისა . . . 594.
13. რუსუდანი, ისტორ. დრამა ხუთ მოქმედებად . 606.
14. იანიჩარი, ისტორიული დრამა, მესამე მოქმედება,  
დ. ნახუცრიშვილისა . . . . . 649.
15. ანტონი I, კათალიკოსი, თ. ჯორდანიასი, რუსუ-  
ლიდამ თარგმანი კ. ანთაძისა . . . . . 655.
16. ყოვლად სამღვდელო ლეონიდის მოღვაწეობის მო-  
კლე განხილვა, თ—ტ—ელი--სა . . . . . 663
17. კონსტანტინე იაკობის ძე ზუბალაშვილი და მისი  
გვარის ისტორია, ზ. ჭ.-სა . . . . . 682.
18. ლეგენდა მეფე ირაკლიზე, ვარდენ ყიფიანისა . 697.

ივნისი 6 ივლისი № № 6 7 1901 წელი

9(05)

2802

# მ ო გ ზ ა უ რ ი

პ-23823

ისტორიულ-ანტიკოლოგიური და გეოგრაფიულ-ეტიმოლოგიური სურათებიანი ჟურნალი, გამოვა ყოველისთვის პირველს რიცხვებში.

წლიური ფასი ჟურნალ „მოგზაური“-სა გაგზავნით არის 5 მანეთი. ვინც ხუთ მანეთს სრულად შემოიტანს, გაეგზავნება დიდი სურათი ქაჯარა კახისა.

ხელის-მოწერა მიიღება „წერა-კითხვის გამავრცელებელ საზოგადოების“ მაღაზიაში, ი. იმედაშვილის წიგნის მაღაზიაში და თვით რედაქტორთან, დავითის ვიწრო ქუჩაზედ, № 20. აქვე შეიძლება ნახვა რედაქტორისა ყოველ დღე შუადღის შემდეგ 4—7 საათამდე.  
ადრესი: Тифлисъ, въ редакцію „МОГЗАУРИ“.

რედაქტორ-გამომცემელი ივანე ზ. დოსტომაშვილი.



თ ბ ი ლ ი ს ი

სტამბა ექ. ივ. ხელაძისა, ლორის-მელიქოვის ქუჩა, № 28.

1901

*Дозволено цензурою. Тифлисъ, 28 Мая, 1901 года.*



ეოვლად-სამღვდელო ღუთსიდე, ეპისკოპოსი  
თბილისა (იხ. ქვეით).

# პატარა კახი

(მეფე ირაკლი ახალ-გაზდობაში).

(„მოგზაური“-ს რედაქციისგან გამოცემული სურათის გამო).

„ზატანა კახა“-ს სურათი ამ რამდენისამე წლის წინად გადმოიღო ფოტოგრაფიით ძველი ნახატიდამ განსვენებულმა **პ. როინოვმა**. ჩვენ იგი გავადიდეთ, გავამშვენეირეთ, მაგრამ ისე კი, რომ მცირედაც არ შეგვიცვლია საზოგადო სახე მხატვრობისა. რედაქციამ იღონა ყოველი საშუალება, რომ სურათი კარგი გამოსულიყო და, როგორც მნახველიც დარწმუნდება, ცდამ, გვგონია, მუქთად არ ჩაგვიარა. ეს სურათი ჩვენ გამოვეცით „მოგზაური“-ს სრულ ხელის-მომწერთათვის, მაგრამ, რადგანაც სურათის გამოცემა საკმაოდ ძვირად დაგვიჯდა, ვსთხოვეთ გზის ხარჯი თვითონ იკისრონ და ამისთვის ფოსტის აბაზიანი მარკა გამოუგზავნონ რედაქციას...

პრა ხელის-მომწერთათვის სურათი ღირს გავზავნით 1 მან. და 20 კაპ. (თბილისში ისყიდება ქართულ წიგნების მაღაზიებში და ღვეთ ზაბრუაშვილის საპარიკმახეროში, გოლოვინის პროსპექტზედ, „პურ-ღვინო“-ს გვერ-დით).

შინც ათს ცალზედ მეტს იყიდის, დაეთმობა 20%.

მოგვეყავს აქ მოკლე ცნობაც ირაკლი მეორის ყმაწვილობის შესახებ.

1712 წელს მეფე თეიმურაზ მეორემ შეირთო მახტანგ სჯულ-მდებელის ასული თამარი, რომლისგანაც 1716 წელს იშვა ირაკლი. თოთხმეტი წლისა არც კი იყო ირაკლი, რომ მამამ იგი ქახეთის ლაშქრის სარდლად დანიშნა. 21 მან (ირა-

კლიმ) ზედი-ზედ რამდენჯერმე დაამარცხა და მოსრნა ძახეთის დაუძინებელნი მტერნი—ლეკნი და დაიმსახურა წოდება **ჯატარა კახი**.

თუმცა ირაკლი მაშინ ჯერ კიდევ მცირე-წლოვანი იყო, იგი მაინც რა საქმესაც იქმოდა **ფაღავნის შესადარისს აქმდა**,—ამბობს მისი თანამედროვე მეისტორიე. მამულსაც ამ დროს სწორედ ასეთი ფაღავანი ეჭირებოდა: საქართველოსთვის საჭირო იყო **გმირი საგმიროთა მქნელა** და აი შეთამაც მოუვლინა მას ნუგეშ-დიდება, მამაცთა შორის საკვირველება—**ჯატარა კახი**.

ბავიხსენოთ ორიოდე სხვა ამბავიც.

ინდოეთის ლაშქრობაში **ნადირ-შაჰს** სხვათა შორის თან ახლდა ერთი რაზმი ქართველებისა ახალგაზდა ირაკლი ბატონიშვილის წინამძღოლობით. აქ ქართველებმა და ირაკლიმ ისე მოაწონეს თავი **შაჰ-ნადირს**, რომ შიგ გაცხარებულს ომში, იგი გადმოხტა ცხენიდან, შეიხსნა წელიდამ ძვირფასი ხმალი, შემოარტყა ირაკლის და უთხრა: „შენ და შენმა ქართველებმა ისე მომაწონეთ თავი, რომ ამ დიდს ომშივე მინდა მადლობა გადაგიხადოთ: ეს ხმალი თქვენი იყოს ჩემდა სახსოვრად“—ო!..

აღსანიშნია შემდეგი ამბავიც: ინდოეთის ლაშქრობიდან დაბრუნების შემდეგ, **შაჰ-ნადირი** მოადგა **სინდეთის** სამეფოს (არაბეთის ყურის პირად) და გადასწყვიტა მისი დაპყრობაც. მაგრამ აქ მან ნახა ერთი მაღალი ქვის სვეტი, რომელზედაც ეწერა: „ვინც ამ მიჯნას გადავა სამეფოს დასაპყრობად, მას საუკუნო სიკვდილი და შეჩვენება მოეღის“—ო!

ღაღონდა ცრუ-მორწმუნე **შაჰ-ნადირი** და ვერ გადაეწყვიტა—დაუჯეროს მუქარას და უკუ-იქცეს, თუ გადალახოს მიჯნა და დაიპყრას **სინდეთი**. მოიწვია ნაზირ-ვაზირნი და ყველამ ურჩია უკან დაბრუნება. მაგრამ **შაჰ-ნადირს** მეტად უმძიმდა უკუ-ქცევა და ახლა ირაკლის მიმართა: „შენ რაღას იტყვი გურჯთ ბატონიშვილო?“

ირაკლიმ მოახსენა: „აქ არაფერია, დიღო შაპო, განსაკუთრებული; თუ მაგრე გაფიქრებს ეგ წარწერა, უბრძანე მოსთხარონ სვეტი, აჰკიდონ აქლემს ანუ სპილოს, წავიმძღვაროთ წინ და ასე დავიპყრათ სინდეთი“!..

შაჰ-ნადირს ისე მოეწონა ირაკლის სიტყვები, რომ მან მაშინვე მრძანა სვეტის მოთხრა, აჰკიდეს სპილოს, გაიმძღვარეს წინ და დაიპყრეს კოდეც სინდეთი.





## ისტორიული დამაკვირდები.

წარსულის ცოდნა იგივე კომპასია, რომელსაც ზღვებზე მოგზაურობის დროს ხმარობენ. ამიტომ, რომელ მოღვაწესაც სურს თავისი ერის დაწინაურება და წინსვლა, მან წინ ეს კომპასია უნდა გაიმძღვაროს.

\*  
\*  
\*  
რა გინდ მიწასთან იყოს გასწორებული წარსული დიდების ნანგრევები, საძირკველი მათი მაინც ივარგებს უკეთესის მომავლის ასაგებად...

\*  
\*  
\*  
შოველი ქვა წარსულის დიდების ნანგრევებისა, ყოველი ძვალი ჩვენის მამა-პაპების აკლდამებისა სულ იმას გაიძახის, რომ შურმა და ორგულობამ დაგვლუპაო, მაგრამ ჩვენ მაინც არ ვეხსნებით ამ დაწყევლილ ისტორიულ ჩვეულებას...

\*  
\*  
\*  
რაც უნდა არარაობა იყოს ჩვენი წარსული, მაინც მისი სხივი გვინათებს მომავლის გზას...

\*  
\*  
\*  
სხვა-და-სხვა ერები და ხალხები მთელი კაცობრივის ტოტებია; შეაჭერთ ეს ტოტები და კაცობრიობაც დიდხანს ვერ იბოგინებს, სწორეთ ისე, როგორც ტოტებს მოკლებული მდინარე დიდს მანძილს ვერ გაივლის.

ბ. ე.



## სოფ. ნინო-წმინდა და მისი ნაშთი.


სოფელი ნინო-წმინდა გაშენებულია ცივ-გომბორის სამხრეთ მომალლო სერებზე ივრის ხეობაში, მდინარის მარცხენა კილით, დაახლოვებით 45 ვერსზე ქ. თბილისიდან. აქ ითვლება ორას კომლამდის მცხოვრები ქართველი და აქვთ სამრევლო სასწავლებელი, რომელშიაც სწავლობს 40-დის შევირდი, ჰყავთ საკუთარი მასწავლებელი და მღვდელი. უკანასკნელის სახელი და გვარი გახლავთ ალექსი ბულისა-შვილი, სასულიერო სემინარიაში სწავლა-დამთავრებული. იგი ცნობილია ჩვენს მწერლობაში არქეოლოგიურის წერილებით ივრის ხეობის ზოგიერთ ნაშთების შესახებ. მაგ., ნინო-წმინდა „დროების“ 1884 წლის № 225-ში, ბოქორძის ციხე—1885 წლის № 8-ში, ნოტკორზე და არჩილ მოწამე მეფეზე — „ივერიის“ 1899 წლის № 141-ში, ამ წლის „სასულიერო მოამბეში“ და სხვ.

როგორც სურათიდანაც კარგად დაინახავს მკითხველი, სოფელი ნინო-წმინდა შესანიშნავია თავისი ძველის ტაძრით და მალაღის კოშკით, რომელზედაც ჩვენს იქ ყოფნაში, 1-ს მკათათვეს 1900 წ., ვნახეთ ირაკლი მეფის დროინდელი გრძელი, ვიწრო ლულიანი ზარბაზანი. ურიგო არ იქნებოდა, რომ იგი ან თბილისის სიძველეთა საცავში გადმოეტანათ და ან ადგილობრივ ეკლესიის ქონების დავთარში შეეტანათ იგი, რათა ვინმემ არ წაიღოს იქიდან და არ დაიკარგოს. ბატონიშვილის მახუშტის გეოგრაფიაში ნინო-წმინდის შესახებ ვკითხულობთ შემდეგსა:

„საგარეჯოს დასავლით ერთვის იარს ნინო-წმინდის ხევი. ამ ხეზედ არს ნინო-წმინდა, ეკლესია დიდ-შენი, გუნათაა-

ნი, რომელი აღაშენა გორგასალ და დასვა ეპისკოპოზი, და ზის აწამდე, მწყემსი ამ ქვეუნისა ქისიუამდე“.

როგორც ჰხედავთ უბრალო სოფელი არ ყოფილა ნინო-წმინდა; მთელი ათას-ორასი წლის განმავლობაში იგი იყო



ნინო-წმინდის ძველი ტაძარი და კოშკი.

ადგილ-საბრძანებელი ეპისკოპოზისა, რომელიც ჩვენს იერარქიაში იწოდებოდა ნინო-წმინდელად. მას ეკავა ადგილი ქუ-

მურდოს (იხ. „მოგზაური“ № 2, გვ. 103) ეპისკოპოსის შემდეგ (მეფის მარცხნივ სხდებოდნენ ამ რიგით: ჭყონდიდელი, ალავერდელი, შიზიყისა, ქუმურდოსი, ნინო-წმინდისა და სხვ.).

ტადარი საკმაოდ დიდი ყოფილა: სიგრძე ჰქონია 12 და სიგანე 9 საჟენი. როგორც თვით სურათიდანაც გაარჩევს მკითხველი (მარცხენა მხარეს), გარედამ ეკლესია წარმოადგენს ნამდვილს გოდოლს, აშენებულს დიდრონის ლოდებით; ამ გარემოებას უნდა მიეწეროს ის ამბავი, რომ საკურთხევლის კედლები და თალი ამ 1500 წლის განმავლობაშიაც დღევანდლამდე მთელად შენახულა.

პლატონ იოსელიანი ამბობს, რომ ნინო-წმინდის ძველი ტადარი თავდაპირველად საკერპო იყოვო და ეკლესიად თვით წმ. ნინოს დროს იქმნა ნაკურთხიო. პირველად იგი უგუნბათო იყოვო, მაგრამ 1750 წლებში ეპისკოპოსმა მიქელმა დაადგა მას მალალი გუმბათი, რომელმაც თუმცა დიდად დაამშვენა ტადარი, მაგრამ დიდადვე დაამძიმა იგიო. 1771 წელს მეფე ირაკლი ობილისიდან სიღნაღს მიდიოდა და გზად ნინო-წმინდაში შეიარა. ეპისკოპოსმა თავმომწონედ მიაქცია მეფის ყურადღება ამ ახლად დადგმულ მშვენიერ გუმბათზე, მაგრამ მეფემ უბრძანა: „ტადარი მართალია გაგიმშვენებია, მაგრამ მოგიკლამს-კიო!“ ზავიდა სწორედ 70 წელიწადი— განაგრძობს იოსელიანი და ასრულდა სიტყვები ბრძენის მეფისა: 1824 წლის მიწის-ნძრევის დროს, ათას წლოვანმა კედლებმა ველარ შეიმაგრეს მეტი ტვირთი და თალი და გუმბათი საშინელის გრიალით ძირს წამოვიდა... აღდუმდა მას შემდეგ დიდის ჰახტანგის ქეკლი და ტაძრის წმ. ნინოს ხატი ობილისის სიონის ტაძარში გადმოიტანეს.

შიგნიდამ ეკლესია მთლად მოხატული ყოფილა; საკურთხევლის კამარაზედ დღესაც ცხადად სჩანს ლეთის-მშობლის და მისის ძის უშველებელი სურათი, სიმაღლით 1<sup>1</sup>/<sub>2</sub> და სიგანით 1 საჟენამდის, ხატები ზაბრიელ და მიქელ მთავარ-ანგელოზებისა წარწერებით:



# ვარძიის მონასტერი მესხეთში

(ახალციხის მაზრაში)

**გადმოა** არის შესანიშნავი მონასტერი საქართველოსი, მდ. მტკვრის მარცხენა კიდის მაღალს კლდეში გამოკვეთილი, ხერთვისს ზემოთ, 1.5 ვერსზე. მის აღშენებას მიაწერენ **თამარ** მეფის მამას მეფე **გიორგი III**-ეს (1156—1184), მაგრამ ზოგიერთები ფიქრობენ, რომ მონასტერი არსებობდა აქ უკვე მე-VII საუკუნიდამაო. **თამარ** მეფემ გამოაკვეთინა აქ საკმაოდ მოზრდილი ეკლესია, რომელიც დღევანდლამდე მთლათ მოხატულია მაშინდელის მხატვრობითა. ხატებს შორის აღსანიშნია უშველებელი ხატი ღვთის-მშობლისა, რომელსაც უკავია საკურთხეველის მთელი კამარა. სამწუხაროთ ამ ჟამად სწორეთ იმ ადგილას კლდე გარღვეულა და სახე ღვთის-მშობლისა დაზიანებულა. საქირთა ყურადღება მიექცეს ამას და ნაპრალი შეკეთდეს, თორემ შეიძლება ამან მთელი ეკლესიაც დააზიანოს. აქვეა აქამომდე დაცული სახენი **თამარ** მეფისა, მისი მამის **გიორგი** მეფისა და **თამარის** შვილებისა—**ლავასი** და **რუსუდანისა**. წარწერა ამ ეკლესიისა მოიხსენებს მეფეთამეფეს მთელის აღმოსავლეთისას **გიორგის** **ღიმიტრის** ძესა და ასულსა მისსა **თამარსა**.

ამ ჟამად **ვარძიის** მონასტერი, წარმოადგენს შემდეგს სურათს: წარმოიდგინეთ, სულ რამდენსამე ნაბიჯზედ, მტკვრის მარცხენა კიდიდამ, სიმაღლით ას საჟენიანი კლდე, რომელიც შუა ვულში შესდგება მორბილო მჭადა ქვისგან; ეს ქვა იმდენად რბილია, რომ ადვილია მასში გამოქვაბულების გამოკვეთა; ფიქრობთ, რომ ეს გარემოება იყო უმთავრესი მიზე-



ვარიძის მონასტერი მესხეთში (ახალ-ციხის მარჯვნივ).

ზი აქ სავანის გამოკვეთისა და დაფუძნებისა, რადგანაც, სადაც-კი გვინახავს იქით მხარეს გამოკვეთილი გამოქვაბულნი, სულ ასეთ ნიადაგში გვინახავს; ხოლო, თუ ვარძია გაცილებით სჭარბობს სხვა ამ გვარ გამოქვაბულებს რიცხვითა და სივრცით ეს იმით აიხსნება, რომ, გვერდია, არსად მთელს საქართველოში არ მოიპოვება მასზედ დიდი კლდე ასეთის რბილის და ერთიანის მიწალით.

ვახუშტი ასე ასწერავს ვარძიას: „**მარზამეთს** ზეით არს **ვარძიას** მონასტერი, კლდესა შინა გამოკვეთილი, სენაკ-პალატებითურთ და მას შინა აღშენებული 61 მეფის ბიორგისაგან და შესრულებული **თამარ** მეფისაგან. მსე შემკული იყო საეკლესიოს სიმდიდრითა და ყოვლის წესიერებითა. დაფლულ არიან 61 მეფე ბიორგი (1156—1184), 75 მეფე კონსტანტინე (1407—1414) და სხვანიცა, არამედ აწ ცალიერი“.

ასეთი სიმდიდრე ვარძიისა მუდამ იზიდავდა მტაცებელ ბარბაროსთა ყურმდლებას და ამიტომ მონასტერი მრავალ ჯერ ყოფილა აფორიაქებული. მაგალითად, მე-XIV ს-ში იგი ააფორიაქეს ტამერლანის ურდოებმა, ხოლო 1551 წ.—სპარსელებმა. იმ დროის მაჰმადიანთა ისტორიკოსი ისკანდერ-მუნჯი ასე აგვიწერს ვარძიას: ვარძიის კლდეში გამოკვეთილი ტაძარი საკვირველი ქმნილებააო. იგი ჩათვლება სასწაულად კაცის ხელოვნებისა და ჭკუისა. აქ იდგა ხალას ოქროსგან ჩამოსხმული ხატი, შიგა და შიგ შთათხილი ძვირფას ქვებითაო. ხატზე გამოყვანილის წმიდანის თვალების ადგილას ჩასმული იყო ორი ლალი, ღირებული თითო 50 თუმნად. ამ კლდეში გამოხვერეტილს ქალაქში 700-ზე მეტი პალატ-სენაკია და მათ შორის, ეკლესიის გარდა არისო მეფის სასახლე, სალარო, სასამართლოს პალატნი, საპყრობილე და სხვა“. მონასტრისთვის წყალი გამოყვანილია მილით შიგ კლდეში იაილის წყაროდგან, რომელიც ვარძიაზე დაშორებულია 3 ვერსით. აქ ასაფლავია გვამი მეფე კონსტანტინე I-ისა, რომ-



მელიც 1414 წელს მოკლულ იქმნა მაჰმადიან თურქებთან ომში. შარძიის ოთხ-თავი (სახარება) ამ ჟამად ინახება ზელათის მონასტერში. ახლა აქ ცხოვრობს ერთი წინამძღვარი რამდენიმე მორჩილით. ღლეობა შარძიისა იცის 15 მარიაშობის თვეს. შინმე მესხი ზვარამაძე შარძიის შესახებ გვწერს შემდეგსა: „პარწახი (ახლა სომხები ცხოვრობენ), ზედა-ვარძია და ამათი მოყოლება მტკვრის გაღმა-გამოღმა მხარი, სულ შარძიის შეწირულობა ყოფილა, ვენახებით, ბოსტნეებით და ბაღჩეებით; მეფის სამსაჯულოსთან სამწირველო ტრაპეზზედ ყოფილა წარწერილი მხედრულად, მაგრამ მტრებს ამოუმტვრევიათ, რამდენიმე სტრიქონი ნაწყვეტ-ნაწყვეტი კიდევ ეტყობა; ამისი გუჯარიც ყოფილა; ეს გუჯარი ინახებოდა პატარა ოთხთველ მანველიძე ოვედორე მღვდლის სახლში, რომელიც ადრე ჭოთელიის მღვდლად ყოფილა. 1846 წელს მღვდლის შვილმა სვიმონ მანველიძემ ზოგაშნელებს (სოფ. ზოგაშენი მდებარებს შარძიის პირის-პირ მტკვრის მალაღს კიდევზედ) გარდასცა ეს გუჯარი, სამაგიეროდ ბედაური ცხენი აჩუქეს ზოგაშნელებმა და ადგილობრივ ბლალოჩინს ზ. ზამრეკელოვს მოართვეს სიხარულითა. შრთს ხანს მიწერ-მოწერაც გაიმართა, მაგრამ მალე ჩაყრუვდა საქმე. ბლალოჩინი გამოიცვალა და საქმე საბლალოჩინოში დარჩა, თუ ობილისს საეკზარხოსო არხივში, აღარა ისმის რა. ამბობენ, სომხის ქარაპეტ ეპისკოპოსს შეუსყიდა იგი 18,000 მანეთად, ვისგან, არ არის ცხადი“.



## ბუმბერაზნი ჩვენის მთებისა—იალბუზი. \*)

უფრო მაღალია ჩვენის მთების ბუმბერაზი იალბუზი. ის სდგას მარტოდ, ქავკასიის მთა-გრებილის მოშორებით, მაგრამ მის წვერზედაც არა ერთხელ ასულა კაცი. პირველად ავიდა ინგლისელი ზრეშფილდი 1868 წელს, შემდგომ ბროვე 1874 წ. და უნგრეთელი ღემი 1884 წ. უკანასკნელად ორჯერ ავიდა იალბუზზე „მოგზაური“-ს მკითხველებისთვის უკვე ცნობილი ა. ვ. პასტუხოვი. ის პირველად ავიდა 1890 წ. იალბუზის აღმოსავლეთის მხრიდგან, მეორედ 1896 წ.—დასავლეთიდგან. პირველ ასვლაში პასტუხოვს ისეთი ამბავი შეემთხვა, რომ სულ-მოკლე კაცს სამუდამოდ გულს აუცრუებდა ასეთ საქმეზე, მაგრამ ასეთი არ იყო პასტუხოვი. მაგრამ, უმჯობესია თვით პასტუხოვის ნაამბობი მოვისმინოთ:

„მოვიდა ჩვენთან ორი სვანი, რომელნიც მიდიოდნენ სამუშაოდ სოფელ შრუსბიევში. როდესაც ვისაუზმეთ და დავისვენეთ, შევსხედით ცხენებზედ და გავუდექით გზას. სვანები ქვეითად მოდიოდნენ, მაგრამ მინც დაგვეწივნენ და წინ წავიდნენ. არ გაგვევლო 50 საჟენიც, რომ ერთი სვანი

---

\*) იალბუზი უდიდესი და უმაღლესი მთაა კავკასიის მთებში. იგი ამართულია სვანეთის გადაღმა და შესდგება ორი წვერისგან: დასავლეთის წვერი უმაღლესია და შეიცავს 18,595 მწერტას ზღვის მაღლა, ხოლო აღმოსავლეთისა, ცოტა უფრო დაბალია და შეიცავს 18,431 მწერტას ზღვის მაღლა. ყაზბეგისა, არაკატისა და ალაგოზის მწვერვალების მსგავსად, იალბუზიც სანძარის ნაყოფია. წვერიდამ იალბუზს ჩამოსდგეს რამდენიმე უინვარი (ледникъ). მათში აღსანიშნია შემდეგნი: ბასკანისა (7,350 მწერტა), ტერსკოლი (8600), ირიკი (8300), ულუკამი (8720) და კიხკინაკელი



ბუმბერაზის ჩვეულებრივი მთებთან — აბაღუბი.

შეჩერდა, თითოთ რაღაცას მანიშნებდა და მიძახოდა. როცა მიველ მასთან, დავინახე ჩაქცეული ყინული და სამი საყენის სიღრმეზედ ცოცხალი ცხენი. მე მოვატანინე რკინის ნიჩბები და ჩავთხარეთ ნაპირებიდგან თოვლი. ბაკეთდა ფერდობი, რომლითაც ჩავუშვით ერთი სვანი. მან მოჰკიდა აღვირს ხელი და ცხენმაც ერთს წუთს ამოჰყო თავი ყინულის ზედა ნაპირზედ. შევლას დიდად გაგვიხარდა ცხენის გადარჩენა. მართი სვანი იკვებოდა, რომ კარგად ვიცი გზაო, წაიყვანა გადარჩენილი ცხენი და გზა-გაურჩევლად ჩაიყვანა ქვევით. მე შევაჩერე ის, მივეცი ხელში შუბი და ვუბრძანე წასულიყო ყინულის სინჯვით და ნელა. ის წავიდა წინ და ჩვენც ცხენებით მივსდევდით მწკრივად შორი-ახლო. მაგრამ ჯერ ასი საყენიც არ გაგვევლო, რომ ნაპოვნი ცხენი უკანა ფეხებით კიდევ ჩავარდა სადღაც უფსკრულში, მისცივინდნენ ის ორი სვანი და რავდენიმე ყაზახი; ყველა მხრიდამ მოჰკიდეს ხელი და ამოსწიეს, თვითონ ცხენიც სცდილობდა, მაგრამ ის უფრო ქვევით-და-ქვევით მიდიოდა. ჭიდევ ერთი წამი და ხელიდგან გაშვებული ცხენი თვალის დახამხამებაში ჩავარდა უფსკრულში. ამასთან არაფერი ხმაურობა არ მოისმა. ხალხი მაშინვე შემოეცალა იმ საშიშ ადგილს; ჩემი ცხენი აიტანა ყრუოლამ და დაიჭიხინა. სიფრთხილით მივუახლოვდი უფსკრულს, ჩავიხედე შიგ, მინდოდა თვალი მაინც მომეკრა ცხენისათვის, მაგრამ სიბნელის მეტი ვერა დავინახე რა; ყური დავუგდე—სამარის სიჩუმე იდგა, არაფერი ისმოდა. ჩვენ სიფრთხილით მივდიოდით, გავიარეთ რავდენიმე უფსკრული და როცა გამოვედით სამშვიდობოს, მხოლოდ მაშინ გამოსთქვეს ყაზახებმა თვისი შთაბეჭდილებანი. მართმა მათგანმა დაუმატა:

(7800 მწერთა). ჩვენის ხალხის თქმულებით იაღბუზზე მიჯაჭვულია ამირანი, ბერძნების ზრამეთუასი. ამის შესახებ იხ. „საქართველოს ისტორია“ „მოგზაური“-ს № 4, გვ. 31 და ამ სტატიის ბოლოში ბ-ნ კობეჩიას ლექსადა.

P-23 823

„ძმებო, თითქო სიზმარში მოგველანდა ის ცხენი“! ღანარჩენი გზა სულ იმ ცხენის ხსენებაში იყვნენ და ბოლოს გარდასწყვიტეს, რომ იმის ბედის-წერაც ეს ყოფილაო“.

მაგრამ, რა სათქმელია ეს იმასთან, თუ როგორ გაატარეს ღამე მგზავრებმა საშინელ სიმაღლეზე! როგორი შემადრწუნებელი და მრისხანე სურათები იშლებოდნენ მათ თვალწინა! თვით იყვნენ ღრუბლის იქითა ქვეყანაში და მათ ფეხ ქვეშ კი ელავდა. საშინელი ქარი ჰქროდა და თან მოჰქონდა შავი ღრუბლები. შორს, დასავლეთით, მოდიოდა თოვლი და წვიმა აღმაცერად, ზოლებად. ჩაწურული მზის სხივები სკვრეტდნენ ზოლებში და ოქროს ფრად ჰღებავდნენ დაბლა მიმავალს ღრუბლებს. იყო მშვენიერი არეულ-დარეული ველური სურათი.

„ქლდის ირგვლივ, რომელსაც ჩვენ თავი შევაფარეთ, — განაგრძობს პასტუხოვი, — უსტვენდა ქარი და ღრო-გამოშვებით გვაყრიდა ნამქერს. რვა საათზედ ქარი ჩადგა; ეს შეეტყო დაბლა: ღრუბლები შედგნენ და მათი ზეითა პირი, რომელიც წარმოადგენდა მთებს, გასწორდა და გაშავდა. 8<sup>1</sup>/<sub>2</sub> საათზედ გაიელვა შორს, შორს, ქვევით დაიქუხა, ღრუბლები ხელ-ახლად შეირყნენ და ასტყდა ქექა-ქუხილი. ჩვენ გარშემო სიჩუმე და ყინვა იყო; კაშკაშა ვარსკვლავნი ბრწყინავდნენ მუქ ლურჯ ცაზედა და მათ შორის ესრედ წოდებული ბეთლემის ვარსკვლავიც ანათებდა. შველა ეს მოაგონებდა კაცს ზამთრის ღამეს საღმე შორს, ჩრდილოეთისკენ. შინვა უმატებდა და საღამო ჟამზე მიაღწია 10<sup>0</sup>.

ღამტკბარი ამ გასაშტერებელ და საუცხოვო სურათით, მივსწიქ მეც მძინარე ყაზახებთან“.

13 ივლისს, 9 საათზე და 20 წამზე პასტუხოვმა სამის ყაზახით მიაღწია ორ-თავიანი ბუმბერაზის აღმოსავლეთის წვერს, აღმართა მასზედ ალაში წითელი ყუმახისა და უკან დაბრუნდა. ბუმბერაზი დამარცხდა, მაგრამ მოგზაურთ საშინელებანი ჯერ წინ იყო. ამოვარდა ქარიშხალი. მგზავრებმა მიაღწიეს იმ ადგილს, სადაც უსანასკნელად გაატარეს ღამე,

მარდად გააკეთეს ნაბდების ქოხი და დადგეს ნავთის ფეჩი ყინულის დასაღობად. დასხდნენ დასანაყრად. ძარიშხალი მძვინვარებდა საშინელის ძალით. ჰაერი აიძვრა და ყველაფერი აირია.

„ჩვენ ვერ ვხედავდით ერთმანეთს და ნაბდებს შევეფარებით. საშინელის გრიგალის გამო ერთმანეთის ლაპარაკი არ გვესმოდა. მე დავიწვინე ჩემთან ყაზახი მერკოვი, რომელსაც ჰქონდა უფრო მდარე ტანთ-საცმელი ვიდრე სხვას და მივეცი მას ჩემი ჯუბა; ვჰკითხე ყაზახებს—კარგად წვანან თუ არა და რა მივიღე პასუხი, დამწვიდებულმა მალე დავიძინე. არ ვიცი, რავდენი მეძინა, მხოლოდ, როდესაც გამომეღვიძა, გავიგონე ორი ყაზახის ლაპარაკი. მათი მათგანი სიცივეს უჩიოდა. მაშინ მე გავადვიძე ჩემთან მწოლარე ყაზახი, ვუბრძანე ცოტა მიეწია, მივიწიე მეც, დავუძახე ყაზახს, რომელიც სჩიოდა და ვუბრძანე დაწოლილიყო ჩვენ შუა. დავაწვინეთ ყაზახი და დავიხურეთ ნაბდები. საწყალი ყაზახი სიცივისგან მაინც კანკალებდა და კბილებს აცემინებდა. ჩვენ კარგად დავხურეთ მას, მივაწექით ორივე მხრიდან, ცოტა დასთბა, ცახცახი დაუცხრა და 10 წუთის შემდეგ დაიძინა. გამოვიხედე ნაბდის ქვეშიდგან: საშინელი ბნელი ღამე იყო. ჩვენ გვთბილოდა, მაგრამ ჩამოწოლილი თოვლი გვამძიმებდა, და ქვებიც, რომლებზედაც ჩვენ ვიწექით, გვაწუხებდნენ. ამასთან ერთი გვერდიდგან მეორე გვერდზედ არ შეგვეძლო გადაბრუნება და იძულებულნი ვიყავით მთელი ღამე ერთ მდგომარეობაში გაგვეტარებინა.

ძარიშხალი მთელს ღამეს ერთს წუთსაც არ შემდგარა. ბათენდა, მაგრამ ქარიშხალმა უფრო უმატა. როდესაც გამოვიხედე ნაბდის ქვეშიდგან, უკვე გათენებულიყო. რა საშინელი დარი იდგა, ვერ აგიწერთ. თოვლის ღრუბლები მიცურავდნენ ჰაერში, ვერ გაირჩეოდა, ხევიდგან მოდიოდა თოვლი, თუ დედა-მიწიდგან იყო აღებული... ძარისგან საშინელი გრიგალი ტრიალებდა სივრცეში. მძინარე ყაზახებს

მთელი თოვლის ზვინები ედვათ ზედ და შეუძლებელი იყო კაცს წარმოედგინა, თუ ამ ზვინების ქვეშ იმყოფებოდნენ ცოცხალი არსებანი. იმედი არ მქონდა გამოდარებისა და გარდავსწყვიტე დაბრუნება წინანდელის გზით. ღვაღვიძე ყაზახები და ვუბრძანე მომზადებულიყვნენ. ზვინები შეიძრნენ და მათ ქვეშიდგან, თითქოს საფლავებიდგან, ყაზახები გამოჩნდნენ. მათგან დატოვებული ადგილები ერთს წამს ამოინამქრნენ და ახლად დაწოლა შეუძლებელი-ლა იყო, რადგანაც, ვინც ერთხელ წამოდგებოდა, თოვლი შემოეკროდა ხოლმე, ავსებდა წელამდინ და დატოვებული ტან-საცმელიც ერთს წუთში იმალებოდა ზვინის ქვეშ. დაგვიანება შეუძლებელი იყო და ამიტომ გამოვეშურენით. მამოვსთხარეთ ჩვენი ავეჯი თოვლის ქვეშიდგან, შევიბით ფეხებზე ფოლადის წრიაზები, გადავებით თოკით ერთმანეთს, შევაქციეთ პირი გრიგალს, ვახსენეთ ღმერთი და გავუდექით გზას. ჩვენ მივდიოდით წინანდელს რიგზედ: წინ მე და ორ-ორი საჟენის მანძილზედ მწკრივად ყაზახები მომდევდნენ. მაგრამ რა სიარული იყო ეს! მუხლამდინ თოვლში ვიფლობოდით, ქარი შიგ პირში გვიბერამდა და ეს უფრო გვიძნელებდა წინ სვლას, თოვლი გვიღესავდა თვალებს, გვეყრებოდა პირში, ცხვირში და იყო წუთები, რომ სული გვიგუბდებოდა. ამის-და-მიუხედავად თუმცა ნელა, მაგრამ შეუყენებლად წინ მივდიოდით. რაც უფრო დაბლა ჩავდიოდით, მით უფრო ვიფლობოდით ახლად დანამქრულ თოვლში. მითქმის ერთს საათზედ მეტი მივდიოდით ასე და ყოველ ნაბიჯის გადადგმაზე ვიყურებოდი ირგვლივ, რომ დამენახა რამე და გამერჩია სად ვიყავით. მაგრამ არაფერი სჩანდა. შეცრად გავიგონე უკანა ყაზახის ხმა! ის ხვეწნით მსთხოვდა მიმეცა აქ დარჩენის ნება, რომ უფრო მალე გაყინულიყო, რადგანაც ძალიან დაიღალა და წამოსვლა აღარ შეეძლო, მაგრამ მის ხმაში იმდენად დაღალვა არ ისმოდა, რამდენიც სასოწარკვეთილება. მე ვანუგეშე იგი,

რომ ახლა უკვე სამშვიდობოში ვართ-მეთქი და ვურჩიე ცოტა კიდევ მოეთმინა. მოვუმატე ნაბიჯს და იშვიათადაც ვჩერდებოდი. ბავიარეთ რამდენიმე აღმართ-დაღმართი და გარდაწყვეტით კი არ ვიცოდით, საითკენ მივდიოდით. შერბობდით, რომ გზა დაგვარგეთ. შარმა თითქოს ცოტა იკლო, ნისლიც მალა აიკრიფა. ღვინაზე საშინელი ნაპრალი. რამდენიმე ნაბიჯიც რო გადაგვედგა, ისე დავიღუპებოდით, რომ მნახველიც არავინ გვეყოლებოდა. ვეხს ავუჩქარეთ. ბავარჩიეთ, რა ადგილსაც ვიყავით. თუმცა მალე ისევ ნისლში გავეხვიეთ, მაგრამ ახლა მაინც უფრო ჩქარა მივდიოდით. ნახევარ საათის შემდეგ გამოვედით გრიგალის სფერიდამ, ყაზახები მომხიარულდნენ. შევდექით, გავაჩაღეთ ნავთის ფეხი და ავადულეთ ჩაიდანო; მათს მხიარულებას ბოლო აღარ ჰქონდა: ყაზახები ხუმრობდნენ, იცინოდნენ და მღეროდნენ. ამის შემდეგ ჩვენ მშვიდობიანად განვაგრძეთ გზა და მალე სოფელშიაღ ჩავედით“...

**ა. შ. პასტუხოვი** მეორედ ავიდა **იალბუზზე** 1896 წელს, დასავლეთის მხრიდან. მისი თანამოგზაურები იყვნენ სტუდენტი **შორობიოვი** და ოთხი სხვა კაცი, რომლებმაც 15000 ფუტის სიმაღლიდამ უკვე უარი სთქვეს მთაზე ასვლაზე. მოგზაურობა ორმა განაგრძეს, მაგრამ რამდენიმე საყენი-ლა უკლდათ **იალბუზის** წვერამდინ, რომ სტუდენტი **შორობიოვიც** გაჩერდა და დიად ბუმბერაზის თავზედ მარტო პასტუხოვი-ლა ავიდა.

მაგრამ საშინელება ამ მეორე მოგზაურობისაც ჯერ კიდევ წინ იყო. იმისდა-მიუხედავად, რომ ცხელი ზაფხული იყო, ამ საშინელ სიმაღლეზე 15<sup>0</sup> ყინვა იყო და აუტანელი ქარი. პასტუხოვს და მის თანამგზავს გზა დაეკარგათ. ღადგა ბნელი ღამე. ღაქანცული მგზავრები განგებ თოვლში ჩაეფლნენ, რომ ამით მაინც დაეცვათ თავი საშინელი ქარიშხლისგან.

**ბათენდა.** შარიშხალი ჩადგა და მგზავრებმა დაინახეს,



რომ სადღაც ღრმა ხეობაში იმყოფებოდნენ. წინ საშინელი უფსკრული ჩანდა. ისინი რომ თოვლში არ ჩაფლულიყვნენ და გზა განეგრძოთ, უეჭველად დაიღუპებოდნენ.

ღიდი სიძნელით ამოვიდა პასტუხოვი ამ ხეობიდან და დაემო ქვევით. შემდეგი მოგზაურობა უფრო მშვიდობიანი იყო და ოთხი დღე-ღამის მოგზაურობის შემდეგ სამარადისო თოვლის სამფლობელოში, მოგზაურებმა ქაეკასიის მთიულთა სოფელს მიაღწიეს.

თამარ ზალავანდიშვილი.



# ამირანი

(ლეგენდა)

აღსდექ, გმირთ-გმირო, ნუ გძინავს,  
მტერთა ისმიან ხმანია.

ხალხური.

## I

ბუნებას გადაჭყარვია  
შესაზარავი ბნელეთი,  
შავსა სიკვდილსა მოუტრავს  
კიდით-კიდემდინ ხმელეთი.  
უთაღმა ჰირი იბრუნა,  
ეშმაკთ დაუომო ქვეყანა,  
სულნი ბოროტნი შეუობენ  
დედა-მიწაზედ უგელკანა.  
მოდის ამირან და ჰხედავს  
გავერანებულს სოფელსა,  
თვის მოძმე ადამიანებს  
საშიშ წყევლიადში მუთოფელსა.  
უცებ იტექა ქუხილმა,  
თან დაიეღვა, განათდა,  
და ისევ ჩაჰქრა, მხოლოდ წამს  
ნათელმა ბნელი გაჭყანტა.  
აჭხედა გმირმა ზეტასა,  
ღრუბელნი მიმოსტურავენ, —  
მათ შორის ნაპერწკალები  
მიმოხტიან და ბრწყინავენ.

## II

„საბრალო კაცობრიობავ,  
 რა უკუნეთი გავლია!  
 გზა სინათლისა აქამდის  
 როგორ ვერ შეგისწავლია?  
 დაბურულს ტყეში შემწვევდელს  
 უხმოდ გებეგავ გზა-კვალი,  
 ვით ჭია-მტვერი, გაჭქრები  
 და არც დაგრჩება ნავალი;  
 მაშინ როდესაც იქ, ცაში,  
 სხივები გაფანტულია,  
 შენთვის ბუნების საუნჯე  
 აქ უოვლად დათარულია!“ —  
 სთქვა ამირანმა, დაეუბნო  
 მოწადიებულს ხელ-გვერთხსა,  
 აფრინდა მადლა ჭკერში,  
 ცეცხლი მოსტაცა ღრუბელსა,  
 ჩამოიტანა ქვეყნადა  
 და გაანათა მთა-ბარი.  
 კაცოცხლდა ადამიანი,  
 იწყო ცხოვრება სხვა გვარი...

## III

ბუნებამ ფერი იცვალა:  
 აჭუვავდნენ მინდორ-ჭაღები,  
 მღვიმით გამოსულს ცხოველებს  
 გამეხილათ თვალები.  
 გაინავარდეს შეველ-ირემთ  
 აბიბინებულს მოღზუდა,  
 ფრინველთაც დაიჭიკჭიკეს  
 ფოთლებ-დაკიდულს ტოტზედა,  
 გამომალნენ ქალწულნი,  
 შეჭკრეს უვაფილთა კონები,

დაიწიეს ტკბილი სიმღერა  
 ჯერეთ არ განაცონები  
 მათ ბანს აძლედა მდინარე  
 და მოშრიალე მიდამო,  
 თითქოს ღვთის ანგელოზები  
 გადმოფრენილან ციღამო.  
 ვაჟკაცნი ბედაურებსა  
 დააქროლებენ ველადა,  
 ხან ჯირითობენ, ხან ისარს  
 აწივს სტუორცნან ხეფადა.

IV

ბორცობნი სუფნი აღბოგრდნენ,  
 ნახეს-რა ქვეუნად სხვა ძალა,  
 რომელმაც მათი წუგლიადი  
 ციურის ცეცხლით დასძალა.  
 შეუდგნენ უფრო ვერაკად  
 აღმინის დამხობას,  
 შურის და მტრობის დაოესვით  
 სცდილობდნენ ცეცხლის გაქრობას.  
 ბილწი მღეგები, ქაჯები  
 მოედგნენ არე-მარესა,  
 ხალხს ახლად გამოდგვიტებულს  
 დღეს აუენებდნენ მწარესა.  
 და აჭა ხალხის მოკეთე  
 მღევთ შეებრძალა მწვაფადა,  
 გასწვივითა ქაჯთა სინსილა,  
 დღე გაუთენა შავადა.  
 ამირან ასწრობს თვით ფრინველს  
 მოჭადლოებულ კვერთხითა,  
 ისე გადაქრის მთიდან მთას,  
 რომ ვერ აკარებს ფეხითა.

## V

ამირანს ლოცავს ქვეყანა,  
 თაყვანსა სცემენ ვეულებანი,  
 ხოტბა-შესხმასა უძღვნიან  
 ხმა-ტკბილ დაძველებს, მღერალები.  
 კერხად გამხდარა ერისა  
 ვაჟკაცი სახელოვანი,  
 მას ადიდებენ ერთგვარად  
 ერმა, ჭაბუკნი და მსტავანნი.  
 მას შეჭნატრიან დედანი:  
 „ნეტავი შვილად მუვანდეო!  
 შეგვქერდე დედის იმედსა,  
 მშობელს გუელს ჩაგიკრავდეო“.  
 ქალწულები უფრო ნატრობენ:  
 „ოჰ, ის ჩემი ძმა იყოსო,  
 მას მამსახურა დასავით  
 და ბედი შვა გამოეოსო“!  
 ზოგნი ოცნებით: „ნეტავი  
 გამხდა მაგის ღირსიო,  
 ვითა სატროფს და მეკობარს  
 მატკობდეს სიტყვა მისიო“!

## VI

მაგრამ ამირანს ჭეყავს უბვე  
 რჩეული მზეთ-უნახავი,  
 დასაბამითგან ქვეყნისა  
 არაფინ არის მნახავი  
 ამის უტურფეს ქალისა;  
 ვითა ვარსკვლავი შეენოდა,  
 არ-ქვეყნიური ნათელი,  
 სახეზედ გადაჭყენოდა,  
 და ანათებდა კარშემო  
 გამეფებულსა წყვდიადსა.

შეჭმურდა ისიც სატანას  
 გულ-ღვარძლიანსა, ზვიადსა;  
 გაგზავნა ქვეყნად მღევები,  
 ქალწული მოაგვრეგინა,  
 კარ-დახშულ კოშკში, ზღვის ძირას  
 ჩაჭკეტა, დამწვევდევინა.  
 მაგრამ გამოჩნდა ქვესკნელშიც  
 მძლეთა-მძლეველი ამირან,  
 შემუსრა კოშკი ბოროტთა,  
 წამოიყვანა ქალიც თან.

VII

ერისკან განდიდებული  
 ამირან სწორს გზას გადასცდა,  
 არ კმარობს სოფლის დიდებას,  
 მიუწვდომელსაც გადასწვდა,  
 იმ ამაჟ ანკელთსაგვით  
 დაიწყო კადნიერება,  
 თავს აღარ უკრავს თვით დმერთსა,  
 არად უჩნს მის ძლიერება:  
 „შენ ცა გეკუთვნის, უფალა,  
 მე ვმეფობ ქვეყანაზედა,  
 შენს საქმეს მე არ ვუხეობი,  
 გამიშვი ჩემსავ გზაზედა!“  
 უფალმა მართლაც ამირანს  
 წუალობის თვალი არიდა,  
 მას აქეთ მადლი დგოთიური  
 ამირანს აღარ ჭებარვიდა.  
 ეშმაკნიც წამოიშალენ  
 კვლავ ქვეყნის დასაზურობადა,  
 სინათლის გასაქრობლადა,  
 გმირთ-გმირის დასამხობადა.

## VIII

ბრწყინი სულები შეუჩნდნენ  
 ქალს და აცდინეს მაცდურად,  
 დალატი ამირანისა  
 მოანდომინეს მას მტრულად.  
 ერთს დამეს, როცა ვაჟკაცსა  
 დადალულს დღიურ შრომითა,  
 მოხიბლულს ტურფა სატრფოსი  
 ალერსით ხვევნა-კოცნიითა,  
 ტკბილად ეძინა... წამოდგა  
 ქალი უხუმრად ფეხითა,  
 ჩახკრხა მოჯადოსნული  
 კვერთხი თაფლისმან ხერხითა,  
 ისე რომ მძლავრად მოქნევას  
 ვერ გაუძლებდა მეტადა,  
 უდალატებდა პატრონსა,  
 განდიდა მტრისა მსხვერპლადა.  
 შენ გძინავს ტკბილად,, ვაჟკაცო,  
 და ვინდა გამოგიცხადებს,  
 შენი ძვირფასი ანსება  
 თუ რა განსაცდელს გიმზადებს!..

## IX

მეორე დილა ადრიან  
 ამიკან ფიცხლავ წამოხტა  
 და აღიჭურვა საჭურვლით,  
 არ იცის წინად რა მოხდა.  
 იღებს კვერთხს ხელში, მოძარტავს,  
 დაუბჯინებს კვერთხზედა,  
 რომ ჩვეულებრივ სისწრაფით  
 გადაიქრლას მთებზედა.  
 მაგრამ ოჰ, სიშინელება!

კვერთხი გადუტედა შუაზედ,  
 გაჟაკცხა თავ-ბრუ ესხმება,  
 თითქოს იშლეება ჭკუაზედ.  
 „ჭი, მუხთალო!“ — შეჭევირა  
 გმირმა და მძიმედ დაეცა,  
 მოცვიფდნენ ურიცხვ ეშმაკნი,  
 ბნელმა გადაჭკრა ჭკარსა;  
 შეჭკრეს, შეჭბოტეს ამიქან,  
 მიჭჯაჭვეს მალალს კაღებზედა,  
 გულ-ღვიძლსა უჭამს არწივი  
 და აფრინდება მკერდზედა.

X

მიჯაჭვეულია გმირთ-გმირი  
 კაგკასიონის მთაზედა,  
 ხან დასტქერს მიწას მწუსარედ,  
 ხან აიხედავს ცაზედა.  
 მის გულში დაგუბებული  
 სისხლი ხან და ხან გადმოსჩქეფს  
 და მაშინ კოლხიდის წყალნი  
 გადავლენ თავის ნაზიკებს.  
 ამიქანს თვალი უხურია  
 ცირს მიმართ სსსებითა,  
 მკელის ორსა აჩსებს  
 ადვსილს ღვთივ-ძლიერებითა.  
 ერთი იქმნება უმანკო  
 ქალწული სათნოიანი,



რამ შეაგედრეს თვის ლოცვით  
 უფალსა ცოდვილიანი;  
 მუთრე—გმირი გაუკატი,  
 ახალის ძალით შემკული,  
 რამ მთლად დაღუწოს კლდე, ჭაჭვი  
 და იხსნას გმირი ტყვე ქმნილი.

მ. ბობეჩია.



ისტორიული და გეოგრაფიული აღწერა

## ჰერეთისა

(შემდეგი \*)

ქახეთის შაბალი-ს აღმოსავლეთ მხარეს, კავკასიის მთი-სავე ძირში, დაფენილია ვაკეზე ლაგოდახი. აწ დგანან აქ რუსის ჯარები. მოსახლენი არიან ქართველნიცა. შახუშტი მის შესახებ სწერს: „ველსა ზედა არს ციხე ლაკვათისა, 44 მეფის არჩილისაგან ქმული და აწ ლაგოეთად წოდებული, მაგარი, დიდ-შენი, განა აწ ოხერი“ (გვ. 312). ლაგოეთს, მოიხსენებენ სხვა მემატიანენიცა. მრთ ღროს ის იყო ქახეთის სატახტო ქალაქადაც. „მოვიდა არჩილ ქახეთად“, — სწერენ მემატიანენი, — „და ყოველთა ტაძრეულთა მისთა მიუბოძა ქახეთი, და აზნაურ ჰყვნა იგინი, აღაშენა ციხე და ეკკლესია საძმორსა, და შეირთო ცოლი, და დაჯდა წუქეთს და აღაშენა კასრი (?) და ხევსა ლაკვასტისასა (ლაგოდახისა) ციხე, აღაშენა (აგრეთვე) ციხე-ქალაქი ნუხპატის ორთა წყალთა შუა“ (I წ. შართ.-ცხოვ. გვ. 181). შახუშტისა და ბროსეს სიტყვით მან აღიშენა აქვე სასახლე, რომელსაც სახელად ერქვა თოჯა (არჩილიანი, გვ. 61).

რას დაჰხარბდა მეფე არჩილი, რომ ლაგოდახი აღირჩია რეზიდენციად, — ეს ჩვენთვის გაუგებარია. აქ ბუნება, მართალია, ძალიან მდიდარია ყოველისფრით, ხეხილითა, ტყეებით, ანკარა მთის წყლებით, მაგრამ აქ მცხოვრები ხალხი მეტის-

---

\*) იხ. „მოგზაურნი“ № 5; გვ. 496.

მეტად გაუთლელი და ხეობე იყო და საჩოთირო ზნე-ჩვეულება ჰქონდა. იმათ ერქვათ „ნოხპატელნი“ ადგილისა გამო და „იყვნენ კაცნი წარმართნი და მხეცის ბუნებისანი; მურვან ყრუმ გასწყვიტა უმრავლესი მათი, ხოლო, რომელნიც სიკვდილს გადურჩნენ, ისინი იძულებით მონათლა **პრჩილ** მეფემ. ცხადია, როცა ქრისტიანობა გავრცელდა **ლაგოდახში**, მას შემდეგ აშენდა აქ ეკლესიებიცა. რიცხვი მათი მრავალია, მაგრამ მომცროვებია, მეტადრე მთებში და ხეობებში, ზოგიერთებს მათგანს აქვთ წარწერებიცა. მრავლად ყოფილან ეკლესიები **ჭიაურის** ტყეშიაც, რომელიც **ლაგოდახსვე** ზედ აკრავს. მაგრამ შაჰ-აბაზს მე-XVII<sup>საუკუნის</sup> დასაწყისს გაუნადგურებია და გაუოხრებია, ხოლო ხალხი დაუტყვევებია, შეუერთებია **მოსაბრუნის** ტყვეებთან და გადუსახლებია სპარსეთში. მას შემდეგ უმკვიდროა **ჭიაური**. ამ რამდენიმე წლის წინათ ერთ ნაოხრალ სოფელში, მიწის თხრის დროს, **ქიზიყის** გლეხებმა აღმოაჩინეს ქვევრი, წითელის ღვინით სავსე, გემო აღარ ჰქონია ღვინისა, მიგრამ ისეთი წმინდა ყოფილა, როგორც **ანკარა**. ბლენებს მიწით აუმსიათ და ღვინო. წითლად გადმოღვრილა მიწაზე. შექველია, რომ ის იქნებოდა **შიჰ-აბასის** დროიდგან დარჩენილი (უბეტეს 300 წლისა).

**ლაგოდახში** მცხეთის ეკლესიას ჰქონია მრავლად საეკლესიო მამულები, ანუ უფრო უკეთა ესთქვათ, **ლაგოდახი** მთლად მცხეთის ეკლესიის კუთვნილება ყოფილა. ეს მტკიცდება მე-XI საუკუნის კათალიკოზ **მელქისედეკისაგან** დარჩენილ გუჯრით, რომელშიაც სწერია: „კათალიკოს-პატრიარქმან **მელქისედეკ** მოიგო ჰერეთს მონასტერი დიდითა ძალითა და **ლაგოდახი**“ (I წ. მ.-ცხოვ. გვ. 222). ამას ამტკიცებს აგრეთვე 1579 წლის გუჯარი **ნიკოლოზ** კათალიკოსისა. ის განუახლებია **ქახეთის** მეფეს **ალექსანდრე** მეორეს და **ლაგოდახი** მცხეთის ეკლესიის საკუთრებად უცვნია.

**ლაგოდახისავე** ნაწილია **მაჭი**. ის მდებარებს მის აღ-

მოსავლეთ მხარეს, და მთლად დაფარულია დაბურულის ტყით. ის შეადგენს ერთს დიდს და ღრმა ხეობას, ძავეკასიის მთებით შემოზღუდულს. ახდელი აქვს მხოლოდ დასავლეთის მხარე და უერთდება ჭიაურსა და ალაზნის ველს. მას ჰქვიათ მაჭის ხეობა. მასზე მომდინარეობს ჩრდილოეთიდან წყალი, რომელსაც ქართულად ჰქვიათ მაჭის წყალი, ხოლო ჭარელი გლეხები ეძახიან „მაზიმ-ჩაი“. ამ წყლის სათაურში არის მინგრეულ-მონგრეული ციხე-სიმაგრე და მის გარშემო დიდს მანძილზე შენობათა ნანგრევები. აქვეა, ჩემის აზრით, ნაშთი არჩილ მეფის (მოწამის) სასახლისა „თოლა“-სი. მისგან დარჩენილა მიწაში ოთახები. ერთს მათგანს კედელში ჩატანებული აქვს სიგრძით ერთ-არშინიანი და სიგანით ნახევარ-არშინიანი ქვა, რომელზედაც ხუცური წარწერაა, მაგრამ აქამდე არავის გადმოუწერია და არ არის ცნობილი მისი შინაარსი. უეჭველია, რომ მისი შინაარსის წაკითხვა გაარკვევს ჭერთ-ძახეთის ისტორიას და ნათელს მოჰფენს სიბნელით დაფარულს წარსულს მაჭის საერისთაოსას.

ღიად! არჩილ მოწამის შემდეგ აქა მსხდარან მაჭის ერისთავნი. მათ ეჭირათ მესამე ადგილი ჭერეთის ერისთავთა შორის—„და მისცა ძახეთის მეფემ, ძვირიკე დიდმა, მაჭის წყლის ქვეით და ალაზნის აღმოსავლეთი შაკიხითურთ (ნუხის მაზრა) და ხუნზახითურთ (ახლანდელი ავარია, ხუნძახი—დაღესტანშია). აქედგან ცხადია და უეჭველი, რომ ახლანდელი ზაქათალის ოლქიც—საინგილოც, მაჭის ერისთავს ექვემდებარებოდა. საფიქრებელია ისიც, რომ, როცა ჭერეთს ცალკე მეფეები ჰყვანდა, იმათი რეზიდენცია იყო მაჭი, ხოლო როცა ჭერეთი უერთდებოდა საქართველოს, მაშინ იქ ისხდნენ ერისთავნი და ერქვათ „მაჭელი ანუ მაჭის ერისთავი (II ნაწ. შ.-ცხოვ. გვ. 99).

მაჭში ერისთავები ისხდნენ 1038 წელსაც. ისინი იყვნენ საქართველოს ერთობისა და გაძლიერების მოსურნენი.

მართი მათგანი მიემხრო ლიპარიტ ორბელიანს, რომელიც ებრძოდა მეფე ბაგრატ მე-IV-ს იმ მიზეზისა გამო, რომ მან არ დაიპყრო ტბილისი და არაბთა ემირსავე ჯაფარს დაუტოვა; მაგრამ მეფე ბაგრატმა დაამარცხა ჰერეთ-ქახეთის ერისთავნი და დაატყვევა. მათში ერია მაქელიცა (I ნაწ. ქ.-ცხ. გვ. 223). მაქის ერისთავთ დიდი გავლენა ჰქონდათ ქახეთის სამეფოს პოლიტიკურს მდგომარეობაზე; მაგრამ ამ წუთის სოფელში სამუდამო არა არის რა. ცვალებადი ბედი ეწვია მაქისაც. 1471 წელს გაუქმდა ერისთობა მაქისა და გადასცა თავისი სახელი ჭაიუსს. ამ წლის შემდეგ ერისთავი მაქისა იწოდება ჩვენს ისტორიაში ჭაიუსის მოურავად (II ნაწ. 3.-ცხ. გვ. 103). მოურავობაც მოიშალა მე-XVII საუკუნეში შაჰ-აბაზისაგან ჭიაურის სამოურავოს აოხრებისა, აკლემებისა, ხალხის ზოგის გაწყვეტისა, ზოგის დატყვევებისა და სპარსეთში გადასახლების შემდეგ. მოიშალა ყოველივე. შაჰ-აბაზის შემდეგ ქახეთის მეფემ ალექსანდრე მეორემ დაუტევა აქაურობა, მაქის ეკლესიის განძეულობა გადასცა ალავერდის ეკლესიას, თვითონაც აიკრიფა ქვეშსაგები და გადასახლდა თელავს (იხ. წერილები დეკანოზის მ. ხელაევისა, დაბეჭდილნი გაზ. „ივერია“-ში 18.. წელს).

მაქის ხეობა ანუ წყალი მიჯნაა ზაქათალის ოლქისა და ნუხის მაზრისა. აქედგან იწყობა ოლქის გზა-ტყეცილი. იგი მშვენიერად არის ნაკეთი 1873 წელს გლეხებისაგან. გზის აქეთ-იქით თხრილებია და აქვს დარგული კაკლის ხეები ექვსიოდენ საჟენის მანძილზე თვითეული. ეხლა ისინი იმოდენად დაზრდილან, რომ ერთმანერთს გადაჰხვევიან გზაზე და ისრე სჩრდილავენ გზას, რომ მგზავრის პირსა და ზურგს ჰხედავს მზე მხოლოდ მდინარეების რიყეებზე, საცა არ არის დარგული კაკლის ხეები.

ასრეთი გზა-ტყეცილები გაყვანილია მარტო იქ-კი არა, საცა ფოსტა დადის, არამედ მთელს ოლქაში, სოფლიდგან სოფლებში. მშვენიერნი არიან ისინი და სასიამოვნო სანა-

ხავნი. შგონებ მთელს რუსეთის იმპერიაში არც ერთი კუთხე არ არის ასრე შემკობილი კარგის გზა-ტყევილებით, როგორც ზაქათალის ოლქა. ბაზათხულობით ამ გზებზე სიარული მეტის-მეტად სასიამოვნოა და გამართობი მგზავრისა.

ამ გვარს გზაზედ გავიარე ჭიაურიდგან და გავექანე ეტლით ბელაქნისაკენ. ღამრჩენოდა 5 ვერსი სოფ. ბელაქნამდე. ბაჩერდა ეტლი. ცხენები მზად იყვნენ. შევსხედით და შევედით ტყეში, რომელსაც ბელაქნის ლეკები ეძახიან „ნამარაშ ყარააა“. წავვიძღვა წინ ეტიკი—მაჰამა ბალაჯოვი. ქარგს ხანს ვიარეთ ტყით დაბურულ ხევ-ხევ და ბოლოს ჩამოვხდით, დავტოვეთ ცხენები და ფეხით ავედით სერზე. აქ მიჩვენა ეტიკმა ეკლესია. მას ეძახიან მცხოვრებლები „ნა-ზუქ-სუ ქალასა“ (პატარა წყლის ეკლესია). მას თალი სრულიად ჩამონგრეული აქვს; კედლებიც ძლიერ დაზიანებულია. ნაშენია რიყის ქვით. ქედლები ჯერ გაჯით ჰქონია გაღესილი და მერე მთლად დახატული; მაგრამ ნახატი წვიმა-წყალს გაურეცხია. მხოლოდ აღმოსავლეთ კუთხეში-ლა მოჩანს მთლად ტანიანად დახატული ქრისტე, რომლის თავიც შემოფარგლულია სინათლით; აგრეთვე ეტყობა საკურთხეველის ფანჯრის კედელზედ ხატი ყოვლად წმ. მღვთის-მშობლისა ყრმითურთ. სხვა არაფერია. ჰქონია გარედ აღმოსავლეთის კედელში ქვა ზედ-წარწერით, მაგრამ ის სადღაცა მიუმაღავთ ლეკებს. მაჰამამ ბევრი ეძება ის, მაგრამ ვერ იპოვა. ამისათვის ვერ გავიგე, ვის აუშენებია ის ან როდის. სიგრძე აქვს 10 არშინი, სიგანე 7.

ამ ეკლესიიდან მოჩანს ერთის მხრით ქახეთი, ძიზიყი, შირაქი და ცივ-გომბორის სუკი, მეორე მხრით სოფ. ბელაქანი და ზაქათალის ოლქა. მდებარება სერისა ასეთია, რომ უკეთესი აღარ იქნება ბელაქანის არე-მარეში. მის აღმოსავლეთ ხევში მომდინარებს წყალი. მის ნაპირებზე ყოფილა სოფელი, რომელსაც ჰრქმევია ნამარნევა. აღგილი ვაკეა.

მრავალთა შენობათა ნანგრევებისა, სახლებისა და ეზოების მოზომილებაზე ეტყობა, რომ აქ ყოფილა დაბა-ქალაქი, საზღვსულო სადგომი ბელაქნის ძველთა მცხოვრებთა და აქვე ჰქონიათ ქართველთ ვენახები და მარნები. რამდენიმე ქვევრი კიდევაც გვიჩვენა მაჰამა ბალაჯოვმა, და აგრეთვე გვანახენა თავის მამა-პაპათა ძველებური მამული, აწ შემოყორულებული და სახნავე-სათეს მიწად ქცეული. აქვე აქვთ სხვა ბელაქნელებს მამულები შემოღობილი. მრთ მათგანში მიჩვენეს 300-დე ფუტკრის გეჯა. თურმე ძალიან კარგს თათლს აკეთებს აქაური ფუტკარი.

— ნამარნევს თავისი ეკლესია ჰქონიაო, — მითხრა ეტიკმა, მაგრამ მე ვგონებ, რომ მისი ტაძარი ყოფილა ნაზუქსუს ეკლესია.

ნამარნევიდამ გავემგზავრეთ ბელქნისაკენ ტყე-ტყე. მრთი ვერსი არ გავგველო, რომ ეტიკმა შემეჩერა. ჩამოვხდით ცხენებიდამ, შევედით დაბურულ ტყეში და მივადექით ერთს დანგრეულს ძველს გალავანს. ის არტყია გარშემო ოთხკუთხს დღიურს მიწას, მაგრამ აწ მთლად მისი გული ბუჩქნარ ტყეს დაუბურავს. მის სამხრეთ მხარეზე, დაძველებული გალავანის შიგნით არის მშვენიერი ეკლესია, მთლად აგურით ნაშენი. მას ჰქონია კარი-ბჭეც. სიგრძე აქვს 13 არშინი, სიგანე — რვა. ღახურულია აგურითვე. ნაწერი არავითარი არ მოეპოვება. შიგნით კედლები გალესილი ჰქონია, მაგრამ დროთა ვითარებისა გამო დაათრავებულა და აპირებს დაშლას. ნახატი არ ეტყობა. მრთი შესავალი კარები აქვს, ისიც მონგრეულია, კარი-ბჭესაც ცხვირი მიწისთვის დაუცია. შოველივე ეს ახდენს მხილველზე ღრმა და გონება დამთურგვენელ შთაბეჭდილებას. მას სახელად ჰრქმევია დარბაზის ეკლესია. — „დარბაზ ქილისა“ არისო, — სთქვა მაჰამა ბალაჯოვმა. მაგრამ რას ნიშნავს ეს დარბაზის ეკლესია? რათა ჰქვიან მას ეს სახელი? სიტყვა „დარბაზი“ ნიშნავს სამეფო,

სათათბირო აღვიღს. ნუ თუ აქ თათბირობდნენ ოდესმე ჰერეთელნი, თუ როგორ და რა ღონის ძიებით დაიცვან სამშობლო ქვეყანა მტრისაგან! თუ ჰო, მაშ როდის? ჩემი ჰაზრით მე-XVI საუკუნეში, იმ დროს, როცა მეფე ლეონი მეფობდა ძახეთში სახელოვანად, დიდს თვალ-ყურს ადევნებდა ამ მხარეს და აშენებდა ეკლესიებს. შემდეგ დავრწმუნდებით, რომ მის-მიერ არის აგურითვე აშენებული, ზაქათალის ბოლოს, სოფ. ბაზარში, თალალების ბინების მახლობლად, დიდ-მშვენიერი ღვთის-მშობლის ეკლესია. ს. ბელაქნის დარბაზი აწ აოხრებულია. აქა-იქ მოჩანან მრავალთა სადგურების ნანგრევები, და ოხერ და ტიალ არიან ისინი შთამომავლობათა გულის საკლავად. თვით ეკლესიაც სავსეა ბინძურებით, რადგან ზამთრობით ხუნძახის ლეკები აქ ბინაობენ თავიანთ ცხვრითა და საქონლით, და ეკლესია აქვთ გადაქცეული სადგურად თვისად...

ამ ფიქრებით აღესილი გამოველ „დარბაზ ქილისადამ“. ფიქრებმა უფრო-და-უფრო შეიპყრეს ჩემი გონება, შებოჭვეს და შემობორკილეს ჰკუა. ბულმა დაჰკარგა თავისუფლება, აჰყვა მწარე ფიქრებსა, მაგრამ გონებამ კვლავ წამომიჩურჩულა: რა ხალხია ის ხალხი, რომელიც, უბედურება რომ ეწვევა წაიქცევა, ფეხებს აპლაკუნებს და სასოწარკვეთილებით იძახის: „ვაიმე! მიშველეთ, მომკლესო“. არა, ასეთი ლაჩარი არ ყოფილა ქართველი ერი, არც იქნება...

თუ ასეა, მაშ გასწი ჰკუისა მერანო, და ვნახოთ, რას აღმოვიკითხავთ კიდევ ქართველთა ცხოვრების არქეოლოგიურს ნაშთებში იქ, საცა ბელაქანია. აგერ ისიც გადმოვშალა წინ თვალისა მხედველობას, მაგრამ მაჰამა მტიკმა ამაცდინა ბელაქანს და აღმაბრუნა ერთს ხეობაში. მივყე, მიმიველ, ვნახე კვლავ ეკლესია. ლეკები მას ეძახიან „შიმშატ ქილისა“, ესე იგი ჭანდრის საყდარი. ასეთი სახელი დაურქმევიათ იმ მიზეზით, რომ მის გარშემო მრავლად ჭანდრის



ხეები ხარობენ. მას ჰქონია ეკვდრები, მაგრამ ისინი ულ-  
 მობელ დროს დაუნგრევია და მოუყოლებია ქვეშ ისტორიუ-  
 ლი მოთხრობანი. **მ**ვით ტაძარი კიდევ ცოცხალია. შეველ  
 შიგ, მაგრამ ვაი, რაც მე იქა ვნახე. სალოცავი ღმრთისა სა-  
 ვსეა ცხვრის ნაკელით. იგი ფანჯრებამდე აღვსილია, რის გა-  
 მო ეკლესიაში ძალიან ბნელა, მაგრამ მაინც შევედი შიგ.  
**მ**ხ დიდებულო ღმერთო! რა ვნახე, მე უბადრუკმა? ხატე-  
 ბის მაგიერ თალი შემკულია ღამურების თოფრაკის მსგავსი  
 ბუდეებით. ისინი ეკიდნენ თაღზე ბიჭო-გოგონას ბუდესავით.  
 ზამიკვირდა, დავაცქერდი და ვიხილე ბუდეში ასობით ღამუ-  
 რათა შვილები. იგინი ფუფუნებდნენ. ზამიტაცა ფიქრმა და  
 ოცნებამ ჩამომძახა: იგინი მოასწავებენ საქართველოს სიცო-  
 ცხლეს, სიბნელით დაბურულს, შეხვეულს ძონძებში! რო-  
 გორადაც, დღეს არის თუ ხვალ, ეს ღამურათა შვილები მო-  
 ლონიერდებიან, ფრთებს შეისხმენ, გამოვლენ და დაიწყებენ  
 ფრენას, სწორედ ასრევე განიღვიძებენ ქართველთა ახალ-  
 გაზდანიც, წაიძლოლებენ წინ განათლების ღამპარსა და მის-  
 ცემენ საქართველოს ერს გზას თავისუფლად ამოსუნთქვისას.

ვიცი, არ მოსწონს ჩემი ასრეთი ფატალიზმური ჰაზრი  
 განათლებულს ახალგაზდას. იგი მკიცხავს, რომ ცრუ-მორ-  
 წმუნე ვარ, მაგრამ სტყუის, არ გაეგება რას ამბობს, რადგან  
 არ აძლევს ანგარიშს თავისს თავს, რომ ფატალიზმი იმ კა-  
 ნონსვე გვიქადაგებს, რასაც გვეუბნება ისტორიული მეცნიე-  
 რება თავისს დასკვნაში—რა არის „პროგრესი და რეგრესი“.

ჩვენის ხალხის ფილოსოფიაც გვასწავებს, რომ წყალს, რო-  
 მელს კალაპოტშია ცერთ დროს უმდინარნია და მერე შე-  
 წყვეტილა და გამშრალა, შეუძლებელია, კვლავაც, როცა  
 დროთა-ვითარებანი შეიცვლებიან, კიდევ არ იმდინაროს. **მ**უ  
 ასეა, მაშ რატომ არ უნდა ვიფიქროთ, რომ ბელაქნის გზის  
 პირას მყოფი თალ-მონგრეული ეკლესია ოდესმე კიდევ აღ-  
 სდგება და შეიქნება ქართველთა სალოცავ ტაძრად. „აღვა-

შენებ ეკლესიას,—სთქვა ძრისტემ,—და ბჭენი ჯოჯოხეთისა ვერ ჰსძლევენ მას!..“ იგი აგურ-ნარევად ყოფილა აღშენებული. ამისათვის ბელაქნელები მას ეძახიან „ყირმიზი ქილისა“ (წითელი ეკლესია), რადგან აგური წითელს ფერს სცემს.

ამ ეკლესიის ზემოთ, შიგ სოფელში იყო სხვა დიდი ეკლესია. ის ენახე პირველად 1876 წელს. იმისთვის ლეკებს ცეცხლი წაუკიდებიათ და გადუწევათ. მთლად კომლით იყო შემურული. რომელ წმიდანის სახელობაზე ყოფილა აშენებული, არავინ იცის. მტყობოდა-კი, რომ დიდ-მშვენიერი ტაძარი ყოფილა. მას ჰქონია თაღში სამალავებიც. აღბად ხალხი იყო შიგ დამალული, რომ ლეკებმა მას ცეცხლი წაუკიდეს და შიგ ამოსწვეს. პირველ ნახვის დროს მას თაღიცა და კედლებიც საღი ჰქონდა, მაგრამ 1898 წელს ის აღარ დამხვდა უწინდებურად. იმასა და მის გარშემო მიწას პატრონად თურმე გასჩენია ვიღაცა ბელაქნელი ლეკი, სახელად ბიული. მამულის პატრონის სახელი დარპრქმევია ეკლესიასაც. მძახიან: „გაჟღის ეკლესია“. „შპატრონო ეკლესიას ეშმაკი დაეპატრონებაო“,—ამბობენ ქართველები. სწორედ ამ ეშმაკ ლეკს დაუნგრევია ეს მშვენიერი ეკლესია, გადურჩევია ქვა და აგური, და სახლის ასაშენებლად ჰსურს წაიღოს; ხოლო გარშემო ერთი დღიური მიწა შეულობნია და ქარული თხილის ხეები დაურგავს.

ამავე ეკლესიის მახლობლად, მთის ძირში, ჩრდილოეთ მხარეს, შიგ სოფელში ყოფილა კიდევ ეკლესია. აწ მოჰყოლია ის ბელაქნელის ეზოში. ის მაჩვენა ბიორგი ბალაჯოვმა 1887 წელს. საფუძვლამდე დანგრეულა. მრთი ოთხ-კუთხიანი ქვა-ლა გდია იქ ხუცურის ზედ-წარწერით, რომელშიაც აღმოვიკითხე მხოლოდ ერთი სიტყვა „ძოსე“.... ამის მარჯვნივ, აღმოსავლეთ მხარეს, ღრმა ხევში, ბელაქნის ზემოდ, ყოფილა დიდი ეკლესია, მაგრამ აწ გაოხრებულია, და ჰლაღადებს:

„უფალო! მისაჯენ მე მტერნი ჩემნი“. ამის ზეით მთის სერს უწოდებენ ბელაქნის მცხოვრებნი „წერეთელთა თახთ“. უექველია, ის ეკუთვნით თავ. წერეთელთ, რომელნიც, როცა აქაურობაში ქრისტიანობა დაღუპულა, აყრილან და იმერეთში გადასახლებულან. მაშასადამე, თავ. წერეთელნი არიან შთამომავლობით ინგილონი—ქართველნი და არა ლეკნი, როგორც ამტკიცებს მეფე მრეკლე მეორეს-მიერ შედგენილი სია თავად-აზნაუთა.

„წერეთელთ ტახტად“ წოდებულს სერს რომ ჩამოვჰყვეთ და წამოვიდეთ ხევ-ხევ ძირს, ბელაქნისაკენ, წინ შემოგხვდება, შიგ ხევში, კვერნაკი, რომელსაც ძლიერა სცემს ბელაქნის მდინარე, ძირს უთხრის და ანგრევს. ამ კვერნაკზე მონასტერი ყოფილა, მაგრამ აწ აღარ არის ეკლესია, მხოლოდ ნაშთნი სენაკებისა გვარწმუნებენ, რომ აქ ყოფილა, წმ. მამათა სადგური. თვით კვერნაკი მდინარეს ჩამოუჭრია ჩამოუთლია ჰავკასიის მთის სუკისთვის და განუმარტოვებია. ზაივლიან კიდევ დრონი და კვერნაკს სრულიად დაჰშლის მდინარე და გააქრობს ყოველივე ნიშანს ქართველთა მამათა ნაღვაწვე მონასტრისას.

ამ კვერნაკის პირის-პირ, დასავლეთ მხარეს, მდინარის კიდზე ყოფილა კიდევ სხვა ეკლესია, მაღალს ადგილას აგებული. ამბობენ, ისიც მონასტერი იყო. ლეკები ეძახიან „მაკავ ქილისა“ (კვერნაკის ეკლესია). ის პატივი, რომელსაც მას ბელაქნელები უყოფდნენ 1850 წლამდე, ნებას არ გვაძლევს დავამტკიცო, რომ ის იყო თავადთა სამარხი ეკლესია. მებატონეთა კარის ეკლესიაზე უმეტესი იყო აღბათ, რომ ინგოლოების მოქრისტიანებამდე (1850—1863 წლამდე) ბელაქნის მუსულმანები დიდის მოწიწებით და პატივისცემით ეპყრობოდნენ მას. ინგილოებმა გაქრისტიანება რომ იწყეს, მაშინ ლეკებმა მოაკლეს მას პატივი და თაყვანისცემა. მას ჰქონია გარ-შემოვლებული სამ საყენიანი გალავანი

ქვითკირისა. ქვითკირი ამოყვანილია კვერნაკის ძირიდგან და ორ არშინამდე კიდევ მალლა აცილებული აქვს კვერნაკს, შიგნით მეიდანნი იქნება 80 საყენამდე სიგრძით, ხოლო სიგანით 40-დე. მკლესია მდგარა შუაზე. ბალაჯოვები ამბობენ, რომ შიგ მარხებულან მრავალნი წმიდანნიო. 1862 წელს, ჰაჯი-მურთუხამ, მაიორმა რუსის მილიციისამ, თათარმა შთამომავლობით და მაჰმადიანმა სარწმუნოებით, ამ ეკლესიის კედლები დააქცია და მის საფუძველზე ორ-სართულიანი ბალკონიანი სახლი აიშენა. ხოლო შიგ მყოფი სამარეები დასთხარა და განსვენებულთა მღვდელ-მონაზონთა, უწყინართა ღვთის-მოსავ მონაზონთა ძვლები ამოყარა აკლდამებიდგან და ხრამში გადაყარა. ამ ბარბაროსობისა და ფანატიკობისათვის არც თვითონ იმას დაეყარა კეთილი. 1863 წელს მან მოახდინა შფოთი და არეულობა, მაგრამ დამარცხდა, მთავრობამ დაიჭირა და ციმბირში უკრა თავი ცოლ-შვილიანად. ღარჩა მისი სახლ-კარი ოხრად და გატიალებული. თვით ციმბირში მოკვდა, ხოლო მისი ცოლი უკან დაბრუნდა და აწ მარტო გდია ქმრის სახლში დაფლეთილ-დაძენძილი ტანსაცმელით და ულუკმა-პუროდ ბელაქანში, ყველასაგან მოძულეებული. 1887 წელს მე უბედურს შემთხვევა მქონდა მენახა იგი ჰაჯი-მურთუხას სახლში.—,ვინა ხარო‘,—მკითხა მან? —,მარ ქართველი მღვდელი, მლოცავი და თაყვანის-მცემელი იმ წინდანებისა, რომელნიც აი ამ შენი სახლის ქვეშ ყოფილ ეკლესიაში იყვნენ დაკრძალულნი, მაგრამ შენმა ქმარმა, ღვთის სამართლის უშიშარმა, ამოჰყარა საფლავებიდგან და უპატიოდ განაბნინა მათნი ძვალნი‘.—,რა ვქნა, ქეშიშ (მღვდელი),—მიპასუხა მან, ბევრი ვემუდარე ჩემს სვე-უბედურს ქმარს, ნუ შეეხები ფირსაო (სიწმინდეს), მაგრამ არ გამიგონა.... ღა ღვთისა სამართალმა ისიც დაღუპა. მგჩითსა და ეკლესიას კაცი არასოდეს არ უნდა შეეხოს მტრულად,—დაუმატა მან,—ამისათვის რომ ისინი არიან გამ-

ჩენ ლმერთის სადიდებელნი სახლნი“-ო.—, მართალს ამბობ, მაგრამ შენმა ქმარმა, თავის ამაყობით წაქეზებულმა, შეურაცხყოფა მიაყენა ქართველთ შეიხებს (წმიდანებს): თავზე დაუქცია ეკლესია და მათი სამარენი შებილწა“-.—, ლმერთმა ჰკითხოს მას, ჩემი რა ბრალია. მისის ავკაცობით დღეს მეც ამ ყოფაში ვარ ჩავარდნილიო“!.. ჰიდევ რილასიც თქმა ჰსურდა, მაგრამ გავშორდი მას, გარს შემოვუარე სახლს, გავშინჯე საფუძველი ეკლესიისა და გამოველ დაფიქრებული და გულ-ამღვრეული, მაგრამ იმ რწმუნებით, რომ აქა ყოფილა ლავრა ბელაქნისა, რომელშიაც მოღვაწეობდა პატიოსანი ჰიმენ სალოსი, რომელიც მოვიდა აქ ბარეჯის მონასტრიდგან. მასთან ერთად მოღვაწეობდა „დიდიც იგი მოღვაწე ანტონ ნაოხრებელიძე, ნათესავით მესხი“ \*).

ინგილო ჯანაშვილი.

(შემდეგი იქნება)



\*) „ქართლის ცხოვრება“, 1273—1289 წ.

# გ უ რ ი ა

(შემაჯებელი \*)

ბურიაში მიწა მოშავოა, ეწრებზე-კი მოყვითალოა; თერთრი—თავის დასაბანი მიწაც ბევრია. მადნეული: მიწა-ტალახი მრავალია აქა, მაგრამ ვინაა იმის მცოდნე, რომ გამოიკვლიოს ესენი? ნავთიც ბევრია. ღლეს-ღლეობით საკუბრეზე სუფსა-ნატანებს შუა ინჟენერების წყალობით ბევრგან იბურღება ადგილები, შესატყობად იმისა, თუ რავდენი იქნება ნავთი აქა?

ნიადაგი აქ მეტად ნოყიერია, მეტადრე შავი მიწის. აქაურს ნიადაგს უმეტესად მოჰყავს სიმინდი და ღომი, რომლითაც იკვებებიან გურულები.

ზეგნეები უკეთესია მერეებზე და მერეები ეწრებს სჯობია.

აქაურ ნიადაგს ბევრი უცხოეთის (ამერიკული, ევროპული და ინდო-ჩინური) ყვავილ-მცენარეობაც მოჰყავს, ამისათვის გურულს უცხოეთის ყვავილებით მოლამაზებული აქვს კარ-მიდამო.

ბურიაში ბუდობს შემდეგი ფრინველები: გარეული ბატი, იხვი, ქათამი (გინა ტყის ქათამი და წყლის ქათამი), მტრედი, შაში, ჩხარტვი, მხარწითელა, სკვინჩა, ბელურა, კოდარა, ლაჟო, ოფოფა, ლალლა, ჭყიამპო, მიმინო, მწყერი, ქორი, ჯაჯა, ძერა, მერცხალი, მათხაჭუნა, თავშავა, ჩხიკვი, თოხი-ტარა, მთის-ჩიტა, წყლიშაში, ღრიფი, გაიდონა, კუ-

---

\*) იხილეთ „მაგზაური“ № 5.

ლუმბური, ყანჩა, მებოლოკიე, მამბაკუნა, ყვაფი, ჭილყვაფი, ყორანი, წყლის-გიორგა, ყელწითელა, ჩიჩინაკი, ჭინჭალა, ბოლო-შავი და გვრიტი. \*)

**ათხ-ფეხა:** ტურა, მგელი, ღორი, მაჩვი, შველი, კვერნა, წავი, ყავი, ფოცხვერი (ბებერი ტურა), ტყის კატა, ვირთაგვა, თაგვი.

**ქვე-მშრამი:** ღვაჭაჭა, თავ-კობალა, ბაყაყი, გომბიო, გველი, ტინტილა, სლიკვი, ცხრა-ფეხა, კიბო, ხლუი, ფულუ, ზღარბი.

**მწერა:** კორიზა, ჭიანჭველა, სკა (ფუტკარი), პწერი (ბუზი), ბორბალა (ობობა), ციცნათელა, კოლონა, პუჩკური, ფუტუნცელა, ხარაბუა, კუდბუხელა, ძალი-მწერა, ლოქორიე, პეპელა სხვა-და-სხვა სოისა (მსგავსი), ღამის პეპელა.

**თევზი:** ნაფოტა, ლიფსიტი, ხოშნა, ჭარფალი, ღორჯო, კალმახი, წვერელა, ქაშაპა, ორაგული.

**მცენარეობა** შემდეგი ხაროას აქ, **ბურიში:** ჭინახუღა: ღომი \*\*), სიმინდი \*\*\*) , ჭვავი, ქერი.

**ბაღჩეული:** ღობიო (წილობიო, ხოხიე-ღობიო, მიწის-ღობიო, ყვერება-ღობიო, ქონა-ღობიო, ღჯის-ღობიო, რუსული-ღობიო), კიტრი (მიწის კიტრი, ღჯის კიტრი, რუსული კიტრი), ბადრიჯანი (გძელი და წითელი), ცერცვი (ოქრო ცერცვი), ნესვი, კართოფილი, ხაპი, მწარე-ხაპი, ხაპერა, ბოლოკი, თვის ბოლოკი, ჭარხალი, სტაფილო (უკანასკნელი ორი ნაკლებად).

**ფხალი:** კეყერა ფხ., ჭიჭლაყა, სვინტრი, ჭყანა, ჭანდუა,

\*) გაიდონა, ჩხარტვი და მამალი შაშვი მშვენიერად გაღობენ.

\*\*\*) კუხურაი, ბარამულაი, მათრახაი, ჩაქურა ღომი და ძინდაბაღაი.

\*\*\*) თეთრი სიმინდი, ჯორიელა სიმინდი, ალაზანი სიმინდი, წითელი სიმინდი.

ქინქარი, მოლოქაი, უმბალო, დედლიქონაი, ფშალაი, ეკა-  
ლაი, ძიგურაი, ქათანაცარაი, ხვართქლაი, ქათმიქონაი, ძრო-  
ხი-ენა, კატა კატაბარდაი სუქანა.

**მწვანელი:** წიწმარიტაი, ხახვი, სოხი, ქინძი, მლოგვი, შაშტრამი, ნიახური, ნიორი, პრასა, ქონდარი, პილპილი, მა-  
კილო, კამა, კლიავი, პიტნა, ზაფრანა (ამათში სუნნელი ბევრია).

**უვაილები:** ამერიკა-ვეროპიული ყვავილები, ია, ვარდი, ბაია, იასამანი.

**სოკოები:** კვერცხის სოკო, ქვეშ-წითელა, ხის ყველის სოკო (იქმევა ესენი); გველის სოკო, ბებერა, ტყაველა, ხის სოკო (ამათში ბევრი შხამიანია და არ იქმება).

**სამკურნალო:** მრავალ-ძარღვა, მკვდარი ვაშლი (ქრილო-ბისთვის სახმარია), ანწლი (მუცლის ტკივილისთვის), კაკირა (ორსული ქალის მუცლისთვის), ოხატუა (ხის დასამყნად), კოთხოჯი, ოსოპონტრო (გულის ტკივილისთვის, მეორე—პა-პასკირისთვის), ხვართქლაი, ინა, კანაფი, ჩალამ-კალამი, ია, ქადა-ქადაი, ისრიხა, ქრისტე-სისხლა, ძირმწარა, თაქოსტა, ელისაგორაი (ცხენის).

**შხამიანი:** მგლისოკო, თაფნიოსი.

**უბნალო ბაღახები:** ბურძგატალა, გვიმრა, წალიკა, ძა-  
ლლი-კამნიე, მწყერის-ფეხა, ლერწამი, ტრიეკუდა, ბურჩხი, ძია-რძუა, ტაბელა, ცაცხა-ცაცხა, აღვლო, დათვი-ფანჩარაი, ცხენი-კბილაი, ზარბაზანაი, აპუტრაკი, ძულულვა, ხოზიაკა.

**ხე-ხილი:** ყურძენი (ჩხავერი, კლარჯული, ორონაი, სამარხი, იზაბელა (ადესსა), ბადავი, თეთრიშა, შავყურძენა, წუმბური, მტრედის-ფეხაი, კოსმული (ართვინულია), მახატუ-  
რი, ღარი-თვალაი, კამური, ათინური.

**ვაშლი:** წითელი ვაშლი, შავი (ნაცარა) ვაშლი, სანეფო ვაშლი, დემის ვაშლი, ლიმონის ვაშლი, ბია ვაშლი, გემის ვაშლი, პანტა ვაშლი.



**მსხალი:** ხეჭექური მსხალი, ხატრის მსხალი, საივანობო მსხალი, კაცის-თავა მსხალი, კვირისთავა მსხ., ბია მსხ., სასელა მსხალი, მსხალ-ყვითელა, მოლაზურის მსხალი, მსხალ-გიდელა, მომღრის მსხალი.

**ბალი:** ვიშნა-ბალი, კახა-ბალი, ალექ-მალექის ბალი, კახაბალის ბუში, შავმბალა, მაისის ბალი.

**ტყემალი:** წითელი ტყემალი, ყვითელი ტყემალი, ოტური, ქლიავი, ალუჩა, კორკიმელი, ბულო (თეთრი, შავი), ბროწეული, ბია, ზღმარტლი, ხვიმრა, წაბლი, მოცვი, დათვი-სხალა, მწყავი (თეთრი და შავი).

**ატამა:** სათუთქი, სათალი, ვაშლ-ატამა.

**თხილა:** ბერძნული თხილი, ჩხიკვის-თავა, გულ-შიშველა, საფერისცვალობო თხ., ველური თხილი.

**ნაგოზი:** თქლიფი ნიგოზი, კერკეტა ნიგოზი.

**ღაღვა:** ჩიტლელვა, თეთრ-ლელვა, შავ-ლელვა.

**ჩირგვება,** (რომლის ნაყოფი იჭმება): ბარძაყაი, კონწარუხი, მაყვალი, ასკილი და ეკალაი, შკერი, იელი, სურო (მომხვევია) და ბარდი.

**უბნალა ხეები:** ძეწნა, ჭანდარი, ცაცხვი, წიფელა, ლუქუმხა, ბაძგარი, ძმერხლი, თელა, თხიფსელა, შავი ხე, ეკლის ხე (აკაკი), ურთხელა, ტირიფი, დაფნა, კერხლი, ხე ვარდი, ქილხჩილა, კვილო, კოპიტი.

**მიწები ბურიაში** მეტად ძვირია სიმცირისა გამო, და ამიტომაც აქაური გლეხი (კაძახი) თავად-აზნაურთა (მემამულეების) მიწას მუშაობს და ღალას (საყანულს) სოფელში ნახევარს აძლევს და გარედ-კი მესამედს, მეოთხედს და მეხუთედს (ეწორებში); ყურძნიდგან და ხილიდგან ნახევარს აძლევს სანაშენო მამულიდგან, სადაც თვით კაძახი სახლობს. ბევრმა კიდევ დაიხსნა თავი და ბევრიც თავ-უხსნიერია. საწყალი გურული კაძახი შრომობს და სხვისათვის, თვითონ კი არა რჩება-რა.

მიწა ქცევა აქ 900 ოთხ-კუთხი საყენი, ფასობს 25—

60 მან. მოუშენებელი, ხოლო (მომუშავებული) მოშენებუ-  
ლი 100—200 მან.

ბურიინ ნაწარმოებს შეადგენს: ღვინო, ოტკა, აბრეშუ-  
მი, სიმინდი, ღომი, ხილი და ყველი \*). ოტკიდგან შევა  
ბურიაში დაახლოებით 60,000 მან., ამდენივე სიმინდიდგან;  
ღვინიდგან 20,000 მან., ამდენივე თუთუნიდგან (თამბაქო).  
ხილიდგან 5,000 მან., პარკიდგან (აბრეშუმის) 200,000 მ.  
სულ ბურია გაჰყიდის 285,000 მან. ნაწარმოებს.

ბარედ გასულნი: ვაჰარნი, ჩინოვნიკი და სხვანი შემო-  
იტანენ არა უმცირეს 365,000 მან. და თითონაც იმუშავე-  
ბენ სახლისათვის 1,000,000 მან. მაშასადამე, ბურიაში, სულ  
ბრუნავს 1,670,000 მან.

ბქაურები რადგან ხელგაშლილად სცხოვრობენ, ამისა-

\*) ეველას კეთება გურიაში. ევეთს (ეველის დედას) ცხარე  
ძმარში ინახვენ კარგა დამარილების შემდეგ. რა მოწველენ რძეს,  
გასწუწვენ და ერთს კოვზს ძმრით დამდგარს ევეთს ჩაახსამენ (ჩაჭ-  
ევეთენ), მოურევენ რითიშე და ჩაიკეთება. მისდგამენ ხელს ცეცხლ-  
თან და შეათბობენ ქოთანში. გათბობისას ჩაჭეოფენ ხელს და ხე-  
ლის ზურგით რა შესჭრიან (ამოურევენ), აწვებიან და შეჭრილი რძე,  
გინდ მაწონი, ძირში ილეკავს. ამოიღებენ ხელში და გასწურავენ და-  
გუნდავებულს ორივე ხელითა, იგი მომზადილი ეველია, დაყრის  
ნახევარ მუჭა მარილსა და ქოთანში შეინახავენ.

ჩვილს ეველს გადახელებს, აი. როგორ: ჩვილ ეველს, რომელ-  
საც ხელური ჰქვიათ, ფიცხლად და თხლად ასჭრიან, ამ ასჭრილს მღუ-  
დარე შრატში (აქ სველს ეძახიან), ჩაჭერიან, ასჭრილი ერთიან მოუ-  
შეებს და მოხარშება ჩვილათ, მერე ამ რბილს, მოხარშულს ნაკვე-  
თებს ერთი-მეორეზე გადააფენენ და რავდენიმე ფურცელს დაადებენ  
და ისე შეინახავენ—ჰქვიან გადახელილი, რომელიც გემრიელია.

ადულებენ სველს და რა გამოკა დო, ანძლათი ჰქვიან, აქაუ-  
რად ნადული და ნადულის შრატი კი წურუჭაი. უბალახობისა გამო  
პირუტყვი ძვირია აქა.

თვის, თავიანთი აღებული არა ჰყოფნით და ვალებს იღებენ. **თ**ვითოეული მოსახლე, ორთა შუა რიცხვით 150 მან. ივალებს, სულ-კი 1,200,000 მან. ასე ამ გვარად **ზ**ურიაში ხარჯვენ 2,870,000 მან., ხოლო შემოსავალი აქვთ 1,670,000 მან.

**მ**იზეზი ხელ-გაშლილი ხარჯებია, რომ ხალხი აქ მეტად დაღარიბებულია მთელს საქართველოში. **ზ**ურიაზე უღარიბესი ხალხი ნაკლებათაა და ამათზე უმდიდრესად მცხოვრებნი-კი თვით ცხოვრებაშიც ნაკლებია. **ლ**არიბებიც არიან და არც არაფერს არ იკლებენ. **ზ**ურულეებმა ქორწილ-ტირილში, წვეულებებში ისეთი მასპინძლობა იციან აქ, რომ საკვირველი.

**ზ**ურიაში შემდეგს მშვენიერს გემოვანს **საჭმელებს** ამზადებენ: ქათამს წვნით, ყალიოთ მოხარშულს საწებელით, თევზს წვნით, ხარშოს, ამოღესილ ლობიოს, შეზელილ ლობიოს და მხალეულობას. **ი**ციან აგრეთვე შემდეგი საქმელები: რძის ქაში, ნადული, გადაზელილი, ბრინჯის ფლავი და სხვა მისთანები.

**ნ**ამცხვრიდგან შესანიშნია: ხაჭაპური და ყველიანი მქადი. **სა**შინაოდ ხარჯვენ მქადსა, ლომსა, მქადის ლომსა.

**ზ**ურული მანდილოსნები თუმცა ბევრს საქმეს აკეთებენ, როგორც ზემოთ ჩამოვთვალეთ, მარა ის მრავალი საქმე, თავის სიჩქარისა გამო, სამ-ოთხს საათში კეთდება—სადილი და იმის დაგვარ საღამოს ვახშამი და ამისთვის უქმი დრო მეტი რჩებათ, რომელსაც თავისი უთაურობით და ზარმაცობით ბევრი უქმათვე ატარებენ. **მ**ართალია ყაჭობა-აბრეშუმის პარკზე დიდი სასჯელი უძევთ ამათ, მარა, ეს თვენახევარს აქვთ და შემდეგ ხანებში, ხსენებულ საქმეების შემდეგ-კი უბრალოთ სხედან სახლებში ბევრი მათგანი მორთულ-მოკაზმული, სახეზე ფერ-უმარილ წასმული, რომელნიც ურთ-ერთ მეზობელთა შორის დაიარებიან და ცის და ქვეყნის ამბავს ლაპარაკობენ და ზოგნიც კორებსა სთხზავენ, და ან რა გასაკვირველი იქნება, რომ უკანასკნელთ ეს უქმი დრო არშიყობასაც მოანდომონ.

ბურულები სცხოვრობენ გაშლით და არა ჯგუფათ, როგორც აღმოსავლეთ საქართველოში. ბურულს თავისი ქურამაული (მამულ-დედული) მიწა, შენობა, ტყე, სახნავი სულ თავისსავე ორლობე-ეზოში აქვს და სხვის საქონელსაც-კი, არ შეუძლიან გავლა და ვერც შეიძლებს ღობეებისა გამო. მეზობელიც თითქმის მინძლის უნებურად ფეხს ვერ შესდგამს სხვის მამულში; ამიტომაც თითოეულ მოსახლის მოსახლეობა ფართოვდება და ცოტა ადგილიცა არა ჰყოფნის, ამიტომაც თვითოეული სოფელი რავდენიმე ვერსობით იჭიმება და ერთ-მეორეშიაც უერთდება და ასრე ამ გვართ მთელი ბურიის სოფლები ერთმანეთში შეერთებულია და ამით ადგილი სათქმელიცაა თამამად ვსთქვა, რომ ბურია ერთად-ერთ სოფელს წარმოადგენს, იმ ნაირს უზარ-მაზარს სოფელს, რო ქვეყანას შეედარება. ბურულს სადგომათ ოდა აქვს, თუმცა ამ 20—30 წლის წინეთ ოდები მარტო თავდაზნაურთა ედგათ და კაძახებს-კი სახლები და ფაცხები, მარა ახლა ისინიც მათ ჰბაძავენ და გაერთებულათ ცხოვრობენ.

ოდები სულ მოქალაქურათაა აგებული; ოდების უკან სამზარეულო სახლი ან ფაცხა უდგიათ, მას უკან კარიე (საქათმე), სულ უკან ღობესთან სალორე და ქალტა (ხალხამი) საქონლისთვის. სამზარეულოს გვერდით ნალიე, ოდის პირდა პირ ბედელი და სეფეა, ოდის წინ სასტუმრო ქიშკარა, უკან-კი საქონლისთვის. ახლოსვე წისქვილი და ჩამური აქვთ გამართული.

ბურულის ოდის მოწყობილობა: ზალაში კამოდი, კრაოტი და სტოლი, ზედ მშვენიერი დასამშვენებელი მოწყობილობით. ქედლები მოქალაქედებული და სურათებით მოწყობილი, სელის სკამები და ფანჯრები ლამაზი ფარდებით მოშვენებული.

ხოლო სახლის მოწყობილობა, ვისაც ოდა არა აქვს: სახლს ფანჯარა არა აქვს; ხოლო კარები ორი აქვს

წინ და უკან პირ და პირათ. ცუდი ჩვეულებაა, რომ სამზარეულოს და სახლს ორს პირდაპირ კარებს ატანებენ გურულები, რადგანაც ორ კარში შემოსული ქართით ცივდებიან და მიზეზი უმთავრესათ ესაა, რომ აქ ქვალი ხშირია და აფთიაქის იოდის არა ჰყოფნით ხოლმე. შუაში კერაა, რაზედაც სხვენიდგან ჯაჭვია ჩამოშვებული კაუჭითა ჩაღებების ჩამოსაკიდათ და ასადულებლად საჭმელისა. სხვენზევე ჯაჭვთან მარდილის კოთხოს (ჭურჭელს) და საკრელს (ძმრის დოქს) ნახავთ. ქედელთან გამწვდენი კრაოტია, რომელსაც ლოგინს ეძახიან, ზედ სეფეთი (სკივრი) იქნება. ქერა გარშემო ჯორკოებითა მოწყობილი დასაჯდომათ. იქვე კეცი და ჟესტი აგლია თუ სხვა სამზარეულო არ აქვსთ და თუ აქვსთ, ესენი სამზარეულოში იქნება. აქვეა: საწნახელი, ბარი, თოხი, ფქვილის კოთხო, გობი, საცერი, ხელგობა, კოთხო, ლაფერა, ჩოგანი, ფილა, ქვა სანაყი, ქოთანი, კოჭობაი, დერგი, დოქი, ლაგინა, ქარკა, ნატეხარაი, ვარცილი, ჩაღებანა, კაპქანა, კარდალა, ტაფა, ტაშტი, თუნგი, ბოთლი, ქიქა, გიდელი, გოდორი, გორიცა, კალათა, სუფრა, ბუდე, წალდი, ნაჯახი, ცული, ლასტი და სხ. ზარეთ-კი მარანზე, რომელიც ცის ქვეშ ცხემლის ხეებით მორგულია და შიგ ქურები ფლია ღვინით სავსე, ნახავთ იქ ხეზე: კოპეს, ორკოპეს, ორჩხუშს, როგოს და სხ. ზარეთ ნალიეს ქვეშ ან სეფაში ნახავთ ურემს და მის მოწყობილებას—კავს, სახნისს და ამისთანობას.

ზურიაში თავად-აზნაური და კაძახი ერთნაირათ ცხოვრობენ და ვერაფრით გაარჩევთ მათ ერთ-მეორესგან თუ არ წოდებითა. მართლში რო იძახიან: „მე თავადიშვილი ვარ და შენ გლეხი, თაყვანი მეციო“, აქ ეს არ არსებობს. რაც კაძახია, ის კეთილ-შობილია. მრთი შემთხვევა იყო აქა: ერთი აზნაურიშვილი კაძახს შეხვდა და კაძახი უდიერათ მოექცა აზნაურიშვილსა, რომელიც ცხენზე ბრძანდებოდა. ცხენო-

სანმა იწყინა და შეუძახა: კაძახო, რაფა მიბედავ, ხედავ ამა-  
სო და მათრახი ასწია ზევით, რომ გაუშალოს სახეში, მაგ-  
რამ, სანამ მათრახს აიღებდა კეთილშობილი, კაძახმა ფიშტო  
იძრო წელიდგან და ცხენიდგან გადმოუძახა კეთილ-შობილი.  
ამისთანა მაგალითები მრავალია აქ მხოლოდ ამისთვის, რომ  
გაერთება სრულებით სუფევდეს ხალხში.

ორივე წოდებავე ერთნაირათვე იცმენ სუფთათ და მშვე-  
ნიერათ ჩაქურას (მოკლე ჩოხა-შარვალსა), წელზე არტყიათ  
ბელ-ყაიში, ყამა, ფიშტო აქვთ გარჯობილი, ჰკიდიათ მათარა.  
თავზე კაბალახი აქვთ და ფეხებზე პაჭანიკით მოწყვილი  
წულები მესტებით. ამ გვართ ჩაცმული გურული მნახველს  
მოეწონება; გურულის სიჩქარეს ძალიან ხელს უწყობს თა-  
ვის სიმჩატე.

ახალ-მოდაში გძელი ჩოხა-ახალოხიც შემოვიდა. მანდი-  
ლოსნები ევროპიულათ და მოქალაქურათ იცმენ და ნაციო-  
ნალური ამათ არა აქვთ რა, გარდა წარბების შეღებვისა და  
ფერ-უმარილის წაცხებისა სახეზე.

გურულების საყვარელი ერთად-ერთი იარაღია და მონა-  
ღირეობა ხომ უსაყვარლესია. ჯარში გასვლა მათვინ ერ-  
თად-ერთ სამოთხეს შეადგენს. წვრილ-ფეხობასაც ნ—ნ წ,,  
ისე უყვართ იარაღი, რო ხიდგან გათლილ სატევარებს წელს  
იოქობენ და მითი ამაყობენ ხოლმე.

ბურულებს სიმღერაში პირველი ადგილი უჭირავთ მთელს  
საქართველოში. მღერიან სხვა-და-სხვა ხმით ორპირა-ერთ-  
პირათ და სხ. (დამწყები, მოძახილი, მობანე და გამყინვარე  
უსაჭიროესია და მასთანვე სხვაც). უმეტესნი მუზიკის მოყვა-  
რული არიან. ბურულთ თავიანთი საკუთარი მემუსიკენიცა ჰყავთ,  
რომელნიც მთელს რუსეთში და თითქმის ევროპაშიაც მიდიან  
და თავიანთ ნიქს აცნობებენ უცხო ხალხს და აკვირვებენ კი-  
დეცა. სიმღერაში პ—ნ წ. ბავშვებიც იღებენ მონაწილეო-  
ბასა. ბურულების სიმღერის საუკეთესო თვისება მიეწერება

ადგილობრივი მგალობელ შაშვ-ჩხარტვთა, გაიდონათა (ბულ-ბულთა) და სხვა ფრინველთა, რომელნიც უფრორე მაის-თი-ბათვეში უწყვეტივ დღე-ღამე თავიანთ შვენიერ შექორია-მებულ ან გაბმულ სტვენა-გალობით აცხოველებენ ბუნებას და გურულთა ყურთა-სმენას ატკობენ, რის წახედვით გატაცებულნი გურულნიც ბაძავენ მათ.

პ. ზვარამაძე

(შემდეგი აქნება)



## ბორჩალოს მარა

და ქასში მცხოვრები ქართველები.

ზარდა ბერძნების და რუსებისა, მთელს ბორჩალოს მაზრაში ქართველებიც სცხოვრობენ, ზოგნი მკვიდრნი და ზოგნიც ზავახეთიდან გადმოსულნი, ყოფა-ქცევით შესანიშნავი მშვიდობიანნი, სარწმუნოებით ფრიად მტკიცენი,—მთელის აქაურის ქრისტიანების მაგალითნი. სცხოვრობენ მეტი ნაწილი თავადების მამულზე და სხვა პირებისა. საშინელი სამწუხარო ვაების ცხოვრება აქვთ, რადგანაც ჩვენს მემამულე თავადიშვილებს აქაური მამულები ზოგი დაუყიდნიათ და რაც შერჩენიათ აქამომდე, მოურავებად ყველგან ს—ი ჰყავთ, რომლებიც განწირულებამდე უდიერად ეპყრობიან ქართველ გლეხებს... ზარდა ამისა, აქ არ მოიპოვება ისეთი სოფელი, რომ ქართველებთან ერთად თათრებიც არ იყვნენ დასახლებულნი, სომხები კი აუცილებლად თითო სოფელში ექვსი ან მეტიც ურევიათ. ჭართველები მისდევენ ხვნა-თესვას, ჰყავთ ცხვარი, აშენებენ და აქვთ შესანიშნავი ვენახები, რომლებიც ირწყვება მდ. მაშავერიდან გამოყვანილის რუევით. მაშავერი გადმორბის ძველ ღმანისის გვერდზედ, სადაც აგებულია შესანიშნავი ძველი უშველებელი ტაძარი.

ღღეს ს. ღმანისი შეადგენს სომეხთა მდიდრების საკუთრებას. ამ ხეობის სოფლები შეადგენენ 11 თუ 12 სამღვდელსო სამწყსოს. თითო სამწყსო შესდგება ექვსი ანუ შვიდი დაფანტული სოფლებიდან. რამდენიმე სამწყსო სოფელი შეადგენს ერთს საზოგადოებას, რომლებშიაც ქართველებს გარდა არეულად სცხოვრობენ თათრები და სომხებიც. მკლესიე-



ბი ყველა სოფლებშია, ჩვენ წინაპართაგან ძველად ნაშენნი, დღეს ზოგი მათგანი სომხების ხელშია.

ძვირთასი შემთხვევაა მსოფლიო ისტორიისათვის, რომ ქართველთ, რომლებიც არეულად სცხოვრობენ სუნიტებთან და შიებთან ერთად და წამ-და-უწუმ ლაპარაკობენ მათს თათრულს ენაზედ, დღესაც არ დაჰვიწყებიათ თავიანთი სამშობლო ქართული ენა, მაშინ როდესაც იშვიათია შეხვედეთ აქ იმისთანა სომეხს, რომ თავისი ენა იცოდეს, ამ სოფლებში მკვიდრთაგანმა \*). თუმც აქეთ მხარეს სოფლებში იშვიათია სკოლები, მაგრამ ქართველნი თვითონ მცოდნენი ავრცელებენ ახალ-თაობაში წერა-კითხვას. მრავალი მათგანი ნემეცურადაც კარგად ლაპარაკობს, რადგან მეზობლად ჰყავთ ნემეცები.

ჭეშმარიტებას გადმოგვცემს აქაური ისტორია, რომ ოდეს თათრები იკლებდნენ აქაურ მხარეს, მაშინ სომხები მოდიოდნენ სამხეთიდან და აქაურ დაცარიელებულ ალაგებზედ იკალათებდნენ. თუ სადმე ქართველნი იყვნენ დარჩენილნი, მოსულნი სომეხნი იმათთანაც ერეოდნენ ტკბილის ენით. თბილისის აზნაურთა დებუტატთა ყრილობის საქმეებიდგან სჩანს, რომ ოდეს საქართველო რუსეთს შეუერთდა, საქართველოში გამოგზავნილ იქმნა ვინმე ბ. პრილოვი; იგი სწერს შუალავერში მცხოვრებს შალანთარ შალანთაროვს, რომ მას დროებით მიეღო მმართველობა იმ საუფლისწულო მამული-სა, რომელშიაც სცხოვრობდა წინედ შვილის-შვილი ქართველთ მეფისა ალექსი. საქმეებიდგან აღარ სჩანს ბ. პრილოვი რა იქნა, დროებაც არეული გახლდათ იმ ჟამად საქართველოში და მას აქეთია, რომ ეს უძვირთასესი მამული დღევანდლამდე ყალანთაროვებს დარჩათ.

\*) ჩუენის აზრით ეს იმით აიხსნება, რომ ესენი ტომით სომეხნი არ იქნებოდნენ, აქედან რჯული ვი სომხის უჭირავთ. რედ.

ბრძანებისამებრ სასულიერო მთავრობისა 1899 წელში გაგზავნილ ვიყავ ბორჩალოში ეკლესიის აშენების საქმეზედ. აქ მიამბეს, რომ ამ შალანთაროვებმა, მას შემდეგ, რაც ბ. ქრილოვმა მათ მამული ჩააბარა, დაშალეს იქ არსებული ფუძას-ცვალების ეკლესია სამეფო სასახლისა და ქვა მისი იხმარეს ახალ შენობების აგებაზედ; იმ კომისიას კი, რომელიც დაარსებული იყო საქართველოს მამულების გასაზომ-დასაყოფად, თბილისის სუდ-პალატის 1867 წელში განუცხადეს, რომ მათ, შალანთაროვებს, ეს მამული დაჩემებული აქვთ ძველ დროიდანვე, როგორაც სახელმწიფო მამული. არსებულის კანონის ძალით მამული დაუმტკიცდა მათ, როგორც სახელმწიფო, და შულავერში მცხოვრებნი მართლ-მადიდებელნი ქრისტიანენი კი დღესაც ვერ შოულობენ შესაფერს აღაგს, რომ იქ ეკლესია ააშენონ, თუმცა ფული უკვე დიდი ხანია შეკრებილი და შარშან სამღვდლო მოსამსახურეთა შტატიც გამოცხადდა.

ბოლნისის სიონის ტაძარი, აშენებული მეხუთე საუკუნის ნახევარში, შარსმან IV-სგან, ქართველთა მეფისაგან, და კათედრა ქართველ ეპისკოპოსთა, დღესაც სდგას, როგორც საუკუნო სახსოვარი, ქართველთაგან რჯულისათვის და სამშობლოსათვის სისხლის ღვრისა. შამთა უწყალო ვითარებისაგან დღეს იგი ნახევრად მიწაშია დაფლული, ვიწროდ არტყია გაღაფანი ქვისა, წინ უდგას მაღალი სამრეკლო წარწერით, რომელიც პირდაპირ თვლით ვერ წარიკითხვის, გარშემო არტყია ვენახები, მერე სასახლე იქ მცხოვრებთათრისა და მერმე ირგვლივ არტყია მშვენიერი სახნავი, სარწყავი მიწა 100 დესეტინაზედ მეტი, საკუთრება ალაღარებისა ეფენდიებისა, რომლებიც, ტაძრის გვერდზე სცხოვრობენ. შრიად არ ექაშნიკება ხოლმე ჩემი მისვლა იქ ამ ალაღარს. ამ ეფენდიებსაც ეს კარ-მადამო ეკლესიისა ისევე აქვს დაჩემებული, როგორათაც შალანთაროვებს—შულავერ-

ში. ნეტა იმ დროს ადგილების მზომავი რას ფიქრობდა, რომ ამ სიწმიდის კარ-მიდამოს თათრებს უზომავდა?! ამ ეკლესიის პირ-და-პირ, წყლის გაღმა, მთის წვერზე, სდგას ეკლესია მსგავსი თბილისის სიონისა, გუმბათიანი, ყვითელის ქვით ნაშენი და შესანიშნავის ჩუქურთმებით მოკაზმული; დღეს მარტო გუმბათის თავი აქვს დანგრეული. ეს ეკლესია სდგას აქაური თუჯის ქარხნის პატრონის ი. თ. ბოლახის მამულში, რომელიც, როგორც მან თვით მითხრა, აპირებს ამ ეკლესიის განახლებას. ამ ეკლესიის ქვევით, აღმოსავლეთისკენ, მთის ძირში, გაშენებულია ხატის-სოფელი (პატარა ბოლნისი). ეს სახელი ძველ დროიდგანაა, რადგან აქ ქართველებს, ისეთი ძლიერი ხატი ჰქონიათ წმ. ბიორგისა, ეკლესიაში, რომ ყოველ წლივ ამ ხეობის ხალხი აქ იყრიდა თავს ხატობაში. დღეს ეს ეკლესია სომხებს უჭირავთ, თუმცა ამ სოფელში 37 კომლი ქართველია და 7 სომეხი. ბარდა ამ ეკლესიისა, აქვე აშენებულია ღვთის-მშობლის სახელობაზედ პატარა ეკლესია, როსტომ მეფის და დედოფლის მარიამის აშენებული, მათის შვილის ბედალის სულის საცხონებლად (როგორც სჩანს წარწერიდან). წირვა-ლოცვა ამ ეკლესიაში სრულდება ქართველთათვის, ხოლო წმიდა ბიორგის ეკლესიაში სომეხთათვის. ეს წმ. ბიორგის ეკლესია დაუპყრიათ სომხებს წარსული საუკუნის პირველ ოც წლებში, ვინმე დიამბეგის შანშიევის წყალობით და წმ. ტრაპეზი სომხურად შეფუცვლიათ. ახლაც არიან ამ სოფელში ამის მომსწრენი ქართველნი და თვით სომეხნიც. დღესაც დღესასწაული ხდება აქ 10 ნოემბერს ყოველ-წლივ, სომხების კალენდარში-კი ამ დღეს არც ბიორგი იხსენება და არც ბეურქა. ეს დღესასწაული ნამდვილი „ნაციონალური“ დღესასწაულია ქართველთა და არა სომეხთა, არც სხვათა. სომხებს ტრაპეზის გადაკეთებისთანავე, დავიწყებით ეკლესიისათვის სახელიც გამოეცვალათ. აქამომდე 10 ნოემბერს, რომელ დღესაც აქ თავს იყრის თბილისის მდიდარი სომეხობა, წირვის მერე გამოვიდოდნენ შვიდი ტერ-

ტერა „ზორდაკლითურთ“ (ბლადოჩინით) სადღესასწაულოდ შემოსილები და უვლიდნენ ქართველებს. მათ უკან მისდევდნენ ოთხი თუ ხუთი კაცი, რომლებიც ჰყიდდნენ წმინდა სანთლებს და ყულაბებით ფულსაც აგროვებდნენ მლოცველებში, შესაწევნელად და გასაგრცელებლად სომეხ-გრ. სარწმუნოებისა, რაც აკრძალულია კანონით (Циркул. отнош. Мин. Внутр. Д. къ нач. обл. и губер. отъ 10 Юня 1889 г. № 2772 и 30 Дек. т. г. № 3798. „Собр. уза, кон. и распр. прав. 1890 г. № 17, ст. 662). ამ ნაირი ქცევა სომხებისა წარმოგიდგენდათ თვალში სწორედ მჩმიაძინს და არა ხატი-სოფელს. ეს ამბავი აცნობა მთავრობას და პოლიციას ადგილობრივმა მღვდელმა და მას აქეთ აი ორი წელიწადია, რომ ქართველის სოფელში სომხები „კრესტნი ხოდს“ ვეღარ კადრულობენ. ამ ეკლესიაზე და ს. რატენის ეკლესიაზე აღძრა კითხვა წინაშე სასულიერო და სამხედრო მთავრობისა 1899 წ. ადგილობრივმა მღვდელმა მ. ს. ბაიდოშვილმა და როგორც ხმა დადის, უკვე დავალებული აქვს მათს უსამღვდელოესობას ეპისკოპოსს ძირიონს საფუძვლიანად გამოიძიოს ამ ეკლესიების საქმე და დაუბრუნოს ისინი ქართველებს. რატენის ეკლესიის ამბავს ჩვენ შემდეგ მოვახსენებთ „მოგზაურის“ მკითხველებს.

ბ.



# ფ. მ. ლ. ვ. ა. ჯ. ნ. ნ. მ.

შემდეგ \*)

მოგვთხვები ზორანა ურიებს მიჰმართავს აბიათარის სამტროდ. იხმობს მის შემწე მურდუხო ხახამსა ფარულად.

**ძაგგ.** მურდუხო! შენ მგონი თქვენი ხახამის შემწე ხარ. ვერ ჰხედავ, რომ გაქრისტიანებულა და ცდილობს არა მართო ურიებისა, ისივე წარმართ ქართველების გაქრისტიანებასაცა. რა გიწერიათ თქვენს სჯულში, ხომ უარმყოფელია თქვენის სჯულისა და მაგინებელი?

**მურდ.** მაგისტანასთვის გვიწერია სჯულში, რომ ქვით უნდა ჩაიქოლოს!

**ძაგ.** მაშ რაღას უყურებთ, რათ არ მოიყვანთ სისრულეში თქვენის სჯულის კანონის განაჩენსა?

**მურდ.** მე უწინ ყოფილა, ბატონო, ჩვენს ქვეყანას, ურიასტანში. ახლა ჩვენ უცხოეთში ვართ, ვეღარ შევიძლებთ მაგ ნაირ სჯულის ასრულებას ადვილად!

**ძაგგ.** აბიათარი შენი ახლო ნათესავი ხომ არ არის?

**მურდ.** არა, ბატონო, სრულიად უცხოა!

**ძაგგ.** მაშ აასრულეთ თქვენი სჯულის საქმე, დასაჯეთ, მეც ხელს მოგიწყობ, შუა გავგლიჯოთ ეგ ღორი. რისა გეშინიან?

**მურდ.** შფლის-წულლებისა და კარის კაცებისა მეშინიან, რომ მეფის ვაჭარია, დიდ პატივდებაში ჰყავთ მიღებული. არა

---

\*) იხ. „მაკაზაური“ № 5.

თუ მე მარტო დამსჯიან, მთელს ჩვენს ურიობასაც ამოსწყვეტენ ჩემთან ერთად.

**მოკვ.** მე ვიცი, შენ ჭკვიანი და წინდახედული კაცი ხარ, არჩიეთ, რით შეიძლება მაგისი დამარცხება-დასჯა, რომ სიადვილით მოვიდეს სისრულეში, ვერ შეიტყონ უფლის-წულთა და კარის კარის კაცთაც, მით შენც უვნებლად დარჩე და ურიობაც არაფერს ხიფათში არ გაებას?

**მურდ.** მაგას შინაური მტერი უნდა ჰყავდეს ურიობა, რომ შური იძიონ სათემ-ქვეყნოდ. ურიობაში იმისთანა თვალნაჩენი მტერი არავინა ჰყავს, თითო-ოროლა ვაჭრები თუ იქნებიან ურიობაში, არა მგონია, რომ მათ შეიძლონ მაგისი ვნება, დასჯა, მაგრამ რა ვიცი, მე მათ კარგად დაახლოვებით ვერ ვიცნობ, იქნება შეიძლონ, კაცი ვარედგან თვალით არ გაისინჯება? შველა კაცს თავ-თავისად ლომი უწევს გულში!

**მოკვ.** ვინ არიან მაგისთანები, ჩემო მურდლუხო, მითხარ? ბევრ რამეში გამოგადგები, მერწმუნე!

**მურდ.** თუ არ გამამხელ, არ გამთქვამ არავისთან, თქვენის პატივის-ცემისთვის გეტყვით, ახლავე მარწმუნეთ თქვენის მზის ფიცით, რომ გენდო.

**მოკვ.** ჩემმა მზემ, ჩემმა ღღემ, ჩემმა სულმან, არსად არ გაგამხელ, ოღონდ სწორე მითხარ, ურიულად არ მომატყუო.

**მურდ.** ვინც არიან ის პირები, თქვენმა ვაჭარმა აბრამამ კარგად იცის, ის გეტყვით, მე მომიტევეთ, არ დამივიწყოთ და გახსოვდეთ. რა ეს სთქვა, გავიდა.

**მოკვ.** შუ! როგორ მაკდინა ამ საძაგელმა ურიამ, ჩემგან ფიცი მიიღო, რომ არ გავსთქვა არავისთან და თვითან კი ფიცი არ მომცა; ახლა რომ წავიდეს და დამბეზლოს აბიათარს, ხომ გლახად წამივა დანაპირი მტრობის სა-

ქმე. მერმე ისიც ვერ ვჭკითხე, ისევ ურიის სჯულზედ იყო, თუ გაქრისტიანებული. სწორედ შევსციდი. როგორც მისი ლაპარაკიდგან სჩანს, დიდი საეჭვო და ქვეშ-ქვეშა პირი უნდა იყოს, მეტად გაქნილი, უნდობი და მოლაღატე: აი ასე ძნელია ყველა კაცზედ ნდობა, გულის ხვაშიადის გამხელა, გაზიარება, წინაღვე შეუგნებელ-შეუსწავლელად; სწორედ ქართველური გულ-უბრყვილო განსაცდელი დამემართა!.. მს რა ღმერთები გამიწყრა, სხვათა მასწავლებელი, სხვების გასაწბილებელი გავხდი; ნეტა რა გრჯიდა-თქო!.. აღარ ვიზამ ამას იქით ამ ნაირ შეცდომილებასა, დაიწყევლოს უგუნურობა!..

**მოკგ.** აბრამ! თითქო მტკიცე ურია ხარ, შენს სჯულს წმიდად ემსახურები, მგონი თქვენ დიდ ხახამს ურიობა უგმია და ქრისტიანობას დასდგომია, დაახლოვებია ვილაც უცხო ქვეყნიდგან მოსულს ქრისტიანს დედა-კაცს და იმის რჩევით ქრისტიანობას ჰქადაგობს, მთელ მცხეთის მცხოვრებთ, ურიებს თუ ქართველებს იზიდავს ქრისტიანობაზედ! მაგისტანა კაცი განა მოსაკლავი არ არის?

**აბრამ.** ბატონო, მოსაკლავია, მაგრამ ვინ მოჰკლავს, ამისთანას მოკვლა ჩვენთვის უცხო ქვეყანას ძნელია, თქვენთვის ადვილია.

**მოკგ.** თქვენი სჯულის უარ-მყოფელს, რა კანონი აქვს, რა განაჩენი? მითხარ სწორე.

**აბრამ.** სათემ-ქვეყნოდ დაქოლვა ქვითა!

**მოკგ.** რა კი კანონით მაგნაირი სიკვდილი აქვს მაგისტანას მისჯილი, დროით ვეცადოთ, მოვაწყობინოთ საქმე სანდო პირებსა, რომ მოვსპოთ მაგის სახელ-სახსენებელი ამ ქვეყნითგან.

**აბრ.** მაგის ჩასაქოლავად და ჩასაკირავად ჩემი ამხანაგები უნდა მოვიხმოთ: მოშო, მლიშაყო, შალხო, შიმყო და შა-

ლომაი. ამ ყველა ამხანაგებს, სული ყელში მოსული გვაქვს მისი მოწინააღმდეგობისაგან ვაჭრობის საქმეში. სულ არ გვადებინებს თვალსა. ჩავჰკლათ, ეგება მოვრჩეთ, მოვისვენოთ, მოთმინების ფიალი დიდი ხანია დაღეული გვაქვს!..

**მოკგ.** მაშ მოიწვიე შენ ისინი აქ, ჩემთან ერთად მოვილაპარაკოთ, გარდავსწყვიტოთ საქმე დროზედ... ზარეთ გატანის გამოაშკარავების ეჭვი ხომ არ არის, ყველა ხომ შენსავით წმიდა ურიები არიან, ქრისტიანობას ხომ არ ეკვრიან, არ თანაუგრძნობენ!

**აბ.** არა, ბატონო, ჩემზედ უფრო მაგარნი არიან სჯულზედ და ნდობაზედ!

**მოკგ.** ბანა შენს მტკიცე ურიობაზედ და ხვაშიადის შენახვაზედ საექვოთ მიგაჩნია შენი თავი?

**აბ.** არა, ბატონო, ეგრეთი კილო ხმარებულია მეტად სანდო სარწმუნო პირებზედ, მისთანა სანდო რომ არ იყვნენ, ჩემს ამხანაგადაც არ იქნებოდნენ. ზადის და მიდის მინდობილებისამებრ.

გზა-გზა ამბობს თავის-თავად: „შენმა თავის გახეთქამ, სწორედ არ გითხარი: მაგისთანა საქმეზედ აბა ვინ გიჟი და ქირვეული იქნება, რომ უეჭველად დაგეთანხმოს. ორთა ბოროტთაგან კაცმა უმცროსი სიბოროტე უნდა აირჩიოს, როცა სხვა გვარი თავის გასატანი გზა და კვალი არ ექნება, სიტყვის კილოს მოიმიზებებს! მერმე დაფიქრდება:.. რა დავუშავე ნეტა ვიცოდე მურღუხოს, რომ მე მიმცა პირში ასეთი მძიმე საქმისთვის?.. ან რა ექნა საწყალს, ერთხელვე ჩაუგდია ხელში და ძალის-ძალად შემოუხვევია თავზედ, სხვა გზა რომ არა ჰქონია, მასაც ჩემზედ გადმოუღია. ახლა რა ვქმნა, მეც ძლიერ მიმძიმს, სინიღისის წინააღმდეგია, როცა აბიათარი გაქრისტიანებულა, ურიობა აღარ მიეწერება მას, რომ ღირსი იყოს ჩაქოლვისა. ღვთას მკმაბუღისთვის



არის განწესებული ჩაქოლება და არა ურიის სჯულიდ-  
დგან გარდასვლისთვის; აბიათარი ღვთის მწამებელია,  
ქრისტიანობაც ჩვენი სჯულის სისრულეში მომყვანი და  
დამაგვირგვინებელია, მესხია თვით იესო ქრისტე მაცხო-  
ვარია სოფლისა. მაშასადამე, სრულიად არ გვაქვს სი-  
მართლე არც ერთ რიგად მისი ჩაქოლებისა, უსამართ-  
ლობა, უსჯულობა იქნება ჩვენი! თუ რომ მართლა  
ქრისტიანობა ჩვენი სჯულის საძირკველზედ დაფუძენი-  
ლია, რას დავაშავებთ ჩვენც, რომ გაექრისტიანდებო-  
დეთ? მისწრება იქნება, ღვთის ბრძანებას ავასრულებთ,  
ძველის სჯულის დამტყვევ დამაბრკოლებელ მრაველ-  
ნაირ ფიცხ კანონებისგან გაენთავისუფლებით, ქრისტიან-  
ების მადლიან სჯულში სულს მოვიბრუნებთ, მოვისვენ-  
ებთ სულითაც და ხორციითაც! სულ რომ არა იყოს  
რა ჩვენს სჯულში დაწერილი ჯავრის ამოყრა ყოველი  
მტერ-მოყვრისაგან, სისხლს გვიხდენს, გვიფუჭებს, დღე-  
ღამ მოსვენებას არ გვაძლევს. მოყვრებსა მტრად ვიხ-  
დით და არა თუ მარტო მტერს, მოწინააღმდეგესა კბი-  
ლისთვის კბილს, თვალისთვის თვალს ვსთხრით, ვაწუ-  
ხებთ, ვამახინჯებთ, პირს ვიფუჭებთ, საძულველი  
ვხდებით, ვიმტერებთ ვინც არა მგონია და ვიკი-  
ცხვით მთელის ქვეყნისაგან! ქრისტიანებს-კი არა თუ  
მოყვარენი, ისივე თავიანთ მტრებიც უყვარსთ, სიავის-  
თვის სიკეთეს უშვრებიან, თავიანთ მტანჯველთა და  
მდევნელთათვის ლოცულობენ! რა ჭკვიანური და საქე-  
ბელი საქმეა, რომ კაცი განგებ თავის მტრებს იმოყვ-  
რებდეს და ყველგან სულ სიტკბოს, სულ მშვიდობას  
და ერთობას ამყარებდეს, რა ემჯობინება ამას?.. აგერ  
ამით ბრწყინავს ქრისტიანების მადლის სჯულის ძვირ-  
ფასი ღირსება... ახლა ჩვენი მტრობა აბიათარზედ ნა-  
მეტნავი ფულის შეძენისთვის არის, რომ ჩვენ მეტი მო-  
გება გვქონდეს ინაზედა, ესეც სინილისის წინააღმდეგი

საქმეა. ღმერთს ყველა გამრჯე კაცისთვის თავისი წილი, თავისი ხვედრი მოსაგები მიუცია ცოტა თუ ბევრი სი-  
მართლით, ადგილისა და კაცის-დაგვარ, სიმართლით  
ყველა ჩვენს კერაზედ კმაყოფილი უნდა ვიყოთ, არა  
კაცს არ უნდა დავეცილოთ და არც არა უნდა შევიშუ-  
როთ მათი. მაგრამ ხარბობა და ვეცხლის მოყვარულო-  
ბა გვლუბავს მეთავისობით, ნეტა რისთვის-თქო! ცოლ-  
შვილმან უნდა ჭამოს ჩვენი ნაარმად მოგებული და  
ჩვენმა წაწყმენდილმა სულმან უნდა ზღოს მერმისს სა-  
უკუნოდ იმ ქვეყანასა... არა, არ მინდა, აღარ ვუღა-  
ლატებ არც კაცსა და არცა რა ჩემს სულსა!..—მიდის  
ჯერ აბიათარს ატყობინებს მოგვთპეტის მტრობას და  
მერმე თავისს ამხანაგებს უმხელს: მოგვთპეტი გიწვევს  
თქვენ, რაღაც საქმეზედა და მე ნუ მომილოდინებთ,  
მუცლის ჩხვერა ამივარდაო!

მიდიან მოშო, მლიშაყა, შალხო, შიმყო და შა-  
ლომა.

**მოკგ.** იცით თუ მე თქვენ რისთვის მოგიწვიეთ?

**მოშო.** არ ვიცით, გვიბრძანეთ რა გნებავთ, ყოვლიფერს,  
რაც შეგვიძლია ავასრულებთ პატივის-ცემითა.

**მოკგ.** ხომ ზედავთ მეფის ვაჭარი ასეულა, ატეხილა, თქვენ  
მტრად აგდგომიათ, ვაჭრობის საქმეში ხელს გიშლისთ,  
ზარალს გაძლევსთ, თქვენი სჯული უგმია, ქრისტიანო-  
ბას ჩემულობს, ბევრს ურისასაც და ქართველთაც აქრის-  
ტიანებს, დიდ უკმაყოფილებას აგდებს ჩვენში, თქვენი  
სჯულის მგმობელი, როგორც გიწერიათ კანონში უნ-  
და ჩაქოლოთ თუ მართალი ურიები ხართ, თუ არა  
და სწორე მითხარით, მაშინ ჩვენი იქნებით.

**ელიშაყა.** არა, ბატონო, ჩვენ წმინდა ებრაელები ვართ,  
ურიის სჯულისა, მოგვეციოთ ბრძანების წერილი და მა-  
შინ ჩვენ ვიცით.

**მოკგ.** ურიებმა სიცრუე იცით, ბევრჯერ არ ასრულებთ ხოლმე მინდობილ საქმესა!

**შაღხა.** როგორ არა, ბატონო, ეს თავი მოკვდეს თუ რაც გითხრათ და შემოგპირდეთ არ ავასრულოთ!

**მოკგ.** იცით, ერთი და ორი შემთხვევა არ არის, ბევრი მომხდარა.

**შაძეა.** ეს პირი გამიხმეს და ენა გამიძვალდეს, თუ გეცრუოთ.

**მოკგ.** შალომა, შენ რაღას ამბობ?

**შაღამა.** იმას, ბატონო, რომ რაც ბრძანეთ და მოგახსენეს თანახმა ვარ, თვალმან მიმტყუნოს და ყურმან მიწივლოს, თუ რასმეში გიღალატოთ!

**მოკგ.** მაშ აქვე მოილაპარაკეთ ჩემთან, როგორ უნდა ჩაიგდოთ ხელში დიდი ხახამი აბიათარი.

**მაშ.** შოველ შაფათს სინაგოგაში გვიქადაგებს, გამოვათრევთ იქიდგან წიალ-წიალით, გავიყვანთ ქალაქ გარეთ და ჩავკლამთ!

**მოკგ.** როგორ მოახერხებთ მაგის გატაცვას სინაგოგიდგან, თქვენის ჯამათის იმოდენა სიმრავლეში?

**შაღხა.** მომხრე-მომხმარო ბევრი ურიობა ამოგვიჩნდება. ჩვენ ხელს ვტაცებთ თუ არა, სხვანი ხელ-და-ხელ ააგურგულეებენ ფრინველივით, ისე რომ ფეხები ძირსაც არ დააკარებინონ და გამოარბენინებენ ყვირილ-შამათითა!.

**მოკგ.** თქვენში რომელი შებედაძს, 'რომელი უფრო ძლიერია, გულადი და ფიცხი, მითხარით?

**ელეშაყა.** მე თვითან, ბატონო, მივარდები, ვტაცებ ხელთ ხელებში თუ არ, მაშინვე გადმოვათრევ, გადმოვაგდებ სამქადაგებლოთგან კისერ-ტეხით, დაეხვევიან სხვებიც, გავიტაცებთ და მას თავისას დავმართამთ!

**მოკგ.** მერმე ქვეები მზათ გაქვთ, ვინ უნდა ჩაქოლოს?

**შაძეა.** ისეთი რჩეული ვაჟკაცი ბიჭები მყავს, რომ ქვის სრო-

ლაში ბეწვს არ ააცილებენ; ათი-თხუთმეტი ქვა და მაგისი ჯანი.. ხელათ გაათავებენ, სულს ამოართმევენ!

**მოკგ.** მაშ აგერ ბრძანდება, წადით და ჩაქოლეთ, მაგ გულადობისთვის იცოდეთ ბევრს დაგაჯილდოვებთ!..  
**ზიდიან.** შათათ დღეს აბიათარი შევიდა სინაგოგაში და დაიწყო ქადაგება:

**აბათარ.** „უფალმან ზეცას განამზადა საყდარი მისი, და სუფევა მისი ყოველთა ზედა ეუფლებს. უგალობლით უფალსა, აკურთხევდით სახელსა მისსა, ახარებდით დღითი-დღე მაცხოვარებასა მისსა: მიუთხარით წარმართთა შორის დიდებაი მისი და ყოველსა ერსა შორის საკვირველება მისი!“ (ფსალმუნნი რბ. ეე.). მსაიამ ათასი წლით წინ დასწერა: „აჰა ქალწულმან მუცლად იღოს და ჰშვეს ძე, და უწოდონ სახელი მისი **ემჰანუელ**“ (ჩვენთანა ღმერთი, წ.)...

ღავით მეფეც ასრე სწერს:— „გარემომადგეს მე ძაღლები მრავალ და კრებულმან უკეთურთამან გარემომიცვეს მე. მანხვრიტეს ხელნი ჩემნი და აღრაცხეს ძვალები ჩემი... ჩანიყვეს სამოსელი ჩემი მათ შორის და კვართსა ჩემსა ზედა განიგდეს წილი (კა.)... ღა მცეს მე საჭმელად ჩემდა ნალველი, და წყურვილსა ჩემსა მასვეს მე ძმარი“ (მტ.)...

„აგერ მესამესა დღესა ბრწყინვალე აღდგომა იესო ქრისტე მაცხოვრისა მკვდრობისაგან!... ზაიგონეთ, ძმანო! ზესმოდესთ, ძმანო! შურადლება მიაქციეთ, დედანო! ამის მეტი სხვა გზა არ გვაქვს“... მს თქვა თუ არა, მისცვიდნენ გაბრაზიანებულნი მლიშაყო, მოშო, შალხო და შალომა, გადმოათრიეს სამქადაგებლოდგან, უშველეს სხვა მომხრეებმაც, გაარღვიეს, გაანგრიეს სინაგოგაში დაჰკერილი სიმრავლე, გაიტანეს გარეთ და პირი უყვეს ქალაქ გარეთ ჩასაქოლაფ აღვილსა, სადაც 15 ქვის მსრო-

ლელნი ურის ბიჭ-ბუჭები მზად იყვნენ ჩასაქოლავად; მაგრამ ქალაქის კართან მეფის მცველნი დახვდნენ, წინდაწინ ცნობა მიეღოთ ასეთი აურ-ზაურობისა. მისცვიდნენ ერთიან და ძალის-ძალად გამოჰგლიჯეს აბიათარი მკვლევებსა ხელითგან შეხეულ-შემოხეული, კაბა დაფლეთილი და წაიყვანეს თავისს სახლში. მკვლევლობის მსურველნი კი გაიქცნენ, გადაიკარგნენ მთიულეთში!

ეს უბრძოლველ ბოროტობა ნანა დედოფალმან რომ შეიტყო, ეწყინა მეტად და მიიხმო თავისთან აბიათარი ნუგეშის საცემლად.

**ნანა.** მე რა ბოროტობა ჩაუდენიათ, აბიათარ, მაგ თქვენ ებრაელთა, ვისგან ყოფილან აგრე ასეულნი?

**აბ.** მოგვთ-პეტ გორანასგან მოგზავნილნი იყვნენ.

**ნანა.** საითგან იცით, რომ მისგან შეჩენილნი იყვნენ?

**აბ.** ისევ ჩემმან პატარა ხახამმან მითხრა, მაგრამ მე არ დავიჯერე, ხუმრობა მეგონა, მერე მოგვთპეტის ვაქარმა აბრამამ მაცნობა უფრო გარკვევით გუშინ წინ.

**ნანა.** მერე მცველ-მფარველნი რათ არ გაიჩინე, რომ წინააღმდეგ შემთხვევაში მოგშველებოდნენ და გადაერჩინე!

**აბ.** მყვანდა კარგი ბიჭეგი, მაგრამ მოწინააღმდეგენი უფრო მრავალნი და ძლიერ ფიცხნი აღმოჩნდნენ, სინანოგოგაში ხალხის სიმრავლემაც ხელ-ფეხი შეეშალა, ველარ გაარღვიეს, ველარ გაეტივნენ, რომ მის დროს შემწეობა რამე მოეცათ. მანამდის იმათ ქალაქის კარამდის გამიტაცეს; ღმერთიმც უშველისთ მეფის მცველთა, განმათავისუფლეს მათი ხელითგან, რა ყოფით!

**ნანა.** ჩვენმა წარმართმა ქართველობამ რომ ჰქმნას მაგ ნაირი ავ-კაცობა, საიმისოდ დიდ ბრალად არ დაეთვლებათ, რომ უსწავლელნი, უმეცარნი არიან, ვერ არჩევენ ბევრჯერ ავ-კარგსა, მტერ-მოყვარესა, და ებრაელებმან როგორ უნდა იკადრონ ეგრეთი ბარბაროსული გლიპობა, როცა თავიანთი სჯულ-კანონი იციან, ავ-კარგს ჰხედვენ,

შავ-თეთრს არჩევენ.. მაგრამ საწარმართოში აღარ ეძებენ სჯულ-კანონსა, წარმართებისგან უარეს ბოროტებას ჩადიან!

აბ. მაგას მართალს ბრძანებთ: ისეთ უსინდისობას ჩადიან, რომ არც ერთი ქართველი არ იკადრებს, რაც უნდა მდარე წოდებისაც იყოს. მატყუარება, ტყვილი ფიცი, ტყვილი მოწმობა, მოღალატობა, უსამართლობა, სინდისის დახშულობა, ნაკლები საზომ-საწონი, საწყალ წარმართების ცარცვა-გლეჯვა, მევახშეობა, მოსაკლავად კაცის გამეტება, უმიზეზოდ, უადგილოდ თავ-შეუკავლობა და ბილწობა,—სულ ჩვენი ურიობის საქმეა, ამისთვის საძულველნი არიან ყოველგან ყოველ კაცთან!

ნანა. მადლობა ღმერთს, შენ გადარჩი ამჯერად მაგნიარ ხიფათსა, კვლავ ფრთხილად იყავით, იღვაწეთ ლვთის პატივისათვის ქადაგებით, ჩაგონებით, ქრისტიანობის გასამრავლებლად, რომ ეს საძაგელ-საზიზღარი წარმათობა და მისი ცრუ-მორწმუნეობა მოისპოს როგორმე!

აბ. იმედი მაქვს ლვთისაგან ქართველობა მალე გაქრისტიანდება, მაგრამ ცრუ-მორწმუნეობის მოსპობას ათასი წელიწადები სჭირია, მამა-პაპურ ზნე-ხასიათად გამხდარ ჩვეულების მომზნობას დიდი დრო-ხანი-ჟამი სჭირია. ურიობა კი თითო-ოროლათ გარდა ისევ ძველ სჯულზედ დარჩებიან, არ შეიშლიან თავიანთ მრუდ ხელფეხთ თათიკსა, როგორც აქამდის უვლიათ მრუდ გზაზედ, აღარ დაადებენ იმ წამხდარ გზასა.. ისევ ისე ივლიან არამტარამად \*).

ნანა. არა, აგრე გადაწყვეტითაც ნუ იტყვი, გაქრისტიანებულ ქართველთ თუ თავითგანვე კეთილი მოძღვრები შეხვდნენ, მაშინვე მოასპობინებენ ყოველ წარმართულ ცრურწმუნებას.

\*) ა რ ა მ ტ ა რ ა მ ა დ — დაფანტვით, ხან აქეთ, ხან იქით.

**ახ.** აგერ არ არის ჩვენი ებრაელობა დიდი ხნითგან მრავალ ნაირ ცრუ-მორწმუნოებაში დაღუპული! მართალია დაბადება-სამღთო ისტორია გვაქვს სჯულ-კანონის მასწავლებელი, მაგრამ ეშმაკს შეუჩენია ვიღაც სჯულის მცოდნე მოხუცებული მწერლები, დაუწერიათ თალ-მუდი, ვითომც საღმრთო წერილის ამხსნელ-გამომრკვეველი. ის კი არა თუ ისე აბრუდებენ მრავალ საწინასწარმეტყველო აზრებს, მრავალ თქმულებათ, რომ კაცი დაიბნევა, სწორეს ველარაფერს ვერ გაიგებს; ის არის რომ ქრისტეზედ მრავალ თქმულებას წინასწარმეტყველთაგან აშორებს, ასხვაფერებს, თავიანთ ტომ-მოდგმის საუკუნო დასაღუპავად.

**ნანა.** მე ყველა ღმერთმან უკეთ იცის; მან იზრუნოს ყოველი კაცის და ყოველი ტომ-მოდგმის სასარგებლოდ!

აბიათარი გამოემშვიდობა დედოფალს და წავიდა.

**ნანა.** ბატონო მეფევ! ეს თქვენი ნათესავი მოგვთ-მთავარი ხვარა, რომ ასრე დღითგან დღეზედ მოუძღურდა, ახრჩობს ზედი-ზედ მოსული ბნედა, ცოდო არის, შევეწიოთ, მოვეხმაროთ, ამოვაცანინოთ იმ ქრისტიან დედა-კაცთან, ვთხოვოთ, იქნება რამე ეშველოს და განთავისუფლდეს ამ წყეული სნეულებისაგან!

**მიჩიან მეფე.** ის თავისს ქრისტიანობას არ დალატობს, ჩვენს ღმერთებს მზეს, ზადენს, არმაზს არაფრად სთვლის, გვკიცხამს ჩვენც და ჩვენს წარმართობასაც, როგორ უნდა მივმართო მე მისთანა დედაკაცსა, როცა არ მოვსწონვართ არაფრით?

**ნანა.** ის არც ჩვენ გვწუნობს და არც ჩვენს სამფლობელოს, საწუნელია მისთვის მხოლოდ კაცთა ხელით გამოქრილ-გამოქანდაკებული სხვა-და-სხვა დევ-გმირების სახეზედ კერპები; გვეუბნება სწორეს, რომ არაფერი შეუძლიათ მაგათ, არაფრის მაქნისნი არიან და არც რამეში გამოსა-

დევნი. **თქვენი** უსწავლელი მამა-პაპების მოგონილ-მოკერებული ქორ-ზღაპრები არიან ეგენი. ღაანებეთ მაგათ თავი, და მართალ ღმერთს, ცისა და ქვეყნის გამჩენელ ღმერთს ემსახურეთო.

**ბეფე.** ხვარაი ცეცხლს იკიდებს თავზედ, სიბრაზისაგან ველარ დამდგარა, როცა ესმის მისი ამბები, იძახის: როგორ თუ ერთი დედაკაცი ქრისტიანობით ჩვენ გვერეოდეს და თავზედ გვაჯდებოდესო? სწორედ მისი მიზეზით ველარ შეუკავებია თავი და ხშირად მოსდის აგრე ბნელა.

**ნანა.** თავზედ კი არ გვაჯდება და თუ სწორეს მათქმევინებთ, ყველას ფიანდაზად ფებთ-ქვეშ გვეგება, ვეცოდებით, გვიბრალეებს, მადლის საქმეებით სიკეთეს გვიშვრება, ამდენ გაჭირებულ სნეულებს ჰკურნამს. რას გვიშავებს — პურს არა გვთხოვს და წყალსა, კვირის-კვირამდის მარხულია, ღამეების თევაში და ლოცვაში ატარებს თავისს დღეთა. მადლისთვის თუ ვინმე ერთსახე საქმელს და სასმელს მიართმევს, იმათაც ოთხ-წილ გლახაკ-ლატაკებს აძლევს და თვითან სულ ცოტას სჯერდება! როგორ არ უნდა დაეინახოთ ჩვენ მისი სიკეთე. ჩემს განკურნების გამრთელების საქმეს რაღას ეტყვიო? რომ მომარჩინა დიდს სნეულებასა, გაგიშრო ღვაპ-ღვაპად თვალთაგან ჩამომდინარე ცრემლნი, რომ მწარე ნაღვლიანად ჩამტიროდი ლოგინზე მისვენებულსა, და გაგიმხიარულა სულიცა და გულიცა, იმ დღეის წამი, წუთი მოიგონეთ! ზანა აგრე მალე დაგავიწყდათ?

**ბეფე.** არ დამვიწყებია, მაგრამ ასეთს ჰირვეულს კაცს რა ვუყოთ? სულით, გულით თავითგანვე მოგვობაზედ შეხორც-სისხლიანებულა, საშინლად ფიცხობს, ბორგამს, რა უნდა შევასმინო, ვერას ღონე-საშუალებით ვერ დავითანხმებ, არ წამომყვება, ქრისტიანი დედა-კაცის სახელის გაგონებაც საოცრად თავ-ზარს სცემს, კანკალ-



თახთახი გააქვს, ჰკრთის, და როგორ უნდა იკადროს მან მასთან მისვლა და მის ფეხთ-ქვეშ დაეარდნა... სირცხვილისაგან მოკვდება!..

**ნანა.** ღიად, მაგას მართალს ბრძანებთ, სწორედ ეგ მოუდრეკ-მოუხეშავი სიამპარტავენე-სიამაყეა ჩვენის წარმართობისა, რომ აგრე გვლუპამს ჩვენ მრავალგვარს უბედურებაში. მხედამთ მთელი ქვეყანა ნათლდება, ქრისტიანობით ავკარგს გებულობს ცოდვა-მადლისას, თავიანთ საენო სარგებლობისას, დღითგან დღეზელ წინ მიდიან და ჩვენკი ბნელს წარმართულს ლადალუდაში უგზო-უკვლოთ ვიჩეხებით, ვიმტვრევით, უსაქმურად, უსარგებლოდ ცარიელ-ტარიელა, მშიერ-მწყურვალე, თვალეზ ამოჩერებული უსასოდ, უიმედოდ, რა სიკეთე მოგვივა ჩვენ ამ ყოფით?.. მანდერ ჩემის სნეულებისაგან განთავისუფლებისა, მარწმუნებდი ფიცით, რომ მეც შენთან ერთად გავქრისტიანდებო და სამაგალითო წინამძღვრად გავუხდები ჩემს ერობასაო, მაგრამ დაგავიწყდათ, დღესაც უნდა აასრულო ვითამ თქვენი აღთქმა: თვით მეფე ბატონი, რომ ეგრე უოყმნობთ, არც წარმართობისკენ ხართ სწორედ და არც ქრისტიანობისკენ, თქვენი ხელთ შემხედვარნი ქვევრდომნი რალა ექმნებიან? ყალი მოვა და წაიღებთ!..

**მეფე.** არა, მე წარმართობას ვერ ვუღალატებ, რაშიც დაუბადებულვარ, რითაც გავზრდილვარ, ჩემი დღენი იმის ამარა უნდა ვიყო: უთქვამთ, რაც არ ექმნას მამაშენსა, ნურც შენ დახვე მარმაშებსაო!

**ნანა.** მინ გიშლისთ, ბატონო მეფე, თქვენი ნებაა, აგრე იყოს, აგრე იყავით, მაგრამ როდემდის?.. ღმერთი დიდია, არვის შეარჩენს უკულმართობასა, მოიხედაძს ერთ დღესაც და მაშინ გნახამთ? ფიქრი არ არის, დეე იყავით!

**მეფე.** დედოფალო, ეგ რა ნაირად დიდგულად ხარ, რა ნაირ

დიდ დიდებს ამბობთ, სჩანს რაღაც დიდ რამეს მოვლით ცითგან საშენო საკეთილდღეოს, რომ აგრე მედიდურად მკვახე-მკვახე სიტყვებს ნასკვამთ?

**ნანა.** მე, ბატონო მეფევე, არც ვდიდგულობ და არც ვმედიდურობ; ჩემი სიტყვა რა იქმნება, როცა არა აქვს გავლენა არსად; ეს კია, რომ ყოველი კაცი იმედით ცოცხალა და მეც იმ იმედით ღვთისაგან წყალობას მოველი ჩვენ სასიკეთო-სასარგებლოდ!..

ჰანმე მესხი.

(დასასრული იქმნება).



# დავით აღმაშენებელი \*)

საქმენი სამოქალაქონი.

ღვწ ვცნათ, ვითარ შინაური  
განაკო საქმე ქართველური,  
ვითარ ცხ. აგრება სოფლური  
ჰყო ტკბილ, ღვთიურ, ზენაური;

ვითარ იწყო აღშენება,  
მამულისა განშეგება,  
უმეტრობის შეჩვენება,  
ნიჭ-ქველობის მოჩვენება.

ა.

აღვიდა რა მეფე ტახტსა,  
აღდგა, გარდახდა ოსეთსა,  
მოუხმო ოსთ ბატონებსა  
და მათსავე დიდთ მთავრებსა.

ოსნი ყოვჩაყთა მტერ იუვნენ,  
ყოვჩაყნი დავითს მოყვრობდნენ,  
გურანდუხტს იქ ჰატივს ჰსცემდნენ  
და კშირსა სიძესა მობდნენ <sup>1)</sup>).

\*) იხ. „მოკზაური“ № 5.

<sup>1)</sup> დავით მეფის მეუღლე გურანდუხტ იყო ასული ყოვჩაყთ მეფის ათრაქა შარაგანიძისა.

დავითმა ზავ ჰყო მათ შორის,  
 აიხვნა კარნი კავკასის,  
 ციხენიცა დარიელის  
 და გზა გახსნა დელეთ შორის;

ძერე ეიფჩაუნი მოასხნა,  
 დარიელს აქეთ გადმოსხნა,  
 ორმოც ათასად აღნუსხნა  
 და საჭურველნიც შეასხნა.

ეიფჩაუნი წეობას მხნე იეგნეს,  
 მტერსა თავს უწყალოდ სჭრიდეს,  
 ბრძოლას უშიშრად იწყებდეს  
 და მტერს ფიცხლად განაწყებდეს.

ძეფემ დააწეგნა გვარ-გვარად,  
 ეიფჩაუნი დაჰყო დას-დასად,  
 შემოსა, შეჭურვა ჩქარად,  
 ცხენნიც მისცნა გასამხედრად.

დაუდგინნა სპასალარნი,  
 მმართველნი და წინამძღვარნი;  
 მათგან მეფესაც რჩეულნი  
 თან ახლდნენ ხუთ-ათას მბრძოლნი.

ოვისიცა განაწყო ჯარი,  
 სიქართველოის ლაშკარი,  
 მოკაზმული, გულ-მაკარი,  
 ჰირშეჰქტეგარ მხედარი.

აღახვნა ძერე კულუთა <sup>2)</sup>  
 და ლაშქარს უძღვნა ულუთა;  
 როქითაცა მოულუთა  
 და ცხენთც საზრდო უსულუთა <sup>3)</sup>.

<sup>2)</sup> უჯრედი სკივრისა.

<sup>3)</sup> შესაბამელ პირუტყვთ სასუქებელი მარცვალი.

ჯარს დაუდგინა მოძღვარნი,  
 კაცნი ფრიად მწიგნობარნი,  
 ღვთის სათნო, მხედართ მკობარნი,  
 ხოლო უსათნოთ მკობარნი.

მოძღვართ მოსხეს ბილწებანი,  
 ლაშქარს შიგან კინებანი,  
 საუშმაყო სიმღერასი,  
 განცხრომა, სახიობანი.

უბვე აღვწერეთ მეფისნი  
 მხედრობანი შესატყვისნი:  
 ვითარ მოსრნა ბარბაროსნი,  
 ვითარ დალევნა თურქ-სხარსნი;

ანუ მრწემად ჰყვნა მეფენი,  
 ხოლო მონად ხელმწიფენი,  
 მეოტად თურქთ ხალიფენი  
 და გლეხად სხარსთ მკუფენი.

გცნათ, ვით მეფემ დასხნა ყოფლნი,  
 მეფე-ყოფილნი, მსაჯულნი,  
 კაცნი გოლიათ გმარულნი,  
 ვითარცა მხეტ ზირუტეულნი.

დავით ბრწყინვალ და ენამზე  
 მზრუნველ იყო, ვითარცა მზე,  
 არა ხოლო სამხედროზე,  
 დასობასა და წყობაზე, —

ნუ იყოფინ! მეფის მზესა,  
 მან ბევრი სიბრძნე აგვესა,  
 ბევრი ნარჩევ ჰურ დათესა,  
 ბევრი ჰქურნა მზაკვარ, გვესა.

ბ.

დავით, ეანობირი შენი  
 უამსა დიდს იყო უშენი;  
 შენ იგი ანაოშენი  
 რქრას ფრადა გააშენი.

მისვედ შენ ქალაქსა ურბნისს, <sup>4)</sup>  
 რომელს წმიდა წყალ შეურბნის,  
 სიქველუ უხვად მოურბნის,  
 სიავე მწვავედ გაურბნის, —

მუნ შეჭკრიბე შენ კრებულნი;  
 დროცა ჰხრევე მოსწრებულნი:  
 ქართვლისა შეიწრებულნი  
 საუღარ ჰევა გაცისკრებულნი.

შენთან დაისვ იოანე <sup>5)</sup>,  
 ჭეშმარიტი ქრისტეანე;  
 ანსენიცა მოიფანე.  
 მწიგნობართა სათაფანე;

ძოუწოდე ღირსთ მამათა,  
 დიდთ და წმიდა მღვდელთ-მთავართა,  
 უმანკოთა მონაზონთა  
 და შემეტნებულ მოძღვართა;

ჟამთა სიავისაგამო,  
 ბიწისა ავისაგამო,  
 მტრისა ღაფღაფისაგამო,  
 ბნელის მოფენვისაგამო

საუდრები წაბილწულიყო,  
 ჭვამ ავაზაკთა ქმნულიყო;

<sup>4)</sup> 1103 წ.

<sup>5)</sup> კათალიკოზი.

მასში უდიდეს შესუდიყო  
და მღვდელად კურთხეულიყო;

საუღარნი არა ღირსებით,  
არა ჭკვიით და წარჩინებით,  
არამედ ეპურათ ზვაობით,  
დიდგვარობა-მამულობით;

წიგნი უმეტარ, უსწავლელნი,  
არა მწიქმსებრ კართ შესრულნი,  
ვით ქურდნი, ერდოთ ჩასულნი, —  
ესრეთ იუვნეს მამინ მღვდელნი.

ერს მოხდებოდა ბილწობა,  
სოდომელთ ცოდვას შთაწება;  
სათნოების მორეწება  
აღარვის სამე ეწება.

გინცა იყო ქრთამას მრთავი,  
ენა ცბიერ, სიტყვის მრთავი,  
იგი იყო სოფლის თავი,  
მისი მმართველ, მისი მრთავი.

უძღებობა, უმეტრება,  
საჭეთ მზურობელთ დანაცრება,  
კეთილ მოძღვართა დამცრება, —  
ცხად იყო, არ უმეტრება.

სომეხთ ეწოთ ზაექრობა:  
ვიდრე არსო ზაექრობა,  
საუღარი ნუ გაგვექრობა,  
სჯულიცა ნუ ჩაგვექრობა;

სარკინოზნიც საქმეს რეგდენ,  
უსჯულობას მრეგლს ურეგდენ.

ქრისტეანთ ტაძრებს ანგრევდენ,  
ბილწებით ქრისტეანთ სრეკდენ.

ესე ასრე ღვთისაგანა,  
იქმნა სამებისაგანა,  
უბადრუკ სამაღისაგანა <sup>6)</sup>  
ქართლი მთლათ გაისაგანა <sup>7)</sup>.

ურბნისს რამ შემოიკრიბნა,  
უსამართლონი განჭკვეთნა,  
უსჯულონი ქვე დაამსენა,  
პატროსანნი განამხენა;

ჩინებულნი საუდართ შესხნა,  
უხამსონი გარე გახსნა,  
მსაჯულნი საბჭოსა დასხნა,  
ყოფლს წადმართს ქება შესხნა.

და სარჩეულიცა სომეხთა  
განაბჭეს ურბნისს კრებულთა:  
განსაჯეს საქმე მამათა  
და მიჭრიდეს მათთ ცთომათა.

მეფემან ძეგლი დასწერა,  
მერე ხელი მოაწერა,  
და თვისთ კელადთ მიუწერა:  
„სრულ უავთ ესე, თუ გაქვთ წერა!“

## 8.

დავით მეფემ მრავლად დარგო  
საქართველოის შესარგო,

<sup>6)</sup> ბორცტი სული.

<sup>7)</sup> მოშურდულა, მოისრა.



საქმე კეთილი, სავარგო,  
ტკბილი, სათნო, უგულას მარგო.

ადგილსა ღამაზს, შვენიერს,  
ჭაფითა კეთილ შვინვიერს,  
ქუთათასა ახლიერს  
შეუქმნა მონასტერი ერს<sup>8)</sup>);

ძან, ვითარცა მეორე ცა,  
გაღართხა ტაძარიცა,  
რომლისა მსგავსი ჯერეცა  
არვინ სად ქქმნა მეორეცა;

ტაძარი აღავსო ხატით,  
ხატოსანთა ნაწილით,  
წიგნით, სამსახურებელით,  
საკიდელითა, სასანთლით;

მუნვე შემოკრიბნა კაცნი,  
ცხოვრებითა ხატოსანნი,  
სათნობითა შემკულნი,  
მეცნიერებით ბრძენ ქმნულნი.

და ვინცა ტევედ მოიუფანსა,  
მას საუმოდა დაუმტკიცნა,  
და რაღცა რაღ მტერს მიუხვანსა,  
ისიც მას ტაძარს შესწირნა.

და ღიპარიტის მამული,  
უმატრონოდ ეულ ქმნული

<sup>8)</sup> გელათი. საეკლ. მუზ. ხელნაწერში (№ 186, გვ. 548) სწერია: „ქმნა სულ (=1606), გელათი რომ დაწყებულა, ფ წელიწადი გარდასრულა. მაშასადამე, გელათის ღვთის-მშობლის ტაძარი მეფეს დაუწყვია 1106 წ. (1606—500=1106).

და ფრიად გაოხრებული,  
გელათსვე უძღვნა შემკული.

ტრაპეზიცა განუჩინა,  
საქმე მისი მოაჩინა,  
ნაკლი არ-რა შეაჩინა  
და ღვთის-მშობელს დაუჩინა.

გელათ იერუსალიმად  
იქცა აღმოსავლეთისად <sup>9)</sup>,  
კეთილისა სსწაულად,  
კერად მეტნიერებისად;

გელათით მოგვეცა წესი,  
მამათაგან დანაწესი  
და კანონი უწმიდესი,  
დავით მეფის მოღვაწესი.

მუნ აღიზარდა მხატვარი,  
შეგნიერების მსახვარი;  
გელათ, მზისა მისაკვარი,  
იქმნა ჩვენი სალხვარი.

## დ.

მეფემ წმიდას, დირსსა შიოს,  
მიჭხედა სანუგეშიოს,  
უძღვნა ბეგრ, თქვა: „მამას შიოს  
ნუცამცა სამე კშიოს!“

მუნვე ალაგო ტაძარი,  
შესწირაცა ასი ფური,

<sup>9)</sup> ძველს ქართულს წიგნებში აღმოსავლეთად იწოდება საქართველო.

ჯორი, ორ ათასი ცხვარი,  
ვენახი და ნაფუძარი. <sup>10)</sup>

ე.

ქართლს აშთობდა, ვითა სენი,  
უშეცრებისა მჭირსენი;  
იუალთოს დაჯდა არსენი,  
სკოლათა დამაარსენი,

ქართლ ესწრა სიბრძნის სასთველს,  
როს გაბრწყინდა გრემს, იუალთოს,  
ქვეყანასა საკახეთოს,  
შარაგანდი საქართველს.

ბრძენმა მამამ მცირე ეურემ, <sup>11)</sup>  
იოანე ტარიჭის ძემ, <sup>12)</sup>  
არსენიმ <sup>13)</sup> და თეოფილემ, —  
განაცისკროვნეს დიდი გრემ.

მუნ მეფეს ფილოსოფია  
მორჭმით აღუეფავებია,  
ეველასთვის განუფოფია  
და ქართლ გაუხარებია.

ისმენდი, უმაო მედგარო,  
ვითარ წიგნისა მოუვარო  
შეიქმნა მეფე უსწორო,  
ერმავე ბრძენ, გულისხმიერო:

რადცა რად წიგნნი ჭებონნა,  
ძველ ახალნი, სულ ისწავლნა,

<sup>10)</sup> 1123 წ.

<sup>11)</sup> ეფრემ-მცირე იყო ჩინებული მთარგმნელი.

<sup>12)</sup> იოანე ტარიჭის ძე—ფილოსოფოსი.

<sup>13)</sup> არსენი ვაჩეს ძე—დიდი მწიგნობარი და  
დავით აღმაშენებლის საკუთარი (მეგობარი).

ერთბამ უველა შეიფარნა,  
ერთბამ უველა შეიტკობარნა;

აგინი იუვნეს მისდა საზრდელ,  
მისდა „გემოვან სასუმელ“,  
ტკბილი ფრიალ და საწადელ,  
დღისით და ღამით საწურთელ:

წიგნს იგი არ იშორებდის,  
წიგნი მას აქვსდა მარადის,—  
შინ, ოდესცა ისვენებდის,  
კარე—ოდესცა ლაშქრობდის.

რას ლაშქარს მიდიოდინ,  
ჯორით წიგნნი მიაქვნიდინ;  
ვანს სად ჩამოხდებოდინ,  
მეფეს წიგნს მიაერთმევდინ:

კითხვას არ დააცადებდის,  
მუნამდცა იკითხვდის,  
ვიდრე კითხვით დაშვრებოდის;  
და რასცა დაიღვებოდის,

წიგნსა მეფე აიღებდის,  
ჯომარდსა ვის გადასცემდის,  
ნელიად წაკითხვდის  
და თვით წაკითხულს ისმენდის;

სმენილს გონებით სძიებდა,  
ძაღსა მისსა განმარტებდა,  
ძნადას მოძღვართა ჭკითხავდა,  
სიბრძნის დასაბამს იკვლევდა.

ძარტო „სამოციქულისა“  
მოქტევას წელიწდისასა,

ოც-და-ათხ ჯერობამდისა  
მეფე წაიკითხვდისა. <sup>14)</sup>

კიდევ სიტყვასა გეტყვით,  
არა სხვათაგან მოსიტყვით:  
ავტლას მეფე „დგთის მეტყვით“  
დედესა ჯდა მარტო კითხვით;

მაშინ ქალაქი ტფილისი  
იყო საძოვი თურქისი;  
მეფისა მყოფე სამასი  
გამსტრობად განვიდა მტრისი.

ლოჭინითგან მეფის უმათა  
მკასხეს ნახირი თურქთა;  
ზედვე ტფილისისა კართა  
თურქთა მათ დაჰკრეს ამათა;

რუმი ფრიად გაძლიერდა,  
მეფეს ესმა, აურიალდა,  
ცხენსა აღჯდა, მოქრიალდა  
და მტრის გუნდში შთაბრიალდა;

ვითა კაკაბნი არწივმან,  
ეგრე მტერნი დადეწა მან,  
განაბნია უფელი თურქმან,  
ვით ფილისტიში დავითმან.

<sup>14)</sup> ქ.-ცხ. (გვ. 254): „ვთქვა სხვათა საქმე მეფისა, საცნაურ-მყოფელი მისის წიგნთ სიყვარულისა. წინა დაიდვა ოდესმე წიგნი სამოციქულო წარკითხვად, და რაჟამს დაასრულის, ნიშანი დასვის ბოლოსა წიგნისასა; ხოლო მოქცევასა წელიწადისასა მით ნიშნითა აღთვალეთ, —ოც-და-ათხჯერ წარეკითხა“.

მეკე თვისს წიგნს დაუბრუნდა,  
წარიკითხა, რაცა უნდა,  
სცნა, საქართველო ვით აღორძინდა,  
ქართლს რა სჭირდა, ქართლს რა უნდა;

ცნა ძველთ შეფეთ ცხოვრებანი,  
კეთილ ძღვანებულებანი  
და წარმატებულებანი  
ანუ ნაკლებულებანი.

გაბრძნდა შარავანდოსანი,  
მთიებ დიდი ცისკრისანი,  
ქვეყნის კარგი ხელისანი,  
პორფირ-გვირგვინ სკიპტრისანი.

მ. გ. ლასურიძე.

(დასასრული იქნება)



# რუსუდან<sup>\*)</sup>

ისტ. დრამა ხუთ მოქმედებად.

(გუძღვნი ვლ. ალ.-მესხიშვილს და ნინო ჩხეიძეს)

მომქმედნი პირნი:

**რუსუდან**—ბატონიშვილი, შემდეგ დედოფალი.

**ორტულიშვილი**—მისი უკანონო მეუღლე.

**ლაშა-გიორგი**—საქართველოს მეფე.

**გელისციხელის ცოლი**—ლაშა-გიორგის ხარკა (ხასა).

**დავით ლაშას ძე**—ბატონიშვილი, მეფედ გამოცხადებული.

---

\*) ოდესღაც ვინმემ სთქვა: კულტურის დაბალ საფეხურზე მდგომ ხალხებს დრამები და დრამების მწერალნი არ მოეპოვებათ; ესენი მხოლოდ განვითარების კმაღლეს წერტილზე მდგომ ხალხებს კუთვნილებას შეადგენენ“.

ეს აზრი იქნება ცოტა გადაჭარბებულად იყოს გამოთქმული, მაგრამ ის კი უეჭველია, რომ დრამა მართლაც უდიდესი და უაღრესი ფორმაა მწერლობისა. მისი დანიშნულებაა სისწორით დაგვიხასიათოს და დაგვისურათხატოს ესა თუ ის პირი, ესა თუ ის მოვლენა და თავისი სიცხადით და სიმარტივით წაუშეყლად ადბეჭდოს ივინი ჩვენს გულსა და ხსოვნაში.

„რუსუდანის“, „დიდ-მოურავიანის“ და სხვათა მისთანათა დაბლება ჩვენს მწერლობაში უტყუარი ნიშანია ჩვენის ხალხის და მწერლობის შემოქმედებისა და ცხოველ-მოთვლადობისა...

ჩვენ განგებ წარუმიღვარეთ ეს ორიოდე სიტუვა ამ დრამას, რომ მით უაღრესი უურადლება მიგვექცია მასზედ „მოგზაურის“ მკითხველისა.

რედ.

წლეული სოსნა—მისი მოსამსახურე.

ნათელა—შერგილ ღადიანის მეუღლე.

ცოტნე დადიანი—ნათელას შვილი, გამგე იმერეთისა.

ივანე—ათაბაგი და ამირ-სპასალარი.

აგაგ ივანეს ძე—ათაბაგი და ამირ-სპასალარი.

ბოცო  
მემნა } ბოცოს ძენი.

ბექა ვგანეგანეს ძე—ციხისჯვარელ-ჯაყელი.

სარგის თმოგველი—ფილოსოფოსი და რიტორი.

გრიგოლ სურამელი—ქართლის ერისთავი.

განამ გაგელი ზაქარიას ძე—გამგე სომხეთისა.

ჯეღალ-ედ-დინი—სპარსეთის ყაენი.

რაინდნი, მოლალატენი და ლაშას წინააღმდეგ შეთქმულნი  
დიდებულნი, სტუმრები, მეკარენი, იფრინდანი, შიკრიკნი,  
მენავენი და ლაშქარი.

მოქმედება სწარმოებს 1213—1247 წწ.



# მოქმედება ჰირგელი

## ჩვენება I

თამარ მეფის სასახლე ტფილისში.

ბატონისშვილი რუსუდან მდიდრულად მორთულს ოთახში მოუსვენრად დადის.

**რუსუდან.** (მღერის) რა შვენიერი ვარ,  
ლამაზი ქალი ვარ,  
ბატონისშვილი ვარ,  
ძვეყნისა თვალი ვარ,  
მეფედ გაჩენილ ვარ,  
მეფე-კი მე არ ვარ!

(ღრმად ჩაფიქრების შემდეგ გამბედავად)

მიწყვივ \*) წესიაო! არა და არა! იმან იმეფოს და მე არა! ესე არ იქნების! ვეცდები, მეც ვიმეფო. ნათქვამია: „ლეკვი ლომისა სწორია, ძუ იყოს, თუნდა ხვალა“. სანატრელმა დედა ჩემმა (საუკუნოდ იყავნ ხსენება მისი!) თავის მეფობით გაამართლა ეს თქმულობა. მე რაღა დამიშლის ვიყო სახელოვანი და სოფლისა მნათი მნათობი?! მაგრამ როგორ?! ხუთი წელიწადი უკვეა, რაც ლაშა მეფედ იკურთხა თვით თამარ მეფისაგან. ლაშა ახლოვანი, გმირი ჭაბუკია, ჰშვენის მას ხმალი და გვირგვინი, იგი რაინდია მკვირცხლი, გულ-მაგარი: განჯის ომმა ცხად ჰყო მისი უებარი გმირობა. ვით დავით გოლიათი, ეგრე შეებაო უამრავ მტერს და ამოწყვიტაო უწყალოდ. (ჩაფიქრების შემდეგ). რა გზით შემეძლება ამ

---

\*) მიწყვივ—მარადის.

ვაშკაცის გადაყენება? გმირს როგორ მოვტაცო გვირგვინი და ხმალი? ვთქვათ, ორივე მოვტაცე, გვირგვინს მე გამოვიყენებ, ხმალს რაღა ვუყუო, ვის შემოვარტყა? მელიქი, დიდი სულთანი, რომელი ჰფლობს ეგვიპტითგან სპარსეთამდე, მთხოულობს დედოფლად, მოციქულებს ზედი-ზედ მიგზავნის. ბარბაროსზე გათხოვებას რათ ვიკადრებ! შარვაშეც, მთავარი შარვანისა, ჩემთვის იწვის, იღევა, მაგრამ რა ბედენაა სუსტი მთავრის მეუღლედ ყოფნა, როდესაც შემძლია გავხდე მეფე აფხაზთა, ქართველთა, რანთა, კახთა, სომეხთა, შარვაშე, შანშე და მპყრობელი ყოვლისა აღმოსავლეთისა და დასავლეთისა! (ჩაფიქრების შემდეგ). ხმალი-კი მოვტაცო და მისი შემოსარტყაში გმირი არ დაიღევა... ერთი ხომ აქევა, ჩემს კარზე, ორტულისშვილი, ანგელოზივით ლამაზია... ხელმწიფური მახვილი ამას უფრო დააშვენებს! გარნა ლაშა ჩემი დედის-ერთა ძმაა!.. მახსოვს პატარაობა, ერთად ვცელქობდით, სანატრელს დედა ჩემს ვეხვეოდით, ვესაყვარლებოდით, გულში ვეკონებოდით; „შვილებო, გიყვარდეთ ერთმანერთიო“,—გვიბრძანებდა მშობელი, „სიყვარული სიტკბოება არისო, ბედნიერებაო, ხოლო მეფის შვილების ბედნიერება სიტკბოება და ბედნიერებაა მთელის სახელმწიფოსიო“. ეს მეც ვიცი, მაგრამ რა ვუყუო, რომ რაღაც იღუმალი ძახილი მოსვენებას არ მაძლევს, არც დღისით და არც ღამით გონებიდამ არ მაშორებს ფიქრს დიდებისას, მამხნევებს გვირგვინი მოვიპოვო, მაქეზებს და მაიძულებს ივერთ ტახტი დავიპყრა... დიად, ვიტანჯვი, ვიღევი, საიდუმლო ჭია გულღვიძლს მიღრღნის, მიგლის! რა ვქნა?! რა ვუყუო?! ვიყუო თუ არ ვიყუო? თავზე ხელი ავიღო და მწუხარებას შევექამო?! თავზე ხელ-აღებულს ხომ უქუობას სწამებენ! უქუობა ვიკისრო? რისთვის მერე? მისთვის მხო-

ლოდ, რომ სხვა ბედნიერი იყოს!? ნუცამცა ესრე! „ჯერ თავო და თავოო, მერე ცოლო და შვილოო“; ჯერ მე, მერე სხვა, თუნდაც იგი სხვა ღვიძლი ძმა იყოს, ძმა დიდებული, გმირი, ვაშკაცი! ვინც გვაწუხებს, გვავენებს, გვანაღვლებს, გვატირებს, ის ჩვენი მტერია... შავ-ნაღვლიანად მატირებს მე ლაშა გიორგი, ჩემზედ უმცროსი დაბადებით, გარნა გამეფებული რაღაც სულელურ „ვაჟურ“ უფლებით! ვინც მაშფოთებს, ჭგულს მიწყლავს, ის ჩემი მტერია... ან მტერი უნდა დავამხო, ან მე თვითონ ნელ-ნელა დავილიო, მღრღნელს სევდას შევეკამო. არ ვიზამ ამას! შორს ჩემგან სიმხდალე! გამბედაობის ანგელოზო, მიშველე და ხელი აღმიპყარ, რათა დავთრგუნო ის, ვინც ბედნიერება და სიტკბოება ჩამიშხამა, ვინც ჩემს სულს მყუდროება წაართო! (რჩხით):

რა შვენიერი ვარ,

ლამაზი ქალი ვარ,

ბატონიშვილი ვარ,

ძვეყნისა თვალი ვარ,

მეფედ გაჩენილ ვარ,

მეფე კი მე არ ვარ!

მაშ რაღა ქალი ვარ, თუ ქსელი არ გავაბა და მასში არ მოვამწყვდიო ჩემი მკბენარი კოლო!..

(შემოდის ღაშა იაჩად შესხმული)

ღაშა. რუსუდან!

რუს. მეფე, ჩემი ლაშა! (ეხვეკიან ერთმანეთს და მკრე)

ღაშა. როგორ ხარ, საყვარელო!

რუს. რა მიჭირს! შენმა უნახაობამ, ცოტა არ იყოს, მომაწყინა, და დაგვიანებამ კი დამანაღვლიანა. მაგრამ დაქანცული იქნები. დაბძანდი, დაისვენე.

ღაშა. მაშკაცს რა დაჭლის! (სხდებიან ტახტზე).

რუს. მიაბზე ახლა, რა ნახე, როგორ იღიხინე აჯამეთში?

ღაშა. მთელი აჯამეთის ტყე მოვინადირეთ, ბევრი ტურა-მგე-

ლი დავხოცეთ, უფრო მეტი კი შეველი, ირემი, დათვი, ღორი. რა უწყალოა კაცი! ერთი ირემი მოვკალით. ფურ-ირემი იყო. მუკლიდამ ნუკრი გამოვუყვანეთ. ერთს ხარ-ირემს კიდე შუბლზე ჯვარი ვუნახეთ; ჯვარწერილს ჯვარი დავუღწეთ! მგონია, ეს კარგს არას მოასწავებს!

**რუს.** ჯვარიმც გწერია, დიდებულო მეფეო! ნადირობა ღეთისგან აღკრძალული არ არის. მონადირემ რა იცის, რომელს ირემს ჯვარი სწერია, რომელს შვილი ჰყავს მუცელში! უცოდინარობით კაცის მოკვლაც კი ცოდვად არ თქმულა და რა განაღვლებს შენ!

**ღაშა.** მე ვგრევა, მაგრამ ნუკრიანი ირემი კი მეტად შემებრა-ლა. უღმობელია კაცი, სწორედ უღმობელი. კაცი სწორედ კაცის მგელია და ნადირების კი სულთამხუთავი!

**რუს.** ბუნების კანონს გზას სად აუქცევ! ადამისითგან ვგრე ვოფილა, რომ ძლიერი უძლურს სჩაგრავს, უფრო ცბიერი უფრო სათნოებიანს ერევა. ამას თავი დავანებოთ, მითხარ ისიც, იმერნი როგორ დავიხვდნენ?

**ღაშა.** ჩინებულად. ტყუილად კი არ თქმულა: „სრდღინი აჩიან იბეჭნი, მტკერთა მიძცემი რისხვისა“. საცა წაველ, ყველგან დიდის ზემით მიმიღეს, ნადიმი გადამიხადეს, მომასვენეს. ქუთაისში, აფხაზეთში, გურიაში, აჭარაში და ყველგან, სადაც კი ვიყავ, მთელი ტრი აღტაცებით მომეგება. გამრუდებული გავასწორე, უსამართლო გავასამართლე, მჩაგვრელი დავჩაგრე, ქველის-მოქმედნი აღვაძალდე.

**რუს.** მეფე ძმაო, ვე ყველა კარგი, მაგრამ, იცოდე, შენ ბევრს შრომობ: წელიწადები ზედიზედ გადის და შენ კი მოსვენება არ იცი! მოიარე კახეთი, მოიმგზავრე თუშ-ფშავ-ხევსურეთი, ქართლი, სომხითი, სამცხე, ახლა მთელი იმერეთი. ვგრე რომ იარო, ძალ-ღონე გამოგელევა, უღროოდ დაიქანცები და დაბერდები. ჰაბუკს უფრო

შექვერის ლხინი, ალერსი, სიყვარული, „ჭამა-სმა და-დად შესარგი“, ვით შოთამ გვიანდერძა.

**ღაშა.** მე რომ ვილხინო, სამეფოს ვილამ მოუაროს?

**რუს.** ცოტანი არიან დიდებულნი ვაზირნი! და თუ სანატრელის ჩვენის დედის ვაზირებს არ ენდობი, შენს ტოლამხანაგებშიაც არიან ისეთნი, რომელთაც სახელიწიფო საქმენი ზედ-მიწევნით იციან.

**ღაშა.** მხარგრძელებს, საყვარელო რუსუდან, გული მითქვამს, ნუ ენდობიო. ეგენი ქვეშ-ქვეშ გამოიყურებიან და, მგონი, ჩვენი ლალატი სურსთ!

**რუს.** არა თუ მხარგრძელები, უკმაყოფილონი და გულნაკლულნი სხვებიც იქმნებიან, რადგან მათს გასაკეთებელს შენ აკეთებ, მათ მაგიერ შენ მუშაობ, შენ მოხელეობ. ბრძოლის ველზედაც კი გამარჯვებას არავის უთმობ. ყველგან წინ შენ მიდიხარ. სარდლებსა და სპასპეტებს არას ეკითხები. მაშ გულ-ნაკლულნი არ იქნებიან? უშვი მათ, ჰმართონ, როგორც უმართიათ, იხელისუფლონ, როგორც ჩვეულარიან.

**ღაშა.** მერე რომ რიგიანად არ ხელისუფლობენ? ერს რომ მიჩაგრავენ და მიწიოკებენ? ლაშქარს რომ წესიერად არ უწინამძღვრებენ?

**რუს.** მთა და ბარი ვის გაუსწორებია! დეე, სწირონ, როგორც უწირავთ! წუთი სოფლის სტუმრები ვართ. სტუმარს რა უნდა? ლხინი, სიმღერა, ლალის ფერი ღვინო, მუშაითნი და მუტრიბნი, ჩანგი, წინწილი და, თუ მიხვედრილი მასპინძელი შეხვდა, ლამაზი ქალები ვაყვებისათვის და ლამაზი ვაშკაცები ქალებისათვის.

**ღაშა.** მართალი ბრძანებაა, რომ წუთი სოფლის სტუმრები ვართ, მაგრამ გავიწყდება, დაო, რომ მეფეს, ნაკურთხს ღვთისაგან, დიდი მოვალეობა აწევს. სახელმწიფო საქვს პყრობას ძრიერი მკლავი სჭირია.

**რუს.** მერე შენს მკლავს განა სიძლიერე აკლია? სახელმწიფო დიდი ჩარხია. ჩარხი რახან მოიმართება, მერე მისს დატრიალებას სუსტი მკლავიც ადვილად შესძლებს. საქართველოს სამეფო ჩარხი ხომ დიდი ხანია მომართულია, მისს ტრიალებას არათუ ვაჭი ვაშკაცი, არამედ ქალიც შესძლებს. სანატრელი დედა ჩვენი ქალი იყო, მაგრამ მაზედ სახელოვანად აბა ვინ ატრიალა საქართველოს ბედი? ტყუილად გგონია, რომ ვინც მეფეა და სახელმწიფოს საჭე უჭირავს, იმას აღარ უნდა არც ლხინი, არც მოსვენება, არც გართობა ტოლ-ამხანაგებში.

**ღაშა.** ლხინსა და გართობას მე სულაც არ გაგურბივარ, მაგრამ, ვშიშობ, ვაჟ თუ ლხინმა გაგვიტაცოს და, იაღბუზის სიმაღლემდე აწეულნი, დაღმართ-დაღმართ დაგვაქანოს და წყვდიადის უფსკრულში ჩაგვაქანოს!

**რუს.** ტყუილი შიშია, გამოუცდელობით გამოწვეული სიფრთხილეა. ჩვენი ტახტი მპყარს კლდეზედ დამყარებულია და, ვსასოებ, იაღბუზზედაც მაღლა აღისრბოლს! ლაშა, იდღეგრძელონ ამიერითგან უკუნისამდე! სახელი შენი ითარგმანების ბრწყინვალეობით და განაბრწყინვებცა ტახტსა შენსა უმეტეს ყოვლისა თვის მპყრობელისა!

**ღაშა.** იყავნ ნება უფლისა! იცოცხლონ, დაო საყვარელო, მრავალ ჟამიერ! ჩრდილი შენი საგრილობელ ჩემდა ჰყავნ უფალმან!

**რუს.** მე ისევ იქა ვარ. ცოტა დაისვენე აქ, ჯან-ლონე მოიკრიბე, მოსუქდი, და მერე გაგისტუმრებ ერთს ადგილას, საცა შენს სიგმირეს და სიჭაბუკეს მარადდღე უგალობენ მერცხლები და იადონები.

**ღაშა.** სადაა ეგეთი ადგილი?

**რუს.** საქართველოში.

**ღაშა.** მაინც?

**რუს.** ძახეთში.

ღაშა. ქახეთში!

რუს. ღიახ!

ქალი სცხოვრობს ქახეთში,  
მისებრ არ არს კოლხეთში!  
მარდია სავარდეთში,  
მელისციხეს ნაზარდში!

ღაშა. ძარგად შეამკე ეგ ვილაც არი! დედოფლად თუ გვიპირობ!

რუს. დედოფლად არ ივარგებს!

ღაშა. მიზეზი?

რუს.

ცოტა კაცის შეილია,  
ცოტა კაცის ცოლია,  
ბარნა ლერწამ-ლელია,  
ძაცის გულის მწყველია!

ღაშა. ცოტა კაცობა რას დაუშლის, თუ თვითონ კარგია!  
ნათქვამია: ათასად გვანა დაფასდა, ათი-ათასად წრდი-  
ლობა, თუ კაცია თითონ ან ანის, ცუდია გვანაშვი-  
ლობა.

რუსუდან.

ქალი და რა ქალია:  
ფუფუნებით ზრდილია,  
ბარნა გათხოვილია,  
მელისციხის რძალია.

ღაშა. ღაო, ნუ მალეღვებ, სისხლს ნუ მიჩქროლებ. წინადაც  
ვიყავ ლაშარის ჯვარს. თუმ-ფშავ-ხვესურებმა წაწლო-  
ბა\*) იციან. კინაღამ მეც არ ამიჩნდა ერთი წაწალი. ვაშ-  
კაცს სისხლი რომ აუჩქროლდების, ძნელად და შეიმაგ-  
რებს თავს!

რუს. წადი ქახეთს, ქალი ნახე, ვარდი ვარდს შეეყარ და,  
თუ სურნელოვან აღმოჩნდა, ძალ-გიძს შეერთო და დე-

\*) და-ძმობა.

დოფლად დასო ბედნიერს ტახტზე. (მარტო). მაკალოე; ჩემო მაშფოთებელო, რა გვარ მახეში გაებში! (გადის).

**დაშა.** (მარტოკა). ვილაც ქალს მირჩევს ჩემი დაჲ, მერე ისიც გათხოვილს, ქმროსანს. ძაღვიძს შეირთოო, თუ მოგეწონაო! მაგას სწორედ ჩემი წარწყმედა უნდა! აკი ჩემმა ძუძუსმტემაც გამაფრთხილა, შენს დას ნუ ენდობიო! როგორ დავიჯერო, რომ რუსუდანს ჩემი ლალატი ედოს გულში! მერე რისთვის? ტახტისა და გვირგვინისთვის? არა მგონია! ტახტი მე მეკუთვნის სქესობით. არა, ვერ დავიჯერებ მის ორგულობას! მაგრამ სხვის ცოლის შერთვას რომ მირჩევს, ეს რაღას ნიშნავს? დავით მეფესავეთ მეც სხვას წაფართვა ცოლი! არა, ამას არ ვიზამ, თუ ღმერთი შემეწევა. (გადის).

ჩ გ ე ნ ე ბ ა II.

ტყვილისი. იგივე ზღაპრი.

შემოდინა რაინდნი და მწყრივდებიან. მერე შემობრძანდება რუსუდანი.

**რუს.** ბაუმარჯოთ რაინდებს!

**რაინდნი.** ბამარჯვება და დღეგრძელება დიდებულს უფლის წულს! (თავს უკრავენ).

**რუს.** ღვალებულ საქმისთვის მოხვიდოდით!

**რაინდნი.** იცოცხლეთ! სწორედ მაგისთვის.

**რუს.** მოინადირებდით, ვიცი!

**უფროსი რაინდი.** ღვით, ყოველივე მალე მოგვარდება.

**რუს.** მკადეთ შეაძულოთ სანატრელის დედა ჩემის ვაზირნი!

**უფროსი რ.** თუ თვითონ არა, ავით დიდებულნი შეიძულე-ბენ მას და განეშორებიან.

**რუს.** აგრე, აგრე!

**უფროსი რ.** მას განეშორებიან და თქვენს საფარველს ქვეშე შემოგფარებიან.

**რუს.** სიფრთხილე-კი საჭიროა ფრიადი. თუ ორგულება შეგვიტყვეს, ჩვენი სასოება ქარტეხილს მიეცემა!



ღაშა. ქახეთში!

რუს. ღიახ!

ქალი სცხოვრობს ქახეთში,  
მისებრ არ არს კოლხეთში!  
შარდია სავარდეთში,  
ველისციხეს ნაზარდში!

ღაშა. ძარგად შეამკე ეგ ვილაც არი! დედოფლად თუ გვიპირობ!

რუს. დედოფლად არ ივარგებს!

ღაშა. მიზეზი?

რუს.

ცოტა კაცის შვილია,  
ცოტა კაცის ცოლია,  
ბარნა ლერწამ-ლელია,  
ძაცის გულის მწყველია!

ღაშა. ცოტა კაცობა რას დაუშლის, თუ თვითონ კარგია!  
ნათქვამია: ათასად გგანრი დაფასდა, ათი-ათასად ზრდი-  
ლობა, თუ კაჭა თითონ არ ანის, ცუდია გგანრიშვი-  
ლობა.

რუსუდან.

ქალი და რა ქალია:  
ფუფუნებით ზრდილია,  
ბარნა გათხოვილია,  
ველისციხის რძალია.

ღაშა. ღაო, ნუ მადელვებ, სისხლს ნუ მიჩქროლებ. წინადაც  
ვიყავ ლაშარის ჯვარს. თუმ-ფშავ-ხვესურებმა წაწლო-  
ბა\*) იციან. კინალამ მეც არ ამიჩნდა ერთი წაწალი. ვაშ-  
კაცს სისხლი რომ აუჩქროლდების, ძნელად ლა შეიმაგ-  
რებს თავს!

რუს. წადი ქახეთს, ქალი ნახე, ვარდი ვარდს შეეყარ და,  
თუ სურნელოვან აღმოჩნდა, ძალ-გიძს შეირთო და დე-

\*) და-ძმობა.

დოფლად დასო ბედნიერს ტახტზე. (მარტო). მაკალე; ჩემო მაშფოთებელო, რა გვარ მახეში გაებში! (გადის).

**დაშა.** (მარტოჲკა). შილაც ქალს მირჩევს ჩემი დაჲ, მერე ისიც გათხოვილს, ქმროსანს. ძალგიძს შვირთოო, თუ მოგეწონაო! მაგას სწორედ ჩემი წარწყმედა უნდა! აკი ჩემმა ძუძუსმტემაც გამაფრთხილა, შენს დას ნუ ენდობიო! როგორ დავიჯერო, რომ რუსუდანს ჩემი ლალატი ედოს გულში! მერე რისთვის? ტახტისა და გვირგვინისთვის? არა მგონია! ტახტი მე მეკუთვნის სქესობით. არა, ვერ დავიჯერებ მის ორგულობას! მაგრამ სხვის ცოლის შერთვას რომ მირჩევს, ეს რაღას ნიშნავს? დავით მეფესავეთ მეც სხვას წავართვა ცოლი! არა, ამას არ ვიზამ, თუ ღმერთი შემეწევა. (გადის).

**ჩ გ ე ნ ე ბ ა II.**

ტფილისი. იგივე ჰალატი.

შემოდინა რაინდნი და მწყრივდებიან. მერე შემობრძანდება რუსუდანი.

**რუს.** ბაუმარჯოთ რაინდებს!

**რაინდნი.** ბამარჯვება და დღეგრძელება დიდებულს უფლის წულს! (თავს უკრავენ).

**რუს.** დავალებულ საქმისთვის მოხვიდოდით!

**რაინდნი.** იცოცხლეთ! სწორედ მაგისთვის.

**რუს.** მოინადირებდით, ვიცი!

**უფროსი რაინდა.** ლვითთ, ყოველივე მალე მოგვარდება.

**რუს.** ეცადეთ შეაძულოთ სანატრელის დედა ჩემის ვაზირნი!

**უფროსი რ.** თუ თვითონ არა, ავით დიდებულნი შეიძულე-ბენ მას და განეშორებიან.

**რუს.** აგრე, აგრე!

**უფროსი რ.** მას განეშორებიან და თქვენს საფარველს ქვეშე შემოეფარებიან.

**რუს.** სიფრთხილე-კი საჭიროა ფრიადი. თუ ორგულება შეგვიტყვეს, ჩვენი სასოება ქარტეხილს მიეცემა!

**ჩაინდნი.** ნუ შიშობთ, დიღო პატრონო, ენდეთ ჩვენს გამოცდილებას!

**ჩუს.** მჯერა თქვენი ერთგულება და მისთვისაც გაგიზიარეთ ჩემი გულის წადილი. მითხარით მეც, რა სცანით, რა გააწყეთ და გაარიგეთ?

**უფროსი ჩაინდი.** მცანით, რომ ლაშა ახოვანი კაცია, ჩვენო პატრონო!

**მეორე ჩაინდი.** უხვიც ყოფილა, უფლის წულო!

**მესამე ჩაინდი.** ლაშა, მოგეხსენებათ, დედუფალო, გლახაკთ გამკითხავია.

**მეოთხე ჩაინდი.** ლაშა გულჩვილი ვაშკაცია, ჩვენო დიღო პატრონო!

**მეხუთე ჩაინდი.** პრც მოშურნეა, თქვენს მზეს ვფიცავ!

**უფროსი ჩაინდი.** ლაშას უყვარს სხვის მიყოლა, დედოფალო, სხვათა მინდობა გაუსჯელად, და ესეთი თვისება კი ვისაც ჰბეღია, არ იქნების, თითონვე არ გაითხაროს ხნარცვი და თავდაყირა არ ჩავარდეს მასში. ეს თვისება ჩვენ უფრო გავუღვიეთ მას და გავუზარდეთ, და მალე შესტოპავს მწვირეს წუნწუნში და ამოიგანგლება ისე, რომ მტკვარიც ვეღარ გარეცხავს.

**ჩუს.** (კმაყოფილებით) ამინ იყავნ სიტყვა შენი!

**უფროსი ჩაინდი.** ხშირ-ხშირად და რიგ-რიგად ვუმასპინძლდებით მას, ვასმევთ, ვაჰმევთ, ვალხინებთ, უწესურ მსახიობას, სიმღერას, სილოდასა და ნაყროვნობას ვაყვარებთ.

**დანაშთენნი რ.** აწცა ჩვენ იქიდგან გამოვიპარენით, სადაც ლაშას ერთი ყოფა გააქვს და თავ-აღებულად ლხინობს ჩვენს მეგობრებთან.

**ჩუს.** ბარაქალა თქვენს გამოცდილებასა და გამჭირახობას! მომწონს თქვენი დაწყობილობა. გასამრჯელოს დიდს მიიღებთ.

**წაინდნი.** ბვიდღეგრძელენ ღმერთმან ჩვენი უხვი პატრონი.  
(თავს უკრავენ და მოწიწებით გადიან).

**წუს.** (ხაღვლიანის იმედიახობით). იქნება ბნელი უკუნი გამი-  
ნათღეს?! (გადის).

### ჩ ვ ე ნ ე ბ ა III.

იგივე პალატი. შემოდის ლაშა-გიორგი ბარბაცით. მარჯვენა  
თვალი ახვეული აქვს.

**ლაშა** (ენა დაბნეულით ელაპარაკება თავის თავს). ახია ჩემზედ. მი-  
შაღეს, განეშორე რაინდებსო, მსმელთ, უწესო კაცთ  
ნუ ეკარებიო. არ გავუგონე მათ. ავეყე მსმელებს. მე-  
გონა, გავერთობი-მეთქი. ვენდე რაინდებს. ან როგორ  
არ ვნდობოდი! დიდებულების და წარჩინებულ თავა-  
დების შვილები არიან. რა ვიცოდი, რომ გარყვნილობის  
მორევში ცურავდნენ. მაგრამ არა. იგინი გარყვნილები  
არ არიან. ვეჭობ, მხოლოდ მე შემაცურეს სიბილწეს  
წვირეში. აგერ დღესაც ბევრი მალხინეს, ბევრი მასვეს,  
მერე, როგორ მოხდა, არ ვიცი, წავედით სხვა მეგობ-  
რისას. სისხლი ადუღებული გვქონდა, გონება გახურე-  
ბული, მზეთ უნახავი ლამაზები შეგვხვდნენ, ძალ-მოძრე-  
ობა უნდა გვეხმარა, სიბილწე უნდა ჩაგვედინა. გარნა  
ტლუ ბიჭები გადმოფრინდნენ, თავ-პირი დაგვალეწეს,  
მეტადრე მე მომხვდა ბევრი. ვერ მიცნეს, მგონია, და  
მგვემეს, მარჯვენა თვალი ამომიგდებინეს, ქვა კუდით  
გვასროლინეს. ვაჰმე, ვაჰ ჩემს თავს. წავიწყმიდე სუ-  
ლი. შევიგინე და შევუგინე საფლავი დედა ჩემს, თამარ  
წმიდას. აწ რა არს ჩემი ცხოვრება? რა ვარ მე დღეს?  
ჩაღა, რომელიც ცეცხლმა უნდა დასწვას. რად დავიბა-  
დე? შესარცხვენად გვირგვინისა! რად არ გავქარწყლდი

დედის მუცელშივე! ღმერთო მოწყალეო, დამიფარე უვარესისგან. (წგება ტახტზე ტან გაუხდელი, ნახადს წამოიგდებს, ჩაქმინება და ბოდვას იწყებს). ვინ არის? ის არის... არა, ლანდია!.. არა, დედა!.. არა, აჩრდილია!.. ვაჰმე, დედა ჩემია!.. რა გნებავს, დედაო, რად მობძანდი?.. ნუ მგმობ! ნუ მწყევლი? ნუ ხარ ჩემზე გულძვირად! ჩემი ბრალი არ არის! შემაკდინეს!.. უცთომელი ვინ არის? ერთი მხოლოდ ღმერთი! ჯ-მე, კბილებსაც მიღრჰენ, დედაო! შენს საყვარელს ლაშას მათურთხებ! მაკმარე ტანჯვა! ნუ მაწვალებ! ნუ მაწამებ! შემიბრალე! დამლოცე! ეგრე, ეგრე! წადი, გამშორდი, სულს ნუ მიხუთავ! ჩემი ბრალი არ არის! ჩვილი გული მაქვს, მიმყოლი ვარ. ყველა კაცი მე კაცი მგონია! ზოგს თურმე კაცის სახე ჰქონია და ტარტაროზის ვერაგობა!.. ნდობას ლალატით მიხდიან (ღრმად იძინებს).

(შემოდის რუსუდან ფეხ-აკრეფით).

**რუს.** რა ტკბილად სძინავს! (მღერის).

ღაიძინე, თვალ-გამოთხრილო,  
ძვეყანასა შინა მოთხრილო,  
ლაშავ, სახელ მოყივლებულო,  
უკუნისამდე შერცხვენილო! (გადის).

ფ ა რ დ ა.

(შემდეგი იქნება)



# ი ა ნ ი ჩ ა რ ი \*)

მესამე მოქმედება

ს ც ე ნ ა I

ფაშის სადგომში.

**შემოდის რაბიცი და ათვალიერებს, ზედ დატანებაზე შემოდის მსახური ფაშისა.**

**მსახური.** შენ, ჰეი, გურჯო, აქ რათ მოჰსულობარ?

ან ეგრე ჩუმათ რათ მოიპარე?

ვერ ვის ეტყოდი, რომ ჩემთვის ეთქვა?

**რაბიცი.** მე არ მოვსულვარ ჩუმად-ქურდულად,

და, თუ წინ-და-წინ ვერ გაცოდინე,

ეგ-კი ბრალია იმისი, რომა

გარს გახვევიათ უხილავთ რაზმი—

და მე ხილული ვის რას ვეტყოდი!..

**მსახური.** მაგ სიტყვებისა არა მესმის რა...

შენ უსაქმურად არ მოხვიდოდი;

მითხარ, მიაბზე შენი ვარამი.

**რაბიცი.** მოველ, რომ ვნახო ფაშა ეფენდი,

მასთან საქმე მაქვს: სთხოვე, შეჩვენოს.

**მსახური.** (რბილად) ბეტყობა, გურჯო, ტკბილი კაცი ხარ,

გეტყობა, იცი კარგი ამბავი;

მე უნდა მითხრა ჯერ ყველაფერი,

რაც გსურს იმისთვის მოსახსენებლად;

---

\*) იხ. „მოგზაური“ № 5.

მერე მე შევალ, ვთხოვ, მომისმინოს,  
 გადავცემ იმას შენს ყოველს სიტყვას;  
 მაშინ თუ გნახავს, გამოვა აქა,  
 თორემ უამბოთ მასთან ვერ შევალ;—  
 მე ხომ გამლანძღავს, შენც გაგისტუმრებს  
 უპასუხოთა, არც გინახულებს.

**რობიტ.** შენ ტყუილადა გზებს ნუ მიხლართავ;  
 წადი, უთხარი, მნახოს, თორემა  
 არ შეეყრებით ორივე კაი დღეს!

**მსახური.** როგორ, გვემუქრი ორსავე ერთად?  
 იქნებ არ იცი, რომ ეხლავ ვბძანებ  
 და ჩხარა-ჩხურით ტყვედ გაგისტუმრებ!

**რობიტ.** ძი არ გემუქრი... მაგრამ თქვენს ფაშას  
 შეატყობინე ჩემი აქ მოსვლა,  
 საჭირო საქმე მინდა გადავცე,

**მსახური.** აკი გითხარი, უამბოთ მასთან  
 ვერ გავბედავ მე შეხედვასაც კი.

**რობიტ.** სითგან იქნება აქ უამბობა,  
 ეტყვი: ვილაცა გურჯი გელისთქო!

**მსახური.** თუ მე არ მეტყვი, მასთან ვერ შევალ.

**რობიტ.** რატომ?

**მსახური.** იმიტომ, რომ ფაშას სძინავს.

**რობიტ.** რას როშავ, მგონი, არც კი ფიქრობენ!

ეხლა რა დროსლა ფაშის ძილია,

აგერ საცაა შუადღე მოვა!

შენ თუ არ ეტყვი, მე თითონ შევალ.

მაშინ კაი დღე არ დაგადგება... (აზირებს შესვლას).

**მსახური.** ღაიცა, კაცო! რათ სცხარობ ეგრე?

ჰო, შევალ, ვეტყვი, მაგრამ ჩემთვისაც

რომ გეთქვა, უფრო შენთვისაც სჯობდა.

(ღაჯკე) ვერ გამოვცინტლე, რომ ფაშის გული

უფრო მქონოდა მით მოგებული.

აი მე მივალ, აქ მოიცადე. (გაფა).

**ზობიკ.** (მარტო) რა უნდა ვუთხრა?.. (მცირე სიჩუმე)

ამას რას ვშვრები?!

მტერს უნდა გავცე მთლად ქართველობა?

უნდა ვუთხრა, რომ ძალიან მალე

იმათ ქართველნი ძირს გაუთხრიან?!

თან დავარიგო, გაფრთხილდეს ფაშა,

ჯიმშერს ხელები შეუკრას მაგრა,

რომ მან ვერ იხსნას ჩვენი მამული?

ამას რას ვშვრები? რა მემართება?

ვლუბავ, თუ ვშველი ჩვენს ბედკრულს მამულს?!

აქ საკეთილო არაფერი სჩანს!

მეკი მინდოდა სულ სხვა... დიად, სხვა!..

მაშ, როგორც ვატყობ გონზედ მოსული,

მე უნდა გავხდე საზიზღარ კაცად,

მთელის ქვეყნისგან შესარისხავად,

რომლის სახელსაც, შესაზარავსა,

აროდეს უფილი არ მოიხსენებს,

თუ არ ლანძღვითა, კიცხვით, ყვედრებით!..

მერე რისთვისა? უბრალო შუღლის

გამოისობით მთლად უნდა შევრცხვე?!

მარტო მე არა, გვარიც და თემიც!..

მოლალატეო, უნდა მეძახონ?!.

არა, ვერ ვიზამ მე მაგ სიმდაბლეს!

პირადულ შურსა ვერ ვანაცვალე

მთელის ქვეყნის ბედს—კეთილ-ცხოვრებას!

მე ვერ გავხვდები საწყევარ საგნად,

არ მივცემ ნებას ჩემს თავს ამისას!..

სხვამ თითონ იცის... მე კი შორს... შორს

ამ ბილწ საქმითგან, ღმერთო მაშორე!..



ქართველის ფრჩხილი, გინდ მტერი იყოს,  
 სულ მირჩვენია მთლად ამ ოსმალებს!..  
 შენ, ჩემო ჭკუავ, როგორ მოგიხდა,  
 რომ ეს შეცდომა ჩაჩადენინე?  
 გულმა იქამდის როგორ დაგჯაბნა,  
 უტვინო გოგრავე, შე ბეციანო,  
 რომ მამულისთვის უნდა გემტყუენა?!  
 არა! ჭკვავ, გასჭერ, გრძნობავ დაჩლუნგდი,  
 ნუ მახვევ შენსა უწყალო ქსელში!  
 მაშ, წადი, რობიტ, ის ერთგულება  
 ბრძოლის ველზედა შენ დაამტკიცე,  
 და მოძმეებთან თავის განწირვით  
 იმათი გული შემოიმტკიცე!.. (მსწრაფლად გავა)

შემოდის ფაშა მსახურით.

ფაშა. აბა, სად არის?

მსახური. (დაბნევით) ეხლა აქ იყო,  
 დიდო ეფენდი... სად წავიდოდა?..

ფაშა. როგორა ჰბედავ ჩემს მოტყუებას?  
 არ იცი საქმე შენ ვისთანა გაქვს?

მსახური. ალლახსა ვფიცავ, ვილაცა იყო...

ფაშა. (ტაშს დაჭკრავს) ეჭვი, ყული! (შემოდის მეორე მსახური)  
 წაიყვა ესა,

მოსჭერთ ენა და ორივე ყური,  
 რომ რაც ესმოდეს, მხოლოდ ისა სთქვას!

მეორე მსახ. თქვენი ბრძანება მსწრაფლ აღსრულდება.

(ცალკე) ძლივს არ ჩავიგდე ეს წუწკი ხელში!

ფაშა. როცა მოვიდნენ ჯართ უფროსები,  
 უთხარ, მაშინვე აქ შემოვიდნენ.

ეს კი წაიყვა და აასრულე. (მსახურნი გაუფენ)

ფაშა. (მარტო) სწორედ რომ კარგი გამოცანაა!  
 იქნებ არც სტყუის ეგ ოჯახ-ქორი,

იქნება იყო ვინმე, აცდინა,  
 და მერე ისევ წავიდა, გაჰქრა...  
 მაშ, მაგან სითვან გამოიგონა:  
 არ შეეყრებით ორნივ კარგსაო?  
 არა, აქ სხვაა საქმის წამხდენი,  
 ეგ უბრალოა, ტყულად დასჯიან,  
 ჰე, აბაზ, აქ მო... (შემოდის მესამე მსახური)  
 წადი, უთხარი,  
 აღარ დასაჯონ უსუფა, ჩქარა... (ის აჩ მიდის)  
 შენ არ გიბრძანებ, რატომ არ წახვალ?

**სბაზ.** შაშა ეფენდი, ნუ გამიწყობი...

**ფაშა.** ჩქარა თორემა, კაცს აწამებენ...

**სბაზ.** მეც მაგისათვის არ გაიხლები,  
 რომ უსუფ კიდევ დასჯილი არის!

**ფაშა.** კიდევ დასაჯეს? უსვინდისონი!..  
 ეგრე სასწრაფოთ რას დაეშურნენ?  
 მე ხომ არ მითქვამს—ამ წამსვე-მეთქი.  
 მაშა, ვინც სწორედ ჩემი ბრძანება  
 ვერ გაიგონა, ისიც დასაჯეთ!

**სბაზა.** ისი როგორლა?

**ფაშა.** სწორედ იმ გვარად.

**სბაზა.** (მიმაგალი ცაღკე) მე კიდევ მაზე ვიყრი ჩემ ჯავრსა.  
 (გაფა)

**ფაშა.** არ დამაცადეს, ცოტა მეფიქრნა,  
 იქნებ ის კაცი გადამერჩინა...  
 მაგრამ იქნება მტყუანი არის?  
 ჰეი, აბაზ! (შემოდის) აქ ცოტა ხანს წინად  
 იყო ვინმე და მე მკითხულობდა?

**სბაზა.** არ ვინ ყოფილა, დიდო ეფენდი!

**ფაშა.** ძარგი, მაშ წადი. ეს მეორე-კი  
 ტყულად დასაჯეს, უბრალო იყო... (გაფა)

(ცოტა ხანს უკან შემოდინს ასლან და ისკანდერ)

**ისკანდერ.** შენ მართალი ხარ, ეგრე სჯობია;  
რომ შენი აზრი ჩვენ შეგვესრულდეს,  
ამდენი ჯარი შუა გაიყოს,  
მაშინ ხომ საქმე მოგებულობა!

**ასლან.** რასაკვირველია, სად მთელი ჯარი,  
სად ნახევარი! ნახევრ-ნახევრის  
კბილების მოჭრას უფრო შევიძლებთ—  
ახლა ზედ კიდევ ხანი მოგვატანს...  
ასეთ პასუხსაც გავცემთ,  
და, იმედია, ჩვენ გავიმარჯვებთ.

**ისკანდერ.** მე ხომ ნამდვილად ეგრე იქნება.  
მაგრამ შენ ერთი აი ეს მითხარ:  
ნინო სად ნახე, სად ესაუბრე?

**ასლან.** (ამოიოხრებს) მჰ, მაგაზედა რა უნდა გითხრა?..  
ვით მოჩვენება ტკბილ ოცნებისა  
მოგეჩვენება და მსწრაფლ გაჰქრება,  
მერე ბევრს ეძებ, გინდა დანახვა,  
მაგრამ არ იცი, სად იმალება;  
ეგრეთვე მისი ჩემთვის დანახვა  
ყოფილა ხოლმე ერთის წუთისა.  
მაგრამ ისიც-კი საკმაო იყო  
ჩემის არსების დასამონებლად...  
ის ვნახე ერთხელ ჯიმშერის სახლში,  
მეორედ სადღაც მონასტერთანა,  
მე მივდიოდი მაშინ ფაშასთან,  
ის-კი მეორე ცქრიალა ქალით  
მონასტრის კარებს გადაეფარა.  
მესამედ ვნახე თვით ეზოშია,  
როცა სახლითგან გამოველ აქეთ,  
და სწორედ მაშინ მითხრა ის სიტყვა,  
რომელმაც მართლა გამომათხიზლა.

**ისკანდერ.** მისი შვილია, არ გაგიგია?

**ასლან.** ის არის ქალი ერთი მოხუცი  
დედა-კაცისა, რომელსაც ჯიმშერ  
ინახავს, თურმე, კარგა ხანია.  
აღბათ მიტომმც ის დადის ხშირად  
ჯიმშერის სახლში, ვით შინაური...  
(ხმაურება) მოდიან, მგონი.

შემოდინ სხვა ჯართ-უფროსნი და ფაშაც.

**ფაშა.** ძაი დროს მოველ!

**ჯართ უფრ.** საღამი, ჩვენო დილო ეფენდი!

**ფაშა.** ბმადლობთ, დასხედით; ეხლავ დავიწყოთ:  
ჩვენ ერთს ალაგას დგომა არ გვარგებს,  
არც ბრძანება გვაქვს, სადმე ქალაქად,  
გინდ სოფლად ვიდგეთ დიდის ხნობითა.  
ეხლა კი დროა, გზას რომ გავუდგეთ.  
ჩვენ უნდა გავყვეთ აქეთგან რბევით,  
რაც ახლო-მახლო სოფლები არის, —  
შემდეგ გავიდეთ გაღმა მხარშიაც,  
დავიქერთ გრემსა, შილდას, საბუეს;  
ავყვებით ზევით, მთიელთ დავარბევთ,  
თიანეთისკენ გავიკვლევთ გზასა,  
იქითგან ხარჯის მკრეფავთ გავგზავნით,  
მთიელთ და ხევსურთ დავიმორჩილებთ,  
თუმც ქვეყანაა მტრის შეუვალი.  
იქითგან დავყვეთ არაგვის ხევზედ  
და ქართლს მოვედნეთ კალიასავით.  
და მერე გავალთ ჩვენს სამეფოში  
ნაალაფეენი — დამდიდრებულნი,  
ადვსილნი ტყვითა, საქონელითა.  
ახლა ხონთქარი გვიბოძებს, რომ მას  
ესდენ ქვეყნები დავუმორჩილეთ!..  
ამდენ სიმდიდრის მომლოდინენი —

ისეც ერთგულნი ხონთქრის ტახტისა—  
საქმეს უფრო მხნედ უნდა მოვექცნეთ.

**ისაყ-ბეი.** შაშა ეფენდი, ეგ თქვენი სიტყვა  
მარგალიტია... ნება მიმოძეთ,  
მეც მოგახსენოთ.

**ფაშა.** სთქვი, ისაყ-ბეი.

**ისაყ-ბეი.** ჩვენ რომ აქეთგან წავალთ, მაშინ ხომ  
გურჯები ისევ განთავისუფლდნენ?  
არც ხარკს მოგვეცემენ, არც სხვა რამ ხონთქრის  
ნებას ისინი აასრულებენ.

ჩვენ აქ—თელავში უნდა დავტოვოთ  
პატარა რაზმი თვალ-ყურის მჭერად.

**ფაშა.** (ცაღკე) შუ, როგორ აზრად არ მომივიდა!..  
ეგ მართალია, ეგრეც იქნება...  
მაგრამ დროზედ-კი ვერ მოვიხსენე.

**ასლან.** ნებას ეთხოულობ, მოგახსენოთ რამ.

**ფაშა.** იმედი მაქვს, რომ კარგს რასმე იტყვი.

**ასლან.** თქვენ აპირებთ, რომ პატარა რაზმი  
აქვე დასტოვოთ სადარაჯებლად;  
მაგრამ კი თანაც ის გავიწყდებათ,  
რომ გურჯი იმ რაზმს მალე გასწყვეტავს  
და უფრო ცოტა შიში ექნება.  
ჩემის აზრით კი ასე აჯობებს,  
რომ ჩვენი ჯარის მთლად ნახევარი  
აქ მთელს მხარეში ყურის საგდებლად  
დავსტოვოთ და მითი ფეხი გავიდგათ.  
აღარ გაივლის დიდი რამ ხანი,  
მოგვეშველება შირვანის ხანი,  
იგი დაიჭერს კახეთს-მთიულეთს...  
ხონთქრის მორჩილი მონაც იქნება;  
ჩვენ მაშინ მხოლოდ იმ ერთ კაცთანა

გვექნება საქმე და არა ხალხთან,  
 აქ დარჩენილი ნახევარი კი  
 ისევ კვალ და კვალ პირველს გაჰყვება,  
 ქვეყნის დაპყრობაც მტკიცე იქნება.

**ისკანდერ.** მეც ვეთანხმები ასლანის სიტყვას;  
 რადგან გურჯებსა არა ჰყავთ ხოლმე  
 არასდროს ჯარი კარგათ გაწვრთნილი,  
 ამიტომ მათსა დაპყრობა-რბევას  
 არ დასჭირდება ის ნახევარიც,  
 რომელიც წავა წინა წყებათა.  
 ჩემის აზრითა აქ უფრო უჭირს  
 მხარეს მაგრება, სანამდის მოვა  
 შირვანის ხანი და ის დაიჭერს  
 არე-მარესა.

**ფაშა.** მართალი არის.  
 მშვენიერია, ძალიან კარგი!  
 მე თანახმა ვარ, ეგრე სჯობიან;  
 მაშ, ერთს თქვენგანსა მე აქ გავუშვებ,  
 მეორეს კია თან გავიყოლებ.  
 ნახევარ ჯარის აქ გაშვება სჯობს,  
 ხანის მოსვლისა შემდეგ კი მალე  
 უკან მოგვყვება და დაგვეწვევა.  
 ეს თქვენც ხომ მოგწონთ?

**ისაყბეა.** ჩინებულაია.

**ჯართ-უფრ.** მერე სჯობია.

**ფაშა.** მაშ ეხლა წადით ყველანი თქვენთვის,  
 და როს იქნება დრო საქმობისა,  
 შეგატყობინებთ, ვისი ჯარებიც  
 სადარაჯებლად აქ დარჩებიან.  
 მეც წავალ ცოტა დასასვენებლად,  
 თორემ თვალები მებლანდებიან. (გაუფენ, ასლან და ის-  
 კანდერ ჩამოჩხებიან)

**ისგანდერ.** ჯან ასლან! ყოჩად! თითქმის ნახევრად  
 საქმე გაკეთდა! რაკი ამდენი—  
 ზღვასავით ჯარი შუა გავყავით,  
 უფრო ახლოა ჩვენი მიზანი.  
 წავიდეთ ეხლა ჩვენები ვნახოთ,  
 გავემცნაუროთ, იმედი მივცეთ,  
 მათი ამბავი ყველა გადავცეთ. (გაფლენ)

## ს ც ე ნ ა II

ჯიმშერის სახლში.

ანნა ხელ-საქმობს, შემოდის სალომე.

**სალომე.** შენი ნახვა ჰსურს თავად რობიტსა.

**ანნა.** აი ჯიმშერის მტერ-მოყვარესა?

**სალომე.** სწორედ იმასა, მაგრამ მგონია,

მას გუნებაში შური ან მტრობა,

კუდი განზრახვა არა უდევს რა,

რადგანაც სახე გულის სარკეა.

ეტყობა, რამე სათხოვნელი აქვს.

**ანნა.** ძარგი, მოიხმე; იქნება მართლა

საბრალო არის გაჭირვებული,

ყველასგან მოთხრილ-შეჩვენებული! (სალომე გაუა)

როგორ მოჰსვლია გულ-ამაყს რობიტს,

ზვიადს ვაჟკაცსა, მოუსვენარსა,

რომ იმ ჩხუბ შემდეგ კიდევა ჰბედავს,

მოდის უმძრახის კაცის სახლშია! (შემოდის რაბიტი)

**ანნა.** მობძანდი.

**რაბიტი.** ბმადლობ, ბოდიშს ვთხოულობ,

თუ შეგაწუხე უდრო-უდროთა.

მაგრამ საქმე მაქვს ისე საშური,

რომ ვერ გადავდე შემდეგისთვისა.

**ანნა.** ბძანე, ბატონო, ყველას მოგიხმენ;

თუ იმ საქმეში რამ დახმარება  
 შენა გჭირია და შემეძლება,  
 არას დავზოგავ, ერწმუნე ღმერთსა.

**წლებიტ.** მაგ სიტყვებისთვის მადლობელი ვარ...

თუმცა არ შემეფერის, როგორც ვაჟკაცსა,  
 ნამდურავ კაცის ოჯახში მისვლა,  
 მაგრამ, რა ვუყო, გარემოება  
 აწინდელ საქმის ამას ითხოვდა,  
 რომ დამევიწყნა ყოველი გრძნობა  
 სამდურავისა—შური თუ გმობა.  
 მეორეც ისა, შენს გულს და სვინდისს  
 ძმურად მოვმართე; იმედიცა მაქვს,  
 უარს არ მეტყვი ერთს სათხოვარზედ.

**ანნა.** რა არის, ბძანე.

**წლებიტ.** რომ შეგვარიგო  
 ერთმანეთს მე და შენი მეუღლე.  
 ამ წინაზედა ჩვენ ერთმანეთში  
 აურ-ზაური რაღაც მოგვიხდა;  
 და ამის გამო მე იმას, ის მე—  
 მოსაკლავადა აღარ ვინდობდით,  
 ვით არ დავინდობთ ხვალ ოსმალეებსა.  
 მაგრამ რადგანაც დღევანდელს დღესა  
 ერთი კაციც-კი დიდი რამ არის,  
 ამიტომ ვბედავ, ამაყ თავს ვიხრი,  
 პირველი მოველ საბოდიშოთა...  
 შევრიგდეთ, გვეყო ამდენი ქიშპი;  
 ჩვენ თუ ავყვებით გაუმადლარს გულს,  
 იგი აროდეს არ დაწყნარდება.  
 სჯობს, რომ ხშირ-ხშირად ჰკეას გავუგონოთ,  
 ის უფრო კაცის მეგობარია.  
 შენ ქმარს ამ სიტყვებს ჩემსას გადასცემ,  
 ეტყვი: ყოველი, რაც კი ყოფილა



ჩვენ შორის მცირეც უმადურობა,  
 შევკრათქო კონად და მივცეთ ცეცხლსა  
 სათნოებისგან აღმოცენებულს.

ვიცი, მეც ბევრი რამ დავაშავე,  
 არც ჯიმშერია უმანკო კრავი,  
 მაგრამ მამულის გულისთვის ეხლა  
 სამარადისო შევკრათ ჩვენ ზავი.  
 აი ეს არის, ეს გადაეცით,  
 შემდეგ კიდევაც მოვალ მე მასთან.

**ანა.** ძალიან კარგი, მოხარული ვარ,  
 რა კი საამურ გზას დასდგომიხარ;  
 ვეტყვი კიდევცა და თან ვეცდები,  
 რომ შეგარიგოთ ნამღურავები.  
 იმედიცა მაქვს, არ იტყვის უარს.

**რობი.** არც მე მგონია, რომ გაჯიუტდეს...  
 თუ არ შერიგდა ამ თხოვნის შემდეგ,  
 ჯერ კი სანამდის მტერს მოვიშორებთ,  
 ხმასაც არ გავცემ, ერთად ვიბრძოლებთ,  
 შემდეგ კი ორნივე ჩვენსას ვეცადნეთ.  
 ჩემი პირობა სწორედ ეს გახლავთ,  
 ცოტა ხანს უკან ისევე გნახავთ. (გაფა)

**ანა.** (მარტო) საკვირველია, ემაგ ნაირად  
 ამ მრუდე გულის გარდაგვარება!  
 გუშინ, გუშინ წინ ნაფიცსა მტერსა,  
 დღეს თითონვე ჰსურს შემორიგება!.. (სიჩუმე)  
 ის სხვა ძალაა, რომელიც ჰკუას  
 შურით მოჟანღულს მიჰფენს ნათელსა,  
 უჩვენებს გზასა და მით ჰკვა უფრო  
 ძლიერა ბრწყინავს, აქარწყლებს ბნელსა.  
 ჰკვა თუ მეფეა და მბრძანებელი,  
 ის სპასპეტია—სარდალთ მთავარი;

ბრძენს ის ამშვენებს, გმირს ის ამხნევეს,  
 გულადად მოსჩანს იმით ლაჩარი;  
 დედა შეიღოსა ჰზრდის მის ჩაგონებით,  
 მგოსანი არის აღფრთოვნებული;  
 შინაურს შურს სპობს, გარეულს მტერს კი  
 შეაკლავს, რომ მით იხსნას მამული...  
 ეს ყოვლად ქებული ძალა არის  
 სამშობლოს ტრფობა, მის სიყვარული!  
 თუ კაცს ჭკუასთან არ აქვს ეს ძალაც,  
 იმისი გული აღარა გულობს;  
 გმირული საქმე არ ეხერხება,  
 ჭამა-სმის მეტსა ყველაფერს სწუნობს!  
 რომიტს ეხლა-კი სწორედ ეს ძალა,  
 აქამდის მკედარი, გასცოცხლებია;  
 უფრო სწორე გზა მით მოუნახავს,  
 მოძმესთან გულიც გასწორებია.

(შემოდინა ჯამშერ, გოდერძი და ქიტა).

**გოდერძი.** სალამი შენდა, დიასახლისო!

**ანნა.** ბმადლობ გულითა.

**ქიტა.** მშვიდობა თქვენდა!

**ანნა.** ღა სულისაცა შენისათანა!

**ჯამშერ.** აბა, დაბრძანდით...

**ანნა.** საითგან მოხვალთ?

**ჯამშერ.** დარბაზობითგან.

**ანნა.** რა გააკეთეთ,

ან რას აპირობთ ტანჯულ ქვეყნისთვის?

**გოდერძი.** ჩვენ კი ვაპირებთ, თუ კი შევიძლებთ,

ოსმალთ ზუჩების შუა დაპობას

და მათ ხსენების ჩვენში ამოფხვრას.

**ჯამშერ.** ზუჩებს იმდენი ადგიან მცველად,

რომ ვერც-კი დასთვლი სიმრავლისაგან...

მაგრამ რაც უნდა ამით გადაგვხდეს,  
 ოსმალთა სისხლში უნდა ვიბანოთ;  
 თუ გვსურს წყალს გაღმა ნაპირს გავიდეთ,  
 წყლით დასველებას არ დავიზარებთ.

**ქიტა.** ჭეშმარიტია! ეგ საქმე ჩვენგან  
 დაგვიანებას ვერ მოინელებს;  
 გინდ, რაც არიან მტერთა რაზმები,  
 ერთი მაგდენიც ზედ დამატოს,  
 ჩვენ არა გვმართებს მცირეც ყოყმანი,  
 პირ-და-პირ უნდა საქმეს შევეუდგეთ.

**გოდერძ.** მე იმედიც მაქვს, რომ გავიმარჯვებთ:  
 ჯერ ჩვენნი ქალნი რასა შვრებიან!  
 ბევრნი საომრად გამზადებულან  
 და მამულისთვის თავსა სწირავენ!

**ანნა.** ჩვენ—ღიაცებიც თქვენთან ვიქნებით,  
 მხოლოდ თქვენ სულით ნუ დაეცემით!

**გოდერძ.** ნუ გეშინიან, ჩვენც მაგრა ვდგევართ,  
 ვით დულაბ-ბურჯი ხილისა წყალში.

**ჯამშუკ.** მართლა, არ დაგვრჩეს აუსრულებლად  
 ორი რამ საქმე; ჯერ ერთი ისა,  
 რომ დილით ადრე, გათენებისას,  
 უნდა დავხოცოთ ის ოსმალები,  
 რომელნიც სახლში ჩამოგვიყენეს,—  
 და მით ჩვენს მტერსა ძალა მოვაკლოთ.  
 აი სიტყვაზედ—მე დანიშნულს დროს  
 გამოვასალმებ სხივ-ცხოველს მზესა  
 ასლანს—ენგიჩართ წინამძღომელსა,  
 და მოვიშორებთ იმით დიდს მტერსა.

**ქიტა.** მე-კი—ისკარდერს... ისიც, მგონია,  
 ენგიჩარია, და ერთს სხვას მასთან  
 ბოლოს მოვუღებ, თუმც ის ოხერი

კაი ბიჭია; გახსოვთ ეხლა ხან  
გზაზედ რომ შემხვდა და ორიოდ  
სიტყვა გადმომცა ძალიან კარგი...

**გოდერძი.** ჩემთან ჰხირიან ოსმალოები  
ორი ბობოლა—ორი უფროსი,  
რომ არ დაეზოგავ, რაღა თქმა უნდა.  
აგრეთვე სხვანიც.. ყველას-კი ვუთხრათ,  
შევატყობინოთ, რომ იყვნენ მზათა...

**ჯამშუკი.** რასაკვრელია, ყველას, სულ ყველას...  
ზოგიერთებმა კიდევ იციან.

**ანა.** როდისთვის არის დრო დანიშნული?

**ჯამშუკი.** დრო კი არა გვაქვს ჯერ დანიშნული,  
რადგანაც მზირებს გარეთგან ველით.  
როცა მოგვივლენ ამბით ისინი,  
მაშინ სულ ყველა მსწრაფლ გადასწყდება.  
დღეს, იმედი მაქვს, უნდა მოვიდნენ.

**ანა.** მეორე რაღა? არ დაგავიწყდეს!

**ჯამშუკი.** მეორე? ეხლავ. ბიჭო, სარიდან! (შემოდის ბიჭი)  
ჯაბუ-მოურავს შეატყობინე,  
რომ მოამზადოს ოციოდ ბიჭი,  
კარგი ვაჟ-კაცი იარაღითა,  
ცოტა ხანს უკან მზათ იყოს ყველა. (ბიჭი გავა)

**გოდერძი.** რათ გინდა, კაცო?

**ჯამშუკი.** თუ საწამლავის

დედა ბალახი არ მოსპე, სანამ  
კაცის არსების მომშხამველ წამლად  
გადიქცეოდეს მის მწვანე წვენი,  
მერე-ღა ძლიერ გვიან იქნება  
მისი მოსპობა, ან უვნებლობა,  
თუ დააცალე მას დაპურება  
და შხამს იხმარებს კაცის სავნებლად!

**გოდერძი.** მართალს კი ამბობ... მაინც აგრევა,

იქნებ ის კაცი არას აპირობს...

**ქიტა.** მაგას ნუ იზამ, რადგან, მერწმუნე,  
ის არ ჩაიდენს რამე სიმდაბლეს...

**ანსა.** რატომ არ იტყვით ერთხელ სახელსა,  
ვინ არის იგი, ვისაც ემუქრით?  
მაგრამ თუმცა თქვენ არ მეუბნებით,  
ჩემმა გონებამ მიმაგნობინა  
და გულმა კიდევ მე მაგრძნობინა,  
რომ თქვენ ჰკამათობთ თავად რობიტზე!

**გოდერძ.** მართალი არის, გამოიცანით!  
იმას ემუქრის თქვენი მეუღლე.

**ანსა.** მე-კი სხვას გეტყვით: არ გაუვლია  
ნახევარს საათს თქვენს შემოსვლამდის,  
აქ იყო რობიტ, მაგრამ როგორი?  
სულ გამოცვლილი, გარდაგვარებულ,  
აქამდის ზევაი, გულით ამაყი,  
ეხლა შექმნილა თავმდაბალ კაცად;  
უგრძენია თვისი დანაშაული,  
ჰსურს შერიგება წრფელის გულითა;  
თუ რამ გვქონიათ შური ან ქიშპი—  
მოვსპოთო ყველა, გეხვეწებოდა.

**ჯამშუკ.** თუ ეგ სიტყვები იმისი არის  
და გულ-წრფელადაც წარმოთქმულია,  
მოხარული ვარ მაგ ამბისათვის!  
შინაურ მტრისა ერთი დაძლევა  
მაგგვარად უფრო საამურია,  
ვიდრე გარეშე მტრების გაჟლეტა.

**გოდერძ.** შენ უნდა იყო დარწმუნებული,  
რომ ანნა ტყუილს არ იკადრებდა,  
ან ტყუილს რა რჯის... ვისი გულისთვის?  
მე მრწამს ეგ მისი წრფელი ბოდიში,

რობიტი მაგით არ გამაკვირვებს,—  
და ღირსიც არის შერიგებისა.

**ანნა.** ჩემი სიტყვები თუ არა გჯერათ,  
მოიცადევეთ ცოტა რამ ხანი,  
თითონ რობიტი მოვა აქ თქვენთან  
და ის მიმოწმებს ამის სიმართლეს.

**ქიტა.** ვაშა, რობიტსა, თუ მაგნაირად  
ქვეას დაუჯერა და გვინახულა!  
**გოდერძ.** ჯიმშერიც ისე მიიღებს რობიტს,  
ვით შემცდარს უნცროსს, ძმა უხუცესი.

**ჯიმშერ.** შენი სიტყვები წაქეზებას ჰგავს,  
თუმცა ბაღს უნდა მარად ქეზება,  
კაცს-კი კეთილი თითონ აქეზებს;  
კვლავ ვიმეორებ, მოხარული ვარ  
მაგნაირ კაცის შორჯულებასა.

**გოდერძ.** ზოდერძი იცნობს კარგად ჯიმშერსა;  
იცის, რომ იმას არ ეჭირვება  
პირმოთნეობით წამქეზებელი;  
და, უნდა გითხრა, ჩემს ბუნებასა  
პარმოთნეობა არ ეხერხება. (შემოდის მსახურა)

**ჯიმშერ.** ამბავს რას იტყვი?

**მსახურა.** რობიტი არის.

**ანნა.** ასრულდა ჩემი სიტყვა თუ არა!

**ჯიმშერ.** სად არის, ბიჭო?

**მსახურა.** ძირს, ეზოშია.

**ჯიმშერ.** ზოდერძ, შენ წადი და მოიწვიე...

**ქიტა.** რასაკვრელია, ეგრე სჯობია. (გოდერძი გავა მსახურით)

**ჯიმშერ.** რა-კი პირველად ეშმაკს დავძლიეთ  
და გამარჯვება ეხლა ჩვენ დავგრჩა,  
უნდა ვიფიქროთ, მომავალს ომშიც  
უფალი ჩვენზედ ხელს არ აიღებს.

**ქიტა.** თუ, რაც გავიგე, ისე ასრულდა,

არ გამოცვალეს თავიანთ ნება—  
და ჯარი, მართლა, ორს წყებად გაჰყვეს,  
მაშინ, სჩანს, ბედი ჩვენსკენ ბრუნდება.

**ჯიმშერ.** მინ ჰყოფს ჯარს ორად, ერთი მითხარი?

**ქატა.** ოსმალოები. ნახევარ ჯარი  
მიღის სარბევლად ალაზანს გაღმა,  
ნახევარი-კი თურმე აქ რჩება;  
ეს მითხრა იმათ მხრისავე კაცმა,  
წელან გზაზედ რომ თქვენთან შემომხვდა.

**ჯიმშერ.** თუ-კი მხოლოდ-ღა ნახევართანა  
გვექნება საქმე, რას დაგვიდგება!

(შემოდინა **გოდერძი** და **რობიტი**)

**გოდერძი.** აი ერთი ძმაც! მომყავს თქვენთანა  
გადაგვარებულ-ნაწრთობ-ნადული  
მამულის ეშხით მის ცეცხლ-აღზედა...  
სთხოვს, შეურიგდეს ჯიმშერი რობიტს.

**ჯიმშერ.** თუ შენს სიტყვებსა დაამტკიცებენ  
მსურველის თქმული ასლი სიტყვები,  
მაშინ ვირწმუნებ, რომ მართალია,  
და მეც მას ძმურად გავუწვდი ხელსა,  
მკერდში ჩავიკრავ, ვით მამა—შვილსა.

**რობიტ.** რა-კი შევიტყე, რომ შენი გული  
ღია ყოფილა შეერთებისთვის,  
უფრო თამამად მე აღვიარებ,  
რომ მართალია, რაც გოდერძმა სთქვა;  
აგრეთვე ვიცი, შენი მეუღლე  
ჩემს დაბარებულს რა გადმოგცემდა,  
დარწმუნდებოდი ჩემს სიწრფელეში.  
კიდევაც რობიტ იხრის ამაყს ქედს,  
მზათ არის შენთან შესაერთებლად,  
საერთო მტერის მოსაგერებლად!..

თუ შენც მზათა ხარ, აი ეს გული  
მოხარულია შენს გადახვევას.

**ჯამშერ.** შერძობ შენი გულის საამო ცემას  
და ვერწმუნები პატოსნებას!

მოწამელა გვყავს აქ სამი კაცი,  
ძირს დელა-მიწა და მალლა ღმერთი,  
რომ საუკუნოდ ჩვენ დამეგობრდით—  
ძმურად გავიყოთ ჭირი და ლხინი.

ამის ნიშნადა აი მზათა ვარ

შემოგიერთო ჩემი გულიცა. (გადაეხვევიან ერთმანეთს)

**გოდერძ.** მხლა-კი სწორედ მოლოცვა გინდათ...

მაგრამ ისე ხომ არ შეიძლება,  
თუ ჩვენ სადილი არ გაგვიმართეთ!

**ქიტა.** მეც მოგილოცავთ დამეგობრებას,  
ნულარც მაჩვენოს განკერძოვება  
თქვენში ნურას დროს!..

**ანნა.** ძეთილი იყოლ...

ძმურად იღვაწეთ ასპარეზზედა,  
რომელიც ითხოვს თქვენგან ერთობას,  
სიმხნეს და გულსა, გამბედაობას.

**გოდერძ.** მართლაც, ღმერთმანი, სადაურია!

ქვეყანას უჭირს, მწარე დღე აღვა,  
ამ დროს-კი იმათ, ვისაც შეეძლო  
აღმოეჩინა მისთვის რამ შევლა,  
აქეთ-იქითკენ მიაქვთ ცხვირები  
და ერთმანეთზედ იმჩვირებიან;  
ქვეყნის მტრის ნაცვლად, მოუფიქრებლად,  
ძმები ერთმანეთს ეომებიან!..

სადაურია ეს მოფიქრება?..

აბა, სად არის: ექ მამულისა

ან სიყვარული, ან ერთგულება?!.



**ჯიმშუკ.** ძარგია, კაცო! ეხლა რას ასტყდი,  
ხომ ჰხედავ, საქმე კეთილად მოხდა!

**გოდუკძ.** რაზედაც სწორედ მოხარული ვარ!  
(შემოდის მსახური)

**მსახური.** მზირნი, წასულნი გაღმა და მთაში,  
გიახლნენ.

**ჯიმშუკი.** აბა, მაშ დაუძახე. (მსახური გადის)  
ეხლავ გავიგებთ ყველაფერს ამბავს...

(შემოდის მზირნი; ცოტა ხანს შემდეგ ნინო და ქალთა-მსუე,  
საღამს მისცემენ უკუფასს)

**ჯიმშუკ.** აბა, გულადნო, ქვეყნის წამალნო,  
რას გაგვაგონებთ შველის ამბავსა?  
ჯერ შენ გვითხარი, გაღმა მხარისავ.

**ზარგული ძიანი.** რო არ გიამბო ის, როგორ მიველ,  
როგორ მიმიღეს, ვინ რას ამბობდა,  
მოკლეთ-კი გეტყვი: ჩემს ძახილზედა,  
როგორც რომ ელვა მოედო ხალხსა  
ბრძოლის სურვილი; მთლად გაღმა-მხარი  
ფეხზედ ამდგარა, ყველა მზათ არი  
თავიანთ ძმების დასახსნელადა.  
ამაღამ მოვლენ მათი ჯარები,  
თელავს გარშემო ახლო-მახლოსა  
ჩასაფრდებიან მთა-ტყეებშია,  
რომ ოსმალებმა არ შეამჩნიონ.

**ჯიმშუკი.** ძალიან კარგი, ღმერთმა გაამოს,  
როგორც ჩვენს გულსა მაგით აამე.  
აბა, ახლა შენ, მთისა საყვირო.

**მეორე ძიანი.** მეც სწორეთ უნდა იგივე გითხრათ:  
მთის ხალხი ძლიერ აღელვებულა—  
და ჩემს ძახილზედ ყველა მუქარით  
იარაღს ისხავს, აქეთკენ მოდის.

ისინი მოვლენ შუალამემდის...

თან დამაბარეს, რაც შეიძლება,

მაღე ეცადეთ, ნუ ახანებთო.

**ჯიმშერ.** შენც ღმერთმან გიყოს სამაგიერო,

თუმც ჩემი მხრითაც არას დაგაკლებთ.

თქვენ მაგ ოსმალურს ნუ მოაშორებთ,

ეგრე იყავით; ამაღამ იქნებ

ისევე დაგვჭირდეთ გასაგზავნათა.

წადით და კარგათ დაისვენეით. (ისინი გაფლენ)

ეხლა-კი, ძმანო, ყველა გადაწყდა...

ხვალ დილით ადრე, მზის ამოსვლამდის,

ჩვენ მოგვიხდება ბრძოლა მტერთანა.

აგრეთვე, აბა, არ დაგავიწყდეთ

ძლიერ საჭირო ჩვენი პირობა.

**რობიკ.** რა პირობაა თქვენი პირობა?

**ჯიმშერ.** ბანთიადისას უნდა დავხოცოთ

ის ოსმალეები, რომელნიც ჩვენა

სახლშია გვეყვანან ჩაყენებულნი.

**რობიკ.** ძალიან კარგი, მეც ეგრე ვიზამ.

**გოდერძ.** მაშ, როგორც ვატყობ, საქმე ხერხდება!

იქნება, მართლა, ჩვენ გავიმარჯვოთ!?.

**ჯიმშერ.** ექვი გაქვს განა?

**გოდერძ.** აღარც ნამცეცი.

**რობიკ.** მაინცა გვმართებს დიდი მხნეობა,

თორემ დიდ-ძალი ჯარი ჰყავს მტერსა.

**ქატა.** წმიდა გიორგი დაგვეხმარება.

**ნანო.** (წინ წამოდგება) პატივცემულო მშობელო მამავ!

ერთი თხოვნა მაქვს ძლიერ საჭირო,

ნება მომეცი, რომ მოგახსენო.

**ჯიმშერ.** მითხარი, შეილო, რა საქმე არი?

**ნანო.** მე და ქალთამზე ვაპირობთ, მამავ,

მომავალს ომში ჩვენც ჩავერივნეთ;

ვაჟკაცურადა ვიკისრო ყველა—  
 ბრძოლის სასტიკი დევნა თუ ცემა,  
 არ დავერიდნეთ მისს ქარიშხალსა,  
 გავწიროთ თავი სამშობლოს ხსნისთვის,  
 დავედნეთ მტლელა მისს წყლულს ორივე,  
 ვით კოლხიდელნი ცალ-ძუძუ ქალნი.  
 აი ამ წმინდა საქმისთვისა ვთხოვთ,  
 მშობლური ლოცვა წინ წაგვიმძღვაროთ!

**ქალთამყ.** მართალი არის, ჩვენ ვგრე გვწადის  
 და ვითხოვთ თქვენგან გზის დალოცვასა.

**ჯამშერ.** შური დამიგდეთ! თუ აქამდისინ  
 საჭირო იყო დიაცთა შველა,  
 ეხლა არ გვინდა, ბევრი გვყავს ხალხი,  
 თქვენ გირჩევნიათ, ისევე შინ იყვნეთ.

**ანნა.** ჰო, შეილო, კაცი მოვალე არის,  
 გაჭირების დროს თავი გასწიროს,  
 მაგრამ ამ ჟამად არა საჭირობს  
 თქვენს უმანკო სისხლს ტკბილი მამული.

**გოდერძ.** მეტი-ლა არის თქვენგან ვე მსხვერპლი,  
 სჯობს, გაგვიგონოთ საქმის მცოდნეთა.

**ნანო.** პრა, ტყუილად ნულარას გვირჩევთ,  
 ჩვენ არ დავიშლით განზრახულს საქმეს;  
 თქვენგან ვთხოულობთ მხოლოდ დალოცვას,  
 რომ იგი ლოცვა გზას გვინათებდეს.

**ჯამშერ.** მაშ, არ დაიშლით?

**ქალთამ.** პრა, არას გზით.

**ნანო.** რადგანაც არის ვე წმინდა აღთქმა,  
 რომელსაც უნდა ჩვენ ვემსახურნეთ  
 ბრძოლის ბოლომდის.

**ჯამშერ.** რაკი აღთქმაა,  
 რა გაეწყობა! კარგი წამოდით;

იბრძოლეთ მხნეთა, არ შედრკეთ გულით.  
 თქვენს წმინდა საქმეს და წმინდა აღთქმას  
 ზეცით უფალი წარუმართავს გზას;  
 მაგ განზრახვისთვის ძლევით გატარებსთ,  
 ომის ქარცეცხლი ვერას დაგაკლებსთ!..

**ანნა.** (გადაეხვევა ჯერ ერთს, მერე მეორეს)

მოდით შეიღებო, გადამეხვიეთ,  
 ეკლიანი გზა მეც დაგილოცოთ...  
 იესო ტკბილმა თქვენ დაგიფაროთ,  
 თქვენმა ნაენეგმა მტერმა ვერ გაწოთ  
 და ვთხოვ ღვთის-მშობელს, ისევ კეთილად  
 დაბრუნებულნი უკან მენახოთ!

**გოდერძ.** წმინდა მხედარი—თეთრი გიორგი  
 იყოს მფარველი თქვენი ყველგანა.

**ნინო** } დიდათა გმადლობთ!  
**ქალთ.** }

**ჯიმშურ.** იარაღი გაქვთ?

**ქალთ.** მზათა გვაქვს ყველა.

**ნინო.** მხლა-კი წავალთ;  
 ნება მოგვეცით, ეს ერთი ღამე  
 რომ გავატარო დედი-დასთანა,  
 ჩვენს მოხუცებულს მოლოზანთანა.  
 თითონა გვთხოვა: ჩემთან მოლითო,  
 ეს ერთი ღამე—დიდი საქმის წინ—  
 გავატაროთო ქრისტიანულად;  
 მეორე დღეს-კი, როცა დრო იყოს,  
 ნულარ ახანებთ, წადითო ჯარში...

**ანნა.** მასთან არ ერთხელ ყოფილხართ ხოლმე,  
 წადით, შეიღებო, ღმერთი გფარავდეთ.

(კიდევ გადაეხვევა, ისინი გაჟღერნ გვერდის პანახში)

ქიტა. ღმერთო მაღალო, შენ გადმოგვხედე!..

(შემოდის საღამე)

ჯიმშერ. რაო, საღამე!

საღამე. შენს სანახავად

მოვიდნენ აქა ორი ოსმალო,  
ერთი ასლანი, მეორე ამბობს,  
სახელად მქვიან ისკანდერიო,  
ორთავეს უნდათ შენთან შემოსვლა.

ჯიმ. რა საქმეზეო, არა უთქვამთ რა?

საღამე. ძლიერ საჭირო საქმე რამ გვაქვსო,  
როგორც იმისთვის, ისე ჩვენთვისო,  
და უსათუოდ გვინახულოსო.

ანნა. შეკრებილები ერთად რომ გნახონ  
და ფაშას უთხრან?..

ჯიმ. არა მგონია!.

გოდერძი. ალბათ საშური საქმე ექნებათ,  
რომ დაჟინებით ეგრე ითხოვენ  
შენს ნახვას; მოდი, ჩვენც ვინახულოთ,  
მგონი, ზარალი მით არ გვექნება.

ჯიმ. მტყობათ, ისე მოდიან ჩვენთან,  
როგორც გულითა კეთილის მდომი,  
და არა ისრე—ვით მოვიდოდა  
გამარჯვებული ქვეყნის ბატონი.  
უთხარ, საღამე, რომ შემოვიდნენ. (საღამე გაუა)  
ჯერ დავაკვირდეთ, აბა რა უნდათ,  
მერე მოვექცეთ, როგორც დავატყოთ.

(შემოდის ასლან, ისკანდერ და საღამე)

ასლან. }  
ისკანდერ. } სალამი თქვენდა.

ჯიმ. ზმადლობთ. რას გვეტყვიო?  
თუ არა ვცდები, საქმე გქონიათ?

**ასლან.** ღიახ, და კიდევ შეგატყობინებთ.

**ჯიმ.** აბა გვითხარით, აი მოგისმენთ.

**ასლან.** ჰველაზედ წინათ თქვენ ეს იცოდეთ, რომ ჩვენ ორივე თქვენთან მოვედით, არა ვით მტერნი საბძანებელად, ან გაიძვერულ ცბიერებითა გვსურს თქვენთვის რამე ხითათი მტრული; არამედ როგორც შეჭფერის ვაჟ-კაცს— გულახდითა ვართ თქვენთან მოსული— თქვენდა მეგობრად კეთილს საქმეში! ის-კი, რაც გვინდა, რომ გაგიმელავენოთ, აღძრავს თქვენშია ორ-ნაირ გრძნობას: ერთი იქნება სასიხარულო, იმედით სავსე—ნათელ-მოსილი; მაგრამ მეორე—გრძნობა ეჭვისა— მას ძირში მოჰკვეთს, ფოთლებს გაუხმობს— ჩვენდა ვაგლახად, სამგლოვიაროთ. რაც გულშია გვაქვს, რაც გვაცხოველებს, რამაც თქვენ წინა ჩვენ მოგვიყვანა, ისე ძლიერად მოქმედობს ჩვენზედ, რომ ვერ მოვითმენთ მის უთქმელობას... მხოლოდ-კი იმას მარტო თქვენ გეტყვი, თქვენ გაგიერთებთ ამ დაკრძალულს გულს...

**ჯიმ.** თუ საკეთილო იქნება რამე, ჩვენც დიდს მადლობას გამოგიცხადებთ.

**ისკანდერ.** ჩვენ იმ საქმისთვის მადლობას არ გთხოვთ, არამედ თქვენთან შემოერთებას!

**გადეკამ.** მაშ მიზეზი სთქვით თქვენი სურვილის, რომ საქმემ ნათლად გამოაშუქოს.

**ასლან.** აი მიზეზი, მომისმინევით: ცოტა შორითგან თუმცა დავიწყობ, მაგრამ მით საქმე უფრო ჩაღდება...

თქვენ კარგად იცით, რომ ოსმალთ ჯარი  
 სულ შემდგარია სხვა-და-სხვა ხალხით,  
 ათას გვარისა მოდგმის და რჯულის.  
 ამ დიდს ჯარშია სხვა ბევრთა შორის  
 წოდებით „ჯარი იანიჩართა“...  
 ამ ჯურის მხედრად აღიზრდებიან  
 მრავალ კუთხითგან ტყვედ მოკრეფილი  
 პატრა ბიჭები. იმათ ოსმალო  
 თვისს წეს-რჯულზედ ზრდის... ვაჟკაცდებიან...  
 შემდეგ ამათგან შეადგენს ხოლმე  
 უმთავრეს ძალას ხონთქრის ჯარისას...  
 ამგვარს მეომართ, მამულს მოწყვეტილთ,  
 თითქმის სრულებით რომ ავიწყდებათ  
 თავიანთ მოდგმა, სამშობლო მხარე...  
 გატაცებულებს სისხლის რუებით  
 სხვა არაფერი არ აგონდებათ,  
 და თავისს მამულს გაუგებრად  
 ბევრჯერ ბედკრულნი ფეხით ჰქელავენ.  
 აი ამნაირს ჯურას ვეკუთვნით,  
 ჩვენ ორნივე ვართ იანიჩარნი;  
 ამგვარის ქცევით ჩვენც ვიქცეოდით.  
 აქამდის არც-კი მოგვეგონებია  
 ტომით რანი ვართ, სადაურები!..  
 ეხლა ყოველი გამოვიკვლიეთ,  
 დავრწმუნდით, რომ ვართ ჩვენ ქართველები,  
 კახეთიდგანა წაყვანილები  
 ორივე ერთს დროს, ერთად შეკრულნი.

**ანსა.** (ცაღკე) ორივე ერთს დროს, ერთად შეკრულნი?!

**ჯამ.** მერე რა გნებავთ, ან რას აპირებთ?

**ასლან.** მხლა ვხედავთ-რა, ჩვენი მამული  
 ჩავარდნილია გაჭირვებაში,  
 რის მიზეზიცა თითქმის ჩვენა ვართ,

ჩვენის სიბნელით, უცოდინრობით,  
 ამიტომ იმის დასაცველადა  
 აღარ დავზოგავთ არა ღონესა,  
 გვინდა, შეცდომა გამოვისყიდოთ.  
 თქვენთანაც მიტომ მოვედით დღესა,  
 რომ შეგვიერთდეთ მტერთან საბრძოლად,  
 რისთვისაც, მგონი, თქვენ ემზადებით.

**ასკანდერ.** მეომარნი გვყავს თითონ ათასი,  
 ახლა თქვენებიც დაემატება!..  
 რომ შევეერთდებით, ველარა მტერი  
 ჩვენს რკინის გულსა ვერ დაუდგება.  
 შევეერთდეთ, ძმანო! ჩვენც თქვენები ვართ;  
 ტანისამოსზედ ნუ შემოგვხედავთ,  
 რომელიც მათვე თვალებს მოსჩიჩქნით.  
 საქმე გულია! ჩვენ-კი გულშია  
 მსხვილ ასოებით ეს გვაწერია:  
 „ქართველები ვართ—ივერთა ძენი“!

**ჯამ.** მე არის მხოლოდ ლიტონი სიტყვა;  
 რით დაამტკიცებთ მაგის სიმართლეს,  
 რომ ჩვენც მოგენდოთ, ეჭვი არ გვქონდეს?

**ასლან.** არ იყო, მგონი, ძლიერ საჭირო,  
 დასამტკიცებლად რამე საბუთი;  
 მაგრამ რადგანაც უთუოთ ითხოვთ,  
 მაშ მოგახსენებთ, რაც ხელთ გვიჭირავს.  
 ამ დილას, ჯიმშერ, შენს ზვარში გქონდათ  
 თქვენ შეთქმულობა მტერთ წინააღმდეგ;  
 ამავე კრებაზედ შენ და რობიტსა  
 მოგსვლოდათ ჩხუბი, მუქარას სთვლიდა,  
 თუმც ეხლა ვხედავ თქვენს თანაზიარს.  
 მცირე ხანს უკან დანარჩენებმაც  
 გამოიარეთ შინ წასასვლელად  
 და თან ჯიმშერიც ემუქრებოდა



რობიტსა მისის ჯიუტობისთვის...  
 ჩვენ რომ არ ვიყვნეთ ან ქართველები,  
 ან არ გვეწადოს თქვენთვის კეთილი,  
 ხომ დაგასმენდით მაშინვე ფაშას,—  
 და საქმე სხვა რიგ გათავდებოდა?!.  
 აი საბუთი უფრო ფხიანი:  
 ჩვენი სჯულია ქრისტიანობა,  
 ერთი გვწამს ღმერთი, ჯვარცმულს ვლოცულობთ  
 და ამის ნიშნად პირჯვარს ვისახავთ (იწერენ).  
 დანარჩენს თითონ ის დიდი საქმე,  
 რასაც ეს მკლავი მოიმოქმედებს,  
 ჩვენს ერთგულებას თქვენ დაგიმტკიცებს!..  
 ან რაღათ გინდათ სხვა საბუთები?  
 რათ გინდათ მეტი სიტყვების ხარჯვა?  
 ნუ თუ არ გყოფნით ეს აღსარება,  
 ამონაჩქეფი გულის სიღრმითგან?..  
 იქა ბუღობდა მიძინებული  
 ქართველობისა მწარე სვე-ბედი;  
 და რაკი ერთხელ გამოიღვიძა,  
 ისე გადიდდა, გაშალა ფრთები,  
 თითქმის სხვა გრძნობებს ადგილს არ აძლევს,  
 დაგვიმორჩილა, ყმად გაგვიხადა!..  
 რასაც გვიბძანებს, ჩვენც აღვასრულებთ...  
 აი ამ გრძნობის ნაბძანები გვაქვს,  
 რომ თქვენ ჩაგკიდოთ მეგობრად ხელი,  
 თქვენთან ერთადა ჩვენ ვიმოქმედოთ...  
 თავისუფლების მოელვარე მზე  
 ამოვუშუქოთ ჩვენს ტურფა მხარეს;  
 და მოცემული მისგან სიცოცხლე  
 იმისთვის უქმად არ ჩავატაროთ!..  
 ჩვენც აღვასრულებთ, მოვედით თქვენთან;  
 მაგრამ რას ვხედავთ? საბუთებიო!..

ნეტავ რათ უნდა გულს სხვა საბუთი,  
 როცა სიტყვაში სჩანს მის სიწრფელე?!  
 ნუ თუ არ გჯერათ ჩემი სიტყვები,  
 და კიდევ ეჭვის თვალით გვიყურებთ?  
 მაშ, ერთსაც გეტყვით უკანასკნელად!  
 იცოდეთ, მიტომ მოველით თქვენთან,  
 რომ გაცოდინოთ ჩვენი განზრახვა.  
 თუ უარს გვეტყვით, თქვენ არ მიგვიღებთ,  
 მაშინ უთქვენოთ თავს ვისახელებთ  
 სამშობლოსათვის თავის განწირვით,  
 და მომავალმა თუ გაპატიოთ,  
 არ გაზღვევინოთ ეს უდიერობა,  
 კვებნით სთქვით, რომ ხართ სახელოვანნი!..

**ისკანდერ.** სუყველა ამას ერთს დაუშმატებ,  
 რაც ბევრსა ჰნიშნავს ჩემის აზრითა,—  
 როგორც საბუთი ჩვენის სიმართლის,  
 როგორც საშველი მამულის ხსნისა.  
 ყური დამიგდეთ, რა მოგახსენოთ:  
 ოსმალთა ჯარი ორად იყოფა;  
 ნახევარი აქ—თელავში რჩება,  
 ნახევარი-კი გაღმა მხარს გავა.  
 ამ გაყოფითა ჩვენ ვისარგებლებთ,  
 თუ თქვენც ისურვებთ... ეხლა თქვენ იცით...  
 თუ გნებავთ კიდევ—მივიღებთ ფიცსა,  
 ჩვენს სიმართლეზედ, გულწრფელობაზედ!

**ჯამშერ.** ძალიან კარგი, დაიფიცვეთ!..

**ასღან.** ოღონდ გვერწმუნეთ, მაგდენის ეჭვით  
 ნულარა გვტანჯავთ და შემოფიცვა  
 ადვილი არის წრფელის გულისთვის!  
 მაგრამ ფიცის წილ წყევლა მომადგა,  
 ტკბილის მაგიერ მწარდება ენა...  
 თქვენს უნდა გულსა ის უფრო იქნებ

ჩასწვდეს ძირამდის, მაშინ გვერწმუნოთ!  
 თუ ჩვენ არ ვიყოთ ქართველთა მოძმე,  
 მათ ჭირი-კენესა ჩვენც არ გვეტანჯვიდეს;  
 თუ ქართველთ მტერსა ზურგი ვუჩვენოთ,  
 არ გაეხდეთ წამლად ივერთა წყლულის,  
 თუ არ შევაკლათ თავი იმის ხსნას,  
 მით ვერ მოვიმკოთ გმირთა სახელი;  
 თუ ორგულობა თქვენი შეგვამჩნდეს,  
 ვიწყოთ მელური ჩვენ ცბიერება;  
 მაშინ ჩვენ ზეცამ რისხვა მალლისა—  
 კვლაკვნია ელვა დაგვეცეს ვაებით,  
 მზისა ნათელი ბნელად გადაგვექცეს,  
 შიშის ზარს გვეცემდეს ლამის გუშაგი;  
 ქვეყნად ვიდოდეთ თავ-ლაფ-დასხმულნი,  
 ყველასაგანა მოძულეებულნი;  
 ძმა-მეგობარნი მტრად გადაგვექცნენ,  
 აღარ ვუნდოდეთ გაქსუებულნი;  
 აღარ გვეღირსოს მშვიდი ცხოვრება,  
 დღე-ღამე ძილი არ მოგვეკაროს;  
 მულამ გვეღვიძნენ მწარე ფიქრები,  
 უპირო კაცად გვიცნოს ქვეყანამ;  
 და გულის სატრფომ ჩვენს სიცოცხლეში  
 ნუგეშის სიტყვა არ მოგვაწოდოს!  
 ტრიალს მინდორზედ, ან მთის მწვერვალზედ  
 მძაფრ ქარიშხალმა შეგვხუთოს სული;  
 სასტიკს ბრძოლაში გარ-შემორტყმულთა  
 გადაგვტეხოდეს ვადაში ხმალი;  
 წყალ-მოწყურებულთ, ხახა-გამშრალთა  
 სადაც წყალს დავწვდეთ, ყველგან დაგვიშრეს,—  
 თუ მუხანათად, მტრულად მოგვექცეთ,  
 არ გიერთგულოთ, ღმერთიც გაგვიწყრეს!...

ისკანდერ. ამინ!..	} თითქმის ერთად
ჯიმშერ. შესდექით!..	
რახიჭ. პარგი!	
კოდერძ. } მოიცათ!..	
ქიტა.	

ჯიმშერ. პარგია, გვჯერა, ყველა გენდობით...  
 ასლან, შენ ამბობ, რომ კახელი ხარ?

ასლან. ნამდვალად.

ჯიმშერ. რომელ სოფლითგანა ხარ,  
 არ გახსოვს კარგად?

ასლან. პარგად არ მახსოვს;

უნდა-კი ვიყო ამ თელავითგან!  
 გულს იამება მისი დანახვა,  
 თითქოს როგორღაც კიდევ მეცნობა  
 აქ არე-მარე კობტად შემკული;  
 მთელი ქალაქი, მის მდებარება,  
 გადასახედი მდიდარს კახეთზედ  
 წარმოდგენაში მიცხოველდება;  
 თითქოს იქ იყოს დიდის ხნითგანა  
 ხელუხლებელად შენახულიო...  
 ეხლა-კი ნათლად ვიდგენ თვალ-წინა  
 მის მცხოვრებლებსა, ზნე-ჩვეულებას...  
 თითქოს მენახოს მისი სახლები,  
 ციხე-კოშკები და ვენახ-ზვრები...  
 მაგას გარდა—სხვა—ეს სახლი მეტად  
 გულსა იზიდავს, სულსა ახარებს,  
 თითქოს მეცნობა და მიყვარს კიდევ!..  
 აი ოთახი, ეს მოკაზმული  
 თითქოს მენახოს ვითომ სიზმარში,  
 რომ ვთამაშობდი აქ ბავშვობის დროს;  
 საამურს ნანას მიმღერდნენ ხოლმე  
 დაძინებისას, თან მაშინებდნენ...

მაგრამ ეს ყველა საითგან მახსოვს,  
ამას-კი სწორედ მე ვერ აგიხსნით...

**ჯამშერ.** ძალიან კარგი... ის აღარ გახსოვს,  
თქვენი წაყვანა რა ხანი არი?

**ასლან.** ისკანდერ ჩემზედ უხუცესია,  
და მაგან უფრო დანამდვილებით  
იცის, რა ხანმა განვლო მას შემდეგ...

**ისკანდერ.** სწორედ იქნება თვრამეტი წელი...

**ანნა.** რაო, თვრამეტი?!

**ისკანდერ.** ღიახ, ნამდვილად.

ჩვენც აქაური მცხოვრებელნი ვართ...

**ანნა.** ოჰ, ღმერთო ჩემო! სწორედ იმ წელსა  
ჩემი შვილიც ხომ ოსმალთ მომტაცეს!..

**ასლან.** ბანა თქვენც გერგოთ ეგ მწარე ბედი?

**ანნა.** ბევრგო და გაეხდით მის მომჩივარნი!..

**სალამე.** (ჩუმად ჩაიდუღუნებს) ღიახ, გაგვხადა მის მომჩივარი!..

**ჯამშ.** ასლან, არ გახსოვს დედ-მამის გვარი,  
მათი სახელი?

**ასლან.** შაი ჩემს თავსა!

ჩემს უბედობას ეგ ზედ ართვია,  
რომ მშობლებისა გვარი-სახელი  
სრულებით ვეღარ მომიგონია!

ეგ რომ ვიცოდე, მაშინ ხომ დასტურ  
შემეძლო პოვნა ჩემი დედ-მამის...

მაგრამ უკულმართ ცხოვრების ჩარხმა

ეგ უებარი, საჭირო ცნობა

ჩემი თავითგან სრულად განსდევნა;

ვერ შემიძლიან, რაც გინდ ვეცადო,

რომ მოვიგონო მათი სახელი,

რომ დაკარგული ბედნიერება—

დავიწყებული მშობლური გული

ვიპოვო და მით დაკარგულს შევილსა

გამოუშუქდეს აქამდის ბნელი...  
 რომ მშობლიურს ხმას, ალერსს და ხვევნას  
 ველიროსო კიდევ მე უბედური...  
 ველიროსო სიტყვას ყოვლად ბედნიერს:  
 „მამავ და დედავ, ჰა თქვენი შვილი“!  
 მათ მიპასუხონ ნეტარ-კილოთი:  
 „გიბოვეთ, შვილო, ტყვეობას ხსნილი“!..  
 მაგრამ, არ ვიცი, შევესწრობი მას,  
 თუ ქვეყნად ვივლი ობოლი მარად!..

**ჯამშერ.** შენა, ისკანდერ?

**ისკანდ.** აღარც მე მახსოვს...  
 საკვირველია, რათ დამავიწყდა!  
 რაც წაგვიყვანეს, მას შემდეგ კიდევ  
 კარგა ხანს მქონდა ხსოვნაში ყველა,  
 მაგრამ შემდეგში—ომებში გართულს  
 აღარ მეცალა მოგონებისთვის  
 და შეუმჩნეველად მიტომ გამქრალა.

**ჯამ.** მე სახელები ეხლა რომ გქვიანთ,  
 ხომ ოსმალური სახელებია;  
 არ გახსოვს მაშინ რაღას გეძახდნენ,  
 როცა იყავით ისევ ქართველნი?  
 (ტაღკე) თუ ესეც ველარ გამოვარკვიე,  
 მაშინ იმედი გადამიწყდება...

**ასლან.** მე ვერც მაგაზედ მოგცემ პასუხსა!  
 რაც თავი მახსოვს, ასე მგონია,  
 ასლანის მეტსა არას მეძახდნენ,  
 თუმც რა თქმა უნდა, მაშინ სახელი  
 რამე ქართული გვეწოდებოდა...

**ისკანდერ.** ასე მგონია, რომ უსათუოდ  
 მომაგონდება ეგ სახელები... (იგონებს)  
 მაგრამ შეხე ბედს! ვერ მივწვდი წადილს!..  
 ცოტა მაკადეთ, კიდევ ვეცდები... (იგონებს).

**ანნა.** ნეტავ თქვენსავით ცოცხალი იყოს  
ჯან-ლონით სავსე ჩემი შვილიცა,  
ეგრე თქვენსავით სამშობლო იცნას,  
იმის ხსნისთვისა ეგრე ცდილობდეს,  
და... მაგრამ გული რომ ვეღარ ითმენს,  
თუ მას ვერ ჰხედავს, არ უაღერსებს!..  
ოჰ, შვილო, ნეტავ ცოცხალი კი ხარ?..  
გახსოვსლა შენი სამშობლო მხარე?..  
სად ხარ ეხლა—ჩემო არჩილ!..

**ასკანდერ.** (შეჭევირებს) არჩილ!..  
მეც მომაგონდა! ეს არის სწორედ  
არჩილ, რომელსაც მწარედ სტირი...  
ჯიმშერ ივრელის შვილია არჩილ,  
აი ის არჩილ, რომელიც ოსმალთ  
მოგტაცეს თქვენა თვრამეტ წლის წინეთ;-  
და თქვენს თვალ წინა მე და ეს არჩილ  
თოკით შეკრულნი ცხენს გადაგვკიდეს;  
არჩილს თავისის კერპობისთვისა  
მხარში ჰკრილობაც მიაღებინეს...  
აი აქ სწორედ, ზედ ამ ადგილას,  
თუ გახსოვთ, მოხდა ესე ამბავი...  
ეს არჩილია და მე ლევანი,  
კეთილ ჯიმშერის აზნაურშვილი...  
მამაჩემს ერქო სახელად გიტო,  
დედაჩემს კიდევ სალომე...

**სალომე.** (მოეხვევა) შვილო!..

მე ვარ სალომე ის შენი დედა!..

**ასკანდერ.** დედავ, გეთაყვა, ჩემო სურვილო...  
**ასლან.** მე დაკარგული ამათ შვილი ვარ?!

**ანნა.** როგორ, ასლანი ჩემი შვილია?!

ჩემი არჩილი, ჩემი ბიჭუნა?.. (ცრემლ-მორკვეით)

ოჰ, მოდი, შვილო, მაშ ჩამეკონე,

ღამიტკბე დიდ ხნის ნადაგი გული!..

**ასლან.** (აღელვებული) **მკ,** ნეტარებავ... დედავ... მშობელო!.  
(გადაეხვეწიან)

**ჯიმშენი** (ჯერ გაშტერებული ღარჩება, მერე მუხლებზედ დაეცემა  
ხელ-გაპურბილი)

ზბადლობ, უფალო, ამ დროს შემასწარ,

რომ ჩემი შვილი კვლავ დამანახვე,

მალირსე ლიტონს—მე გახარება...

ეხლა ყველა დარდს ბოლო მოელოს...

და სახლის ჭერმაც მაშ გაიხაროს!..

(დედა-შვილნი განშორდებიან ერთმანეთს, მერე **ჯიმშენს** გადაეხვეწა)

**ჯიმ.** **მკ,** ჩემო შვილო, ჩემო ნუგეშო!..

**ასლან.** მამავ, მამილო, კეთილო, ტკბილო!..

**ანნა.** შენ გენაცვალოს დედის სიცოცხლე...

მოულოდნელი ბედი გვეწვია...

შვილო, ისკანდერ, მოდი შენც ჩემთან,

შენც ისევ ჩემი შვილი არჩილ ხარ...

შენ მაპოვნინე, შენ გაგვაცანი...

მაშ, მოდი, მოდი, შენც გამახარე...

**ისკანდერ.** ღიდად მიხარის ეს ჩვენი ბედი...

შენც დედაჩემად მე მეგულები...

**სადამე.** რა ბედნიერი დედა ვყოფილვარ,

სულ დამავიწყდა წარსული ტანჯვა!

**ჯიმ.** მაშ, ეგრე... ასლან, ჩემი შვილი ხარ,

ის დაკარგული ჩემი არჩილი?!

**ასლან.** ზონს ვერ მოვსულვარ სიხარულისგან...

ან რა უნდა ვთქვა, რა გავაკეთო,

როგორ დავიწყო თქვენთან ბაასი?..

თითქოს თავს ბრუ მაქვს მე დახვეული...

(შემოდის მსახური)

**მსახური.** შაშის კაცია, ამათ კითხულობს.

შახჩარო საქმე მაქვს ფაშისგანო.



**ისკანდერ.** აი დაღუპოს ღმერთმა ისინი,

რა დროსი იყო ეხლა სხვა საქმე!..

**ასლან.** (დამშვიდებული) არა, ისკანდერ, უნდა წავიდეთ.

ძალიან მალე, ეხლავ, ამ წუთას,

რომ ეჭვიც-კია აიღონ ვერა.

ჩვენი ხვალინდელ საქმის შესახებ

აი რას გეტყვით: ჯარები თქვენცა

ორად გაჰყავით და თავის ადგილს

გააწესრიგეთ, მზათ იყოლიეთ...

სხვა-კი ჩვენ ვიცით, ხვალ გამოჩნდება...

აბა, ისკანდერ, წავიდეთ მალე... (გაუფრენ)

**ზახუნა.** დიდება ღმერთო, შენსა განგებას!

**გოდერძ.** სწორედ რომ მართლა სასწაულია...

**რობიჭ.** აი სიბერის ტკბილი ნუგეში!..

**სალომე.** ახ, ცოტას მაინც ვერ დაიცდიდნენ?..

**ჯამ.** სიზმარივითა მსწრაფლად გათავდა!..

**ანნა.** ჩვენება იყო, თუ მართლა ცხადი!.. (გაშტერდება)

## ფ ა რ დ ა

დ. ნახუცრიშვილი..

(შემდეგი იქნება)



# ანტონი I

კათალიკოსპატრიარქი საქართველოსი.

(თ. ყორღანისი რუსულიდამ.)

## I

ანტონი I კათალიკოსი იყო მეფის შთამომავალი. ის იყო ძმის-წული ქართლის მეფის შახტანგ VI-ისა (მამით) და დისწული ქახეთის მეფის თეიმურაზ II-სა.

ანტონოს მამა, უმცროსი ძმა შახტანგ VI, იყო იესე მეფე, მაჰმადიანი<sup>1)</sup>. ის არ იყო შესანიშნავი არც სიმამაცით და არც რაიმე სხვა ღირსებით; იყო გაუმაძღარი მთავრობის მოყვარე და თვისის მიზნის მისაღწევად ხშირად ცილის წამებასაც არ ერიდებოდა. ამისთანა თვისებებით მან შეიძინა კარგი სახელი სპარსეთში, სადაც წაყვანილ იქმნა იგი თვისის მამის მეფე ლევანის მიერ 1704 წ. <sup>2)</sup> აქვე, სპარსეთის შაჰის სასახლეში, მან შეიძინა მაჰმადიანთ ზნე-ჩვეულებანი, მიიღო მაჰმადიანობა (შიიტისა) და იწყო თავ-აშვებული ცხოვრება — მეჯლისებში, ქეიფებში და სხ. შაჰისთან იმდენად დაიმსახურა მან სახელი, რომ ამ უკანასკნელმა უბოძა მას ქირვანის მთავრობა<sup>3)</sup>; მაგრამ ესეც აღარ იკმარა და მოინდომა თვისის დეიდლის ძმის, მეფის შახტანგ VI, ტახტის დაქვრამ. ამ აზრით მან მიუჩინა შახტანგს სპარსელი ჯაშუსეში<sup>4)</sup>, და-

1) სპარსელების მფლობელობის დროს საქართველოში (1616 — 1729 წ.) ქართველთ ზოგიერთი მეფეთაგანი იძულებულ იყვნენ, ტახტი რომ არ დატოვებოდნენ, გარეგნობით მაინც მიეძოთ ისლამი.

2) „ქართლის ცხოვრება“ ნაწ. II, გვ. 252.

3) იქვე გვ. 324.

4) იქვე გვ. 327 და 76.

სწამა ცილი, ვითომც ის მოქმედებს მაჰმადიანობის წინააღმდეგ, სძულდეს მაჰმადის სარწმუნოება და იყოს მისი მოსისხარი მტერი, გულ-მოსულობით თითქო მას ძირს გადაეგდოს ყურანი და უშიშრად დაეწვას იგი <sup>5)</sup>. შაჰიმ მოახდინა სასტიკი გამოძიება, წაართვა **ვახტანგს ტახტი** და დასვა მაზნედმეფედ **იესე** (მაჰმადიანობაში **ალი-ყული-ხანი**) მაჰმადიანი 1714 წ. დეკემბრის 3-ს <sup>6)</sup>.

ქართლში მეფობის დროს **იესე** ატარებდა დროს მეძავობაში, გახრწნილ თავ-აშვებულ ცხოვრებაში და ინტრიგებში. **ვახტანგის** ოჯახობა გაიქცა **იმერეთში**; თვითონ **ვახტანგი-კი** წავიდა შაჰსთან დაბარებისამებრ მისსა. რადგან **იესეს** ეშინოდა, რომ ვახტანგმა ტახტი უკანვე არ წაართვას, ამისათვის სთხოვა შაჰის, რომ **ვახტანგი** ციხეში დაეჭირათ <sup>7)</sup>. მიუხედავად საქმრთველოს ეკკლესიის მამების კრების დადგენილებისა, **იესე** მეფე, ყურნის თაყვანის-მცემელმა, შეერთო ცოლად მარიამი, დაახლოვებულის ნათესავის ცოლი <sup>8)</sup> და შემდეგ, 1715 წ., დაიწერა ჯვარი **ქახეთის** მეფის **ირაკლი I** ასულზედ, **მლენეზედ** <sup>9)</sup> (იგივე „**ბეგუმი**“), რომელიც იყო დედა კათალიკოსის **ანტონისა**.

ჩქარა ბედმა უმუხთლა **იესე** მეფესაც. **ჭირმანში** დატყვევებულმა **ვახტანგმა** მოიგო შაჰის გული, მიიღო გარეგნობით მაჰმადიანობა და ხელ-მეორედ დაიბრუნა **ქართლის ტახტი**. **იესე** გაიქცა თვისს ცოლის ძმასთან, **ქახეთის** მეფესთან, მაგრამ სპარსელებმა დაატყვევეს იგი ცოლითურთ **ტფილის-**

<sup>5)</sup> Историческіе взгляды на состояніе Грузіи подъ управленіемъ царей — магометанъ II. Юселіани, გვ. 70.

<sup>6)</sup> „ქართლის ცხოვ.“ ნაწ. II 253, 426 და 79. „Парижская хроника“ 1714 წლისა.

<sup>7)</sup> იქვე გვ. 79, 327. <sup>8)</sup> იქვე გვ. 327.

<sup>9)</sup> „ქართ. ცხოვ.“ ნაწ. II, გვ. 327 და 253. „Парижская хроника“ 1714 წ.

ში <sup>10</sup>). სულ-გრძელმა მეფე ვახტანგმა განათავისუფლა საპყრობილედგან ძმა, უბოძა მას მდივან-ბეგობა და აჩუქა მუხრანი, სადაც სცხოვრებდა იგი უნაკლულოდ ცოლითურთ. მთავრობის მოყვარე, უმაღური იესე მანც კიდევ არ დასცხრა და მოწინააღმდეგე ლაღატი გაეწია ძმისათვის. მან აუჯანყა ვახტანგს ქვეშევრდომნი, გაუხადა მოწინააღმდეგედ მეორე ძმა მისი სიმონი და ბოლოს წაჰკიდა ქახეთის მეფე ქონსტანტინეს და სპარსეთის შაჰისაც. სხვათა შორის მან დააბეზლა ვახტანგი შაჰსთან მასში, რომ თითქოს მას საიდუმლოდ, შაჰის საწინააღმდეგოთ ეკავოს კავშირი რუსეთის მეფე პეტრესთანა <sup>11</sup>). როდესაც შაჰი დარწმუნდა ამაში, ვახტანგს ჭართლის სამეფო წაართვა და გადასცა ქახეთის მეფეს კონსტანტინეს 1723 წ., აპრილის 23 <sup>12</sup>). ზაიმართა ბრძოლა ამ ორ მეფეთა შორის. ვახტანგი დამარცხდა და კონსტან-

<sup>10</sup>) „ქართლის ცხოვრება“ ნაწილი II, გვ. 253. Brozzet Bar. 68. ვინაღდან ბრძოლას ვერ ამოუკითხავს სისწორით ერთი წარწერა. ამისათვის შეცდომით ჰგონებს თითქოს მეფე იესეს 1712 წ. უკვე ჰყავდა ვიდრე შვილებით Bar. 69.

<sup>11</sup>) იქვე გვ. 82 და 137, აგრეთვე იხ. ზომა დავით გურამიშვილისა. პეტრემ მართლაც შეჰქკრა კავშირი ვახტანგთან, რადგან მას ჰსურდა კახეთის იქითა მხარის დახურობა; ვახტანგს უნდა აეღო განჯა და შემახია და მოეცადნა რუსეთის ჯარისათვის ომის გასაგრძელებლად შიდა სპარსეთში. პეტრემ აიღო დარუბანდი, მაგრამ მალე იძულებული გახდა შინაური მდგომარეობისა გამო რუსეთს გაბრუნებულიყო; ვახტანგი კი უცდიდა 40,000 ჯარით განჯის გაღწევასთან, სადაც მას გაეს შამოერტყენენ სპარსელები, ოსმალები და ლეკები; ვახტანგი იძულებული გახდა გაქცეულიყო რუსეთში და დაეკარგა ტახტი თვისი და შემკვიდრებლისათვის Переши-ска Груз. царей съ Рус. государ., გვ. 77. Вуткевича, ნაწილი I, გვ. 60—73.

<sup>12</sup>) „ქართლის ცხოვრება“ ნაწილი II, გვ. 254.

ტინემ ტფილისი დაიჭირა. <sup>13)</sup> ამავე დროს საქართველოს საზღვართან მოახლოვებული იყო თათრის სულთნის ახმეტის ჯარი, რომელსაც ჰსურდა დაესაჯა ვახტანგი რუსეთის მეფესთან ხელ-შეკრულობისათვის. რა დაინახა ვახტანგმა თვისი თავი უბედურს გარემოებაში, მიიღო თათრების წინადადება ზავის ჩამოგდებაზედ და ამისთვის გაგზავნა თავისი ძმა იესე და შეილი ბაქარი ოსმალების ჯარის უფროსთან, იბრაგიმთან. იესესაც ეს უნდოდა. ღაუხლოვდა თათრებს, შიიტის სარწმუნოება სუნიტიისაზედ შესცვალა და ამით გახდა ხელ-შეორედ ქართლის მეფედ <sup>14)</sup>. ქახეთის მეფე კონსტანტინე-კი ღალატით დაატუსაღეს და შემდეგ თავიც მოჰკვეთეს მას. სელჯუკებმა დაიკავეს თითქმის მთელი ქართლი და ნახევარი ქახეთი. ვახტანგს და მისს შეილს ბაქარს ეძებდნენ დასაჭერად და ამისათვის ისინი იძულებულნი გახდნენ წასულიყვნენ რუსეთში პეტრე მეფესთან 1724 წ. კათალიკოსი ლომენტი III, მკვიდრი ძმა მეფე ვახტანგისა, გადააყენეს კათალიკოსობიდან და გაგზავნეს ტენედორის კუნძულზედ (არქიპელაგში), ხოლო კათალიკოსობა უბოძეს ბესარიონს (მრბელიანსა <sup>15)</sup>), კაცსა ღირსეულს. მრავალი ეპარქიები დაცარიელდა; საეკლესიო ქონება დაიტაცეს; ზოგიერთ ეპისკოპოსებმა დასტოვეს ეპარქიები და გაჰყვნენ ვახტანგს რუსეთში. მსენი იყვნენ შემდეგნი: ქრისტეფორე სამთავისისა, რომელსაც ბარტყულაზედ ჰქონდა დროშა და ჯვარი, პავლე ტფილელი, ნიკოლოზ რუისელი, არსენ მანგლელი, ნიკოლოზ ურბნელი და იონა (იხ. Архивъ св. Синода 1725 წ. საქმე № 192). რამოდენიმე ხნის შემდეგ ამავე მიზეზების გამო წავიდნენ რუსეთში: იოსებ სამების მთავარ-

<sup>13)</sup> გვ. 87, 88, 140, 332.

<sup>14)</sup> „ქართლის ცხოვრება“ ნაწილი II, გვ. 87.

<sup>15)</sup> იქვე გვ. 88, 140, 332.



სი სახელი არის მლენე <sup>18)</sup>, მაგრამ მას ეწოდების გუჯრებში მეორე სახელი „ბეგუმა“. ცნობილი მოგზაური ბულდენ-შტეინი ჰმოწმობს აგრეთვე, რომ თათრები უწოდებდნენ მას მლენედ და ბეგუმადო. ტფილისის მთავარ-ეპისკოპოზი ტიმოთეც უწოდებს მას მლენეს („მზა-მეტყველების“ წინასიტყვაობაში). რუსეთში იყო ცნობილი მლისაბედად <sup>19)</sup>; ამავე სახელს არქმევს დედას თვით მისი ძე ანტონ კათალიკოსი <sup>20)</sup>. ამისთანა ცნობებიდან ზოგიერთი ისტორიკოსები შეცდომაში შედიან <sup>21)</sup>, რადგან არ იციან მათი შეთანხმება. ჩვენის ფიქრით ანტონის დედას ერობაში ერქმევოდა მლენე (ქრისტიანული სახელი) და ბეგუმი მეორე სახელი, რომელსაც ხშირად არქმევდნენ საქართველოში ქრისტიანულ სახელთან ერთად, ხოლო როდესაც აღიკვეცებოდა მონაზვნად იგი გამოიკვლიდა ჩვეულებისამებრ სახელს და დაირქმევდა მლისაბედს.

ღვთის შიშსა და კეთილ-მსახურებაში აღზრდილი მლენე ვერ იტანდა ქმრის უზნეო საქციელს და როდესაც შეატყო, რომ მისი ქმარი არ იკარებდა მისგან არავითარ მისს დარიგებასა, გადასწყვიტა გულში სულიერი ტანჯვა-მწუხარება შეემსუბუქებია ქრისტესადმი მუდმივ ღოცვა-ვედრებით და ქველ-მოქმედებით, ე. ი. აღეზარდა შეიღები მრისტეს სარწმუნოებაში. ქმრის გარდაცვალების შემდეგ მლენემ მიიღო მონაზნობა და თავისი სახლი აქცია თითქმის მონასტრად,

<sup>18)</sup> „ქართლის ცხოვრება“, ნაწილი II 253 და 327.

<sup>19)</sup> Переписка груз. царей съ Россійск. გვერდი LXXXVIII.

<sup>20)</sup> თვის თხზულებაში „წობილ-სიტყვაობა“, გვ. 299, კაპიტემა 1853 წ.

<sup>21)</sup> ნ. იოსელიანი უწოდებს მას ელენედ („მზა-მეტყველების“ წინასიტყვაობაში და ნ. მთვარელიშვილი-კი ედისაბედად და უაწს ჰუოფს სახელს ელენეს და ბეგუმს („იგერა“ 1879 წ. გვ. 43).

დროს უმეტესად ატარებდა ლოცვა-ვედრებაში ღვთისადმი და ამასავე მიაჩნია თავისი ერთად-ერთი ვაჟი **თეიმურაზი** (**ანტონი**), **პნასტასია** და **მარიამი** <sup>22</sup>). **ანტონი** ამბობს, რომ მისი დები მშვენივრად იყვნენ აღზრდილნი ღვთის შიშსა, მის სჯულსა და შეთვისებაში <sup>23</sup>). მათს გარდაცვალებაზედ **ანტონმა** იტირა ისინი ლექსად.

**ბანსაკუთრებული** ყურადღება ჰქონდა მიქცეული **მლი-**საბედს ერთად-ერთის ძის **თეიმურაზის** აღზრდა განვითარებაზედ. **პატივცემულ** ისტორიკოსს **პლატონ** **იოსელიანს** ჰგონია <sup>24</sup>) **ანტონის** დაბადების წელი 1714, როდესაც დედა მისი გათხოვილიც არ ყოფილა იმ დროს. **როგორც** ზემოთაც ვუჩვენეთ, ეს მოხდა 1715 წ. <sup>25</sup>); ამით მას (**იოსელიანს**) შეცდომაში შეჰყავს სხვა მკლევარნიცა. მრთს რუსულს-გუჯარში **თეიმურაზი** ნაჩვენებია 10 წლის ჰაბუკად; აქედამ ცხადად სჩანს, რომ იგი დაიბადა 1720 წელს. ამასვე გვაჩვენებს ჩვენ მეფე-პოეტის **თეიმურაზ II** ლექსი, რომელშიაც მოთხრობილია, რომ მან ოცის წლის შვილი **ირაკლი** დასვა.

22) „წოთბილ-სიტყვაობა“ გვ, 301—302. და ტიმოთეის „შჳსა-მეტყველების“ წინასიტყვაობა.

23) „წოთბილ-სიტყვაობა“ 844—850 ოთხ ტაქოვანის ლექსი. დედოფალი ელენე სწირავდა მთელის თავისის ქონების მეთედს დედოს **მონასტერს** (იხ. ჩემი ადწერილობა დავით გარეჯის მონასტრისა № 571).

24) მის მიერ გამოცემულის ანტონის თხზულების „წოთბილ-სიტყვაობის“ წინასიტყვაობაში, გვ. V. იქნება იოსელიანი ხელმძღვანელობდა იმ აზრით, რომ საქართველოში კათალიკოსობას არ აძლევდნენ 30 წლამდისინ და უკეთუ 1744 წ., როდესაც ანტონიმ შიიღო კათალიკოსობა, იგი იყო 30 წლისა, მაშინ ნამდვილად გამოდის, რომ იგი დაბადებულა 1714 წ.

25) იხ. ჩემი **Собрание исторических материалов**, ნაწილი I, გვ. 178, ზ. 17, 269, ზ. 7.



ქახეთის მეფედ და ოცის წლისავე ძმის-წული ანტონი—კათალიკოსად განაწესაო. თბილისის საეკლესიო მუზეის ხელთნაწერში სწერია: „დაიბადა **თეიმურაზი—ანტონი** 1720 წ. 17 ოქტომბერს, კვირა დღესა, ღამის მესამე საათზედ“. ქათალიკოსის დაბადების დღეს (17 ოქტომბერს) სწერდნენ შესხმებსა: პირველ დიაკონი ტრიფილოი, **ღვით მესხიშვილი** (რექტორი **თელავის** სემინარიისა), მღვდელი **იოანე მსეშვილი** და სხ. მაშასადამე, მამის სიკვდილის შემდეგ 1727 წ. იგი დარჩა დედას 7 წლისა. დედას მრავალი ქონება დაუტოვა ქმარმა: გარდა მოძრავის ქონებისა მან მიიღო სპარსეთის შაჰისაგან სამეფო პალატნი ტფილისში და დიდი პენსია ფულად ქ. ტფილისის შემოსავლიდან <sup>26</sup>). რადგან დედას საკმაო შეძლება ჰქონდა, ამისათვის მას ჰსურდა შვილისათვის რაც შეიძლებოდა ყოველ მხვრივი განათლება შეეძინა. შემდეგ შინაურული განათლების მიღებისა დედამ გააბარა იგი **ღვით გარესჯის მონასტერში** <sup>27</sup>), რომელშიაც იყო მდიდარი წიგნთ-საცავი და რომელიც იმ დროინდელ უმაღლესს სკოლას წარმოადგენდა: აქ იღებდნენ შესაფერს განათლებას ყველა საუკეთესო იერარქნი საქართველოს ეკლესიისა. აქაური მასწავლებელნი იყვნენ: **ძოზმა** (წყობ. სიტ.“ 154, § 277), 70 წლის მოხუცი სფირილონი, მისი მიმქმელი ემბაზიდან (ანტონისა). ბარდა ამისა იმას მიჩემებული ჰყავდნენ მასწავლებლებად და აღმზრდელებად თავადნი: **ნოდარ ხერხეულიძე** და **იოსებ შალავანდიშვილი** და აგრეთვე გაქრისტიანებული, იმავე მონასტრის მცხოვრები **მირზა-ალი** (ქრისტიანული სახელი **ილია**) სპარსელი <sup>28</sup>). სფირილონის ხელმძღვა-

<sup>26</sup>) ზღატონ იოსელიანი. წინასიტყვაობა „წუთების-სიტყვაობისა“, გვერდი VI. <sup>27</sup>) იქვე გვ. VI.

<sup>28</sup>) იქვე, გვერდი V—VI. ზ. იოსელიანი უწოდებს ამას უდაბნოს წინამძღვრად, მაგრამ ამ მონასტრის გუჯარებში, რომელნიც ჩვენ გავაჩიეთ, ეს სახელი არსდა სჩანს.

ნელობით ახალგაზდა ბატონიშვილი სწავლობდა საღმრთო-წერილს და საღვთის-მეტყველო მეცნიერებას; საერო მეცნიერებას და მწერლობას იძენდა ანტონი ალბათ შალაგანდიშვილისა და ხერხეულიძისაგან, ხოლო მირზა-ალი შესაძლებელია სპარსულს ენას ასწავლიდა. ზარდა ამისა, ახალგაზდა მეფის-წული სწავლობდა ბერძნულს ენას პამფილიის ეპისკოპოზ პართენთან, რომელიც ტფილისში სცხოვრობდა და ასწავლიდა ბერძნულს ენას მოლოზანს მარინეს (ერობაში მაკრინე), კათალიკოზის მამის დას <sup>29</sup>). უნდა ვსთქვათ აქვე, რომ ანტონს ბერძნული ენა არ ჰქონია ძირითადათ შესწავლილი, რადგან მის ლიტერატურულ შრომიდან არსად სჩანს ამ ენით სარგებლობა. ისიც უნდა მივიღოთ სახეში, თუ რა საფუძვლის ძალით ჰფიქრობს განსვენებული ჩუბინაშვილი, რომ ვითომც საბა-სულხან-მრბელიანიც ყოფილიყოს ერთი მასწავლებელთაგანი ანტონისაო? <sup>30</sup>). ეს რომ სიმართლეს მოკლებულია, იქიღამა სჩანს, რომ საბა მრბელიანი 1720 წლიდან საქართველოში არ ყოფილა. ის სცხოვრობდა მოსკოვში დედოფალ ღარია პრჩილის ასულთან და იქვე გარდაიცვალა <sup>31</sup>). კათალიკოსი სწავლობდა აგრეთვე სომხურს ენასაც, თუმცა არ ვუწყით უდაბნოში მყოფობის დროს თუ შემდეგ. შემდეგ ბერად აღკვეცისა ის უფრო განვითარდა ხსენებულს საგნებში და როდესაც კათალიკოსობა მიიღო,

<sup>29</sup>) იქვე, გვ. V—VI. სხელით შეკრე, საეკლესიო გუჯრები, გამოცემა ფურცელაძისა, 1881 წ., გვ. 15.

<sup>30</sup>) Энциклопедическій словарь, გვ. 563.

<sup>31</sup>) Савва скончался отъ Р. Хр. 1725 года, января 26 дня вечеромъ въ великомъ городѣ Москвѣ, въ с. Всесвятскомъ, во дворцѣ царя Арчила и въ той же церкви погребень съ большою почестью и расходами въ присутствіи Дареджани. об. ჩუბინი Собрание историческихъ замѣтокъ и матеріаловъ, გვ. 474, (6აწ. II).

მაშინ მიჰყო ხელი ძირითად შესწავლას რუსულ და ლათინური ენებისას (რუსეთში მყოფობის დროს 1756—1762 წწ.). უკანასკნელი უფრო კარგად შეისწილა.

ღვთის მოშიში დედა კათალიკოსისა ამზადებდა თვისს ძესა არა სასულიერო წოდებისათვის, არამედ სამეფო ტახტისათვის. საღვთო-წერილის შესწავლა მეფეთათვის სავალდებულო იყო. ღირსეულნი მეფენი საქართველოსა მართლაც საკმაოდ განსწავლული იყვნენ საღვთისმეტყველო მეცნიერებაში. რადგან კათალიკოსი სამეფო კაცი იყო, ამისათვის მან შესაფერისად შეისწავლა საერო მეცნიერებაცა, სხვათა შორის სპარსული ენა კარგად ესმოდა, ურომლისობა არ შეიძლებოდა, რადგან საქართველო მაშინ სპარსეთ-მსმალეთის დიდს გავლენის ქვეშ იმყოფებოდა.

შემდეგ, როგორც დავინახავთ (მაშინ ის სცხოვრობდა მოსკოვს, ნოვოდევჩის მონასტერში), დედამ, გაიგო-რა ანტონის ბერად აღკვეცა მისგან ნება-დაურთველად, მწარედ ყვედრება დაუწყო შეილსა და სწერდა:

„შვილო ჩემო! რაისათვის განგმირე გული ჩემი მახვილითა, უცხოეთს ქვეყანაში ტყვე ქმნილი, ახლა-კი დაკარგული ყოველივე იმედი ჩემის დაბრუნების ჩვენს ქვეყანაში; ძმა შენი აღარ იყო და რათ წარიკვეთე სასო მეფობის მიღებაზედ <sup>32)</sup>. შენ უნდა გეფიქრნა ტახტზე, რომელიც ჩვენ დავკარგეთ, შენ უნდა ყოფილიყავი ერთად-ერთი მემკვიდრე უბედურის მამის შენისა, რომელიც დაკარგული იყო ამა და იმა ქვეყნისათვის“ <sup>33)</sup>.

მართის შეხედვით გასაკვირად გვეჩვენება, რა საფუძველით ფიქრობდა მღენე ტახტის დაბრუნებას შეილისათვის და საიდან იქნებოდა ანტონი ერთად-ერთი მემკვიდრე ტახ-

<sup>32)</sup> წინასიტყვაობა „წგობილ სიტყვაობისა“ გვ. VI.

<sup>33)</sup> იხ. Собрание рукописныхъ историческихъ замѣтокъ и матеріаловъ, № 11, გვ. 414.

ტისა, როდესაც, როგორც ვუწყით, მას ჰყავდა უფროსი ძმა **პრჩილი** (**აბდულ-ბეგი**, **ზიორგი**) და როდესაც კანონიერი მემკვიდრენი **მართლის ტახტისა**—მეფე **შახტანგის** ძენი (**ბაქარი** და **ალექსანდრე**), რუსეთში მცხოვრებნი დიდის პატივით, ლამობდნენ ტახტის დაბრუნებას?

ამაზედ შეიძლება მოვიყვანოთ შემდეგნი მოსაზრებანი: უფროსი ძმა **თეიმურაზისა**, **პრჩილი**, როგორც ვუწყით, იყო ძე **იესესი** ერთის ქართველ თავადისშვილის უკანონოდ მოტაცებულის ცოლისაგან; ხალხის თვალში იგი უკანონოდ დაბადებულად ითვლებოდა და ამისათვის მისი განრინება ძნელი არ იყო. რაც შეეხება მეფე **შახტანგის** მემკვიდრეებსა, **მლენეს** შეეძლო ეფიქრნა, რომ ისინი, როგორც რუსეთში მცხოვრებნი, ხალხს მოშორებულნი იყვნენ ამდენს ხანს და რუსებისაგან უმწეობისაგან შთენილნი ვერ შეიძლებდნენ მიზნის მიღწევასა. მისი ძე-კი, **საქართველოში** მყოფი, ითვლებოდა კანონიერ მემკვიდრედ ტახტისა. შარდა ამისა მას შეეძლო შემწეობა ეთხოვა ოსმალებისგან, რომელნიც, როგორც ვუწყით, მთარველობას უწევდნენ მაჰმადიან **იესეს** მემკვიდრეებს წინააღმდეგ **ქახეთის** მეფეებისა, რომელნიც დანდობილნი იყვნენ სპარსეთზედ და **შახტანგ VI** მემკვიდრეებზედ. მინ იცის, რუსებმა დედოფალს რუსეთში აღუთქვეს კიდევ დახმარება. რაც უნდა ყოფილიყო, **მლენეს** უსაფუძვლო მოთქრება არ ჰქონია შესახებ მისი შვილისგან ტახტის დაკავებისა. მს შეიძლება იქიდამაც დავინახოთ, რო 1736 წ. **იესეს** უკანონო შვილმა **პრჩილმა** (**აბდულ-ბეგმა**) მიუხედავად მისი უკანონობისა, დროებით მამის ტახტი დაიკავა და დაუწყო სასტიკი ომი გაძლიერებულ მეფეთ **თეიმურაზ II** და **ირაკლი II**.

ჩვენ ნამდვილად არ ვიცით, რამდენს ხანს დარჩა ახალგაზდა მეფისშვილი **მონასტერში** და რა მიზეზისა გამო დასტოვა მან იგი. ვიცით მხოლოდ ის, რომ იგი 1734 წ. ძალ-

დატანებით დაწინდულ იქმნა მეფის კარის კაცთა და მეგობართა რჩევით, როგორც ჰმოწმობს მთავარ-ეპისკოპოსი ტიმოთე (წინასიტყვაობა „მზა-მეტყველებისა“, იხ. ისტორია ს. ჩხეიძისა, გვ. 341). ამის შემდეგ იგი გაერთო სახელმწიფოსაპოლიტიკო საქმეებში, რადგან სწაღდა მას ქართლის სამეფო ტახტი ჩაეგდო ხელში.

თვით მისგან ცოლის შერთვას ჰქონდა იგივე მიზანი. იგი დაქორწინდა ბივი ამილახერის ასულზედ, რომლის მამა იყო ძლიერ გავლენიანი კაცი ქართლში; ის იყო მეფე შახტანგის მემკვიდრეების მოადგილე და მცველი მათის ინტერესებისა: იგი ეომებოდა თათრებს, სპარსელებს და ქახეთის მეფეებსა, რომელნიც სცდილობდნენ ქართლში გამეფებასა. 1731—1735 წლებმა დიდი გავლენა იქონიეს ქართლზედ. ამ დროს თათრები, გამგენი ქართლის სამეფოსი, შემდეგ გარდაცვალებისა თეიმურაზის მამის იესესი, დაუძღურდნენ აღმოსავლეთში გაძლიერებულის შაჰ-თამაზთან (იგივე ნადირ-შაჰ) ბრძოლაში. თათრის ჯარი მიეშურა საომრად ახალ შაჰსთან ბაღდადში; ორთავე მოსისხლე მტერნი—თათრები და სპარსელები—ერთი მეორეს ეომებოდნენ და 1733 წ. საქართველო იმნაირს ბედნიერს დღეში იმყოფებოდა, რომ ადვილად შეეძლო განთავისუფლებულიყო მუსულმანობის მპყრობელობისაგან <sup>34)</sup>, მაგრამ საქართველოს საუბედუროდ ამ დროს მოვიდნენ რუსეთიდან შახტან VI ძენი რუსის ჯარით 1734 წელს.

ბაჭივრებულ მდგომარეობაში მყოფი მლენე, იძულებული გახდა მონასტერი დაეტოვებინა, თვისი 14 წლის შვილი ვისმესთან შეეკედლებია და იმასთან კავშირი დაეჭირა. მს იყო მიზეზი ჩვენის ფიქრით ანტონის სიძეობისა გაძლიერე-

<sup>34)</sup> Перешиска иностранныхъ государствъ съ Рос-  
сійскимъ государствомъ гв. 191—192; 198—200.

ბულ ქართლის ერისთავთან 1734 ანუ 1735 წელში <sup>35</sup>). ნამდვილად არ ვუწყით მარტო დაიწინდა, თუ კანონიერი გვირგვინით იკურთა ამილახვრის ასულზედ. მთავარ-ეპისკოპოსი ტიმოთე აი როგორ მოგვეთხრობს: „თეიმურაზი იძულებული გახდა გვირგვინი ეკურთხა და იქმნა მოწვეულ დასაწინდად, მაგრამ მან, უარის-მყოფელმა ყოველივე წუთიერი ამა ქვეყნისა ცხოვრებისა და მსურველმა ქალწულად დარჩენისა, უარ-ჰყო ქორწინება და სული მისი მიისწრაფა ბერულ ცხოვრებისაკენ“.

მს-კი ექვს გარეშეა, რომ ჯვარ-დაუწერელი საცოლო 14 წლის ბატონიშვილისა იმყოფებოდა მამის სახლში, იმის გავლენისა ქვეშე და მამა მისი ერთს ღროს იძულებული გახდა—რადგან ეშინოდა შაჰისა—მიეყვანა თვისი ასული ირანის შაჰსთან, რაიცა შეუძლებელი იქმნებოდა, თუ იგი შეუდღული ყოფილიყო ეკკლესიის წესით ანტონთანა და ქმარის სახლში ყოფილიყო. ანტონს შეეძლო დაემალა თვისი ცოლი იმერეთში ნათესავეებთან ანუ, უკიდურეს შემთხვევაში, რუსეთში გადაეყვანა. რა მიზეზი იყო, რომ ნადირ-შაჰ ასე მოექცა ამილახვარსა? იქნება ამის მიზეზი იყო ინტრიგები შაჰისთან მყოფის ძახეთის მეფის თეიმურაზ II <sup>36</sup>), რომელიც სცდილობდა იესეს შვილებისა და ზივი ამილახვრის განზრახვანი ჩაეფუშა <sup>37</sup>). ჩვენი ისტორიკოსები მოგვეთხრობენ ამაზედ მხოლოდ იმას, რომ ამილახვრის ქალი ძლიერ

<sup>35</sup>) ქართლის ცხოვრება, გვ. 339; „Материалы для новой истории Кавказа“ Буткова. ნაწ. I, გვ. 137, 228 და 229. История Георгіанская о юношѣ Амилахваровѣ, переводъ И. С. 1779 წ. გვ. 53. ეს წიგნი აქვს გენერალს ი. ამილახვარს. მისი წინაპრებია: ჰაჰუნა XVII, იოთამ, ანდუყაფარ, დიმიტრი (გივის ძმა), დავით, ბარძიმი და გივი.

<sup>36</sup>) ქართლის ცხოვრება გვ. 339.

<sup>37</sup>) Буткова, I, гв. 137.

მოეწონა შაჰისაო, როდესაც ის იყო საქართველოში 1735 წ., მაგრამ „ქართლის ცხოვრების“ სიტყვით (გვ. 339) ეს მომხდარა შაჰის მისვლამდე ტფილისში. ამილახვარი თუმცა დიდს უარზედ მდგარა თავისი ქალის მიყვანაზედ მასთან, მაგრამ როდესაც იგი მოუნდომებია მოსაკლავად, მაშინ-კი უარი ვედარ უთქვამს <sup>38)</sup>.

მღვდ. კ. ანთაძე.

(შემდეგი იქნება).

---

<sup>38)</sup> იქვე. შ. იოსელიანის ერთი ხელით-ნაწერის შენიშვნაში, რომელიც ჩვენს გვაქვს, ბუნდოვანათაა ნათქვამი, რომ კათალიკოსს თითქოს ჰქუადა ცოლი, რომელიც დასტოვა „ნარდის“ თამაშობისა გამო. იქნება ავტორს ჰგონია, რომ ანტონმა ნარდის თამაშობაში წააგო თავისი ცოლი?

# იმერეთის ეპისკოპოსი ყოვლად-სამღვდელო ლეონიდი

(მისი მოღვაწეობის მოკლე განხილვა).

დიდი ხანი არ არის, რაც ყოვლად-სამღვდელო ლეონიდი გამოვიდა საეკლესიო განმანათებლობითის მოღვაწეობის სარბიელზედ. წელს თიბათვის თოთხმეტს შესრულდა თოთხმეტი წელი, რაც მათი მეუფება აღიკვეცა ბერად ძიევის სასულიერო აკადემიაში სწავლის დროს, 1887 წელსა. აკადემიაში სამაგალითოდ კურსის დამთავრების შემდეგ მღვდელ-მონაზონი ლეონიდი პალლადიმ, საქართველოს დაუფიწყარმა ექსარხოსმა, დანიშნა ქავკასიაში ქრისტიანობის აღმადგენელ საზოგადოების მისიონერად და სკოლათა ინსპექტორად 1888 წელსა. ამ წლიდგან იწყება მოღვაწეობა ყოვლად-სამღვდელო ლეონიდისა საქართველოს ეკლესიის სასარგებლოდ საინგილოსა, შშავ-ხევსურეთსა, მთიულეთსა და მსეთში. მისი მოღვაწეობის უმთავრესს მიზნად შეიქმნა სახარების ცხოველმყოფელის სწავლის ზედგავლენით განახლება და აღყვავება იმ ერთა ცხოვრებისა, რომელნიც ოდესმე იყვნენ ერთგულნი ძენი ივერიის ეკლესიისანი და დროთა უკულმა ტრიალის მეოხებით შთაცვივდნენ უმეცრების უფსკრულში. ახალ-გაზრდა მღვდელ-მონაზონი მისიონერად ყოფნის დროს მოციქულებრივის თავგანწირულებით დადიოდა სოფლიდგან სოფლად, დაბიდგან დაბად, კლდე-ღრეებში, მთებს შორის, უშიშრად და შეუბოვრად ბნელსა და აჩრდილსა სულიერის სიკვდილისასა მსხდომარე ერთა უქადაგებდა ადვილად გასაგების ქართულის ენით სახარების დიდს სწავლასა.



მღვდელ-მონაზონი ლეონიდი მოღვაწეობდა ჩრდილოეთს ოსეთში, რომელიც ძველს დროს საქართველოს ეკკლესიის გავლენის ქვეშ იმყოფებოდა. ქრისტიანობის აღდგენის საქმე ქავკასიონის მკვიდრთა შორის მეთვრამეტე საუკუნეში ივერიის ეკკლესიის შეიღებმა დაიწყო (იოსებ სამებელი, იოანე მანგლელი და სხ.). მათ ეკუთვნით პირველი ჰაზრი ქავკასიაში ქრისტიანობის აღმადგენელ საზოგადოების დაარსების შესახებ. სოფ. ბესლანში ოსმა ბუთიევმა მიიწვია მღვდელ-მონაზონი ლეონიდი, რომელმაც აკურობა მის-მიერ დაარსებული სკოლა-ეკკლესია <sup>1)</sup>. მანვე დაათვალიერა ოსეთის დედათა ქავკაის სკოლა და ნახა, რომ ამ სკოლაში საღმრთო სჯულის და რუსულის ენის სწავლება ცუდად იყო დაყენებული. მასვე ეკუთვნის წერილი სამხრეთ ოსეთის შესახებ, რომელშიაც ის შეეხება ოსთა სარწმუნოებრივს ცხოვრებას <sup>2)</sup>. მანვე დაარსა სკოლები როკასა და მდისში, რომელთა სადგომები მცხოვრებლებმა აღაშენეს <sup>3)</sup>.

აი რა სწერია გაზეთ „ივერია“-ში ყოვლად-სამღვდლო ლეონიდის მოღვაწეობის შესახებ ოსთა შორის:

„ამ თხუთმეტობდე წლის წინ ჩრდილოეთს ოსეთში სულ ათი-თხუთმეტი სკოლა მოიპოვებოდა და ისიც „ქავკასიაში ქრისტიანობის აღმადგენელ საზოგადოების“ ხარჯით აღშენებული. მაშინდელი ოსები დიდის ხალისით-კი არ გზავნიდნენ თავიანთს შეიღებს სკოლებში, არამედ თითქმის საყვედურით. მაგრამ ჩრდილოეთის მხრის ოსებმა სწავლის მნიშვნელობა მალე შეიგნეს, მომეტებულად მას დღეს აქეთ, რაც ჩრდილოეთ ოსების სკოლათა ინსპექტორად დაინიშნა დიდად

<sup>1)</sup> „Дух. Вѣстн. груз. экзарх. 1891 წ. № 2, გვერდი 36—37.

<sup>2)</sup> იქვე 91 წ. № 4, გვ. 36—37.

<sup>3)</sup> იქვე 1891 წ. № 8.

ზატვიცემული ეხლანდელი იმერეთის ენისკანონი ყოველად-ს მღვდელ-ლო ღეონიდი, მაჰინ ისევ მღვდელ-მონაზონი. მათი მეუფება მობრძანდებოდა თუ არა აქაურს სკოლებში, მაშინვე სოფლის ყრილობას ახდენდა და მცხოვრებთ ტკბილის მოძვრებით ესაუბრებოდა, თუ სწავლა-განათლებას რა მნიშვნელობა აქვს. ასე ექცეოდა მათი მეუფება ღეონიდი ოსებს ყოველს წელს, როცა-კი სკოლების სარევიზიოდ მობრძანდებოდა ხოლმე. ჭეთილმა თესლმა ნაყოფი კეთილი გამოიღო, და ეს რჩევა-დარიგება უნაყოფოდ არ დარჩა... ღღეს-კი აქ სკოლაში ბავშვებს კენჭის ყრით იღებენ. ღღეს ჩრდილოეთ ოსეთის ყველა სამრევლოში არსებობს სკოლა 4).

ღიდი ღვაწლი მიუძღვის ყოვლად-სამღვდელი ღეონი-ღეს ზაქათალის მაზრაში ინგილოთა შორის, რომელნიც ქართველი ტომის არიან და ქართულს ენაზედ ლაპარაკობენ. სპარსთა მძლავრობის მეოხებით ინგილონი მოსწყდნენ საქართველოს ეკლესიას და მძლავრობით გამაჰმადიანებულ იქმნენ. მეცხრამეტე საუკუნეში ინგილოთა განმტკიცებას მაჰმადიანობაში ხელს უწყობდნენ მოღვლები და ხოჯები, რომელთაც მრავლად სკოლები გამართეს მეჩეთებთან და ახალთაობას ასწავლიდნენ არაბულს ენას და სცდილობდნენ, რათა იგი გამოსულიყო მოსისხლე მტერი რუსებისა და ქართველებისა. შოვლად სამღვდელი ღეონიდემ მისიონერ-ინსპექტორად ყოფნის ჟამს ღიდი და მხურვალე ყურადღება მიაქცია ბედის მიერ დაჩაგრულს ინგილოებს. აი, სხვათა შორის, რას ამბობს ყოვლად სამღვდელი ინგილოთა შესახებ: „სინგილოს მოღვლები სცდილობდნენ, რომ ახალთაობამ ინგილოებისამ არა გაიგოს რა თავისის მამა-პაპების, ეროვნების და დედა ენის შესახებ. შრიად საჭიროა, რომ მეჩეთებთან დაარსებული სკოლები დაუმორჩილეს მოაფრობამ საერო განათლების სამინისტროს უწ-

4) „ივერია“ 1901 წ. № 61

უკბას და რუსული ენა კახადოს სავაღდებულოდ ამ სკოლეებში. აგრეთვე საჭიროა საინგილოში მოღვლები ქართველის ტომისანი იყვნენ და ძახის და მფენდის მსაჯულების უფლება ჩამოერთვათ <sup>5)</sup>. 1890 წელს მისის თანადასწრებით საინგილოში საფუძველი ჩაეყარა შურმუხის წმ. ბიორგის ეკლესიას. 10 აპრილს მღვდელ მონაზონი ლეონიდი და ადგილობრივი სამღვდლოება, მოწაფენი პორაღანის, ალიბეგლოს და ძახის სკოლებისანი, ვაჟნი და ქალნი, გაემგზავრნენ იმ მთის წვერზედ, სადაც უნდა აღშენებულიყო ხსენებული ტაძარი. მოწაფეთა გუნდი ჰგალობდა წმ. ბიორგის ოხითას (ტროპარს). მღვდელ-მონაზონმა ლეონიდემ შესაფერის სიტყვით მიმართა დამსწრე საზოგადოებას <sup>6)</sup>. 1891 წლის 12 მაისს მან აკურთხა ძახის დედათა სკოლის საფუძველი. ამ სკოლის აღშენებაში მღვდელ-მონაზონის ლეონიდის ჩაგონებით მონაწილეობა მიიღეს ძახის მცხოვრებლებმა. საფუძველის კურთხევის დღეს მან შესაფერი სიტყვა წარმოსთქვა. იმავე წელს 13 მაისს თასმალოში დაარსა ახალი სკოლა-ეკლესია. მაჰმადიანთა შორის საზოგადოდ ქალს ძლიერ დაბლა აყენებენ, მისთვის სწავლა-განათლებას მეტს ბარგად სთვლიან. ასეთის ჰაზრით არიან განმსქვალულნი ინგილოებიც. მღვდელ-მონაზონი ლეონიდი, როგორც მქადაგებელი ქრისტიანობრივის ზნეობისა და გონიერულის მოქალაქეობისი, უარსებს ინგილოებს ძახის დედათა სკოლას 1890 წელსა. ამის გამო მოახსენა მან ქრისტიანობის აღმადგენელ საზოგადოების საბჭოს შემდეგი: „ინგილოები ჰფიქრობენ, რომ ქალი სრული ადამიანი არაა და მისთვის განათლება მეტი ბარგია. ამისთვის დედათა სკოლის გახსნა ამ მხარეში სასიხარულო მოვლენაა, ღირსია სრულის ყურადღებისა და დახმარების“ და ამის გამო იგი თხოვს საბჭოს დანიშნოს ხსენებულს სკოლაში მას-

<sup>5)</sup> Дух. Вѣстн. 1890 № 5. გვ. 34—38.

<sup>6)</sup> იქვე გვერდი 38—39.

წავლებელი ქალი <sup>7)</sup>). 1892 წელს მღვდელ-მონაზონი ლეონიდი სწერს ძურმუხის ტაძრის შესახებ და თანაც შეეხება ინგილოთა ახალთაობის სვე-ბედსა. ინგილოთა ახალთაობა, მისი ჰაზრით, უკუღმართს სწავლა-განათლებას იღებს მეჩეთებთან დაარსებულს სკოლებში მუსულმანთა სასულიერო წოდების ზედ-გავლენით; საჭიროა, ეს ახალთაობა რუსთა სკოლებში აღიზარდოს; საჭიროა აგრეთვე, რომ აქაურმა მოაღებმა რუსული ენა იცოდნენ; დიდად სასარგებლო იქნება, რათა აქ შემოღებულ იქმნას სავალდებულო სწავლება რუსთა სკოლებში. მოღებები ძალა დატანებით ასწავლიან ინგილოთა ახალ-თაობას სრულიად უცხო, გაუგებარს და ძხელს არაბულს ენას და თანაც ხმარობენ პარზარულს ზოგებს სწავლებისათვის, ასე რომ ბევრს მოწაფეს უდროვოდ გამოასალმეს წუთი სოფელი. სხვათა შორის ამავე წერილში ბრძანებს იგი: „ინგილოები საკმაოდ დაიტანჯნენ მუსულმანთა სასულიერო წოდების სივერაგის გამო. ჩვენს დროში ისინი სდგანან უეჭველის დაღუპვის უფსკრულის პირსა და ამის გამო ჩვენი ზნეობითი ვალია, თუ არ გვსურს პასუხის მგებელი ვიყვნეთ ღვთისა, ქეშმარიტების სამსჯავროისა, საკუთარის სვინიდიისა და, ბოლოს ამავე ერისვე წმ. მოწამე—წინაპართა წინაშე—უშველოთ მას, დავითაროთ იგი, ხელი შევეუშალოთ მაჰმადიანობას იმის განადგურების საქმეში, დავკეტოთ მეჩეთებთან არსებული სკოლები, ვითარცა მთესველნი მაჰმადიანობისა, და შემოვიღოთ სავალდებულო სწავლება მართებულების მიერ დაწესებულს სკოლებში“ <sup>8)</sup>... 1892 წელს მღვდელ-მონაზონმა ლეონიდემ ქრისტიანობაზედ მოაქცია თსამალოში 62 სული ქრისტიანობას განდგომილი და მათი მსგავსი მრავალი ინგილო... ახალგაზრდა მისიონერმა საიმედო მტკიცე გზაზედ დააყენა ინგილოთა შორის ქრისტიანობის აღდგენის საქმე.

<sup>7)</sup> იქვე № 17, გვერდი 4.

<sup>8)</sup> იქვე 1892 წ. გვერდი 21—24.

—ზანსაკუთრებით საყურადღებოა ის გონივრული ზომები, რომელსაც იგი უჩვენებდა ამ საქმის დასაგვირგვინებლად... აქვე, ინგილოთა სვე-ბედის მოგონების ჟამს, უნებლიედ თვალი წინ გვეხატება ჩვენი ძვირფასი ძველი მესხეთი, სადაც დღეს სცხოვრობენ გამაჰმადიანებული ქართველები... ღიდებული სამშობლო უკვდავი რუსთველისა, შავთელისა, ჩახრუხაძისა, მქეთიმე მთაწმინდელისა, ფილოსოფოსის ჭირ-კიმელისა და სხვათა დღეს ძლიერ ცუდს მდგომარეობაშია... აქაც, როგორც საინგილოში, დათარეშობენ სტამბოლიდგან მოსული მოღვინები და ხოჯები, რომელნიც მკვიდრთ უქად-გებენ რუსეთის სიძულვილს, სამშობლოს დატოვებას და ოს-მალეთში გადასახლებას... ბევრი, გატაცებული ცრუ იმედებით, სტოვებს სამშობლოს, მიდის ოსმალეთში და სამუდამოდ უბედურებაში ვარდება... ბოლო დროს, სინანულში ჩავარდნილი, ბევრი უკანვე, სამშობლოში ბრუნდება, მაგრამ რა გამოვიდა?!. ისინი ველარ ელირსებთან კეთილ დღეობას და გულ დათუთქულნი მწარე ნაღვლით გამოესალმებიან წუთი-სოფელსა. ინგილოები და გამაჰმადიანებული ქართველები ამ მხრით სწორედ რომ ერთს ბედში არიან... რუსეთის სახელმწიფოს ინტერესთათვის სტამბოლიდგან მოსული ხოჯები და მოღვინები ინგილოთა და გამაჰმადიანებულ ქართველთა შორის მეტად მავნებელნი არიან.

ღიდი შრომა მიუძღვის ყოვლად-სამღვდელოს თუშ-ფშავ-ხევსურ-მთიულთა შორის ქრისტიანობის დამყარების და სწავლა-განათლების გავრცელების საქმეშიაც. იმათ შესახებ მან ფრიად საყურადღებო წერილები დასტამბა რუსულს ენაზედ<sup>9)</sup>. მის-მიერ წარმოთქმული ჰაზრები თუშ-ფშავ-ხევსურთა შორის ქრისტიანობის განმტკიცების შესახებ დღეს თანდა-თან მოდის სისრულეში. იგი სთხოვს საბჭოს, რათა მან

<sup>9)</sup> იქვე 1891 წ. № 12 და 1892 წ. №№ 2, 10, 11 და სხვ ..

ა) დაუნიშნოს იმათს მღვდლებს ჯეროვანი ჯამაგირი; ბ) დაუნიშნოთ მათ საკუთარი ბლადოჩინი, რომელიც უნდა სცხოვრობდეს ბარისახოში და რომელსაც უნდა ჰქონდეს ჯამაგირად 700 მან. <sup>10)</sup>; გ) მოწვეულ იქმნან აქ სამსახურში სემინარიელები;—დ) უკეთუ მთებში დარჩებიან იგინი ექვსწელზედ მეტს, მოემატოსთ მათ ჯამაგირი და ერთ-ერთი შვილი ქრისტიანობის აღმადგენელ საზოგადოების ხარჯით აღეზარდოთ; ე) მიეცეთ მედავითნეებს ჯამაგირად—200 მან.; ვ) დაარსებულ იქმნას საზოგადოების ხარჯით ბარისახოს სკოლასთან თავ-შესაფარი 15 მთიულთა ბავშვთათვის; ზ) მღვდლებს უნდა აღეკრძალოთ სამრევლოთა გარეშე ცხოვრება; ც) საჭიროა მათთვის აღშენებულ იქმნას სადგომები საზოგადოების ხარჯით <sup>11)</sup>; თ) უნდა შეეკეთებულ იქმნან ეკკლესიები; ი) მრავლად გაიხსნას საეკკლესიო სკოლები განსამტკიცებლად მთიულთა შორის ქრისტიანობისა და სხვა... როგორც სჩანს, მღვდელ-მონაზონმა ლეონიდმა მტკიცედ მოჰკიდა ხელი თუშ-ფშავ-ხევსურთა შორის ქრისტიანობის აღდგენის და სწავლა-განათლების გავრცელების საქმეს. მან გახსნა საზოგადოების მინდობილობით სკოლა ბუდამაყრის ხეობაში და აღძრა შუამდგომლობა იმის შესახებ, რათა საზოგადოებას თავისს ხარჯით განეახლებინა ლუთხუბის სამრევლოში ღვთის-მშობლის ტაძარი, რომელიც დიდად პატივცემულია გუდამაყრელთა შორის <sup>12)</sup>. 1892 წელს მანვე გახსნა სკოლა პანკისისა, სადაც სცხოვრობენ მთებიდგან გადმოსახლებული ქისტები, რომელთაც ქრისტიანობა მიიღეს. მისტებმა სკოლის მოსათავსებლად სახლი თავისს ხარჯზედ აღაშენეს.

<sup>10)</sup> უკვე ორი წლის წინ დაინიშნა აქ ბლადოჩინი და მიეცა ხსენებული ჯამაგირი.

<sup>11)</sup> ეს ჭაზრიც ამ ბოლო დროს განხორციელდა.

<sup>12)</sup> იქვე 1892 წ. № 2, გვ. 30.

მღვდელ-მონაზონმა ლეონიდმა სკოლის გახსნის დღეს შესაფერი სიტყვა წარმოთქვა, რომელშიაც ურჩევდა მსმენელთ შეეყვარებინათ სკოლა, როგორც გამავრცელებელი კეთილზნეობისა და მათის ახალ-თაობის აღმზრდელი <sup>13)</sup> მანვე გახსნა სკოლა ზემოხსენებულს ბარისახოში <sup>14)</sup>. მისივე შუამდგომლობით ქრისტიანობის აღმადგენელ საზოგადოებამ გამოიღო ხარჯი ტაძართა განსახლებლად: ძურმუხის ტაძრისათვის — 3,000 მან., თასმალოსათვის—4,000 მან., შორნისისათვის—4,000 მან., აგრეთვე არ დასტოვა უშემწეოდ ტაძრები თილვისა, მცხეთისა, საფარისა, სამებისა, წმ. ჯვრისა და სხვა... ახალგაზდა მისიონერის მოღვაწეობას აღაფრთოვანებდა ის საკეთილო გარემოება, რომ მაღალ-ყოვლად-უსამღვდელოესი პალლადი, მაშინდელი ექსარხოსი საქართველოსი, მხურვალე თანაგრძნობით ეპყრობოდა და აფასებდა ყოველსავე მისს ჰაზრსა, ნაბიჯსა და მოღვაწეობას... მღვდელ-მონაზონი ლეონიდი თვისის სასარგებლო და ნაყოფიერის მოღვაწეობისათვის 1892 წ. დანიშნულ იქმნა იოანე ზედაძენის მონასტრის წინამძღვრად ილუმენის ხარისხით, ხოლო 6-ს მაისს 1893 წელს ებოძა არქიმანდრიტის ხარისხი და დანიშნულ იქმნა ხირსის წმ. სტეფანეს მონასტრის წინამძღვრად. იმავე წელს 23 ნოემბერს იგი დანიშნულ იქმნა ძართლ-ქახეთის ეპარქიის მონასტერთა ბლალაჩინად. მან განამშვენიერა, გააცოცხლა ხირსის მონასტერი, აღშენებული ათ-ცამეტ ერთი მამათაგანის წმ. სტეფანეს-მიერ. წმიდა სტეფანეს საფლავს მან დაადგა ახალი მშვენიერი ლუსკუმა, გააუმჯობესა ტაძარი და მონასტერთან დაარსა საეკლესიო სამრევლო სკოლა, რომელსაც თავისს ხარჯით ინახავდა... 1896 წელს 24 ენკენისთვის არქიმანდრიტი ლეონიდი დანი-

<sup>13)</sup> იქვე გვერდი 38.

<sup>14)</sup> იქვე 1891 წ. № 8, გვერდი 3—4.

შნულ იქმნა შართლ-ძახეთ-იმერეთის სინოდალურ კანტორის წევრად და 1897 წლიდგან იოანნე ნათლის-მცემლის მონასტრის წინამძღვრად. მამა არქიმანდრიტმა ამ მონასტერთანაც დაარსა საეკლესიო სკოლა თავისს ხარჯით. იგივე დანიშნულ იქმნა დაბადების გამასწორებელ კომიტეტის, თბილისის სიძველეთ-საცავის და სასულიერო წოდების ღარიბთათვის სამზრუნველოს თავმჯდომარედ. მრთსა და იმავე დროს არქიმანდრიტი ლეონიდი მსახურებდა შართლ-ძახეთის საეპარქიო სასკოლო საბჭოს წევრად 1889 წლიდგან და აღსრულებდა საბჭოს სხვა-და-სხვა მინდობილობათაც სასწავლო საქმეთა შესახებ...

17 აპრილს 1898 წ. არქიმანდრიტი ლეონიდი სახელდებულ იქმნა მღვდელ-მთავრად ზორისა—უწმიდესის სინოდის ბრძანებისამებრ... ამ დღეს მათმა მეუფებამ წარმოსთქვა სიტყვა რუსულს ენაზედ. მან სხვათა შორის, ბრძანა: „მყოლიეს მე წინაპრები, რომელნიც თაობითი თაობათ მღვდლობენ ეკლესიის მწყემსთა გუნდთა შორის, და მეცა მაქვნდა კურთხევა ზეციერისა მამისა დაბადებად ესე ვითარსა კერასა, რომლისა ცხოველი მოწოდება იყო დანერგვა და განმტკიცება ქრისტიანობრივის კეთილ-მსახურებისა მისის სახლისა ყოველთა წევრთა შორის... რვა წლის მიმცეს სასულიერო სასწავლებელში... ვიმყოფებოდი ზედ გავლენასა ქვეშე ნათესავისა ჩემისა მღვდელ-მთავრისასა <sup>15</sup>)... ვიყავი მეორისა ამის მშობლისა ჩემისა სამღრთო მსახურებათა მხილველი!.. მე მქონდა სურვილი, რათა „ღვთისა სიტყვითა აღმეორძინნა მკვიდრნი მშობლიურთა ჩემთა კავკასიის მათათანი და ქრისტიანებრივი აღზრდა შვილთა მათთა მეტვირთნა... შმადლობ მეუფესა ცხოვრებისა ჩემისასა, რომ მიჩვენა მე ადგილი მსახურებისა ჩემისა სამშობ-

<sup>15</sup> ყოფილად სამღვდელთა ალექსანდრე, აწინდელი ეპისკოპოსი გურია-სამეგრელოსი, ღვიძლი ბიძა ყოფილად სამღვდელთა ლეონიდისა.



ლოსა და ცნობილსა ქვეყანასა შინა, ქვეყანასა, რომელიც უწინარეს ჟამიდგან ცნობილ არს შეურყეველის რწმენით ქრისტეს წმ. სწავლისა და ყოვლად უცხოი ქსელთაგან მწვალებლობისა და ცრუ-მოძღვრებათაგან“... თავის სიტყვაში ბოლოს მიმართა ახლად სახელ-დებულმა მღვდელ-მთავარმა მაღალ-ყოვლად სამღვდლო ფლაბიანეს და სთხოვა მას დახმარება სულიერს მოღვაწეობაში: „შენ განმიკითხავ მამობრძის სიყვარულით, ნაკლულევანებასა აღმისებ, შრომათა და ღვაწლთა შინა მწე და ხელმძღვანელ მექნები“! <sup>16</sup>). შოვლად სამღვდლო ლეონიდი ხელ-დასხმულ იქმნა მღვდელ-მთავრად სიონის საკრებულო ტაძარში, რომელსაც დიდძალი ხალხი მოაწყდა; ბევრმა ვერ შესძლო ტაძარში შესვლა, რომელიც ხალხით იყო აღსავსე და იდგა გალავან შიგნით და გარეთ. მღვდელ-მთავრად აკურთხეს იგი მაღალ-ყოვლად-სამღვდლო ფლაბიანემ, საქართველოს ექსარხოსმა, ბურია-სამეგრელოს ეპისკოპოსმა ალექსანდრემ, ძავკავისეპისკოპოსმა მლადიმერმა და იმერეთისამ ბესარიონმა. შოვლად სამღვდლო ლეონიდი დანიშნულ იქმნა მცხეთის ტაძრის განმაახლებელ კომიტეტის თავმჯდომარის ამხანაგად და ესრედ იგი შეიქმნა თანამშრომლად ამ წმიდა საქმეში მაღალ-ყოვლად-სამღვდლო ფლაბიანესი, რომელიც ბრძანდება ამ კომიტეტის თავმჯდომარედ. ამ დროდგან იწყება ნაყოფიერი, თავ გამოდებული მოღვაწეობა კომიტეტისა, რომლის სახელით თავმჯდომარემ და მისმა თანაშემწემ გაგზავნეს მრავლად მოწოდებანი მთელს რუსეთის სახელმწიფოში... და უხვად მოუვიდა ფული კომიტეტს მართლ-მორწმუნე რუსთაგან და ქართველთაგან. ღიდებულის მცხეთის საპატრიარქო ტაძრის განახლების საქმეს

<sup>16</sup>) ეოვლად სამღვდ. ლეონიდის სიტყვა გადმოსთარგმნა რუსულიდგან ქართულს ენაზედ ბ. მ. ჭანაშვილმა ძველის ენით, რომლის ნიმუშები ზემოდ არის მოყვანილი. იხ. „ივერია“ 1898 წ. № 94.

ბრწყინვალე ხანა დაუდგა... 70,000 მანეთამდის შეგროვდა შეწირულება ამ ტაძრის განსახლებლად.

იმავე დროს ყოვლად-სამღვდელო ლეონიდი ექსარხო-სის მინდობილობით თვალ-ყურს ადევნებდა ქართულის ენის და საეკლესიო გალობის სწავლების საქმეს სასულიერო სემინა-რიასა, სასწავლებლებში და საეპარქიო დედათა სასწავლე-ბელში. იგი ესწრებოდა გამოცდას ამ საგნებში... მისივე თავმჯდომარეობით შედგენილ იქმნა კომისია ახალის პრო-გრამის შესადგენად ქართულის ენის სწავლებისათვის საქარ-თველოს საექსარხოსოს სასულიერო სასწავლებლებში და სე-მინარიებში. ეს კომიტეტი შესდგა მაღალ-ყოვლად-სამღვდე-ლო ფლაბიანეს ნებართვით და თვის მიერ შემუშავებული პროგრამა მთავრობას წარუდგინა განსახილველად... შოვ-ლად-სამღვდელო ლეონიდი გულ-მხურვალედ ეპყრობოდა ქართულის საეკლესიო გალობის აღდგენის საქმეს, იმ სამ-ხმოვანი გალობისა, რომელმაც მრავალ საუკუნეთა განმავ-ლობაში შეინახა ქართველთა მართლ-მადიდებლობა და ღრმად გადგა ფესვები იმათს სულსა და გულში. მრთხანად მათმა მეუფებამ კიდევაც შეადგინა ქართულ მგალობელთა გუნდი, რომელიც ბ-ნ პლ. ქავსაძის ლოტბარობით ჰგალობდა ობი-ლისის ეკლესიებში მღვდელ-მთავრის წირვის დროსა... ლდ-საც არსებობს ასეთივე გუნდი ბ-ნ ქარგარეთლის ლოტბა-რობით... მათმა მეუფებამ ექსარხო-სის მინდობილობით მოახდინა „რევიზია“ ბორჩალოს მაზრის სამრევლო ეკლესიებისა და ნახულ-გაგონილის შესახებ ვრცელი მოხსენება წარუდგინა მაღალ-ყოვლად-სამღვდელო ფლაბიანეს, რომელმაც, ამ მო-ხსენების თანახმად, დიდი ყურადღება მიაქცია მართლ-მადი-დებელ სარწმუნოების მდგომარეობას ამ მაზრაში. ეს მაზრა, როგორც ვიცით, ძველად იწოდებოდა „ბუგარკად“, „ტაში-რად“, „საქართველოს სომხითად“ და აქ ბლომად, ძლიერ ბლომად სცხოვრობდნენ ქართველები. აქვეა ნიადაგი სომეხ-

თა და ქართველთა შორის სარწმუნოებრივის განხეთქილებისა. მს მხარე ძველად იმყოფებოდა ქართველ მეფეების მფარველობის ქვეშ; აქ ძველად ჰყვავდა მართლ-მადიდებლობა. მისს კურთხეულს ნიადაგზედ (თრიალეთში) დაიბადა დიდებული მამა საქართველოს ეკლესიისა— ბიორგი მთაწმიდელი, რომლის სულიერ სიდიადის და სიწმიდის წინაშე ქედს იდრეკდნენ საბერძნეთის და საქართველოს გვირგვინოსანნი... ლეს-კი აქ მართლ-მადიდებლობა ოდნავ ბეუტავს და მრავალ-წამებული ქართველების მოძმენი დაჩაგრულნი არიან...

აქრას ვიტყვით იმის შესახებ, რომ ყოვლად-სამღვდელომ: არ დასტოვა მზრუნველობა მისდამი რწმუნებულ მონასტერთა გასამშვენებლად... ლეს ეს მონასტრები კარგს შთაბეჭდილებას ახდენენ მნახველებზედ და ცხადად ღალადებენ იმ ჰაზრს, რომ ქართველთა შორის ჯერ არ ჩამქრალა სარწმუნოების ნაპერწკალი... შოვლად-სამღვდელომ შემწეობის ხელი გაუწვდინა ათონის ქართველთა სავანის ბერებსაც, რომელთაც ბერძნები სდევნიან უსამართლოდ... ღავით-გარესჯის უდაბნოში მათმა მეუფებამ, საქართველოს ექსარხოსის ნებართვით, ათონიდგან გადმოსული ქართველი ბერები დაასახლა და მათ მიუჩინა წინამძღვრად მამა ბენედიკტე (ბარკალაია)... შოვლად-სამღვდელო ამასთანავე მქევრ-მეტყველი მქადაგებელია...

წარსულ საუკუნეში ქართველებს ჰყავდათ ერთი შესანიშნავი მქადაგებელი ყოვლად-სამღვდელო ზაბრიელი, აწ უკვე განსვენებული, რომლის ქადაგებანი გადათარგმნილი იქმნენ რუსულსა და ინგლისურს ენაზედ... შოვლად-სამღვდელო ზაბრიელის სიკვდილის შემდეგ სამქადაგებლო სარბივლზედ პირველობა ყოვლად-სამღვდელო ლეონიდს დარჩა. ჩვენ არ შევეხებით აქ მისს მრავალს მოძღვრებას, რომელთა განხილვა შინაარსის და ენის მხრით შორს წაგვიყვანს. ვიტყვით მხოლოდ, რომ ყოვლად-სამღვდელო თვისს ქადაგებებში ყოვლის უპირველეს შვილია თანამედროვე ცხოვრებისა, მცოდნე მისი ავის და კარგისა. მისი მოძღვრებანი სარ-

კვა ქართველის ერის თანამედროვე ცხოვრებისა მისის სიგრძე-სიგანით, ღირსება-ნაკლულევეანებითურთ. იგი ჰქადაგებს მარტივის, თანამედროვე სალიტერატურო ქართულის ენით და ამიტომ მისი მოძღვრება ადვილად გასაგებია; ჰაზრსა და სიტყვას შორის მისს მოძღვრებაში სრული თანხმობაა, მაჩვენებელი მქადაგებლის საღვთის-მეტყველო განვითარებისა<sup>17)</sup>.

1900 წ. ყოვლად სამღვდელო ლეონიდი თიბათვის, მკათათვის და მარიაშობისთვეში ექსარხოსის მაგივრად განაგებდა საქართველოს საექსარხოსო საქმეებსა... სწორედ ამ დროს შთავიდა საფლავად ყოვლად სამღვდელო ბესარიონი, ეპისკოპოსი იმერეთისა... მალალ-ყოვლად სამღვდელო შლაბიანეს წარდგენილების თანახმად, ბორის ეპისკოპოსი ლეონიდი უწმიდესის სინოდის მიერ დანიშნულ იქმნა იმერეთის ეპისკოპოსად... მათის მეუფების წინ გაიშალა ფართო, ვრცელი სარბიელი სამღვდელ-მთავრო მოღვაწეობისა იმერეთის უძველესს სამწყსოში, რომელსაც ოცდა თხუთმეტს წელზედ მეტს განაბრწყინებდა ნეტარ-ხსენებული ბაბრიელი.

თ—ტ—ელი.

17) იხ., მაგალითად, „ივერია“ 1898 წ. № 8.

# კონსტანტინე იაკობის ძე ზუბალაშვილი

და მასი გვარის ისტორია

(შემდეგი \*)

ნაამბობი ახალციხის ქართველთ კათოლიკეთ მოძღვრის ივანე ზვარამაძისაგან.

ზუბალაანთ გვარის წევრნი ჯავახეთში პირველად აწყვერში აღმოჩენილან. მაშინ აწყვერი ქალაქად ითვლებოდა, იქ მცხოვრებთა რიცხვიც დიდი იყო. აწყვერში ზუბალაშვილები უკვე კათოლიკის სარწმუნოებას აღიარებდნენ, დრო, ამათის კათოლიკობასთან დაკავშირებისა უნდა ეკუთვნოდეს XVII საუკ., ასე 1653 წელს. ამ დროებში გაძალუანებული ყოფილა აწყვერში ვინმე ძალიმაჯ ეფენდი, მტერი ქრისტიანებისა, მდევნელი მათი და სასტიკი ბოროტი. იგი აწყვერშია დასაფლავებული. მსევე ეფენდი სასტიკი მდევნელი ყოფილა კერძოდ ზუბალაშვილებისა, რომლებსაც აწყვერში იმ დროის კვალად კარგი ვაჭრობა ჰქონდათ გამართული და შესამჩნევი ვაჭრებიც ყოფილან. მაგრამ მალე აწყვერს ოსმალნი დასცემიან და ქრისტიანები დაუბრუნებიათ; ესენი აყრილან და სოფელ ღვირს წასულან; ამათშივე ყოფილან ზუბალაშვილები; ჯერჯ ვერც-კი მოასწრეს ახალ მოსულებმა ღვირს დასახლება, რომ 1655 წელს, ახლა ამ სოფელს დაეცნენ ლეკები. ღვირელნი და ზუბალაშვილები სოფელ ხიზაბავრას შეეხიზნენ, რომელიც მაშინ განთქმული იყო შესანიშნავის ქართველ მეომრებით და ფალავნებით. მოგვხსენებათ, რომ ძველად განთქმული მოჭიდავენი სულ

---

\*) იხ. „მოგზაური“ № 5.

ხიზაბავრელები იყვნენ, რომელთაც შემდეგ ქართლში ხი-  
ზანბარელი უწოდეს.

თუმცა ხიზაბავრა მძლავრი სოფელი იყო და მის მცხო-  
ვრებნიც მძლავრ ვაჟკაცებად ითვლებოდნენ, მაგრამ ლეკები  
მანც არც ამ სოფელს ასვენებდნენ და მათ უფრო სდევნი-  
დნენ, რადგანაც მათი შიში უფრო ჰქონდათ. უკანასკნელ,  
სოფლის მცხოვრებთ მობეზრდათ უღმრთოდ ბრძოლა და მათ  
აქეთ-იქით იწყეს (1670 წ.) გასვლა და თავის შეფარება. ზუ-  
ბალაშვილებიც ხიზაბავრიდამ ზოგნი თბილისში გადმოსახლ-  
დნენ, ზოგნი ბორს, ზოგნი მოზლოკს და მით გადურჩენიათ  
თავი.

ზუბალაშვილებს ახალციხეშიაც კარგა ხანს უცხოვრიათ;  
იგინი ერთგულ წევრებად ითვლებოდნენ აქაურის ღარიბ  
ეკლესიების, და ქართველ კათოლიკებისთვის შეწირულებაც  
უძღვევიათ. სამწუხაროდ ჟამთა ვითარებამ შთანთქა სამცხის  
ეკლესიების ძველი კონდაკის წიგნები; ოსმალთა დევნის მე-  
ოხებით მრავალი ძვირფასი ხელთ-ნაწერი დამწვარა, თორემ  
ზუბალაანთ გვარის შესახებ ბევრი რამ საინტერესო ცნობე-  
ბი აღმოჩნდებოდა, რადგანაც ამბად არის დაშთენილი, რომ  
XVII საუკ. ზუბალაშვილები კათოლიკის ყველა ეკლე-  
სიებს დიდს დახმარებას უწევდნენო. ზუბალაშვილებს და-  
ახლოვებული კავშირი ჰქონიათ აგრეთვე აწყვერში მყოფ  
იმ დროის გამოჩენილ ქართველთ მთავარ ზვარამთან.

ზუბალაშვილებს მესხეთსა და ჯავახეთში ცხოვრების  
ასპარეზზედ ფეხი მაშინ გაუმაგრებიათ, როცა ოსმალებს კა-  
თოლიკებზედ დევნა შეუჩერებიათ და ვაჭრობის გულისთვის  
სხვა-და-სხვა შეღავათები მიუციათ.

ახალციხის ზუბალაშვილების გვარის შესახებ დაშთენი-  
ლა კიდევ შენდები ცნობა: XVII საუკუნის ზუბალაშვილე-  
ბის ერთი წევრთაგანი, XVIII საუკუნეში, ახალციხეში და-  
შთენილა, აქ დასახლებულა, შემდეგ ესენი გამრავლებულან,  
იგინი ახალციხეში აღებ-მიცემას მისცემიან, მათ მეცხრამეტე

საუკუნემდის კაი შეძლებაც შეუძენიათ, მაგრამ მათდა საუპედუროთ, 1830 წლის დიდის ხოლერობის მეოხებით მთლად მოსპობილან, გადარჩენილა მხოლოდ ერთი—**ლუკა ზუბალოვი**, რომელიც შემდეგ ოქრომჭედლობის ასპარეზზედ ხელოვან ოსტატად აღმოჩენილა, მით სარჩოც კარგად შეუძენია და საზოგადოთ ყველა საქმეში სახელოვანი მრეწველი ყოფილა, მაგრამ უშვილოდ გარდაცვლილა 1890 წლებში და მით მოსპობილა ახალციხეში ზუბალაშვილების გვარის ის შტო, რომელიც დღევანდელს ცნობილს ზუბალაშვილებს ენათესავებოდა.

ასპინძაში მცხოვრებთ გამაჰმადიანებულთ ზუბალაშვილებმა დღესაც კარგათ იციან, რომ ისინი მონათესავეები არიან კათოლიკე ზუბალოვებისა. იგინი ამბობენ, რომ ჩვენნი მონათესავენი ქართლში სცხოვრობენო. ღღეს მაჰმადიანთ ზუბალოვებიც ისეთივე ფანატიკები არიან და მოძულე ქართველთა, როგორც სხვა ქართველთ მაჰმადიანები. ახალციხეში ყოფნის და ცხოვრების დროს, ზუბალაშვილები ყოველთვის ივანე ნათლის-მცემლის ეკკლესიის მრევლათ ითვლებოდნენ და ამ ეკკლესიას გაჭირვების დროს ყურადღებასაც აპყრობდნენ. ამის მაგალითს წარმოადგენს შემდეგი: XVIII საუკუნეში, ცნობილის ანდრია ზუბალოვის მეუღლეს ანნას, ხსენებულის ეკკლესიისათვის შესაწირავი გაუგზავნია, რაც მოხსენებულია ამ ეკკლესიის „კონდაკში“. ზუბალაშვილებს დიდი მეგობრობა ჰქონიათ პავლე შაჰყულიანთან და იმ დროის ახალციხის ყველა მღვდლებთანაც. თბილისში ყოფნის დროს შაჰყულიანი ხშირად ესტუმრებოდა მათ, ამის დახმარებაც სცოდნიათ; პატრის შილიპეს უპირველეს მეგობრებად 1830 წლებში თბილისში მარტოდ ზუბალაშვილები იყვნენო. ახალციხეში ზუბალაანთ გვარის შესახებ აღრე ძველთა მღვდლებმა ბევრი რამ იცოდნენო. ღღეს ამ მოძღვართ რიცხვი აღარ არს, განვლეს სოფელი, ერთათ ერთი მამა ივა-

ნე გვარამაძეა, რომელსაც ბევრი რამ ახსოვს ამ გვარის წინაპართა შესახებ.

### ახალციხეშივე ნახმობა:

ბიორგი, ანდრია და ივანე ზუბალაშვილები ქართველ მეფეების დროს სცხოვრობდნენო. მათ დიდათ უყვარდათ ახალციხის ქართველ კათოლიკეთ სავარდისის ეკლესია და ამიტომ მას იგინი ისევე სცემდნენ პატივს, როგორც ივანე ნათლის-მცემლისას. 1789 წ. ამ ეკლესიის ძმობაში ჩაწერილა წევრად და წლიური ფულიც შეუტანია ბიორგი ზუბალოვის მეუღლეს, რაც აღნიშნულია ხსენებული ეკლესიის კონდაკშიაც. მოხსენებულია, რომ ამ ქალის ფულით წელიწადში სამი ხმიანი წირვა უნდა გადაეხადათ. ესეც ერთი მაგალითი მის, რომ ძველადგანვე ზუბალაშვილები ლათინის ეკლესიის წეს რიგზედ მდგარან და არა სომეხ-კათოლიკისაზედ, როგორც ზოგიერთებს ჰგონიათ. საზოგადოთ ახალციხის ეკლესიის დაეთრებში ზუბალაანთ გვარის წევრნი ბევრს ალაგას არიან მოხსენებულნი ვითარცა მათი მფარველი და პატივის მცემელნი.

ზუბალაშვილები ვაჭრობას ძველიდგანვე შესჩვევიან, ვიდრე კათოლიკობას მიიღებდნენ, ძველადვე დაწინაურებულან იგინი, მაგრამ კათოლიკის სარწმუნოების მიღების შემდეგ უფრო მხნე პირებად აღმოჩენილან. ისინი მოგზაურობდნენ საქართველოდგან სპარსეთს, ოსმალეთს, ინდოეთს და მეროპას, იქილამ სხვა-და-სხვა საქონელი შემოჰქონდათ და მით ქართველებში ვაჭრობას და აღებ-მიცემას ავრცელებდნენ. ქართველთ მეფის და ბატონიშვილებისათვის ამათ ხშირად სხვა-და-სხვა ძვირფასი ნივთებიც მოუტომევიათ ხოლმე; ისე ზუბალაშვილი არ დაბრუნდებოდა უცხოეთილამ საქართველოში, რომ იგი მეფეს არ ხლებოდა და პატივი არ ეცამეფენიც დიდათ აფასებდნენ ზუბალაშვილების შნოსა და აღებ-მიცემის საქმეს.



მრთი ასეთი ზუბალაშვილთაგანი იყო სტ. ზუბალაშვილი, მომსწრე მეფე მრეკლესი და თავის დროის კვალად ხელოვანი ვაჭარიც. მან მეფეების დროდგანვე დაიწყო ინდოეთში მგზავრობა და იქიდან სხვა-და-სხვა საქონლის შემოტანა. მისდა საუბედუროდ, რამდენიც ეს საქართველოში მოვიდოდა და საქონელს შემოიტანდა, იმდენი საქონლის ფასის მაზანდა დაეცემოდა ხოლმე, რაც მას დიდს ზარალს აძლევდა. ამან დიდათ იზარალა და ქართველთ მეფობის შემდეგ რუსებსაც მოესწრო. რუსების დროს კიდევ მოჰკიდა ვაჭრობას ხელი, კიდევ სცადა საქმე, მაგრამ ვერ წაუვიდა კარგად, უკანასკნელ, ვგონებ, 1820 წლებში, საქართველოდამ სხვა-და-სხვა ვაჭრებს ინდოეთში გაჰყვა სავაჭროდ. იქიდან ეს აღარ დაბრუნდა, არ ვიცით რა იქმნა, გარდაიცვალა სადმე უძეოდ და მით მოისპო ინდოეთში ზუბალაშვილების გვარის შტო, თუ იქ დასახლდა და დღესაც იქნება მრავლობენ სადმე. ჩვენ სრულებით არაფერი ვიცით მასზედ.

ცხინვალის ზემოთ, ჯავის ხეობაზედ, არის ერთი სოფელი, ხეთა; ამ სოფელში ზუბალაშვილების რამდენიმე კომლი სცხოვრებს, იგინი შეძლებულნი მცხოვრებნი არიან, საკუთარი ტყე და მამულები აქვსთ და იქამდე გაძალუანებულ არიან, რომ ამ სოფელში ერთს უბანს სახელად „ზუბანთუბანი“ ეწოდება. ღიახ, ჰაზრი გახლავთ, რომ დღევანდელი ზუბალაშვილები მათი შთამომავალნი არიან. ძველად კათოლიკეებში, პატრებს ჩვეულება ჰქონდათ, რომ ვინც-კი კათოლიკობას მიიღებდა, იმას პირველს ყოფილს გვარისაგან მცირედ გვარსაც შეუცვლიდნენ. ზოგს გვარს მცირედ შეეცვლებოდა სახე და ზოგს კი სრულიად, ისე, რომ ქართულის მას აღარა დაშთენოდა რა, ან სომხურს მისთვისებდნენ და ან თათრულს. ასეთი მაგალითების დამამტკიცებელია შემდეგ გვართა ისტორიები: ძველი მარდიძე დღეს ჩილინგარიანად იწოდება, მანანაძე—პარმაქსიზოვად, შოშიაშვილი—

ნაღბანდოვად, ხარისჭირაშვილი—ხარისჭირიანცად, მაისურა-  
ძე—მაისურიანცად, ხუციშვილი—ხუციანცად და ათასნიც  
სხვა ამ გვარნი, რომელნიც ქართველ კათოლიკებს მიეთვი-  
სათ ძველათვე.

ქ. გორში ნაამბობი ანტონ ზუბალაშვილის-მიერ.

მამის ჩემის ღვთისაგან შემდეგი ამბავი შემიტყვიანო:

მეფის თეიმურაზის (1744—62 წ.) განკარგულებით, თბი-  
ლისილამ და ზორილამ ლათინის წეს-რიგის პატრები, განდ-  
ენეს, პატრები ახალციხეს გადავიდნენ და იქ მიეცნენ ცხო-  
ვრებას. ზორში ეკლესია დაკეტეს, თბილისშიაც ასევე ქმნეს.  
ზორის და თბილისის კათოლიკენი ამ უბედურების გამო დი-  
დათ გლოვობდნენ. რამდენიმე ხნის შემდეგ, პატრებს ნება  
მიეცათ ზორსა და თბილისში შემოსვლის და მღვდელ-მოქმე-  
დების შესრულებისა. ზორში მათ ეკლესია წართმეული ჰქო-  
ნდათ, ქართველთ ეპყრათ, ამიტომ ზუბალაშვილებმა იმეცა-  
დინეს და თავიანთ სახლში ერთი დიდი დარბაზი მისცეს პა-  
ტრებს სალოცავად. აქ, ამ დარბაზში, შეიკრიბებოდნენ ზო-  
რის კათოლიკენი და აქ ლოცულობდნენ. მს დარბაზი დღე-  
ვანდლამდღა დაშთენილი, იგა გადაკეთებულ იქმნა ზორის  
საოსტატო სემინარიის თათართ მოწაფეთა განყოფილების სა-  
დგომად. ამ დარბაზის მოწყობა ეკლესიად და მფარველო-  
ბა მთლად ზუბალაშვილებს ეკუთვნისთ, ყველა საეკლე-  
სიო ხარჯი მათ ჰქონდათ ნაკისრი, ასე რომ პატრებსაც ისი-  
ნი აძლევდნენ წასვლა-წამოსვლის ფულს, ულუფას, სხვა-და-  
სხვა შესაწირავებს და სხვ. პატრებს და საზოგადოდ კათო-  
ლიკე მოგზაურებს ყოველთვის ზუბალაშვილემის ოჯახში  
ედღეოდათ ბინა. ასეთი სამსახურის და პატივისცემის სამა-  
ხსოვროდ პატრები დიდათ კმაყოფილნი იყვნენ და ზუბალა-  
შვილების სამსახურის და მფარველობის ცნობებს ყოველთვის  
რომის პაპს ატყობინებდნენ. პაპმა ზუბალაშვილების ასეთს

სამსახურს დიდი პატივი სცა და 1770 წლებში, ზორის ზუბალაშილებს ლოცვა-კურთხევა და შენდობის წერილი (ინდულგენცია) გამოუგზავნა. ეს ძველი „შენდობის წერილი“ ზუბალაშილებში კარგა ხანს ინახებოდა, უკანასკნელ იგი მეტად დაძველდა, ამიტომ იოსებ ზუბალოვი რომში წავიდა, თან წაიღო და პაპს პიო მეცხრეს სთხოვა განახლება. პაპმა სიამოვნებით განუახლა, ძველის მაგიერ ახალი მისცეს. შემდგომ ჩვენში ის ძველი სრულიად მიეფარა, დაიკარგა და აღარც ახალი ვიციტ რა იქმნა, იოსებისავე ხელში დაიკარგა. როგორც ვიციტ, ასეთი შენდობის წერილი და ლოცვა-კურთხევა პაპისაგან საქართველოში მარტოდ ზუბალაშილებს ჰქონდათ მიღებული, სხვა არავის, თვით ქართველ კათოლიკე თავად-აზნაურებსაც-კი არ მიუღიათ პაპისაგან ასეთი პატივისცემაო. მართლაცა და უნდა ვსთქვათ, რომ ასეთი ინდულგენცია და ლოცვა-კურთხევა საქართველოში არც ერთს გვარის წევრთ არ ჰქონიათ.

მეფის ტეიმურაზის და ირაკლის დროს გამოჩენილი იყო მერაბ ზუბალაშილი და ანდრია: მერაბი კუტი იყო, მაგრამ როცა მეფე ტეიმურაზი ან შვილი მისი მრეკლე II და ან სხვა ვინმე ბატონიშვილები მობრძანდებოდნენ ზორში, მაშინათვე მათთან წაიყვანდნენ კუტს მერაბას. მერაბი მოხუცი იყო, იგინი სიამოვნებით მიიღებდნენ ხალმე და ისიც ასე ავედრებდა მათ:

— ბატონო მეფევე! წყალობა გვიყავი და ზორის ეკლესია დაგვიბრუნეთ, რათა ვილოცოთ ჩვენის სულისთვის და თქვენის მეფობის გაძლიერებისათვის.

მერაბმა თავის დროის კვალად მეფისა და სხვა დიდებულთა საკადრისი სიტყვა იცოდა, პატივისცემა, კარგი მუსაიფი და მიტომაც დადიოდა მეფის სახლში თავისუფლად. მერაბი, ზორის ეკლესიის გარდა, თბილისის ეკლესიის მფარველობასაც ავედრებდა მეფეებს. მერაბს თხოვნა აუსრულდა და მეფემ კათოლიკეებს ყოველივე დაუბრუნა, ეკლესიე-

ბი, ნივთები, პატრებიც განამრავლა და პატივი აგო, ჯამაგირი დაუნიშნა და საჩუქრებითაც დააჯილდოვა.

თავის დროის კვალად ზორში გამოჩენილ მოქალაქედ ითვლებოდა ანდრია ზუბალოვიც. ანდრია ზუბალოვს კარგათ იცნობდნენ მეფე მრეკლე, ანტონ კათალიკოზი და სხვა იმ დროის წარჩინებული პირნი. მეფე, კათალიკოზი, მღვდელმთავრები და ბატონიშვილები ზორში რომ მობრძანდებოდნენ, ყოველთვის ანდრია ზუბალოვსაც ნახავდნენ. ხშირად თვით ანდრია მოიწვევდა ხოლმე მეფეს, შესაფერს ნადიმს უმართავდა და მეფე თუ კათალიკოზი და სხვანი ყოველთვის სიამოვნებით მიბრძანდებოდნენ ზუბალაშვილების სახლიდგანა. მრთხელ ანდრია ზუბალაშვილს თავის სახლის კაცებმა და სხვათაც შემდეგი რჩევა უთხრეს:

— ანდრიაჲ! მეფე და მეფის ძენი დიდი პატივის მცემელნი არიან შენი, ისარგებლე მით და სთხოვე, რომ თავადიშვილობა გიწყალობოს, უეჭველაა მოწყალე მეფე მრეკლე შენთვის არ დაიშურებს ამას.

ანდრია ეტყოდა ხოლმე პასუხად:

— არა, ბატონებო, მე სადილზედ მოსამსახუროების თავი არა მაქვს, მის უმაღლესობას სადილზედ ყოველთვის თავად-აზნაურები ემსახურებიან და მეკი ასეთს ტვირთს ვერ ავიტან. მეფე და მეფის ძენი იქამდის მწყალობელნი არიან ჩვენი, რომ ამ პატივისცემის გარდა მე სხვა ამაღლება არ მჭირია.

ძველთაგან დარჩენილია ამბად, რომ მეფე მრეკლე ზუბალაშვილებს და ნამეტურ ანდრიას ისეთს დიდს პატივსაცემდა, რომ ანდრია რასაც-კი დაავალებდა და სთხოვდა, მეფეც ყოველთვის სიამოვნებით უსრულებდა დავალებას. ანდრიას სიტყვით მეფემ ზორში ბევრს კაცს და ოჯახს მისცა მოწყალება და მთარველობა გაუწია. ანდრიას რომ მეფისთვის თავადობა ეთხოვნა, ამას უეჭველია მეფე არ დაუჭერდაო, მაგრამ ანდრიამ არ ინდომაო.

ზოგიერთი მოხუცებულნი ადრე იტყოდნენ ხოლმე, რომ ზუბალაშვილები პირველად **ცხინვალში** სცხოვრობდნენ, იგინი ენათესავებოდნენ ქართველ ისრაელებს და შემდგომ კათოლიკობას დაუკავშირეს ლათინის პატრებმა ისინი თვით ქ. **ცხინვალში**ო. ახალციხისკენ კი სულ სხვა გარდმოცემას ამბობენ ამ გვარის შესახებ და ამათ პირდაპირ მესხებად სახავენ. ზუბალაშვილები მესხნი არიანო, ძველადგანვე მესხეთიდან ქართლში გადმოსახლებულნი, შემდეგ კი ისევ უკან დაბრუნებულან და აწყვერს დასახლებულან. ეს გვარი თვით **ცხინვალში**აც აღმოჩნდება, რომ მოიძებნასო. არის ისეთი გარდმოცემაც, რომ ძველად ზუბალაშვილების ზოგიერთი წევრნი **ქოსტანტინეპოლში**აც წასულან სავაჭროდ და აწყურადამ, ახალციხიდან მათ ბევრი რამ საქონელიც გაუტანიათ გასაყიდათ **ქოსტანტინეპოლში**, მაგრამ აღარა სჩანს. იგინი ისევ დაბრუნდნენ იქიდან საქართველოში თუ იქ დარჩნენ.

ასეთი გარდმოცემაც გახლავსთ: ზუბალაშვილები ჯავის ხევიდან არიან და არა ჯავახეთიდანაო. ჯავის ხეობაზედ იგინი მტერთა თავ-დასხმისაგან შეწუხებულნი ყოფილან, ერთი მათგანი გადმოსახლებულა **ბორში**, იქ კათოლიკის პატრებს დაახლოვებია, კათოლიკობა მიუღია, პატრებისაგან ისე გაწურთენილა, რომ რამდენიმე ხნის შემდეგ იგი საკმარისადაც დაწინაურებულა ცოდნით, საქმით და შეძლებით; ეს ხანა უნდა ყოფილიყოს **VXII** საუკუნის ნახევარს, და დღევანდელი ზუბალაშვილები სწორედ ამ ზუბალაშვილის შთამომავალნი არიანო. არის ისეთი გარდმოცემაც, რომ გორელ პატრს, ტულუკაანთ ღავითას, დიდი ზეგავლენა ჰქონია ზუბალაანთ გვარის პირებზედ, ამ პატრისგან განმტკიცებულა მათში კათოლიკობა. ამ დროს ზუბალაანი შეძლებით ისე ყოფილან დაწინაურებულნი, რომ მათ ჯეროვანი დახმარება მიუციათ პატრი ღავითისთვის და იგი 1724 წ. წასულა რომს. 1733 წელს იქ მან ქართულს ენაზედ „საქრისტიანო მოძღვრებაც“ დასტამბა, რომელიც ზუბალაშვილების დახმა-

რებით მაშინვე მოიტანეს საქართველოში. XVIII საუკუნეში, ქართველთა კათოლიკეებში ყველაზე ამალღებით და დაწინაურებით მარტოდ ზუბალაშვილები ითვლებოდნენ.

#### ხურსიძეების ნამბობი.

ხურსიძეების გვარში დარჩენილია შემდეგი გარდმოცემა: ზუბალაშვილები ცხინვალელები არიან, შემდეგ დროებაში, ზედმიწევნით 1730 წლებში, ბორში გარდმოსახლებულან და ვაჭრობას შესჩვევიან. ბასულა რამდენიმე ხანი და ბორს ლეკნი და ოსმალნი დასცემიან, ბორი აუღიათ, იქ ფეხი გაუმაგრებიათ. რამდენიმე ხნის შემდეგ ქართველები ამხედრებულან ოსმალთა და ლეკთ წინააღმდეგ, მტრის დევნა და ხოცვა დაუწყვიათ, მტერი გაუდევნიათ, ამას დიდი ძალი ქართველობა შესწირვია, მაგრამ ბორი მაინც გაუნთავისუფლებიათ. ოსმალთ ამ დროს რამდენიმე ქართველი მეომარი მაინც დაუჭერიათ და თან წაუყვანიათ. ახალციხეში რომ ჩასულან, ეს მეომარი ტყვეები კათოლიკის პატრებს და ხურსიძეებს უნახავთ, ამათ დაუხსნიათ ეს ტყვეები და გაუნთავისუფლებიათ. ამ განთავისუფლებულ ტყვეებში რამდენიმე ზუბალაშვილნიც რეულან. მსენი ზოგნი ახალციხეში დაშთენილან პატრებთან, შემდეგ კათალიკობას დაკავშირებიან და ზოგნი ისევ ძველს სამშობლოში—ქართლშივე დაბრუნებულან. იმასაც ამბობენ, რომ ახალციხის პატრებს მეტად დიდი ამაგი მიუძღვისთ ქართველებზეო. ახალციხეში ესენი ქართველთ ტყვეებს ყოველ წელს ასობით იხსნიდნენ და ქართლს, იმერეთს და ქახეთს აბრუნებდნენო. ასეთნივე ყოფილან ძველად მცხოვრებნი ახალციხელი შოშიაშვილები, დღეს ნალბანდოვად წოდებულნი; ესენიც დიდძალ ტყვეებს აპარებდნენ ოსმალეთიდგან საქართველოშიო. მრავალი ცნობაა აგრეთვე დარჩენილი, რომ ახალციხიდან ზუბალაშვილებიც ათავისუფლებდნენ ოსმალთაგან ტაციობით წაყვანილ ქართველთ ტყვეებს და ამ საბრალოებს ქართლს, იმერეთს

სამეგრელოს და ქახეთს აბრუნებდნენო. მაშინდელ ქართველ კათოლიკეთა ვაჭრებს ტყვეთა განთავისუფლება დიდსულიერ საქმედ მიაჩნდათ.

ზუბალაანთ გვარს დიდის სიამოვნებით მოიხსენებს საფრანგეთის მწერალი პლექსანდრე დიუმა. როცა მოგზაური თბილისში მოსულა, მას ხშირად ჰქონია შემთხვევა ზუბალოვებთან მისვლის, მათს ოჯახში პატივს და დიდს თავაზს მოკლებული არ ყოფილა, მას კაი ცნობა ჰქონია იაკობ ზუბალოვის, იმის შეილის ძოსტანტინესი და მთლათ მათს ოჯახეულობასთან. მოგზაურს ამათთან ხშირად პირდაპირ ჰქონია საუბარი, რუსულად გამოცემულს მეორე ტომში იგი ბევრს ალაგას ახსენიებს ზუბალაშვილების გვარს. მრთ ალაგას ასე სწერს:

„თეატრიდამ ჩვენ მოგვიყვანეს, იქვე თეატრის ახლოს, მდიდარის ი. ზუბალოვის სახლში, ორი ოთახი და დიდი დარბაზი (ზალა) ჩვენ დაგვითმეს, ოთახები და ნამეტურდარბაზი მშვენივრად იყო მდიდრულად მორთულიო“.

საფრანგეთის მოგზაური ორიენტალისტი ლუბოა დე მონპრე საქართველოში რომ მოგზაურობდა, მაშინ მას ზორში მოხდენია ყოფნა. ზორში მას გაუცვნია სხვათა შორის ივანე და ბიორგი ზუბალოვები. ორიენტალისტს პირადათ ჰქონია საუბარი ივანე ზუბალოვებთან და მათი ვინაობაც უკითხავს. რადგანაც მაშინდელ ზორის კათოლიკენი სომეხ კათოლიკეთ ტიბიკონზედ იდგნენ, ამიტომ მათ თავიანთი ვინაობა სომხათ უცნობებიათ და მოგზაურიც სომხად მოიხსენებს, ეს, რასაკვირველია, შეცდომა არის. ამაზედ ზემოდ წაიკითხავდით, აქ არას ვიტყვით.

ისტორიკოსი პ. იოსელიანი ზუბალაშვილებს მოიხსენებს ვითარცა თფილისის შეძლებულთ მოქალაქეთ. იგი ამბობს, რომ ზუბალაანთ გვარის წევრთ თფილისში, 1820 წ. აღაგეს ერთი მშვენიერი სახლიო, რომელიც იმ დროის კვალად თვალი იყო მთელის თბილისისა. ამათვე აკუთვნებს

მცხეთის ხიდის განახლებას, რომელიც ჩვენში ცნობილია პომპეის ხიდად.

ისტორიკოსი ნიკოლოზ ბერძენოვი პ. იოსელიანის ცნობების საშუალებით შემდეგს განმარტავს \*) ზუბალაანთ გვარის წევრთა შესახებ.

XVII საუკუნეში, საქართველოს გამოჩენილის მეფის ლეონ ირანთა მსაჯულის დროს, თბილისში არსებობდა ერთი დიდი მშვენიერი ქარვასლა, რომლის ძირის სართულში იყო 80 დუქანი, მეორე სართულში უცხო ვაჭართათვის თავ-შესაფარი სადგომები და სხვა-და-სხვა საქონლის შესანახავი ოთახები და მესამე სართული-კი დანიშნული იყო ევროპელთ მოგზაურთა სადგომ ბინად, სასტუმროდ (ГОСТИНИЦА). მს სახლი XVII საუკუნეზე წინედ აღუშენებიათ ქართველთ მეფეებს, გამოჩენილს ლეონ მეფეს მხოლოდ მის შემკობა ეკუთვნის, შუშაბანდებით მორთვა და მოკაზმვა, ეზოში ბაღის და წყლის აუზის გაკეთება.

მს მშვენიერი სასახლე 1723 წ. ოსმალთაგან შემუსვრილ იქმნა და მის შემდეგ იგი ქცევა-ნგრევას მიეცა. უკანასკნელ ეს სასახლე და მთელი ამ კუთხის მიდამოები, ანუ როგორც ძველად „ავანაანთ ხევს“ უწოდებდნენ, მთლად ზუბალაშვილებმა შეიძინეს და ამ დიდი ხევის ნაპირას, სწორეთ იმ ალაგას, სადაც ძველად XVII საუკუნეში მშვენიერი ქარვასლა იყო, მათ 1820 წლებში ერთი მშვენიერი ოთხ-სართულიანი დიდი სასახლე ააგეს. მს სახლი იმ დროს მთელს თბილისში შესანიშნავ სახლად ითვლებოდა, მისი უმთავრესი დარააზი შესანიშნავად იყო მორთულ-მოკაზმული. 1837 წელს, როცა თბილისში რუსეთის იმპერატორი ნიკოლოზი მოვიდა, მაშინ მას ამ სასახლეში გაუმართეს ნადიმი, იმპერატორი განჰკვირდა ამ სასახლის უმთავრეს დარბა-

\*) ტფილისის აღწერა, დ. ბაქრაძისა და ნ. ბერძენოვისა, პეტერბურგი 1871 წ.



ზის მოწყობილებით და ისურვა ზუბალაანთ გვარის პირადად გაცნობაც. რამდენიმე ხნის შემდეგ ეს სახლი შექმნილ იქმნა საქართველოს სამღვდლოებისაგან ქართველების სემინარიად. ღღევანდელი ქართველთ სემინარია ამ სახლშია მოთავსებული. ამ ამბავს მოგზაური ძოხიც მოიხსენიებს.

აღრე, როცა-კი სომხურ გაზეთებში და ნამეტურ „მშაკ-ში“ ქართველ კათოლიკეთ გვაროვნობის შესახებ საუბარი ამტყდარა ხოლმე, იქ ზუბალაშვილების შთამომავლობა ხშირად სომხად მოუხსენებიათ, ამ მოხსენების საფუძვლად ყოველთვის ღუბოა-დე-მონპრეს შემცდარს ცნობებს ასახელებდნენ. ამ შემცდარს ცნობებს დღესაც იმეორებენ ზოგიერთი მწერლები და თამამად სწერენ, რომ არამც თუ მარტო ზუბალაშვილება, არამედ მთელი ქართველ კათოლიკებიც სომხები არიანო. ამას დრო, ცდა და ისტორიული მასალები გამოაჩენს.

აქ საოცრება ერთი ის არის, რომ ამ მეისტორიებმა ქართული ენა არ იციან, ქართულს ისტორიას, ისტორიულ მასალებს, ხალხს, მათს ზნესა და ჩვეულებას არ იცნობენ, და უამისოდ გვაროვნობის გარჩევასა და განსაზღვრაზედ კი სჯიან. მობრძანდნენ, ჯერეთ ქართული ენა შეისწავლონ, ქართული მწიგნობრობა, ისტორია, ჩვენი ძველი არხივები გაიცნან და მერე ვნახოთ, თუ იგინი რა ლოლიკურს დასკვნამდე მივლენ და რას გამოაცხადებენ, რას დასწერენ. საუბედუროთ იგინი ამას არ მისდევენ და უამისოდ-კი რუსულს გაზეთებში სიცრუით სჯიან და კამათობენ, რაც არც ერთს განათლებულს მწერალს არ შეჰფერის.

როგორც მოვიხსენეთ, XVIII საუკუნის ნახევარს, საქართველოში საკმარისად ამაღლდა ზუბალაშვილების გვარი.

ღღევანდელის ქველ-მოქმედის სტეფანე ზუბალაშვილის პაპის მამა იყო ივანე; ივანე ზუბალაშვილს თბილისშიაც ჰქონდა შეძლება და ბორშიაც. იგი დაწინაურებული იყო ქართველთ მეფეებთან და ბატონიშვილებთან, ბორში და თბილისშიაც ივანეს სახლში ხშირად ბრძანებულა როგორც საქართველოს კათალიკოზი ანტონ პირველი, ისევე ანტონ მეორე. ხშირად ივანეს სახლში ნადიმიც ყოფილა გამართული და მეფე და ბატონიშვილებიც მიუწვევიათ. რაც შეეხება იმ დროის ლათინის პატრებს, ამათაც მეტად ხშირი მისვლა-მოსვლა ჰქონიათ ზუბალაანთ ოჯახში, პატრებისთვისაც არა ერთხელ აღმოუჩენიათ შემწეობა.

ჩვენ კარგათ ვიცით, რომ ძველადგანვე ზუბალაშვილებთან მეტად დაახლოვებული მეგობრობა ჰქონიათ ქართლის მეთაურ თავადთ ამილახვრებს, მაგალითებრ, XV<sup>III</sup> საუკუნის გამოჩენილს ბივი ამილახვარს, რომელსაც ამის გამო იმ დროის კათალიკე ეკლესიებისათვის ბევრი საჩუქარი გამოუგზავნია სპარსეთში ყოფნის დროსაო.

ივანე ზუბალაშვილი რომ თავის დროს შეძლებული პირი ყოფილა, ეს სჩანს იმ გარემოებიდანაც, რომ იგი სხვადასავა ტყვეებს ხშირად იხსნიდა, ზოგს ათავისუფლებდა თავის სულის საოხად და ზოგს სხვას გარდასცემდა და გადაცემაც თვით ყმათა თანხმობით ხდებოდა. ზუბალაშვილების ყმობას-კი ბევრი გლეხი სცდილობდა, რადგანაც ესენი სამღთო ზნეობის სიბრალულით აღესილნი იყვნენ, და მართლ-მადიდებელთ ქართველთ მებატონეებზედ ბევრად უმალა იდგნენ. ესენი გლეხებს არ აწუხებდნენ, სპარსელებზე, სომხებზე და ოსმალებზე არავის ჰყიდდნენ.

მეფე შრეკლის დროს, 1783 წ. ერთის ქართველის აზ-

ნაურის ყმის ძენწელაძის ოჯახი ოსებს ჩავარდნით ტყვედ, თითონ გლეხი მოუკლავს და მის ცოლ-შვილი-კი ტყვედ წაუყვანიათ; გლეხთა მებატონემ ივანე ზუბალაშვილს მიმართა და სთხოვა ასე: ჩემი ყმის ოჯახი ტყვედ წაიყვანეს, მათი დახსნა ჩვენ არ შეგვიძლიან, რადგანაც შეძლება არ გვაქვს, გთხოვთ თქვენ დაიხსნათო და ივანე ზუბალაშვილმაც დიდის სიამოვნებით დაიხსნა მთელი ოჯახი. \*).

ხ. ჭ.

(შემდეგი იქნება)



\*) Грузинскія крестьянскія грамоты, Д. Пурцеладзе, 1882 г., Тифлисъ.

## ლეკენდა მეფე ერეკლესკდ.

—

მეფე ერეკლეს ზმით ლაპარაკი ძალიან უყვარდა. ზაიგო ეს ერთმა დიაკვანმა, რომელმაც საუცხოვოდ იცოდა ზმით ლაპარაკი და მივიდა მეფესთან სალამოს ხანზე მოწყალების სათხოვნელად. იმ სალამოს მეფე ვერ ნახა და დიაკვანმა მეორე დილამდის მოუცადა. ღლით მეფე გამობრძანდა თუ არა, დიაკვანი ფეხქვეშ დაუვარდა.

— შინა ხარ შენ?—ჰკითხა მეფემ.

— დიაკვანი გახლავარ!

— როდის მოხველ?

— წუხელ გაიხელით.

— როგორი პატივი მიიღე?

დიაკვანმა ახლა-კი დაიწყო ზმით ლაპარაკი:

ახალა ჩალა დამიგეს,  
ბვერდი სწუხს მაზე წოლასა,  
შმაწვილები მიპირობდნენ  
შურძნის წვენით დათრობასა,  
დაბაღი შინა-ყმები გყავს,  
არ მიპირობდნენ ყმობასა,  
და საბა, ნაკოლოზ სწყალობდეს,  
ერეკლეგ, თქვენს მეფობასა.

მეფემ გაიგო, თუ რაც გამოდიოდა ამ სიტყვებიდგან, გაუკვირდა და უბრძანა: „რას მთხოვ, დიაკვანო, რომ მოგცე?

დიაკვანმა ისევ ზმით მიუგო:

„სტაფილანის მოსახნავად სუსტი ხარ მიბოძეო“.

მეფემ გაიგო, რომ იმის სიტყვებიდგან ფილანი და სტა-

ხარი გამოდიოდა და გასცა ბრძანება, რომ დიაკვანი მღვდლად ეკურთხებინათ.

ვარდენ ყიფიანი.

შეგ ასოებით დაბეჭდილიდგან გამოდის: 1) ხალიჩა, 2) ჯები (ჯეიბი), ხალიში, 4) სხახი, 5) ფილონი და 6) სტიხარი.

### მეფე ირაკლი.

ჭირიმე მეფე ირაკლის,  
ჩვენი პატარა კახისა,  
ჭირიმე ენა წყლიანის  
და მუდამ სიტყვა კვახისა;  
მან არ იცოდა ქურდულად  
მტერზედ დაგება მახისა,  
პირის-პირ შებმას არჩევდა,  
თუნდ შავი ჭირიც ნახისა.

ბ. ბეგლარიძე.

### პატარა კახს.

მრეკლესთანა ბატონსა  
ღედა ძვირათ გაზრდის შვილსა,  
სტამბოლამდინ ხელთ უჭირავს,  
მოსაზღვრვა სპარსეთისა;  
თბილის ქალაქში ტახტი აქვს,  
სამართალიც იქ არისა,  
ბევრი ომების მომსწრვა  
ხასტიკ, მრისხანე, მწარისა.

ლ. მაისურაძე.

## წინაპართა სულგის თაყვანის-ცემა სვანეთში

ჩვენს დროში, ვგონებ, არავისთვის საეჭვო არ უნდა იყოს ის, თუ რა მნიშვნელობა აქვს თანამედროვე საზოგადოებრივი ცხოვრების სხვა-და-სხვა გვარ მოვლენათა გონივრულათ ახსნა-შეგნებისათვის პირველ ყოფილ საზოგადოებრივ ცხოვრების ყოველ-მხრივ მეცნიერულ შესწავლას. აწინდელ მაღალ და განვითარებულ კულტურის დასაწყისს-დასაბამს მეცნიერნი ეძიებენ პრიმიტიულ საზოგადოებათა დაბალს და განუვითარებელს კულტურაში და ეს უკანასკნელი მიაჩნიათ თანამედროვე კულტურის პროტოტიპად. ზანათლებული ევროპიელი ისეთ საზოგადოებათა მეცნიერულათ შესწავლისთვის, რომლებშიაც აქამდის დაკულან პირველყოფილთ ადამიანთა რწმენა-შეხედულობა და სოციალური წყობილება, ვინ იცის რა შრომას არ ეწევიან, რა ფულებს არ ხარჯვენ, და ეს მხოლოდ საზოგადოებრივი მეცნიერების გასამდიდრებლათ და გასავითარებლათ. ჩვენ-კი, ჩვენი ეროვნული თვით-ცნობიერების განვითარება იმდენათ არ გვინტერესებს, რომ არ ვიცით, და არც ვცდილობთ ვიცოდეთ, რას წარმოადგენდა, რა გვარ ფორმაში ისახებოდა და რა სულიერის და ნივთიერის (მატერიალურის) კულტურის მატარებელი იყო იმ ხალხის ცხოვრება, რომელმაც კავკასიის ტერიტორიაზე პირველათ დაიწყო ისტორიული ცხოვრება ქართველების სახელით. ამიტომ აღტაცებით უნდა მივეგებოთ ისეთ ქართულ ჟურნალის დაარსებას ჩვენში, რომლის მიზანს, სხვათა შორის, შეადგენს ჩვენის ქვეყნის ეტნოგრაფიულად შესწავლა-გამოკვლევა. მეროპიელ ეტნოგრაფებმა კარგა ხანია სთქვეს, რომ ძავეკასია ნამდვილ ეტნოგრაფიულ „კალეიდოსკოპს“ წარმოადგენსო. მეროპიელების ასეთის შეხედულობას სავსებით ამართლებს ჩვენის ქვეყნის მთიულთა

ცხოვრების შესწარლა. ავიღოთ თუ გინდ სვანეთი. **მ**რთ წლის განმავლობაში სვანეთში ყოფნამ დამარწმუნა, რომ ეს კუთხე ჩვენის ქვეყნისა წარმოადგენს ნამდვილს ეტნოგრაფიულს საუნჯეს, რომელიც ჯერ თითქმის ხელ-უხლებელია, განსაკუთრებით ჩვენ—ქართველებისაგან, თორემ ევროპიელნი მეკნიერნი აქ ხშირი სტუმრებია. ჩვენ ამ მოკლე დროს განმავლობაში, რამდენათაც დრო და გარემოება ნებას გვაძლევდა, ვაგროვებდით ეტნოგრაფიულ მასალებს, და ახლა გვსურს ესენი ქართველ მკითხველ საზოგადოებას გავუზიარო „მოგზაური“-ს შემწეობით. ამ უამად წარმოვადგენ მხოლოდ პატარა სურათს, რომელიც შეეხება **წინაპართა სულების თაყვანის-ცემას სვანეთში.**

წინაპართა სულების თაყვანის-ცემა სვანეთში აქამდის დაცულია თითქმის შეუცვლელად მთელი თავისი შინაარსით, მნიშვნელობით და გარეგანის ფორმით და მოწყობილობით. სვანები ამ რწმენა-ჩვეულებას განსაკუთრებულის დღესასწაულით ეგებებიან და უწოდებენ მას „**ლიფანეს**“, რაიცა ქართულად ნიშნავს „მოფენას“, ე. ი. სულების მოფენა. „**ლიფანობა**“ სვანეთში წელიწადში რამოდენიმე-ჯერ დღესასწაულობენ, მაგრამ მეტი საშხადისით, მორთულობით და მოწყობილობით „**ლიფანობა**“ სრულდება ზამთარში; სახელდობ, იწყება ნათლის-ღების, სვანურად „**განცდაბის**“ წინა დღეს და გრძელდება ნათლის-ღების შემდეგ პირველ შაბათამდის. ნათლის-ღების წინა დღეს სვანის ოჯახის თითქმის ყველა წევრის სახეზედ წაიკითხავთ რაღაც არა ჩვეულებრივს სულიერ მდგომარეობას; თვით ოჯახის მოწყობილობაშიაც ამჩნევთ თვალ-საჩინო ცვლილებას; ხედავთ, რომ რაღაც დიდი, მაგრამ უხმო, ჩუმი და საიდუმლოებით მოცული მზადებაა. პირველ ყოვლისა, ყოველი სვანი სცდლობს ამ დღისთვის თავისს სახლ-მიდამოში მეტი სიწმიდე, სიფაქიზე და სისუფთავე დაამკვიდროს (რაც საზოგადოდ იშვიათი მოვლენაა სვანეთში). **ოჯახის ყოველგვარ ავეჯეულობა-ჭურჭლეულო-**

ბას გულ-მოდგინეთ სწმენდენ, რეცხენ და ალამაზებენ რაც შეიძლება, რათა ღირსეულს და საპატიო სტუმრებს—„სულებს“ ღირსეულად და შესაფერად დაჰხედნენ. ამ დღეს ჩვეულებრივზე ადრე ამზადებენ ვახშამს, რაიცა შესდგება სხვა-და-სხვა განსაკუთრებულის ხელოვნებით მომზადებულ სამარხვო სანოვაგეთაგან (ამ დღის მარხვაც ამ არა-ჩვეულებრივი დღესასწაულის მიერ არის გამოწვეული, თორემ ისთე სვანეთში მარხულობას არაფრად მისდევენ). ამ გვარად დამზადებულ საქმელებს აწყობენ სახლში ორს ადგილას. სახლის აღმოსავლეთი ნაწილი უფრო ღამაზათ და გულ-მოდგინებით არის მორთული; ეს მხარე დანიშნულია მოსასვლელ „სულთათვის“ და ამიტომ გამართულია აქ ტაბაკი, შემკული სხვა-და-სხვა გვარი საქმელებით. მრთ კუთხეში ამჩნევთ განსაკუთრებულად პატარა ტაბაკს ხუთი პურით; ეს ბავშვების „სულთათვის“ არის დანიშნული. სახლის დასავლეთის ნაწილი ოჯახის ცოცხალ წევრთ აქვთ დათმობილი, და აქაც, რასაკვირველია, სუფრა არის გაწყობილი. რომ „სულები“, როგორც ჩვილნი და ნაზი არსებანი (სვანების შეხედულებით) არ შეწყუბდნენ, ამიტომ ეზოში სახლის კარებამდის გზებს თოვლს აყრიან და ხშირად კიდევაც აფენენ რასმეს. შოველივე მზადებას დასასრული ეძლევა მზის ჩასვლის ხანს. ამ დროს სვანის ოჯახში სამარისებური სიჩუმე მყარდება. არსაიდგან ხმა, არსად მოძრაობა; ყველას ყურადღება კარებისკენ არის მიპყრობილი, რადგანაც ოჯახის წინაპართა „სულებმა“ უნდა შემოდგან ფეხი... აი დაჰკრა უკანასკნელმა წუთმა „სულების“ შემოსვლისამ; ამ დროს წარმოსდგებიან წინ ოჯახის უფროსი წევრნი და მიეგებებიან მავალ „სულებს“ შემდეგი სიტყვებით: „ქვინედერმეთ! ხაჩა ჭამახშ სქანხად“ (ე. ი. სულო ღმერთო! კარგი ფეხით შემოდი). ამ სიტყვებით შემოუძღვებიან „სულებს“ სახლში, სადაც ისინი დაბრძანდებიან მათთვის განმზადებულ სუფრაზედ. მათ პირ-და-პირ სხდებიან ოჯახის წევრნი და იწყება ჩვეულებრივი ვახშამი. ის



მხარე, რომელიც „სულებს“ აქვთ დათმობილი, ამ შემთხვევაში ითვლება წმიდა და საღმრთო-შეუხებელ ადგილად. აქ ფეხის დადგმა სასტიკი და მომაკვდინებელი ცოდვაა. იქ ვერაფერი ვერ გაბედავს ფეხის დადგმას; და, თუ ვინმე „მეტეჩარამ“ გაჰბედა და მათ (სულების) მხარეზედ გაიარა ან დაჯდა, ის, სვანების შეხედულებით და ღრმა რწმუნებით, უთუოდ „სულების“ მსხვერპლი გახდება; მას „სულები“ გამოასალმებენ ამ წუთი-სოფელს და გაიხდიან თავიანთ ამხანაგად.

შახშმის დაწყების წინათ კვლავ ევედრებიან „სულებს“ შემდეგის სიტყვებით: **„ქვანდერძო! ხოჩა ჭიშხმ ასკამსიდ ა ხოჩა ჭიშხმ ჩვამცვირდ; ძარები ქვანს შვიდბ ძაყრ ა ეჩქქა ძარქმ ქვინუნქა ძაგისქე არა ა ძეძან ხოჩაძით ეჩხელათ“.** (სულო ღმერთო! კარგი ფეხით მოდი და კარგი ფეხი დაგვიტოვე, კაცის სულს მშვიდობა მიეცი, და მას გარდა—ყველასფერი შენია და შემდეგში უკეთესად დაგიხვდებით). სინარულის გრძნობის გამოხატვა რა სახითაც უნდა იყოს, ცოდვით ითვლება; ამიტომ მთელ იმ დროს განმავლობაში, როცა ეს საღმრთო ჩვეულება სრულდება, სიმღერას, სიცილს, ხუმრობას ან რაიმე ისეთს საქციელს, რომელიც არ შეეფერება ამ საიდუმლო-სამგლოვიარო წამებს—განდევნილია სვანის ოჯახიდან. აქ ადგილი აქვს მხოლოდ ზღაპრებს და ძველებურ ამბებს, რომელსაც მოჰყვება ხოლმე ოჯახის უფროსი მოხუცი. შახშმის შემდეგ ოჯახის უფროსი ქალი არ იძინებს დილის ალიონამდე, ის აცხობს ამ დროს პურებს და უყარაულებს „სულებს“. ასეთი სურათი მეორდება ყოველ ღამეს შაბათამდის. შაბათს დილას უფროსების „სულები“ სტოვებენ თავიანთ ოჯახს და მიეჩქარებიან კრებაზედ დასასწრებლად, რომელიც დანიშნულია ამ დღისათვის. ამ კრებაზედ „სულები“ ბჭობენ და ბაასობენ იმის შესახებ, თუ ვინ დაჰკლან, ვინ აცოცხლონ, რით აზარალონ, რით ასარგებლონ და ამ თავის გარდაწყვეტილებას „სულები“ მხოლოდ მეორე

წელს ატყობინებენ თავიანთ ოჯახებს განსაკუთრებულის ნიშნით. ძვირა საღამოს დაბრუნდებიან კრებიდგან „სულელები“ თავის სახლებში. ძრებისგან დაბრუნებულს „სულელებს“ სვანები დიდის ამბით ეგებებიან, სახლის კარებზედ სდგამენ რძის ყავას, ძალიან ცხელს. „სულელები“ შემოდინან და სხდებიან თავიანთ ადგილზედ. შახშახის დროს ჩვეულებრივად ლოცულობენ და ევედრებიან „სულელებს“. ამ დამეს არავინ არ იძინებს. ალიონზედ კიდევ უმასპინძლდებიან „სულელებს“ და შემდეგ „სულელები“ მიდიან თავიანთ სამეფოში, საიდგანაც მეორე წლამდის აღარ ბრუნდებიან.

**„ჩოღბარი“.** ამ სახელს ატარებენ კოჭლთა „სულელები“. სვანების რწმენით „კოჭლთა“ სულელები, როგორც კოჭლნი, ჩამორჩნენ გზაში სხვა „სულელებს“ და ამიტომ ისინი მხოლოდ მეორე შაბათს მოადწევენ ამ ქვეყნათ. სვანები ამ ჩამორჩენილ „სულელებსაც“ იმ გვართვე ეგებებიან, როგორც პირველთ; უმზადებენ საქმელებს, მხოლოდ განსხვავებული აქ ის არის, რომ სუფრის მიუცილებელ კუთვნილებას შეადგენს რძე. კოჭლთა „სულელები“ კრებებს არ მართვენ: ისინი მხოლოდ ერთ დღეს რჩებიან მიწიერთა შორის და შემდეგ გაემგზავრებიან სულთა სამეფოში.

დ. ანტონიძე.

## აღდგომა სოფელში (იმერეთში).

ნათქვამია: „აღდგომასავით შეეხარებაო“ და შეეხარებოდნენ კიდევ. მეც მახსოვს წირვის შემდეგ როგორ შეგროვდებოდნენ გაღაფანში ქალი და კაცი, დააბამდნენ ფერხულს და გაჰქონდათ ერთი „ვარხალაო“! ბებრებიც კი, ოთხმოცი წლის ბებრები, თმა-წვერ ყაჭის პარკივით გაყვითლებული,

ნატამალი კბილი რომ აღარ ჰქონდათ, ისინიც-კი არ მოაკლდებოდნენ საერთო მხიარულებას, ხოლო ვისაც არ შეეძლო ჩარეულიყო მათში (რასაკვირველია სიბერისა და უძლურების გამო), განცალკევებული დადგებოდა სადმე ცაცხვის ძირში და თავისთვის იმღერდა, ლულუნებდა:

„ძრისტე აღდგა! გვიხაროდენ!..

მადლი მახარობელსაო!..

ძრისტიან, გაგვიხაროდენ!..

ოო!.. ოო!...“ — მიაბამდნენ ზედ ბანს...

იმ ღამეს ხომ სიხარულით აღარ დაგვეძინებოდა... სიხალისით!.. იმე!.. მეხუმრები? ხვალ ჩაიცმენ ახალ ტანისამოსს, ხვალ... ღღეს, იქნება... ღღეის გარდაც ვინ იცის რამდენი დღე და კვირე... ფეხ-შიშველი, შიშველ-ტიტველი დაეტეტებოდნენ!.. ხვალ-კი დაიმოსებთან ტანით, ფეხით... წითელ-ყვითლით... და როგორ არ გაიხარებდნენ?.. ბასახარელიც ჰქონდათ და უხაროდათ კიდევ.

იმ ღამეს არ დაიძინებდნენ-მეთქი... ჩემს დროშიაც ასე იყო. პატარები თვალს მოვატყუებდით მხოლოდ და მერე ისევ წამოვცივდებოდით და ჩვენ ჩვენს ხალათებს დავუფათურდებოდით. ღიღებს ხომ არ დაეძინებოდათ, არც დაწვებოდნენ სრულიად. მთელი დღე ფეხზე იდგნენ, ხვალის სამზადისს უნდებოდნენ: უნდოდათ დიდებულ დღესთან არ შერცხვნილიყვნენ, სამხიარულო დღე მხიარულებითვე გაეთენებიათ. ჯერ ცოცხლებისთვის უნდა ეზრუნათ. ხვალ კეთებას როგორ ვინმე გაბედავდა რისამე, „ხვალისთვის დღეს უნდა ეზრუნათ: დაეკლათ საკლავი, დაემზადებინათ შეშა, წყალი, ნამცხვარი. ამას რომ მოჰრჩებოდნენ, ახლა მკვდრებსაც სულის ხსენება უნდა, მათთვისაც უნდა ცდილიყვნენ რასმე: ცოცხლები თვალ-წინ უდგიათ, მაგრამ არც მკვდრები ჰყავთ მოძულეებული; რაც უნდა იყოს, ისინიც თვისნი არიან — მათაც პატივი უნდა. მათთვის საკურთხს გააკეთებდ-

ნენ და ამდენს ფათურში ამ დღეს სულიც ელვოდა. და მერე ქალს თუ კვერცხიც ვისმე ჰქონდა შეუღლებავი, ხომ მისი შეღებაც საქმე იყო და ამასობაში მამლის ყვილიც მოუსწრებდათ და დადგომისასაც (წირვისას) დარეკდნენ. მერე შინ ვილა გააჩერებდათ! დიდი თუ პატარა, გამოწყობილი ახალ ტან-ფეხში, მხიარული გულით საყდარზე გარბოდა... ზარბოდა, რასაკვირველია, თავის გამოსაჩენად... იქნება, ეს დღე არც კი უხაროდათ!.. არ უხაროდათ იმდენად ძრისტეს აღდგომა, რამდენადაც ეს ახალი ტან-ფეხი ახარებდათ, ახალისებდათ:—აი, მე მაქ და შენ არაო,—რომ წამოგძახათ ტოლ-ამხანაგისთვის...

ღიად! დიდებს მთელი დღე საქმეში გართულებს, ისევ უძილარს, დაუწოლელს წირვის დრო მოუსწრებდა: მთელი წინა-დღე სახვალეო წვრილმან საქმეში იყვნენ გართულნი და ჩვენც პატარები ხომ მთელს დღეს საყდრის გალავანში ვატარებდით: სარაკუნოთი თუ ზარის რეკით ვაყრუებდით სოფელკუთხეს!

ფიცარს გამოგვიჭრიდნენ დიდები, თავ-ბოლოში ბაწარს ჩააბამდნენ და სარებზე ჩამოჰკიდებდნენ. ის ქანაობდა, ჩვენ ბავშვები კი მივადგებოდით, ორი თუ სამი ზედ და ხის თავსხვილ, პატარა ტარიან კვეთოებს ვურტყამდით (ვცემდით). ისიც რიგინობდა. ზოგი ზარს რეკდა. ჩვენც ერთი მეორეს ვეჯიბრებოდით და ზარისა და ფიცრის ხმებიც თითქოს ერთი მეორეს ეცილებოდნენ. იყო ამოდენა დღეს გაუსხლეტელი ხმა შაფათს ნაშუაღღევიდან დაწყებული კაი გადასულ ვახშობამდე <sup>1)</sup>. და წინეთ ხომ დიდებიც ასე ატარებდნენ

1) ეს ფიცრის რაკუნიც იმ დროის ხაშთი უნდა იყოს, როცა ზარი თუ სხვა რამ მისთანა სხამაურო რკინეული ან ყოფილა შემოდებული და მის ნაცვლად ამ ფიცარს ხმარობდნენ რაიმე ნიშნის მისაცემად. ან იმ დროს გვაგონებს, როცა წარმართებისგან დეგ-

დროს. იტყვიან, უწინ მთელ დღეს არამც თუ აღამებდნენ, ლამესაც ამ ხალისით ათენებდნენ: ეკლესიის გალავანში ათე-  
ვდნენ ლამეს სიცილ-კისკისით და ასე მხიარულად ეგებებოდ-  
ნენ სამხიარულო ქრისტე აღდგომას, — აღდგომას ეკლესიის  
გალავანში ითენებდნენ. შინ ვინ დადგებოდაო, — იტყვიან.  
შეიკრიბებოდნენ... იქვე იყვნენ მზად. ღვდელი მოვიდოდა  
და, რაღა საყურებელი ჰქონდა, ცისკარს შეუდგებოდა...

— „აღსდგინ ღმერთი და განიბნენ ყოველი მტერი  
მისნი“! — შემოსძახებს ღვდელი. — „მრისტე აღსდგა...“ — შებ-  
ღავლებდა მრევლს და ისიც — „ჴეშმარიტად აღდგა!“ — შებ-  
ღავლებდა, იგრიალებდა ერთად ამოდენი ხალხი <sup>2)</sup>. მერე  
ხატებს ეცემოდნენ, ლიტანიას შემოუვლიდნენ. ბათავდებო-  
და წირვა და შეიქნებოდა ერთი ხალისი: ტუჩზე კოცნა,  
კვერცხების ჭიდავი და ასე მხიარულად ატარებდნენ დროს.  
ღღესა? ღღეს საღდაა ის მხიარულება, გაფრინდა ის უღარ-  
დელი გული!! ის მაშინდელი მხიარული გული დღეს დარდ-  
მა და ნაღველმა მოიცვა... ახლა დიდებს კი არა და ბოვშე-  
ბსაც აღარ უხარიანთ... ისეთს ვილა იტყვის, მის მეთადსაც  
ვერ ნახავთ, მაშინ რომ დიდებს უხაროდათ. მათ უმანკო  
გულამდინაც კი მიატანა დროის დარდმა და ვარამმა! არა,

ნული რიცხვ-მცირე ქრისტიანები. შიშის გამო, ზარის რეკვას ვერ  
ბედავდნენ და ისევ ამ ფიცრებითა და ტაშტ-ქვანებით ეხზაურებოდ-  
ნენ ერთი შეორეს.

<sup>2)</sup> უწინ გარდამხსნას ნაცისკრებს აასვენებდნენ ხალხე, მაშინ  
უგლიდნენ ლიტანიას, ახლა კი ცისკარზე იციან. წირვაც. ქალაქის  
უაიდაზე, შირველ საათზე გამოჴყავთ, მისდა მიუხედავად, რომ ქა-  
ლაქი ქალაქა და სოფელი სოფელი; უკანასკნელს შირველის წახე-  
ვა არ არგია. აქ შირველი ეგულა ახლოს არაა საუღარზე და იქამდის  
მას გვარაანი დრინკლები და ღღრა-ჩღღრებიც შეხვდება გასა-  
ღელი, რომ შუაღამისას საუღარზე მისულა, ცხ.ღია, არც ეგრე ად-  
ვიღია. უმრავლესობა კი ისევ ძველებურად სწირავს.

გაფრინდა ის მხიარულების ჩიტი, ის აღია წავიდა და მის ნაცვლად სხვამ აღია მოვიდა და თავის ფლავიც და მისი დარდიც თან მოიტანა. **ღა** ეს აღიაც დროა და მისი დარდ-ნალველიც ჩვენი ცხოვრების ახალი ხანა და მისი საჭირ-ბოროტო სიღუბეჭირე...

მაგრამ... ჰე! ჰმარა!.. **ღარდიც** გვეყოფა და ნალველიც, მხოლოდ ჩვენ ისევ ჩვენს საგანს დავუბრუნდეთ, ძველი ჩვეულება ქალღმერთზე გადმოვიტანოთ და ძველი დროის მოსაგონად ის მისი კულტურის ნაშთი და დავტოვოთ.

**ლიტანიის** შემოვლა ასე იციან. **ცისკარზე** (უწინ ნაცისკრებს) ღვდელი გარდამოხსნას აასვენებს. ხალხიც თავის ხატს ეცემა (ხატებიც ყველას დაჩემებული ჰყავს, იმ ხატს მის მეტი ვერაფერს გამოასვენებს) <sup>3)</sup>. ხატებს გულზე მიისვენებენ, მღვდელი წინ წაუძღვება და ლიტანიის შემოსარონებლად გამოასვენებენ ხატებს კარში. **შველა** კარში გადის. **საყდარი** ცარიელდება; **შიგ** არაფერს რჩება გარდა ერთისა, რომ დადგეს, ვინ დააყენებს: გარს შემოვლა ქირის მოკმას ნიშნავს და ახლა მას ქირს ვინ მოსკამს!?

**ლიტანიას** სამჯერ შემოუვლიან. სამჯერვე მღვდელი დასავლეთით თუ აღმოსავლეთით შედგება, პირს ზევითკენ იზამს, **„ძრისტე აღსდგა“**-ს იტყვის, ხალხიც—**„ჰეშმარიტად“**-ს შესძახებს, წალბა შემოტრიალდებიან და გზას განაგრძობენ. მესამე შემოვლაზე-კი ყველა ქვას იმზადებს ხელოში და დასავლეთით რომ შემოტრიალდებიან, **ჩოლაბურისკენ** <sup>4)</sup> იზამენ პირს და **„ქვა ურიას! ქვა ურიას“**-ო!—დაუშენენ წყალში.

<sup>3)</sup> უწინ **„ჭვარცხასაც“** გამოასვენებდნენ ხალხში. იმაზე მამა ჩემი იყო ნიჩნელი, მის მეტი მას ვერაფერს მოჭვიდებდა ხელს. ღვდეს ამ ხატს ადგილიდან ადარ სთრავენ. სხვებს-კი ძველებურადვე ყველას.

<sup>4)</sup> **ჩოლაბური**—მდინარეა, რომელიც **„ჭვარცხას“** (ჭვალტყე-შია) მარჯვნივ, ანუ დასავლეთით ჩამოედის. სხვაგან წყალი, ე. ი.

ქვას. მით ურიები დაქოლეს ვითომ რაღა!.. დაჰგმეს იგინი (ურიები), მათგან ჰრისტეს ჯვარცმისთვის.. ღა ხმაურობით მოადგებიან საყდრის კარებს. პარებიც დაკეტილია, ვითომ ჯოჯოხეთის კარებია. აქაც „აღსდევინ ღმერთი“-ს შემდეგ კარები იგრიანებს, შეამტვრიეს ვითამ „ბჭენი ჯოჯოხეთი-სანი“ და გამარჯვებულები ამდენი ხალხი შეხრიალდებიან შიგ... შემწკრივდებიან თუ შეიბოჭებიან წინ მღვდელი და უკან ხატიანები თუ მებატენი. მღვდელი გარდამოხსნას საკურთხეველზედ დაასვენებს, მებატენი (ხატების წამსვენებლები) ჩამომწკრივდებიან სახატეს წინ. ხალხიც მიდის თითოეულად მათთან, „ჰრისტე აღსდა“-ს ეუბნება, იგიც „ჭეშმარიტად“-ს ეტყვის, ხატს ემთხვევა (თუ ამთხვევიებს) და გამობრუნდება. შველა სათითაოდ მივა ყველასთან, ყველა ემთხვევა ხატს ქალიან-კაციანად.

მერე თავათ ჩამოუვლიან ერთი-მეორეს ხატიანა, ცალხელით ხატი უჭირავთ, ცალით პირჯვარს იწერენ, ჯერ ერთი-მეორეს ამთხვევინებენ ხატზე, მერე თავად ემთხვევიან და ხატებს თავ-თავის ადგილას დაასვენებენ.—„აღსდევინ ღმერთი და განიბნინენ ყოველნი მტერნი მისნი!“—შემოსძახებს მღვდელი,—„ჰრისტე აღსდგა!“—„ჭეშმარიტად აღსდგა!“—იღრიალებს ხალხი.—„ჰრისტე აღსდგა!“ (მკვდრეთით და სხვანი)—„ცხოოოო“—მიაყოლებენ მგალობლები — „ცხოვრების მიმნიჭებელ“-ს და დაიწყება წირვა.

წირვაზე რომ მივლენ, პირჯვარს დაიწერენ, რასაკვირველია, ღმერთს შეევედრებიან წმიდის გულით ან არა-წმიდით, სანთელს იყიდნიან, ზოგს თან მოაქვს სახლიდგან (ნაგულებიცა აქვს სახლიდგან წამოღებული) \*) თაფლის სანთელი,

მდინარე რომ არ ემხრობათ „ქვა ურია!“-საც ადღვამას სად დაუშენს!

\*) ჩვენში ნაგულები არ დააქვთ ეკლესიაში.

თავის ხელით <sup>5)</sup> ჩამოქნილი. ღა, რასაკვირველია, რაც უნდა იყოს, საყვარელი ხელით ნახელავი, ნამზადი ცოცხალსაც იამება და მკვდარსაც უფრო გაეხარდება?! და ესენიც ნაყიდს ყოველთვის შინ ნაკეთებს ამჯობინებენ. მივლენ მიცვალებულთა საფლავთან და, ვინც უყვართ, თუ ყველას არა, მის საფლავზე თავით ჩაასობენ ანთებულს სანთელს მიწაში. რასაკვირველია, მკვდარიც ყველას ჰყავს და მათ საფლავზე ანთებული სანთლებით მთელი გაღავანი გაჩირალდნებულია, აბრდლიალებულია იქაურობა <sup>6)</sup> და ნამეტურ მაშინ, როცა ლიტანიას უვლიან. შველას ხელში ანთებული სანთელი უკავია და ისე უვლიან ლიტანიას... მადლია რამდენჯერმე რომ მოაყურებიებ ერთსა და იმავე სანთელს აღდგომის წირვას, რაც დიდ ხანს გაგატანს, მით უკეთესია, თუ ეს სანთელი ჯვარის წერისაც იქმნებაო, მადლია, თუ არაფერი გეტკინებაო...—არ ვიცი კარგად.

ნაწირებს, გამოვლენ თუ არა... მანამდიც, შიგნი-თაც,—ვინ ვისაც მოასწრებს,—ერთი-მეორეს „აღდგომას“ მიულოცვენ. „ძრისტე აღსდგა“-ს ეტყვის და კვერცხს უმკვლევს... ქვერცხიც შეღებილია ხომ იცით... ისიც „ქეშმარიტად“-ო, ეტყვის და სამაგიეროს მიუმკვლევს, ხელში კვერცხს ინაცვლებენ თუ ცვლიან და ერთი-მეორეს ტუჩზე კოცნიან. **მკვლეწა** (კვერცხის) ეს გახლავთ. ჭოცნაზე უარი ამ დღეს არ შეიძლება; ვინც უნდა იყოს, ყველას უნდა აკოცონ, რასაკვირველია, კაცმა კაცს და ქალებმა ხომ უმისოდაც კოცნა იციან,—არი მათი სალამი. შალი და კაცი, მახლობლები, რასაკვირველია, ნათესაეები თუ აკოცებენ, თორემ უნათესავო ქალისგან კაცის დაკოცნა აქ საძრახისად მიაჩნიათ, რაც გინდ იგინი სულიერად დაახლოვებულნი იყვნენ. უცხო ქა-

<sup>5)</sup> სანთლის ქალები არიან.

<sup>6)</sup> „...წვერიც აბრდლიალებულით“—გამოცანაზე აქედან არის წარმომდგარი.



ლი და კაცი, ე. ი. გარემენი, მხარზე ჰკოცნიან, ეს თავაზიც არი და პატივიც,—ასეა ზრდილობა მათი: მოსარიდალ ადამიანს ყოველთვის მხარზე ჰკოცნიან, თავისიანსაც-კი.

ნაწირვებს, პირველად... არა—„ქრისტე აღსდგა“-ს რომ ეტყვის ბოლოს ღვდელი ერს, მიულოცავს დღესასწაულს, აი მაშინ გამოვლენ და მიცვალებულს კვერცხს მიუმკვლევენ, —„ქრისტე აღსდგა“-ო, ეტყვიან, მასთან ზოგი მიწასაც ჰკოცნის მის საფლავზე, მის ნაცვლად და კვერცხს მიწაზე აყენებს. ბავშვები ხომ მიგეზებული არიან ზედ. ლადებას კიაცლიან და... აალალებენ ხელად... ერთი მეორეს აწყდებიან; გულ-ბუგი აღარ უვარგათ მიწაზე ხოხიალით.

ღვდელს ვინც უმკვლევს, კვერცხს უკან აღარ წაიღებენ, არც უცვლიან მას მღვდელს,—არ ვარგა—თავი გეტკინებაო. იმასაც ოლარი აქვს ამოწეული და საყდრის კარებში ჩამდგარი ერს სამკვლევად იწვევს, ნამკვლევ კვერცხებს-კი იმ ოლარში აგროვებს.

ბჭრ. მერკვილაძე.

(დასასრული იქნება).

# ხალხური იბამ-არაკები და ლექსები.

## ხოსრუანთ ქვრივი.

(ივანე ზოგნიძის ნათქვამი ს. ხელთუბანში)

მკა იყო გახურებული: ხოსრუანთ ქვრივს ნათლიამ შესძახა კარებიდან:

— ნათლიდედ! ბატონიანთ ხოდაბუნში ქვეყნის თავთავი ყრია, წაიდე ფოცხი, წადი, მოფოცხე, წვრილ-შვილი ხარ, გამოგადგებაო.

— უი, შენ გენაცვალე, ნათლი, ამ სიცხეში როგორ წავიდე, ხომ მოვკვდიო.

ბავიდა ზაფხული, შემოდგომაც და ზამთარიც ჩამოწვა. ხოსრუანთ ქვრივს დაფქულიც გამოვლია და დასაფქვევიც. ისეთია, ბაღლები სულ შესჩხავიან. მაშინ წავიდა ხოსრუანთ ქვრივი და ნათლიას გადასძახა:

— ნათლი! სადა ყრია ის თავთავი, უნდა წავიდე, მოფოცხოვო.

— ეხლა აღარა ყრია, ნათლი დედო, — გამოსძახა ნათლიამ: — როცა ეყარა, ის დრო წავიდაო!

თ. რაზიკაშვილი.

## ლ ე ქ ს ე ბ ი.

მათუსალას მეძახოდნენ,  
წვერი მქონდა, განა ხისა.  
ქრისტეს მოსვლის უწინარეს  
ვიყავ ცხრაას სამის წლისა,  
ნოეს დროში ხურო ვიყავ,  
მკეთებელი კიდობნისა;  
სოდომს ცეცხლი მოეკიდა,  
დამსწრობი ვარ იმ დილისა,  
ენუქისა და ილიას  
მარწებელი ვარ აკვნისა,  
გორგალ ხელმწიფის დროშია  
მზვარეული ხემწიფისა.

\* \* \*

ღაგლოცოთ პირმა ღვთისამა,  
ნაწილმა ბარძიმისამა,  
ქალაქ სიონმა საყდარმა  
გადმომცქერალმა ღვთისამა,  
აწყურში წმინდა გიორგიმ,  
ქვევით ალავერდისამა.

\* \* \*

რუსთ ხელმწიფე გადმობრძანდა  
ომი მოხდა ომარ ხნისა.  
ალექსანდრე ამოტირდა,  
თვალზედ ცრემლი ჩამოსდისა.  
რისთვის ავყევ თავბერასა,  
ეს საქმე სულ მისგნით მჭირსა,

არ ვიჯექი ქიზიყშია,  
ღვინით არ ვიბანდი პირსა.

ზ. ჩხიკვაძე.

---

ზ ა ფ რ ი ნ დ ა უ ლ ი .

(ლაზარე ბექაურის ნათქვამი)

ხმალს ჰფერავს გაფრინდაული,  
თორმეტი მოვკალ ამითა,  
დიდი აღვანის მინდორი  
ავავსე თათრის ძვალითა,  
მგელსა დასცვივდა კბილები,  
ტურას ლოყები ჭამითა.

---

ჯ ი ხ ვ ი .

(შისივე)

ჯიხვის ნავალი კლდეები,  
რომ ჰნახო გაგიკვირდება;  
იმათ ნადგომსა, ნაწოლსა  
თოვლი არ მოეკიდება.  
ფეხთ რომ წაუსხლტეს ტიალსა  
შიპზედ რქით დაეკიდება,  
იმათ ამყოლსა ვაჟკაცსა  
რა კარგი წაეკიდება?

პ. სენიაშვილი.

ს. რუისპირი.

ნეტავი იმის დედასა  
ვისაცა ჰყავს კარგი ცოლი,  
დადის და ქვიფს ეწევა,  
ვერა სჯობნის თავის ტოლი.

\* \* \*

ზოგიერთსა დედაკაცსა  
კიდევცა სჯობს ნეზვი \*) ლორი,  
წავა და ჩეჩქში \*\*) ჩაწვება,  
როგორც მენახშირის ცოლი.

დ. გაბრუაშვილი.

### გიორგი ბელანაშვილი.

(ნათქვამი გრიგოლ ხანიაშვილისგან ს. ანაკაში).

ბელანაშვილი გიორგი \*\*\*)  
სარდალი მწყემსებისაო,  
აგრე არიგებს მელორებს,  
როგორც რომ მამა შეილსაო.  
არაგეში ლორი დაიძრა,  
საითა შერება პირსაო,  
მანგლისში ლორი ჩავიდა,  
დიდ-გორს მიუდგა ძირსაო.

შუალამე რო შეიქმნა,  
ელვა რომ იქმნა ცისაო,  
თავს ლეკები წამოგვადგნენ,  
პირ-იქით დალისტნისაო.

\*) დედალი.

\*\*) სიმინდის ტაროს ნაჩხომი.

\*\*\*) არაგველი ყოფილა.

ჩვენი პატარა გიგიტა  
 ლექს მოუგდია ძირსაო;  
 გული-პირს ხანჯალს აჭირებს,  
 შაშვივით აღებს პირსაო...

— „მიშველე, ძმაო გიორგი,  
 თქვენი ვარ, განა სხვისაო?..  
 მაშინ დაბრუნდა გიორგი,  
 როგორც ბორბალი წყლისაო,  
 კაფა და კაფა ლექები  
 პირიქით დაღესტნისაო,  
 იგრრე აკაფა ლექები,  
 როგორც ტოტები ხისაო...“

რომანოზ ახმეტელაშვილი.

ძაია კარგად ყოფნაო,  
 კარგი ხარი და ძროხაო,  
 დასახურავი ნაბადი,  
 ახალოხი და ჩოხაო.

\* \* \*

აზნაურობა მიყვარდა,  
 გვერდზედ დახურვა ქუდისა,  
 გავლა-გამოვლა ბაზარში  
 გადაკიდება ჩხუბისა.

\* \* \*

პატარძალმა აიყინა:  
 არ დავდგები მე თქვენსაო,  
 კვირეს წავალ, შინ ზეგ მივალ,  
 ვეტყვი დედა-ჩემს ლექსსაო:  
 საღეჩაქე, სალბანდო,  
 დედა, რისთვის დამბადო,

თუმც დამბადე, გამზარდეო,  
რისთვის დამწვი, დამდაგეო!..

ზ. არჯვეანიძე.

ს. შახანი.

ამპარტავენება კულია,  
წააგავს სულელობასა,  
თავი დაიგმე, ის გიჯობს  
ერთგულ მოყვასის ძმობასა.

\* \* \*

ვინც ორ სიტყვას რიგზე ვერ სწერს,  
ისა ხალხის ჭირი არის,  
და ვინც წერა სულ არ იცის,  
ის-კი სწორედ ვირი არის.

ბ. ბეგლარიძე.

### ლიახვი.

ლიახვი აღიდებულა, თან მოაქვს არე-მარეო,  
გორელებს ჩამოუარა, ჩამოაცალა მხარეო,  
ბევრსა ეწვია სახლებში, მწარ აუტირა დედაო,  
ბევრსა მოსტაცა აკვანი, აგორა ზედი-ზედაო.

\* \* \*

მრთსა კაცსა ცოლი, შვილი  
ზურგს აეკრა, აეკიდა,  
უკანიდან მტერი მისდევს,  
წინ მოყვარე წაეკიდა,  
საქმე კარგა ვერ მოუღის,  
ფეხიც ველარ მოიკიდა.

ადგა და შინ გამობრუნდა,  
გულზე ცეცხლი მოეკიდა...

ლ. მაისურაძე.

### სოლომონ მეზის ლექსი.

(ნათქვამი საღიმიტრაოში, ქუთ. მაზრ., გლეხის  
ჯაშია ლალუაშვილისაგან)

სოლომონმა სთქვა, ჩვენმა მეფემ,  
რა ღმერთმა გამაჩინაო,  
მომცა კლავში ღმერთმა ძალო,  
მაცოცხლა და მარჩინაო.  
ოქროს გვირგვინოსანი ვარ,  
არც ვარ ხელმწიფე მცირეო,  
შე, როსტომო, ერისთავო,  
რა საქმე გამიჭირვეო,  
მე ბატონი და შენ ყმადი,  
ღმერთმანი მოგიომინეო,  
ჩამაგდე აჯამეთურში,  
ფშალევი მაკრეფინეო,  
ამისი ავი კაცი ვარ,  
ქვრივი ვახარე, ობოლი,  
ბრმას ზვალი აუხილეო,  
წყერი ვამრავლე-ვაშენე,  
ჩეროს ქვეშ მივაძინეო,  
სადაც ავი კაცი ვნახე,  
გზა შარას ამოვიკირეო,  
სამი წლის ხმელი მამალი  
ხეს შევსხი-შევაყივლეო,  
სხვის თვალში ბეწვსა ეძებდი,  
შენ თვალში გედვა ღირეო,



შე რომ მახესა მიგებდი,  
უმალ მე დაგიჭირეო...

დ. ფოცხვერაშვილი.

ნათქვამია ბრძენისაგან,  
კაცმა ჭირი დამალაო,  
ჭირმა თავი არ დამალა  
და მით გამოაშკარაო.

ი. ისაკაძე.

### ცეცხლო, მელოდე.

ცეცხლო, ელოდე, მელოდე,  
მე მელოდე, მზეს ელოდე,  
თვარეს ეთაყვანებოდე...  
ხვალე აღრე მოგიკითხავ,  
აქანვი დამხვდებოდე...

### პ ა ტ ა რ ძ ა ლ ი.

პატარძალი მევიყვანე,  
იგიც კაი ფეხისაო,  
დაჯდება და კაბას ჰკერავს,  
უტინტილებს ენასაო,  
თუ როდისმე მკადს ჩააცნობს,  
წაგვამწარებს ყველასაო.

\*  
\*  
\*

წმიდა თევდორე,  
ოსებს ებრძოლე,  
თვარ დაგიჯერონ,  
თოფი ესროლე.

ს. მათხოჯი.

ვ. ხუროძე.

## ღეჩხუმში გაგონილი.

ბაქო, გაქო! როგორ გაქო,  
 თეთრი ძუძუ-მკერდი გაქო,  
 გავლა-გამოვლა შეგშვენის,  
 ტუჩი მშვენიერი გაქო,  
 შენი მშვენიერი წარბი  
 ინით შეღებილი გაქო...  
 ია აყვავებული ხარ,  
 ფერს ვერ შეგიცვლის ზამთარი,  
 ახალი ვარდის კონა ხარ,  
 ჩინეთის ჩამონათალი.

ა. ხაბულიანი.

ჩისტვის დავალ ამ ქვეყნად,  
 თუ რომ არვის ვარგივარ,  
 ჩემგნით არვინ რას სწავლობს,  
 არც სხვისი გამგონე ვარ!

ასე ყრუ რატომ გაეჩნდი  
 ამ ცრუ წუთი-სოფელში,  
 კი სჯობდა გავმქრალიყავ  
 მშობელ დედის მუცელში.

თუ-კი არვის ვარგივარ,  
 სჯობს ჩავიჩეხო კლდეში,  
 რომ ამ ქვეყნის ღრუბელი  
 არ ვიხილო ჩემს დღეში...

ბ. თავახელი.

მთიულის ქალი შევირთე  
 ბრიყვი და გაუზრდელია.

ორი სარტყელი ვუყიდე,  
 მესამე ჭიაფერია;  
 სამივე ერთად შემოვარტყი,  
 კიდევ არ შემოსწვდენია.  
 დედ-მამა სულ დამიღაბა,  
 ახლა მე მომყო ხელია,  
 ცხრა ლიტრა ერბო შეჭამა,  
 ქილას მოუსო ხელია,  
 მეზობლებში დაიკვება—  
 წეწვანსაც მივყავ ხელია,  
 იმისგან შეშინებულსა  
 ჯერაც არა მდებს ფერია.

\*  
\* \* \*

შავჭავჭავაძემ დამბატიჯა,  
 ღვინო მასვა ტკბილიო,  
 იქიდგან რომ წამოვედი,  
 მომერია ძილიო.

ერთი ჯაგი მომეწონა,  
 შიგ წავყავი ცხვირიო,  
 ერთ მელორეს ჩამოველო,  
 მოეპარა სტვირიო.

ჩემი სტვირის მომპარავსა,  
 დაუსივდეს ცხვირიო,  
 იმისი ცოლი მენახოს  
 დღეისწორამდინ ქვრივიო.

ჩემი ძმისთვის მომეყვანოს,  
 გამეწიოს ლხინიო,  
 მზითვეშიაც მოჰყოლოდეს  
 ჩემი ჭრელი სტვირიო.

ზ. ჩხიკვაძე.

# ზიზლიოზრასია.

ქართული კარაბადინი,

თარგმანი მეფე დაუთხანასა.

13-ს იენისს, 1901 წ. ზორის მაზრის სოფელ მეტეხში ვნახეთ დიდი ხელ-ნაწერი წიგნი—ქართული კარაბადინი, ოს-მალურიდამ ისტამბოლს გადმოთარგმნილი საქართველოს მეფის დაუთხანის-მიერ (1569—1578). ზეგონია ეს პირველი ცნობაა მეფის დაუთხანის მწერლობისა და ამიტომ მოგვეყავს აქ დასაწყისი იმ წიგნის შესავლისა.

„ნებითა და ბრძანებითა ღვთისათა ქორონიკონსა **უკვ** \*) ჩვენ მეფეთ-მეფისა ბატონისა ლუარსაბის ქე საწყალი დაუთხან ჩვენსა საქმეზედა ისტამბულს სულთან მურად ხელმწიფესთან მოვედით სასაქმოდ და აქა ისტამბულს ორსა წელიწადსა ვიყავით და ერთსა დღესა ერთსა ბედნიერსა ფილოსოფოსსა კაცსა შემოვეყარენით და თავის სახელწიგან მიმიყვანა და მრავალ სააქიმო და სამეცნიერო წიგნები ჰქონდა და გვიჩვენა და რა სრული ისი წიგნები ვნახეთ და გავსინჯეთ მწვედ მოგვინდა და მოგვეწონა და წინასაკაცთა მცნებასა და მცოდინარო-

---

\*)  $486 + 1312 = 1798$  წ. მოყვანილი ქორონიკონი ჩვენ მეტყდარად მიგვაჩნია, რადგანაც დაუთხანი ცხოვრებდა მე-XVI საუკუნას მეორე ნახევარში და არა მე-XVIII-ში. აქ ან შეცდომას (უ-ს მაგივრად უნდა ს. იეს), ან გადაშვებს თავისი დროის ქორონიკონი დაუსვამს, მიუხედავად აზრისა.

ბასა გავკვირდით, თუ ამმა ყველასა სენსა, ჭირსა და სატკივარსა ან როგორ მიხედეს და ან გული როგორ გაავლეს და ან ამდენსა სენსა და ჭირსა თავ-თავისი წამლები როგორ უყვეს. აწე ესე ჩვენცა ვიცოდით, რამდენს საქრისტიანოშიგა ამისთანა და ამგვარი წიგნი საექიმო არ იყო... ღა ამიტომ გარდმოვიღე და გადმოვთარგმნეო...

„აწ, ვისაცა ამა წიგნითა და ამ წამლებითა უაქიმოთ და ძალითა შეწვევნითა ღვთისათა ამ წამლებისა მიზეზითა იგი კაცი მორჩეს და ელხინოს, მე ცოდვილსა და უღირსს დაუთხანს ნუ დაგვეფიწყებთ, ვინცა შენდობა გვიბრძანოთ, ღმერთმან თქვენცა შეგინდოსთ თქვენი ცოდვანი და უხანოსა სოფელსაცა უჭირველად გამყოფოს და გადღეგრძელოს და შეგარგოს, თქვენზედა აღნად ქნას სარჯელნი და ჭირნი ნახულნი ჩემნი. აწი ესე წიგნი სამად გავყავით და სამ წილად ვქენით და გავაჩინეთ: პირველი კარი ორი ბაბი არის; ესე პირველი კარი სააქიმოსა საქმეებსა გამცნებს და გიამბობს; მეორე კარი საქმეებსა, მაჯნებსა და შარბათებსა გამცნებსთ და გიამბობსთ; მესამე კარი და წილი ყოვლისფერისა სენებისა და სატკივრისა მიზეზებსა, ნიშნებსა და წამლებსა გამცნებს და გიამბობსთ“...

ეს წიგნი ღღეს ეკუთვნის სოფ. მეტეხში მცხოვრებს თავად ბრიგოლ ილიას ძეს მალალაშვილს, შეიცავს 500 გვერდზე მეტს და დაწერილია ქალაქის დიდის ზომის თაბახებზე მხედრულის კარგის რგვალის ხელით.

Histoire de Géorgie ზარია, 1900 წ., შედგენილი ბ-ნ ალ. ხახანაშვილის მიერ და ფრანგულათ გადათარგმნილი და გამოცემული რათ. ისარლოვისაგან.

წიგნში აღწერილია საქართველოს ისტორია წინა დროებიდან დაწყებული ვიდრე რუსეთთან დაკავშირებამდე. განსაკუთრებით კი მშვენივრად არის აღწერილი ქართველთა ერის სხვა-და-სხვა დროის აყვავებული მდგომარეობა.

წიგნი დაბეჭდილია პარიზში, სუფთად, ლამაზად, პარიზულად და მოთავსებულია სურათები: წმ. ნინო, ღვით აღმაშენებელი, თამარ მეფე, მრეკლე II-ე, ტახტის მემკვიდრე ღვით, შოთა რუსთაველი, საბა ორბელიანი, ანტონ ქათალიკოზი, გრ. თრბელიანი, ბაბრიელ ეპისკოპოზი, გ. მრისთავი, ღ. შიფიანი, მამია ბურიელი, ილ. ჭავჭავაძე, აკაკი, ნ. ნიკოლაძე, ღ. ჩუბინაშვილი, ღ. ბაქრაძე, ეკატერინე ბაბაშვილი, ღარიალის ხეობა, საზღვარი საქართველოსი, მცხეთა, ტფილისი, ბელათი და ქართული ჩუქურთმები.

წიგნი დაიბეჭდა პარიზის გამოფენისათვის. განძრახვამ თავისს მიზანს მიაღწია; იგი დიდის სიამოვნებით იქმნა ევროპაში მიღებული, ძლიერ ბევრმა უმაღლესმა პირებმა და ნასწავლმა კაცებმა წაიკითხეს იგი და საქართველოც გაიცნეს საკმარისად. ბამომცემელმა 800 ცალი ევროპის სახელმწიფოებში უფასოდ დაარიგა. წიგნი ყველას დიდის სიამოვნებით მიუღია, ყველას დიდის სიამოვნებით წაუკითხავს, რის ნიშნადაც გამომცემელს 150-დე მადლობის წერილი მოუვიდა. მათში ბევრი მეტად უმაღლეს პირებს ეკუთვნის, მაგალითებრ: საფრანგეთის პრეზიდენტს, იტალიის, ბერმანიის, ავსტრიის და ინგლისის სამხედრო უმაღლეს პირებს და ბევრიც კიდევ სხვა-და-სხვა მსწავლულებს და მწერლებს. ჭეჭლა მადლობას უთვლის და სწერენ: „წაიკითხეთ და კიდევაც წაიკითხავთ ამ მშვენიერ ქვეყნის აღწერასა“.

რედუქციამ მიიღო წიგნები:

ნაზი აზრი და შიშრები, სილოვანისა, ქუთაისი; 1901

წ., ფ. 20 კ. ბამოცემა-სასურველ მოვლენად უნდა ჩაითვათ  
ლოს ჩვენს მწიგნობრობაში, რადგანაც მასში, როგორც  
თვით წიგნის სათაური ჰმოწმობს, მწერლის საკუთარი „მე“  
გამოსჭერეტს. რა ღირსებისანი არიან მწერლის ეს საკუთარი  
აზრი და ფიქრები, ჩვენ მის შესახებ აქ არას ვიტყვით, მათი  
დაფასება თვით მკითხველისთვის მიგვიწევია.

**კანდელი**, საყმაწვილო ლექსები და აკროსტიხები მ. ლევაშვი-  
ლისა, ფ. 5 კ.

პატარა, კარგის ლექსებით შემკული წიგნაკია. ღირს  
ერთი შაური. მოგვყავს, სანიმუშოთ ლექსი **სწავლა**:

სწავლა კარგია, პატარავ,  
ისწავლე შენის გულისა!  
სწავლაა დიდი იმედი,  
ნუგეში დაჩაგრულისა;  
სწავლა ცხოვრების ხილია,  
მომცემი სიხარულისა,  
სწავლაა დედა-ბოძია  
სამშობლოს სიყვარულისა...

**მარსკვლავები**, თხზულებანი ლ. მაისურაძისა. ფასი 10 კპ.

თუმცა წიგნს აწერია თხზულებანი ლაზარე მაისურაძისა,  
სა, შიგ უფრო მ. სვიმონიძის ლექსებია ბლომად. მს გვეო-  
ნია კორრექტურული შეცდომა უნდა იყოს. შთაფრესი სა-  
განი „ვარსკვლავები“-ს ავტორებისა ჩვენს ქვეყნის მოღვა-  
წეთა და ჟურნალ-გაზეთების შეძლებისა-და გვარად დახასია-  
თებაა. აქ თქვენ შეხვდებით შესხმათ: ზ. ჭიჭინაძეს, მედო-  
შვილს, ივანე ბოშორთელს, ნოე შორდანიას, ანტონ შურ-  
ცელაძეს, ივანე როსტომაშვილს, იაკობ ბოგებაშვილს, აკა-  
კი წერეთელს, ილია ჭავჭავაძეს, ჟურნალის „მოგზაურს“.

„კვალს“, „ივერია“-ს და სხვ. მოგვყავს ნიმუშათ რამდენიმე პუკარი გაზეთ „ივერია“-ს.

ძველი ჩენი „ივერია“

შრომა, ღვაწლით პირველია,  
ქეშმარიტათ სდგას თვისს აზრზე,  
ქრისტეს მცნების მწირველია.

მას ვერაფერს დაამარცხებს

გმირია და ძლიერია,  
ფესვები აქვს ღრმად გადგმული  
თუმც მოხუცი, ხნიერია.

მ. სიზონიძე.

ავტორები, ეტყობა, ბეჯითად თვალს ადევნებენ ჩვენს საზოგადო ცხოვრებას და მწერლობას, მაგრამ მათს შესხმებში ჩვენ მხოლოდ ხოტბანი შევნიშნეთ, ნაკლი-კი ვისიმე ანუ რისამე არც ერთი!.. მართი წუნიც აქვს გამოცემას: აკლია მცოდნე კორრექტორის ხელი...



## მოკლე ისტორია სომხეთისა.

(სენ-მარტენისა, თარგმნილი ფრანგულადგან \*).

სომხეთს აზიის რევოლიუციებზე თვალ-საჩანო გავლენა არასოდეს არა ჰქონია. თითქმის ყოველთვის მეორე ხარისხოვანი სამეფოა, სომხეთი, ძალაუნებური მონაწილეა იმ დიდის სახელმწიფოების ისტორიულის ბედისა და უბედობისა, რომელნიც ერთი მეორის შემდეგ ჰყვოდნენ აზიაში, ხმელეთის უმშვენიერეს ნაწილში. სომხეთის დიდებული მეფეები, ჩინებული სარდლები და ნიჭიერი მწერლები გარეშე სამშობლო ქვეყნისა თითქმის ყველასთვის უცნობი არიან. ძაცობრიობა საზოგადოთ იხიბლება დიდებული სახელებით. მხოლოდ სპარსეთი, არაბეთი და ინდოეთია ის ნაწილები აზიისა, რომლებმაც დიდად მიიპყრეს ჩვენი ყურადღება. საკმაოა ხსენება ამ ქვეყნების სახელებისა, რომ თვალ-წინ წარმოგვიდგეს მათი დიდებული ისტორიული წარსული: ძველის-ძველი განათლება, იქაური სახელმწიფოების დიდება და ძლიერება, გასაოცარი რევოლიუციები, სჯულის-მდებლები, დიდებული მწერლები, დახლოვნებული ნაზირ-ვეზირნი (მინისტრები), სახელ-განთქმული სარდლები და მეფეები, იქაური ხალხების განსაკუთრებული ხასიათი, სარწმუნოება და

---

\*) სენ-მარტენის შრომათა შესახებ ისტორიკოსი ბაქრაძე, თავის საქართველონ ისტორიაში (გვ. 126, მენ. 6) ამბობს შემდეგნაირად: S-Martin, Mémoires historiques et géographiques sur l'Arménie Lebeau, Histoire du clu Bas-Empire. ორივე ეს ობზულება, რომელსაც მკითხველი ხშირად შეჭხვდება ჩვენს წიგნში, იმ გვარია, რომ საქართველო-სომხეთის ისტორიის გამოძიებელს საიუკუფლიანად უნდა ჰქონდეს შესწავლილი... სენ-მარ-

დაწესებულებანი, იქაური ქალაქების დიდებული ნაშთები და ძეგლები, მოწმენი მათის უძველესის ბრწყინვალეებისა. მრთის სიტყვით, აქ ყველაფერი იძულებულ გვხდის განსაკუთრებული ყურადღება მივაქციოთ ამ ქვეყნებს. სომხეთი კი ყოველ ამ გვარ უპირატესობას მოკლებულია. როგორც ქვეყანა, მოთავსებული დიდ სახელმწიფოთა შორის, თითქმის გამოკწყლებილი მათ შორის, როგორც საბრძანებელი სუსტი მეფეებისა და განადგურებული შინაური ომებითა, მუდმივი მსხვერპლი უცხოელების მახვილისა, სომხეთი მარად დაწვეწილი და დანაწილებული იყო და მასთანვე დამონებული. სწორედ, ამ გვარი სამწუხარო პოლიტიკური მდგომარეობაა მიზეზი, რომ სომხეთის მატიანენი და სომეხთ მწერალთ თხზულებანი, მიუხედავად იმ დიდის სარგებლობისა, რომელიც შეეძლოთ მათ მოეტანათ მსოფლიო ისტორიისათვის, ძლიერ ნაკლებად იყვნენ ცნობილნი უცხოელებისგან. ბანა წარმოსმდგენია, რომ ძლევა-მოსილი და ამაყი დამპყრობელნი იმდენად დაიმცირებდნენ თავს, რომ შეუდგებოდნენ საცოდავი დამონებული ხალხის ნაწერების კითხვას, იმ ერის მატიანების კვლევა-ძიებას, რომელსაც თითქმის თავის დღეში თვით-მყოფელობა არ ჰღირსებია და რომელმაც, სხვას რომ

ტენი იყო გამოჩენილი ორიენტალისტი და ჰარიუსის ასიურის საზოგადოების დამფუძნებელთაგანი. 1828 წ. სენ-მარტენმა ზირკელმა მაქცია უურადღება ამ საზოგადოებისა საქართველოს მწერლობაზე. ამანვე დააყენა ბრძანება ჩვენის ისტორიის შესწავლის გზაზე. იმის Mémoires, რომელიც გამოიცა ორ ტომად 1818 და 1819 წ. შეიცავს საქართველოზე და სომხეთზე ძვირფასეს ისტორიულ-გეოგრაფიულ წყაროებს: ბერძნულს, ლათინურს, ბიზანტიურს, არაბულს და სომხურს, რომელიც მან საიუქვლიანად იცოდა და თვით მრავალს ქართულსაც. საუბედუროდ ეს Mémoires იშვიათადაა საშოვნეულად.

ეს არის მიზეზი, რომ ჩვენ დიდის სიახლოვებით ადვილს ვაძლევთ „მოგზაურში“ ბ. ნ. მ. ჩოგვაძის თარგმანს. რედ.

თავი დავანებოთ, ისიც კი ვერ შესძლო, რომ ბრძოლის ველზე მტერთან შეტაკებაში თავი გამოეჩინა.

მართალია, სომხეთის ისტორია არ არის იმდენად საინტერესო და საგულისხმიერო, რამდენადაც ისტორია აღმოსავლეთის სხვა ქვეყნებისა, მაგრამ, მიუხედავად ამისა, მიუცილებლად საჭიროა მისი შესწავლა, რადგან ის შეავსებს თვალსაჩინო ნაკლს აზიის ზოგადი ისტორიისას. მხოლოდ მაშინ გვექნება სრული წარმოდგენა იმ ხალხებისა, რომელთაც განაწილებული ჰქონდათ ეს ვრცელი კუთხე ხმელეთისა. სომხეთის მეფეებს და დადებულებს ჰქონდათ ხშირი პოლიტიკური ურთიერთობა უცხოელებთან. სომხეთი იყო თითქმის მუდმივი ასპარეზი აზიის განუწყვეტელი ომებისა: აქ სომხები ხან თავგანწირულად იცავდნენ თვით-არსებობას სპარს-ბერძენ-არაბთაგან და მრავალ სხვებისგან; ხან-კი გულხელ-დაკრეფილი შესცქეროდნენ უცხოელთა სასტიკ ომებს და შეჯახებას იმისთვის, თუ ვის ებატონა აზიაში. შველა ეს გარემოება გვაძლევს საკმარისს საბუთს, რომ სომხეთის ისტორია მიუცილებლად შევისწავლოთ და ამით ნათელი მოვფინოთ იმ ურიცხვ კითხვებს აზიის ისტორიაში, რომელნიც უამისოდ მუდამ მოცულნი იქნებიან თითქმის განურკვეველის სიბნელითა.

მ. ჩოგოვაძე.

(შემდეგი იქნება\*)

...)

---

\*) სტამბის დაკეცის გამო, სადაც „მოგზაური“ იბეჭდებოდა, „სომხეთის ისტორია“ ამ ჟამად იმდენი ვერ იბეჭდება, რამდენიც უნდა დაბეჭდილიყო, დანაკლისს მისსა და საქართველოს ისტორიისას შემდეგს ნომრებში შევავსებთ. რედ.

19. ორი ლექსი მეფე ირაკლიზე, ზ. ახოსპირელისა და ლ. მაისურაძისა. . . . . 698.
20. სულების მოხსენება სვანეთში, დ. ანტონიძისა 699.
21. აღდგომა სოფელში, აფრ. მერკვილაძისა . 703.
22. ხალხური იგავ-არაკები და ლექსები . . . 711.
23. ბიბლიოგრაფია: ძველი კარაბადინი მეფე დაუთხანისა; საქართველოს ისტორია, ა. ხახანაშვილისა ფრანგულ ენაზე; ჩემი აზრი და ფიქრები, სილოვანისა; კანდელი, ლელაშვილისა; ვარსკვლავები, ლ. მაისურაძისა. . . . . 721.
24. ისტორია სომხეთისა, სენ-მარტენისა, ფრანგულიდამთარგმანი მ. ჩოგოვაძისა . . . . . 726.



რ ე დ ა ქ ც ი ი ს ა გ ა ნ :

მანამდობისთვის და ენკენისთვის ნომრები (№№ 8 და 9) „მოგზაური“-სა გამოვა ერთად ენკენისთვის ხუთმეტამდის.



Краткое объясненіе рисунковъ и древнихъ надписей,  
др. болѣе важныхъ статей №№ 6 и 7 грузинскаго жур-  
нала „МОГЗАУРИ“

	стр.
1. Портретъ епископа Леонида	523.
2. Молодость царя Ираклія II-го	525.
3. Историческіе афоризмы, Б. Е.	528.
4. Нино-цминдскій храмъ съ рисунк.	529.
5. Вардзійскій монастырь въ Ах. уѣз.	533.
6. Эльбрусъ, съ рис. Т. Палавандовой	537.
7. Амиранъ, легенда, М. Гобечія	545.
8. Ист.-географ. опис. Эретиц, Джанашвили	552.
9. Гурія, К. Гварамадзе	565.
10. Борчал. уѣздъ. Б	575.
11. Св. просвѣтъ Нина	580.
12. Давидъ Возобновитель, Ласуридзе	594.
13. Русуданъ. ист. драма, въ 5-ти дѣйств.	606.
14. Янычаръ. ист. драма, въ 5-ти дѣйствіе Д. Нахуцишвили	619.
15. Антоній I, Каталикось, О. Жорданія перев. съ рус. К. Антадзе	655.
16. Краткій обзоръ дѣятельн. преосвящ. Леонида.	669.
17. К. Я. Зубаловъ и исторія его рода, З. Ч.	682.
18. Легенда о царѣ Иракліѣ, В. Кипіани	697.
19. Стихи о ц. Иракліѣ, Б. Ахоспирель и Л. Майсурадзе	698.
20. Поминка душъ покойниковъ въ Сванетіи, Д. Антонидзе	699.
21. Пасха въ Имеретіи, А. Мерквиладзе	703.
22. Народныя басни и стихи	711.
23. Библиографія	721.
24. Исторія Арменіи Сен-Мартена, пер. съ фр. М. Чоговадзе	726.